

1 октября

Всего

Получено от
Копеечников

84

У-88

1866.

923571500
V-86

ՊԱՏՄՈՒԹԻՒՆ

ՍՐԲՈՒՀԻՈՅՆ ԵՂԻՍԱԲԵԹԻ

ՀՈՒՆ ԳԱՐԱՅԻՈՅ

ԳԱՂՅԱՐԵՆԷ ԹԱՐԳՄԱՆԵՑ

ՏԻՐՈՒՀԻ ՕՐԻՈՐԴ ԵՍՂՂԸՔՅԵԱՆ



ՎԵՆԵՏԻԿ

Ի ՎԱՆՍ ՄԻԹԱՐԵԱՆՑ

1866

ՊՍ.ՏՄՈՒԹԻԻՆ

ՍՐԲՈՒՀԻՈՅՆ ԵՂԻՍԱԲԵԹԻ

ՀՈՒՆ Գ.Ս.ԲՍ.ՅԻՈՅ

84
Մ-88 պր.

30 APR 2006
19 NOV 2010

Պ Ա Տ Մ Ո Ւ Թ Ի Ի Ն

Ս Ր Բ Ո Ւ Հ Ի Ո Յ Ն Ե Ղ Ի Ս Ա Բ Ե Թ Ի

Հ Ո Ւ Ն Գ Ա Ր Ա Յ Ի Ո Յ

Գ Ա Ղ Ի Ա Ր Ե Ն Ե Թ Ա Ր Գ Մ Ա Ն Ե Ց

Տ Ի Բ Ո Ւ Հ Ի Ո Ւ Ր Դ Ե Ա Ղ Լ Բ Բ Է Ն Ա Ն

50821
1004

91



Վ Ե Ն Ե Տ Ի Կ

Ի Վ Ա Ն Ս Մ Ի Ի Թ Ա Ր Ե Ա Ն Ց

1866

0 4 . 07 . 2013

DEBS VOL 81

ref.

DEPARTMENT

OFFICE OF THE DIRECTOR

GENERAL INVESTIGATION

SECTION

REPORT



11803

REPORT

GENERAL INVESTIGATION

1981

REPORT

GENERAL INVESTIGATION



Յ Ա Ռ Ա Ջ Ա Բ Ա Ն

Փաղղիոյ արդի մատենագրաց մէջ նշանաւոր է Մոնթալամպէր կոմսը՝ իր բաղմաթիւ և ընտիր երկասիրութիւններովն :

Այս գրուածոց յարգն աւելցընողն ու բոլոր եւրոպական աղգաց սիրելի ընողը՝ ոչ միայն իր ուղիղ ու հաստատուն փիլիսոփայութիւնն ու լեզուին գեղեցկութիւնն է, այլ մանաւանդ ճշմարիտ քրիստոնէական հոգին և ընտիր բարոյականը :

Այս գովելի յատկութիւններն աւելի կերպով մը կ'երևնան սրբուհւոյն Եղիսաբեթի Հունգարաց թագուհւոյն վարուցը մէջ՝ որ Մոնթալամպէրի գլուխ գործոցը կը սեպուի :

Սրբոց վարրին մէջ Եղիսաբեթի պատմութեան նման սրտաշարժ կենսագրութիւն մը՝ քիչ կրնանք գտնել : Հունգարիոյ արքունեաց մէջ սնած ու մեծցած, ուրիշ արքունեաց ճոխութեան ու փառացը :

ու իր բարեպաշտ ամուսնոյն գորովալից խանդաղա-
տանացը մէջ՝ առժամանակ մը կը կարծէ գտնել իր
հանգիստը: Եւ սակայն անակնկալ դէպքով, Աս-
տուծոյ մասնաւոր տնտեսութեամբը՝ արհամարհա-
նօք կը մերժուի իւր իշխանական աթոռէն, կը զըր-
կուի փառքէն ու սիրելի զաւկըններէն, կ'իյնայ յե-
տին աղքատութեան ու տառապանաց մէջ:


Բայց ինչպէս փառացը՝ ասանկ ալ նեղութեանց
ատեն՝ միայն իր հոգւոյն փրկութիւնը փնտռող եր-
կրաւոր պանդուխտ մըն է սրբուհին Եղիսաբեթ. ուս-
տի մերթ զուարթադէմ՝ և երբեմն արհամարհանօք
իրենն նայող աշխարհիս վրայ՝ անտարբեր աչք մը կը
դարձընէ, վասն զի իւր բովանդակ միտքն ու սիրտը
Աստուծոյ հետ է. ու յաջողութեանց և վշտացը մէջ
հաւասար մեծարելով անոր երկրպագելի կամբը, ան-
անց ու յաւիտենական հանգիստ մը կը փնտռէ
երկնից փառացը մէջ:

Այսպիսի երկնից հաճոյական ու մարդկան
զարմանալի սրբուհւոյ մը վարուց պատմութիւնը՝
փափաքեցաւ ծանօթացընել ազգերնուս՝ մեծապա-
տիւ և բարեպաշտօն Եաղլըքճեան Պետրոս Լէֆէն-
տիի գուտորը՝ ազնուասուն Տիրուհի օրիորդը: Հայ-
կական լեզուի ուսմանց յարատե և անխոնջ հետա-
մուտ, անոր մէկ արդիւնքն ուղեց ընծայել ազգին
իւր այս թարգմանութեամբը, և իր ծախարովը տը-
պազրել:

Յօժարափոյթ կը հրատարակենք այս երկասի-
րութիւնը, ոչ միայն ազնիւ թարգմանչին փափա-
քանացն համեմատ՝ այսպիսի մեծանուն երկնաբա-
զաբացւոյ մը սրբութիւնն ու փառքը հոչակելու նը-
պատակաւ, այլ նաև իր ու իրենն ազնուափայլ Պեր-
դպատանին ծանօթ բարեպաշտութեանը նոր ապա-

ցոյց մը . խրախոյս մը՝ ազգին պատանեաց և օրիորդաց՝ երոսպական լեզուաց հետ նաև բուն մեր ազգային լեզուին և մատենագրութեանը հմտանալու . և մանաւանդ բարւոյ օրինակ մը անոնց ամենուն որ օտար լեզուաց ուսմանը մէջ՝ փոխանակ այսպիսի ընտիր և օգտակար երկասիրութեանց ընթերցմանը պարագելու , մնասակար ու հոգեկորոյս գրոց մէջ կը փնտռեն իրենց ու այլոց դատապարտութիւնը :

Տ Գ Ա Գ Բ Դ Կ



Ա.

Ծնունդ սրբուհւոյն Եղիսարեթի.

Երեքտասաներորդ դարուն սկիզբները՝ Գերմանիոյ վրայ տիրող իշխանաց մէջ՝ հռչակաւորագոյն սեպուած էր իր քաջութեամբն և համբաւով՝ Գուրինկիոյ և Հէսսի Լանտիրաւը Հերմանն: Արիութիւնն ու հանձարը՝ կարծես թէ ժառանգութիւն ստացած էր իր Լուդովիկոս հօրմէն, որ Երկաթ կը կոչուէր, և միջին դարու գլխաւոր իշխաններէն մէկը համարուած էր. մերձաւոր ազգական էր Փրեդերիկոս Շիկամբուա կայսեր, ու Պոհէմիոյ, Սաքսի, Պաւերայի և Աւստրիոյ այլ և այլ իշխանական տոհմերուն: Ասոնցմէ զատ՝ իր երկրին ընդարձակութիւնը, որ Լահն գետէն մինչև յԷլպա կը տարածուէր, քաղաքական մեծ ազդեցութիւն մը տուած էր իրեն. անանկ որ Գերմանիոյ այլ և

այլ վեհապետք՝ ոչ միայն զինքը կը մեծարէին, այլ նաև վախնային իրմէն:

Սակայն Հերմանն չէ թէ միայն ուժովը՝ բոլոր Գերմանիոյ մեծարանքն իրեն ձգած էր, այլ վասն զի նշանաւոր ալ էր իր գերազանց վեհանձնութեամբը, գիտութեամբն և աստուածապաշտութեամբ: Ամեն իրիկուն՝ սուրբ գրքէն գլուխ մը չկարդացած՝ անկողին չէր մըտնէր. իսկ իւր ուսմունքն ի Բարիզ սորված էր, որ այն ատենն ալ սրբազան և արտաքին գիտութեանց գերագոյն աւանդապահ կը սեպուէր: Մասնաւոր սէր մը ձգած էր քերթողական արուեստին, և իր թագաւորութեանը ժամանակ՝ առանձին խնամով Գերմանիոյ հին բանաստեղծից գրուածներն հաւաքէր և կարգի դնել տուած էր:

Այսպէս բարեպաշտ կենաց՝ ուսման և խաղաղութեան՝ սիրող պաշտպան և խնամատար էր Հերմանն. ուստի և իրաւամբ իր ժամանակակից քերթողաց մէկը կը զրուցէր, թէ «Ուրիշ իշխաններն ալ գթած սիրտ ունին, բայց ոչ որ իրեն հաւասար է յազնուական վեհանձնութեան... Գուրինկիոյ ծաղիկը ամպերու մէջ ալ կը փայլի, իր փառաց ամառն ու ձմեռը՝ գարնան պէս քաղցր է ու գեղեցիկ »:

Ասոր թագաւորութեան ատեններն՝ Հէս քաղաքը եկաւ Գլինսոր անունով մէկը, ու պանդոկի մը մէջ իջեանեցաւ: Եւ որովհետև ժողովրդեան մէջ համբաւ տարածուած էր թէ հանդերձեաց գիտութիւնն ունի Գլինսոր, շատ ազնուական մարդիկ իր քովն եկան, ու կը խնդրէին նորանոր բաներ լսել իրմէ: Ան ալ

ուոր ելլելով՝ երկար ատեն մտադրութեամբ քննեց աստղներն, ու ետքը դարձաւ ըսաւ անոնց. « Չեզի նոր և ուրախալի աւետիս մը պիտի տամ. գեղեցիկ աստղ մը կը տեսնեմ որ կը ծագէ ի Հունգարիա, ու անկէ կը ճառագայթէ ի Վարպուրկ ու Վարպուրկէն բոլոր աշխարհք: Գիտցէք որ այս իրիկուն Հունգարիոյ թագաւորին աղջիկ մը ծնաւ Եղիսաբէթ անունով. անիկայ պիտի հարսնանայ այս երկրիս իշխանին տղուն, ու պիտի ըլլայ այնպիսի սուրբ մը՝ որ իրմով բոլոր բրիտանեութիւնն պիտի ուրախանայ և մխիթարուի »: Հոն եղողներն ուրախութեամբ մտիկ ըրին այս գուշակութիւնն, և երկրորդ օրն՝ ասպետներէն քանի մը հոգի կանուխ Վարդպուրկ գնացին Անտիքաւին պատմելու: Իշխանն ուրախանալով՝ մէկէն ի մէկ ձի հեծաւ, գնաց գտաւ զՎլինսոր, ու զինքը Վարդպուրկ բերելով՝ ամեն պատիւ ու մեծարանք ցցուց, ու ետքն առատ պարգևներով իր երկիրը դարձուց զինքը:

Նոյն ժամանակը Հունգարիոյ վրայ կ'իշխէր Մսդրէաս Բ. որուն թագաւորութիւնն սիրելի էր աստուծոյ և իր ժողովրդոցը, ահարկու թըշնամեաց իր զէնքերուն ու ժովը, պաշտպան եկեղեցւոյ ու անոր իրաւանցը, գորովագութ հայր ամենուն՝ և մանաւանդ աղքատաց: Իր ամուսինն ալ Աերդրուտա՝ արժանաւոր էր իրեն ազնուատոհմութեամբն, բարեպաշտութեամբ ու այլ և այլ ընտիր և գեղեցիկ բարեմասնութեամբք:

Հազար երկու հարիւր եօթանասուն տարւոյն մէջ, Վլինսորին ծանուցած ժամանակին, Աեր-

գրուտա թագուհին դուստր մը ծնաւ որ աւազանէն Եղիսաբեթ անունն ընդունեցաւ։ Իւր մկրտութեան հանդէսն մեծ փառաւորութեամբ եղաւ. եկեղեցի տարին զինքը ամպհովանիի մը տակ՝ որ Պուտային մէջ գտնուածներէն ամենէն գեղեցիկն էր. որ այն ատենն արևելեան ճոխութեան գլխաւոր գանձարաններէն մէկը սեպուած էր։ Սրորոցէն՝ այս առաջուց սահմանուած տղան՝ նշաններ տուաւ այն գերազանց վիճակին՝ որուն աստուած պահած էր զինքը. կրօնքի նուիրական անուններն՝ առաջին խօսքերն եղան որ իւր մտայը մէջ կը տպաւորուէին, դարձեալ առաջիններն՝ զորոնք կրցաւ թոթոփել քանի որ լեզուն կը բացուէր. քիչ ատենէն երբ սկսաւ խօսիլ՝ աղօթքներ կը զրուցէր։ Զարմանալի մտադրութիւն մը կը ցուցնէր կրօնքի առաջին գիտելիքներուն՝ զոր իրեն կը սորվեցնէին, և անշուշտ ներքին լոյս մը արդէն կը սորվեցնէր իրեն այս սուրբ ճշմարտութիւնները։ Արեք տարուան հասակին, ինչպէս որ պատմագիրները կ'աւանդեն, իւր գթութիւնը կը ցուցնէր բոլոր աղքատաց վրայ, և կը ջանար իրենց խեղճութեանը օգնել պարգևներով։

Բոլոր իւր կեանքին նկարագիրը օրորոցին մէջէն կը գուշակուէր. կենաց առաջին գործը՝ ողորմութիւն մըն էր, և առաջին խօսքն՝ աղօթք։ Արծես թէ կ'երևնար թէ աստուծ մէ սահմանուած էր այնպիսի չորհրդներ ստանալ որ ժամանակ անցնելէն վերջը՝ այսչափ առատ կերպով երկրիս վրայ պիտի սփռէր։ Հագիւ թէ ծնաւ՝ Հունգարիային պատերազմները

դադրեցան. ներքին խառնակութիւնները հանդարտեցան: Այս հանդարտութիւնը՝ հասարակաց կեանքէն սկսեալ՝ շուտով մը առանձին ամեն մէկուն կենացը վրայ ալ փայլեցաւ: Աստուծոյ օրէնքին անարդութիւնները, նախատինքները, հայհոյութիւնները քիցցան. և Անդրէաս թագաւորն ալ տեսաւ կատարուած իւր փափաքը, զոր ուղղափառ թագաւոր մը կրնար ունենալ: Բարեպաշտ և պարկեշտ անձինք՝ չէին դադրեր այն ատենէն ի վեր դիտելու այս հանդարտութեան ու յաջողութեան տեսարանը մէկ տղու մը ծննդեամբը, որուն վրայ աստուած պաշտութիւնն այսչափ կանուխ սկսած էր. և երբ ժամանակ անցնելէն վերջը յայտնի կերպով մը ստուգուած տեսան իւր առաջի տարիներուն մէջ տուած ակնկալութիւնները՝ Հունգարացիք շատ հաճութեամբ մը կ'ըսէին, որ բնաւ արբունական զաւակ մը այսչափ շնորհք բերած չէր իւր հայրենեացը: Սակայն Հերման դուքսը շատ ջանաց տեղեակ ըլլալ թէ Պլինստորին գուշակութիւնները կատարուած էին, և թէ արդեօք իշխանուհի մը ծնած էր Հունգարիային մէջ գուշակուած օրը. և երբ իմացաւ չէ թէ միայն իւր ծնունդը՝ հապա նաև աստուածպաշտութեան նշաններն որ արդէն կը ցուցնէր, և այն երջանակութիւնը զոր կարծես թէ երկնքէն բերած էր իւր գաւառին, կարգէ դուրս փափաք մը զգաց գուշակութիւնը բոլորովին կատարուած գտնել, իւր երիտասարդ տղայն՝ Նդիսաբեթին փեաց տեսնելով: Ըանապարհորդներն՝ որ այն գաւառէն ատեն ատեն կու գային, որ այս օրուան պէս Նւրոպային մը

Նացած մասերէն զատուած էր, յաճախ լուրեր կը բերէին Անդրէաս Թագաւորին դատերը վըրայ: Մանաւանդ որ մը կրօնաւոր մը որ Հուն գարիայէն կը դառնար, անոր պատմեց թէ չորս տարիէն ի վեր կոյր ըլլալով շուտ մը առողջացած էր երիտասարդ իշխանուհւոյն միանգամ դաշնելով: Բոլոր Հունգարիան, ըսաւ դքսին, այս մանկանը վրայ կ'ուրախանայ, վասն զի իրեն հետ միատեղ խաղաղութիւն բերաւ:

Ասիկայ բաւական եղաւ Հերմանը համոզելու՝ Հունգարիոյ Թագաւորին դեսպան մը խորհելէ իշխաններէ և ազնուական տիկիներէ կազմուած, Ազխաբեթին ձեռքը խնդրելու իւր Լուդովիկոս տղուն անուամբը, և միատեղ բերել զանիկայ՝ թէ որ կարելի էր՝ ի Վուրինկիա: Այս դեսպանութեան համար Քենարտ կամը ընտրեց, կոթիլ իւր մատակարարը, և Պերթ տիկինը Կթիլովին այրին, որ ժամանակակից պատմագիրներուն ըսածին համեմատ՝ անուանի էր իւր իմաստութեամբն և պարկեշտութեամբը, և ասոնցմէ զատ նաև գեղեցիկ, բարեպաշտ և ամենուն առջևը յարգելի ձիրքերովը: Արկու գեղեցիկ և ազնուական օրիորդներ, և երկու ասպետներ իրեն ընկերակից եղան: Վեսպաններուն ետեւէն կ'երթային գրեթէ երեսունէն աւելի ձիաւորներ. ճանապարհին բոլոր երկայնութեանը մէջ շատ պատուով ընդունուեցան բոլոր իշխաններէն և քահանայներէն՝ որոնց երկիրներէն կ'անցնէին իրենց ազնուականութեանը համեմատ: Յաջող ու երջանիկ ճանապարհորդութեամբ հասան ի Վրեսպուրկ, հոն արքունական ընդունելութիւն գը-

տան, և իրենց հասնելուն երկրորդ օրը ամեն
կողմանէ բազմաթիւ պատգամաւորներ հասան,
Երբ թագաւորին յայտնեցին իրենց դեսպա-
նութեան նպատակը, մէկէն իւր խորհրդական-
ները ժողվեց՝ Գուրինկիոյ դքսին խնդիրքին վը-
րայ մտածելու համար: Գլխնսոր եռանդնալից
ճառով մը, որ այն ժամանակին Գուրինկիոյ վի-
ճակին նկարագիրը կրնայ սեպուիլ, երկայն ա-
տեն խօսեցաւ Հերմանին հարստութեանն և
զօրութեանը վրայ. տասնութիւս կոմսերը կար-
գաւ համրեց որ իրեն հալատակ էին, առանց սե-
պելու պարոններն և ասպետները. լաւ բերդերն
որ իւր երկիրը կը պաշտպանէին. պատմեց թէ
որչափ այս երկիրը իրեն պողաբեր երեցած էր,
լաւ մշակուած, գեղեցիկ անտառներով շրջա-
պատուած, և ձկանց լճերով զարդարուած, և
թէ որչափ ժողովուրդը հանգիստ էր, զօրաւոր
զարեջուր խմելով, և լաւ ձերմակ հաց ուտե-
լով: Աերջապէս մեծ գովեստներ բրաւ դքսին
բնութեանը վրայ. և վրայ բերաւ թէ իրեն այն-
պէս երեցած էր թէ իրեն տղայն ալ հասակին
համեմատ ամեն ընտիր բարեմասնութիւննե-
րով զարդարուած էր: Աերդրուտա թագուհին
յօժարութեամբ համոզուեցաւ դքսին խնդիր-
քը կատարելու: Աբբայն ալ անոր հաճութեա-
նը տեղիք տալով՝ հաւանեցաւ իւր սիրական
դստերէն բաժնուիլ: Բայց քանի որ Եղիսաբեթ
իրմէն չէր բաժնուած, ուղեց անոր պատուոյն
համար տօնական հանդէս մը կատարել, իւր
արքունեացը ամեն ասպետներն և իրենց տիկ-
նայքը հրաւիրելով, հրամայեց որ փառաւոր ու-
րախութիւններ կատարեն, խաղերն, պարերը,

մանաւանդ երաժշտութիւնն և ժամանակակից բանաստեղծներուն երգերն երեք օր տեւեցին: Երեք օրու ընէ ետքը Գուրինկիացի դեսպանները թագաւորէն իրենց հրաժեշտը խնդրեցին: Փոքրիկ Եղիսաբեթը բերին, որ դեռ չորս տարուան էր, արծաթով ու ոսկիով շրջապատուած մետաքսէ զգեստ մը հագուցած, և ձոյլ արծաթով շինուած բազմոցի մը մէջ դրած, այսպէս Գուրինկիացոց յանձնեցին: Արքայն Վարիլայի տիրոջը ըսաւ. Քու ասպետական պատուոյդ կը յանձնեմ իմ մեծ մխիթարութիւնս: Թագուհին ալ արտասուելով եկաւ իւր զաւակը յանձնեց, որուն որ ասպետը պատասխանեց. Յօժարութեամբ իմ պաշտպանութեանս տակը պիտի պահեմ զանիկայ: Եւ խօսքին վրայ ալ հաւատարիմ մնաց, ինչպէս որ պիտի տեսնենք:


Գեսպանները Փրեսպուրիէն հեռացած արքայէն և թագուհիէն մեծ և հարուստ պարդէներ ընդունեցան. թէ իրենց և թէ Հերման դքսին յանձնելու համար իբրև իշխանուհոյն օժիտ: Ժամանակակից պատմագիրները այս ընծայները տեղնիտեղը կը համրեն յայտնապէս ըսելով թէ երբէք այսչափ սքանչելի և գեղեցիկ նիւթեր տեսնուած չէին ի Գուրինկիա: Ուսկից կրնանք հետեցընել թէ այս ամուսնութիւնը նշանաւոր եղաւ՝ Գերմանիոյ մէջ մտցընելով նոր յառաջադիմութիւն մը արևելքի ճոխութեանը և ճարտարութեանը: Թագուհին անբաւ ստակ ալ տուաւ, խոստանալով որ եթէ ողջ մնալու ըլլայ, այն գումարին կրկինը պիտի տայ իւր առանձին գանձէն: Աերջապէս պատգամաւորները գացին, որոնք երկու կառքով եկած

րըլարով, տասնութիւրեքով դարձան, այնչափ իրենց
 բեռները շատցած էին: Արքայն անոնց Հուն-
 դարացի տասնութեք ազնուական օրիորդներ
 յանձնեց, որպէս զի իւր դատերը ընկերակից
 ըլլան, որոնք ամենքն ալ ամուսնացան ի Գու-
 ըինկիա՝ Հերման դքսէն իրենց օժիտը ընդունե-
 լով: Գարձին ճանապարհորդութիւնը առանց
 մասնաւոր դիպուածի մը անցաւ: Երբ Հերման
 դուքսը և Սոփիա դքսուհին անոնց մերձենա-
 լուն լուրը առին և իրենց դեսպանութեան յա-
 ջողուիլը տեսան, ծնկի վրայ գալով զաստուած
 կ'օրհնէին, որ իրենց խնդրուածքը կատարե-
 ր: Վերջէն շուտ մը Վարդապուրիկէն Խզնաք ի-
 ջան, իրենց աստուծմէ խրկուած ճանապարհորդ
 դը ընդունելու համար: Եորահասակ դքսու-
 հի մը ընդունելուն ուրախութիւնը՝ կարծես
 թէ իրենց խելքը գլուխներնէն տարեր էր, ինչ-
 պէս որ իրենց արքունեացը սաշտօնական ժա-
 մանակագիրներէն մէկը կ'ըսէ: Սմենքը մէկ տեղ
 օթեվան մը գնացին ուր որ Գլինատը իր գուշա-
 կութիւնը բրած էր, և որ այն ժամանակին օ-
 թեւաններուն ամենէն լաւագոյնն էր: Լանտ-
 կրաւ՝ փոքրիկ Եղիսաբեթը բազկացը մէջ ա-
 ուաւ և գրկելով կրկին անգամ աստուծոյ շնոր-
 հակալ եղաւ՝ Եղիսաբեթը իրեն շնորհելուն
 համար: Վերջէն Վարդապուրի դարձաւ բնակա-
 րաններ պատրաստելու համար, բայց Սոփիա
 դքսուհին բոլոր գիշերը տղուն քով անցուց-
 երկրորդ առաւօտ զանիկայ բերդը տարաւ, ուր
 որ դուքսը բոլոր իւր արքունիքը ժողոված էր,
 և Խզնաքին գլխաւոր քաղաքացիքը և իրենց
 տիկնայքը հրաւիրեց, որպէս զի տեսնեն աս-



տուճոյ և Հունդարացի արքային իրեն խրկած իշխանուհին: Ամուսնութեան նշանտուքը հանդիսով կատարեցին, Եղիսաբէթ իշխանուհւոյն՝ որ դեռ չորս տարուան էր՝ Լուդովիկոս դքսին հետ, որ գրեթէ տասնումէկ տարուան էր:

Ինչպէս ի Փրեսպուրկ՝ հոն ալ շատ կոչուեք, սարեր ու երևելի հանդէսներ կատարեցին. և բանաստեղծութիւնն ալ, որ գլխաւոր սարձանքներէն մէկն էր Գուրինկիայի արքունեացը, իւր եռանդուն դարձուածքներովը փառաւորեց հանդէսը: Այն ատենէն ի վեր՝ Եղիսաբէթ չթողուց զանիկայ՝ որ ժամանակաւ իրեն փեսայ սխտի ըլլար, և այն օրէն սկսաւ իւր եղբայրը կոչել զինքը: Սրտաշարժ և գեղեցիկ սովորութիւն մըն է ուղղափառ ընտանեաց և մանկանց մէջ, որ ընդհանուր դաստիարակութեամբ մը կը մեծնան որոնք իրենց կեանքը միշտ մէկ մէկու հետ սխտի անցընեն: Միտուն ազդեցութիւն մը, որ մարդկային սրտին մէջ կը խառնէ քրոջ մաքուր անուանը հետ հարսի սրբազան անունը, որ կենաց ընթացքը կ'անմահացընէ, որ եղբայրութեան փափուկ զգացմունքներով՝ ամուսնական վիճակի երկայն ու ծանր սարսքերը կը մեղմացընէ, որ մարդկային սրտին մէջ եղող ամեն սաստիկ կըքերը կը սանձէ զանոնք հանդարտելու և ուղղելու համար. և այսպէս կենաց գեղեցիկ յիշատակները և սրբազան ըզգացմունքները՝ մի և նոյն սիրոյ անոյշ կասկի մը մէջ կը բովանդակէ:



Բ

Մանուկ Եղիսաբեթի սերն առ Աստուած.

Նոյն իսկ այն ընտանեաց գրկին մէջ՝ ուսկից նախախնամութիւնը կը հեռացընէր այսպէս ըզփոքրիկ Եղիսաբեթը, երկու առիթ նպաստաւոր եղան կանուխ ընդարձակելու իւր սրտին մէջ այն սքանչելի յատկութիւններն որոնք օրորոցին մէջէն տեսնուած էին իր վրայ: Բոլոր քրիստոնէական առաքինութիւնները արքայական իշխանութեան հետ միացընելու փառաւոր օրինակ մը ունէր իւր մօրաքոյրը՝ Հետուիկէ դըքսուհին Պորնիայի, որ ժամանակ անցնելէն վերջը արժանի պիտի ըլլար հաւատացելոց պաշտամանը, և որուն սաստիկ և եռանդուն աստուածապաշտութիւնը այն ատենէն ի վեր փառք մը եղաւ իւր ընտանեացը և բարի օրինակ մը Եղիսաբեթի՝ որուն ջանաց և հաւատարեցաւ:

Բայց այս օրինակին ազդեցութենէն զատ

Թոյլ տուաւ աստուած որ անակնկալ թշուա-
ռութիւն մը՝ տխրութեան ստուեր մը ձգէ իւր
կենացը առաջի օրերուն վրայ, և առաջուց իրեն
հասկըցընէ աշխարհային մեծութեանց ընդու-
նայնութիւնը: Վուրինկիայէն ի Հունգարիա եր-
թալէն երկու տարի վերջը, իւր մայրը Աեր-
դրուտա Թագուհին՝ դժնդակ մահուամբ մը
վախճանեցաւ, ծաղիկ հասակին մէջ սպաննուե-
լով իւր էրկանը հպատակներէն: Իւր մահուան
պատճառն այլ և այլ կերպով կը պատմուի. ըստ
ոմանց Վաղմատիայի ու Խրուաթներուն իշխա-
նէն սպաննուեցաւ, որ կամեցաւ իւր կնոջը պա-
տուոյն վրէժն առնուլ, որովհետեւ Թագուհոյն
եղբօրմէն նախատուած էր: Բայց աւելի հաւա-
տարիմ պատմչաց խօսքովը իւր էրկանը օրերուն
դէմ պատրաստուած դաւաճանութեան մը զոհ
եղաւ, փախչելու ժամանակ՝ դաւաճանաց հա-
րուածքին տակ խնալով: Այս սոսկալի լուրը՝
շուտով մը Եղիսաբէթին ականջն հասաւ, և մեծ
տխրութեան և ցաւոց մէջ զինքն ընկզմեց:

Վուրինկիա հասնելուն պէս՝ Անտիքաւ-
եօթն օրիորդ ընտրեց իւր արքունեացը ամենէն
ազնուական տոհմերէն, և գրեթէ իւր ասպա-
զայ հարսին նոյն հասակովը, որոնց հետ էր նաև
իւր բուն Ազնէս դուստրն ալ, որպէս զի Եղիսա-
բէթի հետ իրենց դաստիարակութիւնն ընդու-
նին: Մտնցմէ մէկը Ալուտա անունով որ դեռ
հինգ տարուան էր, Եղիսաբէթէն տարի մը ա-
ւելի, իւր ծառայութեանը մէջ կեցաւ գրեթէ
մինչև անոր մահուան ժամանակը, և երբ զնա
աստուած յերկինս կոչեց, և իւր սրբութեան
համբաւը եկեղեցական իշխանութեան մտա-

դրութիւնը իրեն դարձուց, այս կիւտան՝ հրապարակաւ հարցուելու ատենը՝ անոր մանկութեանը յիշատակները պատմեց: Իրեն տուած վկայութիւններէն առած, որոնք խնամքով պահուեցան և սուրբ Պահլին յանձնուեցան, ստուգելի ենք այն մանր պարագայներուն տեղեկութիւնները զոր պիտի տանք Եղիսաբէթին վարուցը առաջին տարիներուն վրայօք:

Այնպիսի փափուկ հասակին մէջ, բոլոր իւր մտածմունքները և զգացմունքները՝ կարծես թէ ուրիշ նպատակ մը չունէին բայց զաստուած պաշտել և երկնից արժանի ըլլալ: Ամեն անգամ որ կրնար՝ բերդին մատուռը կը մանար, և հոն սեղանին առջևը խոնարհելով, մեծ սաղմոսարան մը բանալ կու տար, թէպէտ և դեռ կարգալ չէր գիտեր. վերջէն իւր փոքրիկ ձեռքերը ամփոփելով, և աչքերը դէպ ի երկինք վերցընելով եռանդեամբ մը և սրտի մտօք աղօթքի և մտածութեան կուտար ինքզինքը: Իւր ընկերակիցներուն հետ՝ ոտքի վրայ ցատքելով խաղալու ատեն այնպէս կը ձեացնէր որ ամենքը կը ստիպուէին դէպ ի մատուռը շտկել քայլերնին, և երբ զայն գոցուած կը գտնէր, սաստիկ եռանդով մը փականքը, դուռը և արտաքին պատերը կը համբուրէր, հոն հանգչած աստուծոյն սիրոյն համար: Իր բոլոր խաղերուն մէջ միշտ աստուծոյ յիշատակն էր՝ իւր գլխաւոր մտածութիւնը: Անդադար առիթ կը փնտրուէր առ աստուած մերձենալու, և երբ արգելք մը կը գտնէր ուղածին չափ աղօթք և ծնրադրութիւն ընելու, իւր ընկերակիցներուն կ'ըսէր. Պետնի վրայ պառկինք, որպէս զի տեսնենք թէ մեր մէջ

ուլ է աւելի մեծահասակը. վերջէն կարգաւ ամեն մէկ օրիորդին քով գետինը պառկելով, ասանկով յարմար միջոց մը կը սեպէր առաջի աստուծոյ սրտէն երկրպագութիւն ընելու և ողջոյն մը ըսելու: Հարսն և մայր ըլլալէն վերջը՝ շատ կ'ախորժէր իւր մանկութեան այս անմեղ վարպետութիւնները պատմել:

Յաճախ իւր բարեկամները գերեզմաննոցը կը տանէր, և իրենց կ'ըսէր. Յիշեցէ՛ք որ օր մը հող պիտի դառնանք: Վերջէն ոսկերաց հանգչած տեղը գալով կ'ըսէր. Ահա աստիկ մեռելոց ոսկրները. այս մարդիկը մեզի պէս կէնդանի էին, և այժմ՝ վախճանեցան՝ ինչպէս որ մենք ալ պիտի մեռնինք. այս բանիս համար պարտ է զաստուած սիրել: Ուստի ծնկան վրայ գալով՝ ինձի հետ ըսէք. Տէր, քու դժնդակ մահուանդ և քու սիրական մօրդ Մարիամին համար խալըսէ այս խեղճ հողիներն իրենց տանջանքէն: Տէր, քու հինգ սրբազան վերքերուդ համար՝ փրկէ զմեզ: Ասոնք էին, ինչպէս հեղինակին մէկը կ'ըսէ, իւր պարերն և խաղերը: Բոլոր տղաքը անոր հետ միաբան աղօթք կ'ընէին, և զարմացած կը սրտամէին թէ ինչպէս մանուկն Յիսուս յաճախ Եղիսաբէթի այցելութեան կու գար, և գորովալիւր կերպով իրեն հետ տեսութիւն ընելով՝ զինքը կը մխիթարէր. բայց անմեղ օրիորդը խստիւ կ'արգելուր իրենց այսպիսի նիւթերուն վրայ խօսիլը: Իւր պարասոյ ժամանակէն դուրս կը ջանար, որչափ որ կարելի էր, աւելի աղօթք սորվիլ: Ով որ աստուծոյ և անոր սուրբ օրինացը վրայ կը խօսէր, միայն այս բանիս համար՝ իրեն սիրական կ'ըլլար: Ա, յ և

այլ աղօթք որոշած էր օրուան մէջ ըսելու. և երբ արդէլք մը կը պատահէր իւր կամաւոր պարտքը երեկոյեան ատենէն առաջ կատարելու, և իւր հետն եղողները կը ստիպէին զինքը անկողին մտնելու, երբէք չէր պակասեր ընելու թեամբ իւր պարտքը, մինչդեռ այլք զինքը ննջած կը համարէին. զաստուած կը յիշէր Վաւթ մարդարէին պէս իւր անկողնոյն մէջ: Արդէն կ'իմանար պարկեշտութեան յարգը որ հրամայուած է ուղղափառ կուսանաց, և իւր ծածկոյթը այն կերպով կը շտկէր որ կարելի եղածին չափ քիչ տեսնուի:

Ողորմութիւն ընելու սաստիկ ախորժ մը կը զգար, որ ժամանակ անցնելէն վերջը իւր կեանքը բոլոր ողորմութեան տեսարան մը պիտի դառնար: Աղքատաց կը բաժնէր այն ամէն ըստակն՝ զոր իւր հայրագիր ծնողացմէ կ'ընդունէր ո՞ր և իցէ պատրուակաւ: Մնդադար կ'երթար բերդին գործատուններուն և խոհանոցներուն մէջ, և աւելցած կերակուրները կը ժողովէր, և խնամքով քաղցեալ աղքատաց կը տանէր, և իր այս գործովը արդէն կը գրգռէր իրեն դէմ դքսին տանը պաշտօնակալաց տժգոհութիւնը: Արչափ հասակաւ կը մեծնար, այնչափ ալ առաքինութեան և աստուած պաշտութեան մէջ կ'աճէր: Այն ժամանակին սովորութիւնն էր, որ իշխանուհիներն և ազնուական օրիորդները վիճակ կը քաշէին՝ սուրբ առաքելոց մէջէն իրենց յատուկ պաշտպան մը ընտրելու: Եղիսաբէթ՝ որ արդէն ընտրած էր զսուրբ Աոյսն իբրև իւր պաշտպանն և գերագոյն փաստաբան, մասնաւոր մեծարանք մըն ալ ունէր, և ինչպէս ձեռ-

նագիր մը կ'ըսէ, առանձինն բարեկամութիւն
 մը ունէր առ սուրբն Յովհաննէս Աւետարանիչ
 կուսական մարտութեանը համար՝ որուն որ այս
 սուրբ առաքեալը օրինակ մըն էր: Ուստի սկսաւ
 եռանդով առ աստուած աղօթել՝ որպէս զի
 սուրբ Յովհաննէս ըլլայ իւր պաշտպանը. և ետ-
 քը խոնարհութեամբ իւր ընկերաց հետ մէկ
 տեղ ընտրութեան տեղը գնաց: Այս ընտրու-
 թեան համար երկօտասան մոմ՝ կը գործածէին,
 որոնց իւրաքանչիւրին վրայ առաքեալներէն մէ-
 կուն անունը գրուած էր, և խորանին վրայ դրած
 ամենքը մէկ տեղ կը խառնէին, որ իւրաքան-
 չիւր խնդրող՝ կ'երթար ըստ բաղդի անոնցմէ
 մէկը ընտրելու: Այն մոմը որուն վրայ սրբոյն
 Յովհաննու անունը գրուած էր, առաջ Եղիսա-
 բեթին ելաւ. բայց իւր խնդրուածոցը այս ա-
 ռաջին կատարմամբը գոհ չըլլալով, երկու ան-
 գամ փորձը կրկնել տուաւ. և միշտ նոյն յա-
 ջողութիւնն ունեցաւ: Այսպէս տեսնելով նա-
 խախնամութեան առանձին կամքը՝ իւր սիրա-
 կան առաքելոյն վրայ ունեցած ջերմեռանդու-
 թիւնը ալ աւելի շատցաւ սրտին մէջ, և իւր բո-
 վանդակ կենացը մէջ այս սուրբին հաւատա-
 ըիմ եղաւ, երբէք չէր մերժեր ինչ որ կը խն-
 դրէին իրմէն սրբոյն Յովհաննու անուամբը, թէ
 պէտք որ ըլլար նախատինքի մը ներել, և թէ
 ուրիշին բարերարութիւն մը ընել:

Այս նուիրական պաշտպանութեանը ինք-
 զինքը յանձնած, բարեպաշտ մանուկը նոր ա-
 ոխի մը սեպեց զայն երկնից արժանի ըլլալու և
 հետեւաբար կրկնապատկելու քրիստոնէական
 կրթութիւններն և կամաւոր մահացումը:

ները: Անփոյթ չէր ըլլար ամենևին աստուծոյ անունը սուրբ պահելու մեծ զգուշութիւնը ներով իւր խօսքերուն մէջ: Աիրակի և տօն օրերն իւր զարդարանքէն մաս մը մէկ գի ձգելով նախամեծար կը սեպէր իւր խոնարհութեամբը զաստուած պատուել՝ քան թէ իւր զգեստուցը պայծառութեամբ: Ախտա մեզի կ'աւանդէ թէ այսպիսի առիթներու մէջ ոչ ձեռնոց և ոչ ալ բազպան կը գործածէր, ինչպէս որ այն ժամանակին սովորութիւնն էր: Սմեն օր առիթ կը փնտռէր իւր կամբը կօտրելու փոքրիկ բաներու մէջ, որպէս զի ինք զինքը վարժեցրնէ առ մեծ զոհս ալ: Իւր խաղերուն մէջ երբ կը վաստրկէր՝ և յաջողութիւնը զինքը արտաքոյ կարգի կ'ուրախացրնէր՝ յանկարծ կը դադրէր ըսելով. Ա, յժմ որ երջանակութեամբ լի եմ կ'ուզեմ կանկ առնել առ սէրն աստուծոյ: Պարելը կ'ախորժէր՝ գաւառին ընդհանուր սովորութեանը համեմատ ուր որ մեծցած էր. բայց հազիւ թէ շրջան մը ընէր, կ'ըսէր. Մէկ շրջանը բաւական է աշխարհիս համար. մէկալ ներէն պիտի զրկեմ ինք զինքս ի պատիւ Յիսուսի Քրիստոսի: Սակայն պատանին Լուդովիկոս՝ իւր նշանածն՝ անդադար իրեն քոյն էր, և Եղիսաբէթն ալ հաճոյք կը զգար անոր քով գտնուելէն. զանիկայ իւր սիրելի եղբայրը կը կոչէր, ինչպէս ան ալ բարեկամս ու սիրելի քոյրս կը կոչէր զինքը:

Ա, յսպէս եղաւ այս օրիորդին առաջին մանկութիւնը, բայց աստուած իրեն սուրբ և պայծառ վիճակ մը պահած էր, անոր կենաց օրերը համրած էր, և կ'ուզէր քիչ ժամանակէն զնա

երկինք կոչել: Անոր համար արժանի ըրաւ զինքը իւր մասնաւոր շնորհաց գանձին. իւր կեանքը խիստ կարճատե պիտի ըլլար, բայց մեծ հարուածներով նշանաւոր՝ մէկ քանի երեւելի սրբոց կենացը նման: Արբէք սրտի մըրիկ մը չհաւարեցուց երկնային ճառագայթը՝ որ իրեն կ'առաջնորդէր օրորոցէն ի գերեզման: Աստուծոյ աղախնեացը մէջ ինքը միայն չէ որ ժամանակէն առաջ վկայած ըլլայ անոր գթութեանն և կարողութեանը. և արդարև քրիստոնեայ աչքերուն համար չկայ աւելի քաղցր լուսաւորութիւն մը, իբրև զարշալոյս այն մեծ լոյսերուն՝ որոնք սահմանուած են զերկինս և զերկիր լուսաւորել:

Գ

Վիշաք սրբուհւոյն Եղիսաբեթի.

Եղիսաբեթ հազիւ թէ իններորդ տարուան
հասակը հասած էր, երբ իւր նշանածին հայրը
Հերման իշխանը՝ վախճանեցաւ հազար երկե-
րիւր տասնուվեց թուականին: Պիշեր մը երա-
զին մէջ տեսած էր որ մահուան դատապար-
տուածներուն դիակուները՝ իրենց գլխապարտու-
թեան տեղը դրուած էին Նզնաք քաղաքին դրո-
նէն դուրս, որոնք մէկէն ի մէկ ճերմակ կուսա-
նաց կերպարանք առնելով՝ դէպ ի իւր անկողի-
նը առաջ կու գային՝ իրենց առաջնորդ ունենա-
լով զսուրբ Աստուածածինն և զսրբուհին Աա-
տարինէ, որուն վրայ առանձին սէր մը ունէր
թագաւորը, և որոնք իրեն կ'ըսէին. Պէտք է որ
այս տեղը՝ մեզի տուն մը կառուցանես, և մեր
անունը կրող կուսանաց միաբանութիւն մը հաս-
տատես, այն ատեն քիչ ժամանակէն զքեզ ալ

մեզի հետ մէկ տեղ կ'առնունք: Գուքսը հաւատարմութեամբ այս խնդիրը կատարեց. նշանակուած տեղը՝ կուսաստան մը կառոյց սրբուհւոյն Աատարինէի անուամբը, և հոն առաջին արքասուհի դրաւ նորահասակ այրի մը, զգրքսուհին Պրապանի, և այս սրբավայրն որոշեց որ իրեն և իւր յաջորդացը յատուկ գերեզմանատեղին ըլլայ: Ասկէց վերջը վախճանեցաւ, և հոն թաղուեցաւ, ինչպէս որ հրամայած էր:

Պատանին Լուդովիկոս որ հազիւ թէ տասնու վեց տարուան էր, իւր հօրը տեղ անցաւ, որովհետեւ անոր անդրանիկ որդին էր. և իւր կրտսեր եղբայրները՝ Հենրիկոս Ռասթօն և Գոնրատ իւրաքանչիւրը իշխանին տէրութենէն մաս մը և կալուածք մը ընդունեցան, Գուրինկիային սովորութեանը համեմատ:

Հերմանին մահը՝ Աղիաաբեթի համար թըշուառութիւն մը եղաւ. վասն զի այս համբաւաւոր և բարեպաշտ իշխանը՝ միշտ գորովալիբ կերպով մը սիրեց զանիկայ, տեսնելով անոր վրայ ժամանակէն և հասակէն վեր աստուածպաշտութեան և բարեպաշտութեան եռանդ մը, իբրև իւր յատուկ դուստրը սեպած էր միշտ զանիկայ, և ոչ ոք իւր կենդանութեան ժամանակը կը համարձակէր արգելք ըլլալ նորահասակ իշխանուհւոյն բարեպաշտական կրթութեանցը: Բայց իւր մահունէն վերջը՝ նոյն յաջորդութիւնը չունեցաւ: Թէպէտ և Լուդովիկոս, որ իւր նշանածը և իշխանը կը սեպուէր, երկրին տէրն եղաւ, սակայն իւր պատանեկութեանը պատճառաւ կերպով մը մօրը Սովիա դքսուհւոյն իշխանութեանը տակն էր, որ հռչա-

կաւոր Ոթոնին Պաւիերայի դքսին դուստրն էր։ Ս. յս իշխանուհւոյն անհաճոյ կ'երևնար Եղիսաբեթին կարգէ դուրս եռանդը, և յաճախ կը յայտնէր իւր տգոհութիւնը։ Նորահասակն Ազնէս Լուդովիկոսին քոյրը որ իւր հանդերձեալ հարսին հետ մեծցած էր, և արտաքոյ կարգի գեղեցկութեամբը՝ շատ դիւրին եղած էր իրեն աշխարհային ունայնութեանց ետևէ ըլլալու, անդադար դառնութեամբ կը յանդիմանէր անոր խոնարհ և առանձնակեաց բնաւորութիւնը. յաճախ կ'ըսէր իրեն թէ՛ ուրիշ բանի համար ծնած չէր՝ բայց եթէ սենեկապան կամ աղախին մը ըլլալու համար։ Մէկալ ազնուական օրիորդները՝ որ այս երկու իշխանուհիներուն ընկերակիցք էին, տեսնելով որ Եղիսաբեթ օր ըստ օրէ իրենց խաղերէն, պարերէն, և ուրախ և ունայն կեանքէն շատ չախորժիր, Ազնէսին ըսածները կը հաստատէին, և յայտնապէս անոր վրայ կը ծիծաղէին։ Նրբօսին տանը մէջ ամենէն աւելի ազդեցութիւն ունեցող պաշտօնականներն, առանց ակնածելու անոր արքունական տոհմէն, իւր սեռէն և իւր երիտասարդութենէն, չէին ամչնար զինքը հրապարակաւ նախատինքներով արհամարհելէն. ամենքը մէկ բերան կը զրուցէին թէ իշխանուհւոյ վայելուչ յատկութիւն մը չէր տեսնուեր անոր վրայ։

Եղիսաբեթ հեռանալ մը կը ցուցնէր նորահասակ կոմսուհեաց և ազնուական օրիորդաց ընկերութենէն, որ իրեն հետ կը դաստիարակէին, և աւելի կը ջանար ընկերանալ Նզնաբի քաղաքացեացը և իւր ծառայութեանը մէջ եղող խոնարհ

գատերաց հետ: Մասնաւոր կերպով մը կ'ախորժէր բոլորտիքը ունենալ խեղճ կանանց տղայքը, որոնց իւր ողորմութիւնները կը բաժնէր: Նախատինքներն՝ որոնց նպատակ եղած էր, պատճառ եղան իրեն կողմը եղող աղքատներն ալ աւելի քաղցր և սիրական ընել: Եւ սակայն բնաւ չթողուց որ իւր սրտին մէջ տեղիք ունենան ոչ հպարտութեան զգացմունքներ ոչ անձնասիրութիւն մը և ոչ անհամբերութիւն: Այս առաջին փորձը մարդկան անիրաւութեան և աշխարհային ունայնութեանց՝ նոր կապ մը եղաւ ընդ աստուած և ընդ իւր անձը. անոնց մէջ նոր ոյժ մը գտաւ զաստուած սիրելու և իրեն ծառայելու: Իբրև շուշան մը փուշերուն մէջ, կ'ըսէ պատմագիրներէն մէկը, անմեղ Աղիսաբէթը կը ծաղկէր և կը բողբոջէր դառնութեանց մէջ, և չորս կողմը կը ծաւալէր քաղցր անուշահոտութիւն մը խոնարհութեան և համբերութեան:

Այն ատենները խոնարհութեան մէկ օրինակ մը ցրցուց, զոր իւր ամեն վարուց պատմագիրները խնամքով կը յիշատակեն: Աերափոխման տօնին օրն էր, յորում մեծներողութիւններ սահմանուած էին սուրբ Աուսին նուիրական եկեղեցւոյն մէջ, և հոն կ'ընծայէին իրեն ստուղներ և տարւոյն բերքը: Սոփիա դքսուհին Ագնեսին և Աղիսաբէթին ըսաւ. Խնայք քաղաքն իջնանք, մեր սիրելի Տիրուհոյն եկեղեցին երթանք լսելու ձայնաւոր պատարագը զոր մատուցանել կու տան իրեն մասնաւոր կերպով ջերմեռանդ եղող Տեւոնեան ասպետներն, թերևս սուրբ Աուսին վրայ քարոզ մըն ալ լսենք. ամե-

նէն աւելի գեղեցիկ զգեստներ հագէք, և ոսկիէ պսակնիդ դրէք: Երկու նորահասակ իշխանուհիներն անոր հրամանին համեմատ զարդարուելով հետը քաղաք իջան, և եկեղեցին մտնելով գնացին աղօթարանի մը քով ծունկ չոքելու մեծ խաչելութեան պատկերի մը առջև: Մեր փրկութեանը համար մեռնող աստուծոյն պատկերը տեսնելով Եղիսաբէթ, պսակը հանեց, և իւր նստարանին վրայ դնելով՝ գետնին վրայ ինկաւ աստուծոյ երկրպագութիւն ընելու, գլխոյն վրայ ուրիշ զարդարանք մը չունենալով բաց ի իւր մազերէն:

Գքսուհին զանիկայ այսպէս տեսնելով՝ բարկութեամբ ըսաւ. Ի՞նչ ունիս Եղիսաբէթ օրիորդ, և ի՞նչ նոր բան կ'ընես, կ'ուզես դեռ որ այս բոլոր բազմութիւնը քու վրայ ծիծաղին. պէտք է օրիորդք միշտ շիտակ կենան և գետնին վրայ չիման յիմար և պառաւ կանանց պէս, որ իրենք զիրենք կը թողուն թողմամբ վարդերու պէս: Մեզի պէս չես կրնար շարժիլ, փոխանակ գէշ դաստիարակուած օրիորդաց պէս ընելու. արդեօք պսակդ խիստ ծանր է, ի՞նչ կը վայլէ գեղացիի մը պէս մէջքդ ծռած կենալը: Եղիսաբէթ ելաւ և խոնարհութեամբ իւր կետուրոջը պատասխանեց. Միրելի տիկին, մի բարկանար. ահաւասիկ աչքիս առջև աստուածս և թագաւորս, այս քաղցր և բարերար Յիսուսը, որ սուր փուշերով պսակուած է, և ես որ անարդարարած մըն եմ, ի՞նչպէս կրնամ իւր առջևը կենալ մարդ ընտելելով, ոսկուով և ակունքով զարդարուած. իմ պսակովս, իրենք արհամարհել կ'ըլլայ: Աս ըսելով սկսաւ դառնապէս արտա-

սուել, վասն զի Յիսուսի սէրը՝ արդէն իւր փափուկ սիրտը վիրաւորած էր. ուստի նորէն իւր նստարանին վրայ խնայով՝ թողուց որ Սովիան և Ազնէսը խօսին որչափ որ կ'ուզէն. և շարունակեց նոյն եռանդով աղօթելը, իւր պատմութեանը աչքերուն առջևը դնելով զոր արցունքովը կը թրջէր: Արկու իշխանուհիները՝ բազմութեան առջև այսպիսի տեսարան մը ծածկելու համար ստիպուեցան անոր պէս ընել, իրենց պատմութեաններով երեսնին ծածկելով, թէպէտ և այս բանս ընելը իրենց անհաճոյ էր կ'ըսէ պատմագիրը:

Այսպիսի դիպուածներ պատճառ կ'ըլլային սաստկացրնելու այն ատելութիւնը զոր արդէն սկսած էր ազդել աշխարհքը սիրող սրտերու վրայ. այս ատելութիւնը կարծես ալ աւելի կը շատնար, քանի որ հասակաւ կը մեծնար: Աէրջապէս երբ կատարեալ հասակը ունեցաւ, ընդհանուր նշաւակ մը եղաւ հալածանաց և նախատանաց բոլոր Գուրինիկիային արքունեաց մէջ: Իշխանին ազգականներն, խորհրդականներն և գլխաւոր հարատակները բոլորն ալ անոր դէմ էլան, յայտնապէս կ'ըսէին թէ պէտք է զինքը իւր հօրը քովը դարձնել և տրուած խօսքն ևս առնել. վասն զի այսպիսի կարգէ դուրս բարեպաշտ օրիորդ մը իրենց իշխանին համար չէր, այլ պէտք է հարուստ և յիրաւի արքունական բնաւորութիւն ունեցող հարս մը դտնել իրեն արժանի. և թէ աւելի աղէկ կ'ընէր մերձաւոր իշխանի մը դստերը հետ ամուսնանալ, որ պէտք եղած ատենը կարենայ իրեն օգնութեան հասնիլ, մինչդեռ Աղիսաբէթին հայրը խիստ հեռու էր այս բանիս համար:

Ներխուսասարդ դքսին մտերիմ ընկերակիցները՝ յարմար առիթ կը սեպէին այս բաները գրողու լու որ թողու զՆզիսաբէթ և միւսանգամ խրկէ ի Հունկարիա . վասն զի շատ քաշուած և վախկոտ էր : Աքսուհին ալ կը ջանար որպէս զի Նզիսաբէթ ստիպուի կանանց վանքի մը մէջ հաւատաւոր ըլլալ : Ամենէն աւելի Ագնէս կը հաւածէր զինքը իւր նախատինքներովն և անարգանքներով . անդադար իրեն կը կրկնէր , որ իւր կոյմանը դէմ գործած էր՝ ազախին մը չըլլալով : Օր մը կ'ըսէ իրեն . Նզիսաբէթ օրիորդ , եթէ որ կը համարիս թէ իմ եղբայրս քեզի հետ պիտի ամուսնանայ , շատ կը խաբուիս . ապա թէ ոչ՝ պէտք է որ բնութիւններդ փոխես : Այսպիսի առաջարկութիւններ ստիպուած էր լսել ամեն օր :

Սաստիկ կերպով իւր վիճակին դառնութիւնը զգաց երբ հազիւ թէ դեռ մանկութեան հասակէն ելած էր . արդէն առանց օգնականի , առանց բարեկամի և առանց մարդկային միտթարութեան մնացած էր . կերպով մը իւր հայրենիքէն աքսորուածի պէս հեռացած , հայրենական պաշտպանութենէն զրկուած , օտար արքունեաց մէջ , և անպաշտպան նշաւակ մը եղած նախատանայ և հալածանաց թէ իւր անձին և թէ աստուծոյն թշնամեացը : Օր օրուան վրայ ալ աւելի աղէկ ճանչցաւ որ իւր կեանքը այս անհաստատ աշխարհիս մէջ պանդխտութիւն մը պիտի ըլլայ : Իւր աստուծոյն գթութեանը ինքզինքը յանձնեց , ու սիրան աստուծոյ կը բանար , և ծածուկ լուութեամբ մը իւր ցաւերը անոր առջևը կը դնէր :

Ար ջանար իւր յատուկ կամքը խառնելու երկնային հօրը կամքին հետ, և կ'աղաչէր որ այս սիրելի կամքը իւր վրայ կատարուի այն ամեն փորձերով որ ինքն պատշաճ սեպէ: Աերջապէս երբ իւր հանդարտութիւնը և համբերութիւնը խաչելութեան քով կը դանար, կու դար միւսանդամ խառնուիլ սենեկապաններուն և խեղճ դատերացը հետ, զորս իրեն ընկերակից ընտրած էր, կարգէ դուրս սէր մը կը ցուցնէր անոնց. այս բանս ուրիշ կողմանէ դարձեալ պատճառ կ'ըլլար կրկնապատկելու երկու իշխանութեաց և պալատականաց ծիծաղը:

Սրբուհայն Աղիսաբէթի վաբբը գրողներէն մէկը՝ հոս տեղս կը դադրեցնէ իւր խօսքը, և այս աղօթքը սրբուհայն կը մատուցանէ. Մի սիրելի սրբուհիդ Աղիսաբէթ, քու առաքինի երիտասարդութիւնդ կը մեծարեմ, և քաշած հախատանացդ և հալածանքներուդ վրայ կը ցաւակցիմ քեզի. ինչո՞ւ համար քեզի պէս սրբութեամբ չեմ անցուցած իմ առաջի տարիներս. ինչո՞ւ քեզի պէս համբերութեամբ չեմ կրած բոլոր հակառակութիւնները. քու երանելի մանկութիւնդ բարեխօս բռնելով կ'աղաչեմ քեզի իմ մանկական չարիքս անհետացնես. և քու նուիրական համբերութեամբդ իմ բոլոր սրահութեանցս և անհամբերութեանցս թողութիւնը ընդունիս:

Եղիսաբեթ՝ հարան կ'ընծայուի Նուգովիկոսի:

Արդարադատն աստուած՝ որ իւր Եղիսաբեթին աղաչանքներն և արտասուքն ընդունած էր, քիչ ժամանակէն վարձահատոյց եղաւ անոր համբերութեանը և հնազանդութեանը: Իւր արքունեացը մէջ, միայն երիտասարդ Նուգովիկոս դուքսը՝ անոր դէմ անխրաւիլ չէր ուզած, և ամենուն յոյսը և ակնկալութիւնը փուճը հանելով՝ Եղիսաբեթին հաւատարիմ կեցաւ, զոր մանկութենէն ի վեր իւր նշանածը սեպած էր: Իւր սէրն անոր վրայ օր ըստ օրէ կը շատնար, և թէպէտ մօրմէն ակնածելով պատշաճ սեպեր էր հրապարակաւ չյայտնել, սակայն այն մաքուր և սուրբ սէրը իւր սրտին մէջ խորունկ արմատները ձգեր էր: Մօրը նախատինքներուն և յորդորանացը կարծես թէ խուլ կ'ըլլար, ինչպէս նաև սուտ բարեկամացը խորհուրդ-

ներուն և կրից ճայնին: Ուրախութեան զարմանքով կը դիտէր աշխարհքին նախատինքները, որոնց Եղիսաբէթ կը համբերէր, անոր կարգէ դուրս սարկեշտութիւնը, զգեստուցը մէջ անսպաճոյճ կերպը, աստուածաշտութիւնը և ողորմածութիւնը, և երջանիկ կը սեպէր ինք զինքը թէ որ կարենար իրմէ այս առաքինութիւններն սորվիլ: Եւ չէ թէ միայն իբրև իւր հարսը՝ բնական ու ամուսնական սիրով զինքը կը սիրէր, այլ իբրև քոյր մը ի Քրիստոս Յիսուս, և այն այնպիսի սիրով մը, որ կարծես երկնաւոր Հայր մը ազդած էր իր սրտին մէջ:

Որչափ չարամիտ անձինքը նենգաւոր խորհուրդներով կ'ուզէին զինքը մոլորցնել, այնչափ սրտին մէջ հաւատարմութիւն և գորով կը զգար այս անմեղ օրիորդին վրայ. և որչափ զինքը արհամարհուած կը տեսնէր ուրիշներէն՝ իւր աստուածաշտութեանը և առաքինութեանցը պատճառաւ, այնչափ ալ կարծես թէ հարկ կը զգար զինքը սիրելու և սաշտպանելու: Վերջապէս յարմար առիթներ գտաւ, առանց իւր մայրը դառնացնելու, երթալ և ի ծածուկ մը խիթարել զինքը տրտմութեան վայրկեաններուն մէջ: Այն միայնութեանը մէջ, աստուծմէ զատ ուրիշ վկայ մը չունենալով՝ կը խօսէին իրենց ծածուկ և փոխադարձ սիրոյն վրայ. իշխանն ալ կը ջանար իւր փափուկ և քաջալերիչ խօսքերովը՝ մեղմացնել այն վէրքերը որոնցմով ուրիշները վիրաւորած էին այս նորահաս հոգին: Այս քաղցր վերաբերութեանցը մէջ՝ կարգէ դուրս միսիթարութիւն մը կ'իմանար, և ամեն անգամ որ քիչ մը հեռաւոր ճանապարհ

Տորդութիւններ կ'ընէր, և վաճառաշահ քաղաքներէն կ'անցնէր, միշտ սակաւագիւտ կամ ազնիւ երեցած բան մը կը գնէր՝ իւր նշանածին ընծայելու. երբէք պարտապ ձեռքով չէր դառնար. կամ վարդարան մը, կամ փոքրիկ խաչելու թիւն մը, կամ ջերմեռանդութիւն բերող պատկեր մը, կամ կտրոց մը, քսակ մը, ձեռնոցներ կամ ադամանդներ անոր կուրծքը զարդարելու համար շղթայներ, ոսկիէ գնդասեղներ, վերջապէս անանկ բան մը որ Եղիսաբէթի աչքին հաճոյական երևնար. և ի դարձին ուրախութեամբ առաջ կը վազէր զինքը ողջունելու. բազկացը մէջ կ'առնուր զինքը, և քաղցրութեամբ կը զգուէր, վերջէն բերած ընծայն կու տար, իբրև առհաւատչեայ իւր սիրոյն, և նշանակ մը որ զինքը յիշած էր ճանապարհորդութեանը մէջ:

Սակայն անգամ մը դուքսը որ ճանապարհորդութիւն կ'ընէր շատ օտարական ազնուականաց հետ, մոռացաւ Եղիսաբէթին բերելու իւր սովորական ընծայն: Խշիտանուհին որ հալածանաց և նախատանաց պատճառաւ սկսած էր վտահութիւնը թուլնալ, կարգէ դուրս կերպով մը զգաց այս մոռացութիւնը, և իւր թըշնամիներն ալ ուրախութեամբ այս բանս դիտեցին, և ուրախացան նշանակ մը սեպելով զայն թէ Լուդովիկոս փոխուած է իւր մտացը և սիրոյն մէջ:

Եղիսաբէթ Վարիլայի Աողիյէ իշխանին հանդիպելով, որ զինքը Հունգարիայէն բերած էր, և որուն իւր հայրը արքայն մասնաւոր կերպով մը յանձնած էր զինքը, և որ միշտ ձեռքէն ե-

կաճին չափ ուրիշ պաշտօտականաց անիրաւու-
թեանցը դէմ զինքը պաշտպանած էր, իւր
տագնապը յայտնեց իրեն: Ընտիր ասպետը շատ
վշտացաւ անոր սրտին վշտերը տեսնելով, խոս-
տացաւ տիրոջը հետ խօսիլ, և քիչ ժամանակէն
ալ առ ի թը դտաւ:

Գուքսը որսի համար զինքը միատեղ առնելով
Վարդպուրկի շրջակայքը, երբոր երկուքը ա-
ռանձին կը հանգչէին այն անտառին մէջ, ուս-
կից Ինսէլպէրկ լեռը առջևնին կը տեսնէին,
Գուրինկիային ամենէն բարձր լեռը, Աողիւէ
ասպետը ըսաւ դքսին. Ար հաճի՞ք, տէր իմ, պա-
տասխանել հարցմունքի մը զոր ձեզի պիտի ը-
նեմ: Որուն իշխանը պատասխանեց՝ խօսիլ ա-
մենայն վստահութեամբ: Այն ատեն վրայ բե-
րաւ իշխանը. կը փափաքէի գիտնալ թէ ինչ
կը մտածէք Աղիսաբեթ օրիորդին համար, զոր
ձեզի բերի. արդեօք անոր հետ պիտի ամուս-
նանա՞ք, չէ՞նէ ձեր խօսքէն ետ դառնալով՝ իւր
հօրը պիտի խրկէք: Այն ատեն Աղղովիկոս մէ-
կէն ոտք ելաւ, և ձեռքը դէպ ի Ինսէլպէրկ եր-
կընցընելով, կը տեսնաս, ըսաւ, այդ լեռը որ մեր
առջևն է. եթէ այս լեռը՝ իւր ոտքէն մինչև վե-
րի ծայրը զուտ ոսկիէ ըլլար, և այդ ամեն հա-
րըստութիւնը իմն ըլլար՝ միայն այս պայմանաւ
որ իմ Աղիսաբեթս ետ խրկեմ, երբէք չէի ը-
ներ այդ բանը. թող մտածեն և ըսեն անոր վը-
րայ ինչ որ կ'ուզեն. ես այս կ'ըսեմ. զինքը կը
սիրեմ, և աշխարհիս վրայ երբէք անկէ աւելի
ուրիշ մէկ մը պիտի չսիրեմ. կ'ուզեմ ունենալ
իմ Աղիսաբեթս. ինձի աւելի սիրական է ինքն
իւր աստուածապաշտութեամբն և առաքինու-

Թեամբը, քան թէ աշխարհիս բոլոր երկիրներն
ամենայն հարստութեամբը: Աողիցէ սիրտ առ-
նելով՝ ըսաւ. Ա՛ղաչեմ, տէր իմ, ինձի թոյլ
տաք ուրեմն այս խօսքերը իրեն ծանուցանելու:
Ըսէ իրեն, պատասխանեց դուքսը, և ըսէ որ եր-
բէք ականջ պիտի չկախեմ ինչ որ իրեն դէմ
ինձի խորհուրդ տալու ըլլան. և ասիկայ տուր
իրեն՝ իբրև նոր առհաւատչեայ իմ հաւատար-
մութեանս: Այս ըսելով իւր քսակին մէջ փրնա-
ռեց, և փոքրիկ հայելի մը հանեց կրկին ապա-
կիով և արծաթի վրայ ագուցած, այս հայե-
լին վրայ Յիսուսի խաչելութեան պատկերը
կար:

Ասպետն աճապարեց երթալ գտնել Վեղի-
սաբեթ, բոլոր ըսածներն իրեն հաղորդեց, ու
հայելին ալ անոր յանձնեց: Աղիսաբեթ մեծ
ուրախութիւն իմացաւ և շնորհակալ եղաւ Առ-
դիցէ ասպետին, որ իրեն վրայ այսպէս խնամք
կը տանէր իբրև հայր և իբրև բարեկամ մը.
վերջէն հայելին բացաւ, և Յիսուսի պատկերը
տեսնելով՝ եռանդով մը համբուրեց, և սրտին
վրայ դրաւ:

Ար մօտենար այն ժամանակը յորում Աուդո-
վիկոս իւր քրիստոնէական և իշխանական խօս-
քը պիտի կատարէր, և Աղիսաբեթ պիտի ընդ-
ունէր իւր համբերութեանցը վարձքը, և նե-
ղութեանցը մէջ պիտի միխթարուէր: Հազար
երկերիւր տասնըութին, սրբոյն Վիլեանի առ-
նախմբութեան օրը, դուքսը իւր ութ և տաս-
նամեայ հասակը կատարելով, ասպետական զէն-
քերը հազաւ Ազնաբի սրբոյն Վեորդայ եկեղե-
ցոյն մէջ ուրիշ շատ ազնուական երիտասար-

դաց հետ. Նաուամուրիի եպիսկոպոսն ալ եկաւ սուրերնին օրհնեց: Գրսէն օտար իշխան չկար վասն զի Ղուղովիկոս յայտնեց թէ իւր ասպետութեան պատիւը աստուծմէ և իւր մտերիմներէն պիտի ընդունէր: Հետևեալ տարին պատերազմաւ մը զըսողեցաւ՝ Մայանս քաղաքին արքեպիսկոպոսին դէմ, որ Հերման դքսին հետ ունեցած քանի մը դժտութեանցը պատճառաւ՝ իւր որդին բանադրած էր: Սակայն Ղուղովիկոս անակնկալ ժամանակ մը Հէս քաղաքը մտնելով, եպիսկոպոսին և անոր բարեկամաց ստացուածքը յափշտակեց, և ստիպեց զինքը որ հաշտութիւն խնդրէ: Ֆիւլտ քաղաքին մէջ իրարու հետ տեսնուեցան հազար երկերիւր տասնութնին. իշխանը հանդիսական կերպով իր բանադրանքէն արձրկուեցաւ, և կատարեալ հաշտութիւն եղաւ մէջերնին: Այս առաջին պատերազմէն դառնալէն վերջը՝ Ղուղովիկոս իր միտքը յայտնեց՝ նշանաճին հետ ամուսնանալու, և անանկով լուեցրնելու ամեն նախատինքները և անիրաւ խորհուրդները որոնց Եղիսաբեթ զոհ եղած էր: Ոչ ոք համարձակեցաւ այս պիտի հաստատուն կամքի մը դէմ կենալ, և մարդկան խորամանկութիւնը անկարող գրանուեցաւ՝ երկու սրտերը իրարմէ բաժնելու զորոնք աստուած իւր յախտենական խորհրդոցը մէջ միացուցած էր: Զարմացէք, կ'ըսէ Եղիսաբեթի կենսագիրներէն մէկը, զարմացէք տեսնելով թէ ինչպէս այս երջանիկ երիտասարդը և ողջախոհ փեսայն ամուսնանալով՝ խուլ կ'ըլլայ օտար և անիրաւ խորհուրդներուն և հարրստութեան փափաքին, գիտնալով որ բարեպաշտ

ամուսին մը այն բարի բաժինն է՝ զոր աստուած սահմանած է անոր՝ որ երկրիս վրայ աղէկութիւն ըրած է:

Հազար երկերիւր քսանին՝ հարսանիքը շատ հանդիսով կատարուեցաւ Վարդպուրկ քաղաքին մէջ: Գուքսը Հեսի և Գուրինկիայի բոլոր կոմսերը հրաւիրեց, եկան նաև շատ ասպետներ և վահանակիրներ: Բոլոր հրաւիրեալք իւր ծախքովը Խղնաքի մէջ բնակեցան: Խշխանները ամենքը մէկ բերան Մէյնհարտ կոմսին և Վարիլայի իշխանին հրամայուցին հարսը եկեղեցին տանելու պատիւը, որոնք ինը տարի առաջ Հունգարիայէն զանկիկայ բերած էին, և հիմա կերպով մը կնիք պիտի դնէին իրենց ճանապարհորդութեանը: Եղիսաբէթին ընկերացած էին գաւառին բոլոր ազնուական տիկնայքը և օրիորդներն: Պատմագիրները ամենեւին չեն զրուցեր թէ ինչ տպաւորութիւն ըրաւ այս՝ ազնուականաց վրայ՝ երբ տեսան անոր յաղթանակը, որ այնչափ ժամանակէն ի վեր նոպատակ եղած էր իրենց նախատանացը և հալածանաց: Բայց պարծանքով կը պատմեն ձայնաւոր պատարագին ներդաշնակ երաժշտութիւնը, կոչնոց, նիզակախաղութեանց և պարերուն ճոխութիւնը և փառաւորութիւնը, որ իրեք օր տևեց, և որոնց մէջ երիտասարդ ասպետներէն շատերը համբաւաւոր եղան: Այս իրեք օրուան հանդիսէն ետքը՝ իշխաններն և իրենց տիկնայքը ետևէ ետև սկսան իրենց բերդերը երթալ: Երկու նորահաս ամուսինքը՝ անկէ ետքը միայն իրարու կը վերաբերէին: Երկուսիկոս քսան տարեկան էր, իսկ Եղիսաբէթ իւր երեքտասանա-

մեայ հասակին մէջ. երկուքն ալ թէ սրտով և
 թէ հասակաւ անմեղ. երկուքն ալ ոչ միայն
 մարմնով, այլ նաև սրտով և հաւատարմութեամբ
 թեամբ իրարու հետ միացած:

Գուգան Լուգովիկոս.

Փեսայն զոր Աստուած սահմանած էր իր գը-
 թութեամբն իւր բարեպաշտ աղախնոյն, և զոր
 կը սիրէր Նղիսարէթ կարգէ դուրս գորովով,
 յիրաւի իրեն և իւր սիրոյն արժանի էր: Գու-
 ըինկիայի և սրբուհւոյն բոլոր պատմագիրները՝
 կը միաբանին դքսին սրտաշարժ վարքը ստորա-
 գրելու. և բաց ի իւր փառաւոր համանուն՝
 սուրբ Լուգովիկոս Վաղղիոյ թագաւորէն՝ իւր
 դարուն պատմութիւնը ուրիշ իշխան մը չերե-
 ցրնէր որ իր երիտասարդական հասակին մէջ
 այսպիսի գերագոյն աստիճանաւ մը բոլոր քրիս-
 տոնէական և իշխանական առաքինութեանց
 տէր ըլլայ: Իւր հոգւոյն մաքրութիւնն և ազ-
 նուականութիւնը՝ ամենուն յայտնի կ'ըլլար
 նաև արտաքին կերպարանքէն. այրական գե-
 ղեցկութեամբը հռչակաւոր էր բոլոր ժամա-

նակակցացը մէջ. ամեն մատենագիրները կը գովեն անոր հասակին կատարեալ չափակցութիւնը, դիմաց վայելչութիւնը, ոսկեգոյն և երկայն մազերը, և իւր կերպարանքին քաղցր և զուարթ գեղեցկութիւնը: Իւր երեսացը քաղցր ժպտելուն՝ անկարելի էր դէմ կենալ. քալուածքը ազնուական և մեծավայելուչ էր, ձայնն ալ կարգէ, դուրս քաղցրութիւն մը ունէր: Ոչ որ կրնար զինքը տեսնել և չտեսլ. բայց ծաղիկ հասակին մէջ զինքը հռչակաւոր ընողը մարմնոյ և հոգւոյ մաքրութիւնն եղաւ, զոր երբէք թեթեւ բծով մըն ալ չարատաւորեց. սարկեշտ և ամօթխած օրիորդի մը պէս՝ դիւրաւ կը կարճըէր, և խօսքերուն մէջ մեծ զգուշութիւն կը բանեցընէր. չէ՛ թէ միայն իւր առջի և անմեղ տարիներուն մէջ այս մաքրութեան դանձր կրօնցաւ զգուշութեամբ պահել, հապա ունեցաւ հաստատուն և արմատացած կամբ մը, որ բոլոր կենացը կանոնն եղաւ, աննկուն ընդդիմամարտութիւն մը՝ բանեցընելով ամենէն աւելի յաճախեալ և վտանգալից փորձութեանց դէմ:

Ինքն իւր անձին տէր եղած՝ պատանեկութեան ծաղիկ հասակին մէջ, վեշտասանամեայ Պերմանիոյ հարուստ և զօրաւոր գաւառներուն մէկուն տէր ըլլալով, իշխանութեանց, ճոխութեանց, և այն ատենուան յուզեալ վիճակի մը մէջ, և մանաւանդ նենգաւոր խորհրդակիցներէ և մարդէլոյզներէ պաշարուած ալ ըլլալով, որ կը ցանկային իւր առաքինութիւնները կորսընցընելու՝ ամենեւին մտիկ չըրաւ անոնց, և թեթեւ կերպով մըն ալ չապականեց այն հաւատարմութիւնը՝ զոր խոստացած էր աստուծոյ,

[Թէ՛ իւր անձին նկատմամբ և [Թէ՛ անոր զոր Աստուծոյ համար կը սիրէր: Այս ըսածներնուս ստուգուած իւրերը ցուցնելու համար կ'ուզէնք երկու դէպք պատմել, զոր ժամանակակից պատմագիրները մանրապատում կ'աւանդեն:

Իւր հօրը մահու ընէն քիչ վերջը, երբ օր մը իւր մօրը Սոփիայ դքսուհոյն հետ՝ Եպեսպէրկ քաղաքին բերդին մէջն էր, ազնուական իշխան մը ուզեց անոր անմեղ երիտասարդուծ իւրեր փորձել: Մերձաւոր քաղաքի մը մէջ նորահաս հրաշագեղ օրիորդ մը գտնելով՝ հրամայեց բերդը բերել զինքը, և իշխանին սենեակը տարաւ այս բանիս համար պէտք էր գաւ[Թէ՛ մը անցնիլ՝ ուր Եղիսաբէթ այն միջոցին իւր ընկերակցաց հետ կը խաղար: Եղիսաբէթ այս օտարական օրիորդը տեսնելով, սկսաւ դառնապէս արտասուել և երբ իրեն հարցուցին արտասուացը պատճառը, պատասխանեց. «Անոր համար կ'ուրամ որ կ'ուզէն իմ եղբօրս պատուական հոգին առնել և կորսնցընել: Այն միջոցին երիտասարդ դուքսը իւր անկողնոյն վրայ կը հանգչէր և երբ լսեց իւր դրանը զարնուիլը. շուտ մը իւր անկողնէն ցատքելով՝ բանալու գնաց: Օրիորդը ասպետին հետ մտաւ, և երբ նստան. Օրիորդ, կ'ըսէ Լուդովիկոս, ինչ բանի համար հոս տեղս եկար: Չեմ գիտեր ամենևին, տէր իմ, պատասխանեց օրիորդը: Այն ատեն ասպետը կ'ըսէ. Կամաւ քեզի բերի, որպէս զի ձեր հաճոցքը կատարէր: Այս խօսքերը բարեպաշտ և խնաստուն իշխանը լսելով, իւր սենեկապաններէն մէկը կանչեց և իրեն հրամայեց որ քանի մը ոսկի գահեկան բերէ, և օրիորդին տալով ըսաւ. ե-

րեսիդ ծածկոյթը իջեցու, և այս պզտի ընծայն առ իբրև նշանակ մը օրհնութեան, որով կարենաս ուրախութեամբ դառնալ քու ընտանեացդ քով: Աւերջէն մէկ դի առնելով անարժան ասպետը, ասպարեց որ այս օրիորդը իւր ծնողացը յանձնէ. դոյզն վտանգ մըն ալ հանդիպելու ըլլայ իրեն, վրայ բերաւ, կ'երդնում որ զքեզ կախել կու տամ: Ազդիսաբեթ տեսնելով որ օտարականը այսչափ շուտով մեկնեցաւ, իւր արցունքը սրբեց, և ուրախացաւ աստուծոյ շնորհակալ ըլլալով:

Ուրիշ անգամ մը Խոնաք քաղաքին մէջ երբոր իշխանը պատուհանէ մը կը նայէր հրապարակի մը վրայ, ուր կը սարէին, ներկայ գրանուողներէն մէկը քաղաքացւոյ կին մը իրեն ցըցուց, որ նշանաւոր եղած էր իւր գեղեցիկութեամբը, և վրայ բերաւ որ եթէ իրեն հաճոյ է, ինքը պատրաստ էր այդ կինը իրեն բերել: Խոնանը բարկացած դէպ ի անոր դարձաւ, լուէ, ըսաւ. «Եթէ որ ուրիշ անգամ համարձակիս այդպիսի խօսք մը բերնէդ հանել, արքունիքէս ըզքեզ կը մերժեմ: Ի՞նչպէս կը համարձակիս ինձի առաջարկելու այսպիսի մեղքի մը հաղորդ ըլլալ, որ ամեն օր կրնամ աստուծոյ ատեանը կանչուիլ դատուելու և պատժուելու: Այսպիսի սակաւագիւտ և արիական առաքինութիւն մը չէր կրնար ուրիշ հիմն ունենալ՝ բայց եթէ գործունեայ հաւատք մը, և յեկեղեցւոյ սահմանուած ամեն պատուիրանաց գործնական կրթութիւնը:

Աւ յիշուի. վասն զի ամեն օր հանդիսով կը կատարուէին իր առջևը եկեղեցւոյ սուրբ խոր-

հուրդները, որոնց ներկայ կը գտնուէր բարի օրինակ առնելու բարեպաշտութեամբ մը: Նախանձայոյզ պաշտպան էր իրաւանց եկեղեցւոյ և վանորէից. ու երբ անդուծ անիրաւութիւն մը կամ աշխարհական հպատակացը աղահուծութիւնը կը խռովէին աստուծոյ պաշտօնէից հանդարտ և բարերար կեանքը, շուտ մը ձի կը հեծնար, որպէս զի նիզակը ձեռքը երթայ պաշտպանէ աստուծոյ և խեղճ ժողովրդեան իրաւունքը: Ամեն բանէ աւելի կրօնաւորաց ընկերակցութենէն կ'ախորժէր, և հասարակօրէն իւր շրջագայութեանցը տեղը՝ խաղաղութեան ժամանակ՝ Վեներդիկտեանց արքայարանն էր, ուր իւր շիրիմը պատրաստել տուած էր: Հոն հասնելուն պէս, իւր առաջին այցելութիւնն աղքատաց և պանդուխտներուն հիւրանոցն էր, ուր կը ջանար մխիթարել հիւանդներն և տրկարները իր ներկայութեամբը և քաղցր խօսքերով, և կը թողուր իրենց իբրև ողորմութիւն իւր հարուստ զգեստուցը մէկ մասը. կամ ուրիշ նուէր մը: Ու երբ միւսանդամ իւր պալատը կը դառնար, կը ջանար իւր վարուցը վրայ ցուցնելու ինչ բարի օրինակ որ կրօնաւորաց վանքը առած էր: Ապաշխարութեան համար ամենեկին աղած կերակուրներ կամ շաքարեղէն չէր ուտեր, և այն ժամանակին Պերմանիոյ իշխանաց սովորութեանը հակառակ՝ երբէք դարէ ջուր չէր խմեր. իսկ գինի՝ միայն իւր հիւանդութեանը ժամանակ: Այս անկեղծ և քաղցր եռանդը քրիստոնէական կենաց խոտամբեր պարտքերու՝ պատճառ կ'ըլլար աւելի պայծառ կերպով մը երեցընելու անոր վրայ բարեպաշտ ասպետի մը ձիրքերն:

Ոչ ոք իւր ժամանակակից իշխաններէն զինքը կը գերազանցէր քաջութեամբ, բնական ուժով, և ոչ իսկ մարմնոյ կրթութեամբ: Իր քաջութիւնը յայտնեց առթի մը մէջ զոր նոյն ատենին պատմագիրները խնամքով կը յիշատակեն: Կայսրն իրեն առիւծ մը պարգևած էր. մէկ առաւօտ մը երբ դուքսը հազիւ թէ հագուած, անդէն և անպաշտպան իւր դաւթին մէջ կը շորջագայէր, առիւծը տեսաւ որ իւր գառագիղէն փախած դէպ ի իրեն կը դիմէր մենչելով: Առանց ահաբեկելու քաջութեամբ սպասեց, իւր բուռը ցրցուց անոր, և ձայնով սպառնացաւ՝ իւր վտահոյթիւնը աստուծոյ վրայ դնելով: Առիւծը շուտ մը եկաւ իւր սուրբին քով նստաւ, սոչը շարժելով. սահասպան մը որ պատին քով կեցած էր, գազանին մենչելը լսելով իւր տիրոջը վտանգը տեսաւ, և օգնութիւն սրուաց: Առիւծը թողուց որ զինքը շղթայով կապեն, առանց դէմ կենալու. այն կատաղի գազանին վրայ բանեցուցած իշխանութեան մէջ շատ մարդիկ տեսան յայտնի առհաւատչեաց մը երկնային խնամոյ՝ որուն արժանի էր դուքսը իւր աստուածապաշտութեամբն և նորահասակ Եղիսաբեթին սրբութեամբը: Այդ քաջութիւնն, որուն ուրիշ այլ և այլ հաւաստիքն ալ մէջ պիտի բերէ այս պատմութիւնը, հետը միացուցեր էր գերազանց կերպով այնպիսի ազնուական մարդասէր կերպ մը, զոր սուրբն Ֆրանչիսկոս Ասիզացի իւր հռչակաւոր ժամանակակիցը՝ Քոյր զթութեան անուանեց: Ամեն կանանց հետ կարգէ դուրս մեծարանքով և սարկելշտութեամբ կը վարուէր. ամենուն

Տետ, և մանաւանդ իրմէ ստորիններուն՝ քաղցրութիւն և անկեղծ սէր կը ցուցնէր: Այս խորժէր հասարակ մարդկան հաճոյքը կատարել. բնաւ չէր վիրաւորեր և ոչ մէկը. հպարտութեամբն և կամ ցրտութեամբ չէր արհամարհեր. քաղցր և պարզ ուրախութիւն մը, սիրալիր ընտանութիւն մը կը տեսնուէր իւր ամեն մտերիմ և ընտանի կենսակցութեանցը մէջ: Ասպետներն անոր առատաձեւութիւնը կը գովէին. կոմսներն և իշխաններն՝ որ իւր արքունիքը կու գային, իրենց աստիճանին յարմար ամեն մեծարանք և պատիւ կը գտնէին իրմէ:

Այս ասպետական առաքինութեանց վրայ կ'աւելցընէր քրիստոնէայ իշխանի մը բոլոր առաքինութիւնները: Միակ սաստիկ կիրքը՝ որուն բոլոր պատմագիրները կը վկայեն, արդարութեան կիրքն էր. այնպիսի քաջութեամբ և եռանդեամբ պաշտպան էր արդարութեան, որ ամեն հարկաւոր խտտութիւն կը բանեցընէր առ ի պատուհասել արդարութեան օրինացը զանցառուները: Իւր արքունիքէն հեռացուց, և առանց թողութեան զրկեց իրենց պաշտօններէն կամ գործերէն այն իշխաններն որ հպատակնին կը չարչարէին. և զանոնք որ հպարտութեամբ կը վարուէին աղքատաց Տետ, կամ բռնական գործեր կ'ընէին, և կամ խաբէական ու չարամիտ ամբաստանութիւններ իրեն կ'ընէին: Հայհոյիչներն և այն մարդիկները որ չէին ամաչէր աղտեղի խօսքեր ըսելու, շուտ մը հրապարակաւ կը պատժէր: Աստուծոյ օրէնքը արհամարհողներուն դէմ խիստ էր, և ընդ հակառակն համբերող և ներողամիտ անոնց՝ որ իրեն

դէմ կը պահակէին: Երբ իւր ծառայներէն ու մանք իրեն վայելուչ մեծարանքէն կը պահակէին, բաւական կը սեպէր ըսելու. Սիրելի որդիք, ուրիշ անգամ մի ընէք. վասն զի իմ սիրտս կը վշտացընէք:

Բոլոր իւր որոշմանցը մէջ փորձուած խոհեմութիւնը կը ցուցընէր, իւր զինուորական արշաւանքը, քաղաքական գործերը այնպիսի ճարտարութիւն և նախատեսութիւն մը կը ցուցընէին, զոր դժուար էր միաբանելը իւր երիտասարդութեանը և բարուցը պարզութեանը հետ: Եռանդեամբ և փութով կը զբաղէր տէրութեան կառավարութեանը պահանջած գործերուն. իւր արդարութիւնն յամենայնի փորձուած էր. և իր մէկ պզտի խօսքն ալ այնպիսի վստահութիւն մը կ'ազդէր՝ իբր թէ հանդիսաւոր երդում մը ըրած ըլլար: Գթած և առատաձեռն էր առ աղքատս, կարգէ դուրս փոյթ մը կը ցուցընէր իւր ամեն կարգի ժողովրդեան: Կոմսերուն և երկրին մեծ իշխանաց՝ անարգ գիւղականի մը հաւատար խտութիւն կը բանեցընէր, եթէ հարստահարութեան կամ աւարառութեան ամբաստանութիւն մը վրանին լսէր: Որոնք որ՝ որ և իցէ անձէ մը նախատուած՝ վստահութեամբ իրեն կը դիմէին, երբէք ընդունայն չէին ելլեր: Պիտի տեսնենք զինքը շատ անգամ պատերազմի դաշտերուն մէջ ելած վրէժխնդրութիւն ընելու իւր ամենէն աւելի խոնարհ հպատակաց եղած նախատինքներուն համար: Այսպիսի իշխանի մը տակ՝ Գուրին կիայի բարոյական և նիւթական յաջողութիւնն պէտք էր աճիլ. ժամանակին պատմագիրները

կ'աւանդեն թէ ինչպիսի երջանկութիւն մը վա-
յելեց երկիրը՝ իր սակաւատե տերութեանը
ժամանակ, և թէ ինչ գեղեցիկ արդիւնքներ՝ ի-
րեն առաքինութեանց օրինակը ցրցուց. ազնուա-
կանք իրենց գլխաւորին հետեող եղան. ալ ան-
կէ ետքը չէր լուեր հպատակաց գանգատիլը
իրենց իշխանաց վրայ թէ զիրենք կը տանջէին.
ժողովուրդը հնազանդ և հանդարտ էր. միա-
բանութիւն, խաղաղութիւնն և արդարութիւ-
նը ամեն տեղ կը տիրէր. թէ իր հպատակները
և թէ օտարք ամենքը մէկ ձայնով այն երջան-
կութիւնը կը գովէին, զոր Ղուրինկիացիք պար-
տրկան էին Ղուղովիկոս դքսին առաքինութեան
ցը: Համառօտ ըսենք, բոլոր իւր բարքը և կեան-
քը կրնային բովանդակուիլ այն ազնուական
ձրից մէջ զոր ինքն վրան ցրցուցեր էր՝ իւր առա-
ջի տարիներէն ի վեր, որոնք էին աստուածաշ-
տութիւն, սրբութիւն և արդարութիւն: Ղու-
ղովիկոս արդարացուց ուղղափառ դարերուն
այն փառաւոր կարծիքն՝ որ հիմնական նմանու-
թիւն մը կը ձանաչէին, քահանայից և ասպե-
տաց մէջ, և որոնց համար ճշմարիտ ասպետնե-
րը՝ քահանայներն արդարութեամբ և հաւատ-
քով զինեալ էին. ինչպէս նաև քահանայներն
ալ ասպետք էին աստուծոյ բանին և աղօթից:

Վուդովիկոս և Եղիսաբեթ՝ սուրբ ամուսինք:

Իշխան մը որ այսպիսի կատարեալ օրինակ մը կ'ընծայէր բարեպաշտ քրիստոնէի մը, այս երկրիս վրայ ուրիշ քաղցրագոյն և աւելի գեղեցիկ վարձատրութիւն մը չէր կրնար ընդունիլ՝ բայց եթէ սրբուհւոյ մը սէրը: Տեսանք թէ ինչպէս Եղիսաբեթ ուրիշ կապով մը միացած չէր աշխարհիս կենաց հետ, բայց միայն սուրբ սիրոյ մը կապով՝ զոր բարեպաշտ մտածութեամբք որոշեր էր: Վուդովիկոս ալ իւր կողմանէ երբէք սուտ չհանեց իւր առաջի տարիներուն ազնուախոհ հաւատարմութիւնը: Եւ սակայն Եղիսաբեթի վրայ ալ կը տեսնուէր այն ամեն բան ինչ որ կրնար դպչիլ կամ հրապուրել նորահաս սիրտ մը. աստուծոյ առջև զարդարուած ըլլալով իւր աստուածապաշտութեամբն և խոնարհութեամբը, զարդարուած էր նաև մարդկան առջև ամենայն արտաքին ձիրքերով:

Այն պատմագիրներն որ անոր երեսացը նրկարագիրը պահած են, կ'աւանդեն թէ կատարեալ և կանոնաւոր գեղեցկութիւն մը ունէր. անանկ որ անկարելի էր անկէ աւելիին փափաքիլ: Մարմնոյն գոյնը թուխ և մաքուր, մազերը սեւաւ, հասակը անհամեմատ շնորհօք և մեծ վայելքութեամբ, քալուածքն ալ ծանր և ազնուական, աչուրները՝ գորովոյ, գթութեան և ողորմութեան վառարան մըն էր. դիւրին է ըսելը թէ այս երկրաւոր գեղեցկութիւնը՝ հանդիպատկեր մըն էր իւր հոգւոյն անմահ գեղեցկութեանը:

Բայց իրենց սրտերուն միութիւնը՝ ոչ թէ իրարու վրայ ունեցած համարման և կամ բնական սիրոյ մը վրայ հաստատուած էր, այլ հասարակաց հաւատքի մը վրայ, և խստակրօն կրթութեանց և պէսպէս առաքինութեանց՝ որ այս հաւատքը կ'ուսուցանէ, և այն ամեն պարտքերու վրայ զոր կը պահանջէ: Իւր երիտասարդութեամբը և գրեթէ մանկական սիրոյն եռանդեամբը զոր ունէր երկանը վրայ, Ազիսաբէթ երբէք չէր մոռնար՝ որ իւր գլուխն էր, ինչպէս Յիսուս Քրիստոս եկեղեցւոյ գլուխն է. և թէ պարտրկան էր յամենայնի հնազանդիլ, ինչպէս եկեղեցին Յիսուսի Քրիստոսի: Աւստի իւր սաստիկ սիրոյն հետ՝ կարգէ դուրս մեծարանք մը ունէր. դքսին ամեն գոյզն նշանին և գոյզն խօսքին փութով կը հնազանդէր. ամենայն խնամք կը բանեցընէր՝ որպէս զի իւր գործերէն և աննշան խօսքերէն բան մը չկարենայ զինքը վիրաւորել կամ սրտնեղութիւն մը տալ: Սակայն այն լուծը՝ որուն կը հնազանդէր,

եկեղեցւոյ կամայր համեմատ լուծ մըն էր՝ սիրոյ և խաղաղութեան լուծ մը, վասն զի Վուդու վիկոս իրեն ազատութեանը թողեր էր զինքը աստուածապաշտութեան և դժուութեան կրթութեանցը մէջ՝ որոյ միայն ետևէ էր Նղիսաբէթ, որով կը քաջալերէր և կը զօրացընէր զինքը օգտակար կրթութեանցը մէջ՝ բարեպաշտ եռանդեամբ մը, բաւական կը սեպէր միայն իրեն եռանդը չափաւորել՝ երբ չափը անցած կը տեսնէր. իրեն ազգարարութիւնները սիրալիբ խոհականութեամբ մը լի էին, զորոնք միշտ մըտադիւրութեամբ կ'ընդունէր Նղիսաբէթ :

Նաև կը տեսնէր, կ'ըսէ պատմագիրն, որ զաստուած բոլոր սրտով կը սիրէր, և այս մտածմունքը զինքը կ'ապահովընէր. Նղիսաբէթն ալ իւր կողմանէ՝ դքսին աստուածապաշտութեանը և իմաստութեանը վրայ վստահ իւր մահապուցումներէն բան մը իրմէն չէր ծածկեր, որովհետև լաւ գիտէր թէ ընաւ արդեւք չէր ըլլար իւր կամքը կատարելու առ սէրն աստուծոյ : Այսպիսի փոփոխակի սիրով երկուքն ալ քաղցրութեամբ կը յորդորէին մէկզմէկ կատարելութեան ճանապարհին մէջ յառաջադիմելու. այս սուրբ նախանձը զիրենք կը զօրացընէր և կը հաստատէր աստուծոյ պաշտամանցը մէջ. իրենց միութեան քաղցրութիւնը՝ գերազոյն զգացմանց և սիրոյ հաճոյք մըն էր. իրենց մաքուր և սարգ սիրոյն յատկութիւնը կը յայտնուէր մանաւանդ այն գորովալի սովորութեանէն՝ զոր միշտ պահած էին, մէկզմէկ քոյր և եղբայր կոչելու՝ նոյն իսկ իրենց ամուսնութեանէն ալ ետքը՝ իբրև թէ իրենց միատեղ անցու-

ցած մանկութեան յիշատակը մշտնջենաւորել մը ուզելով, և իրենց բովանդակ կեանքը միակ սիրով մը խառնել: Իրարմէ անբաժան ըլլալու երջանկութիւնն իրենց համար այնչափ անհրաժեշտ էր, և մէկ մէկու վրայ ունեցած ողջախոհ սէրը այնչափ զօրաւոր, և այնչափ սաստիկ իրենց հոգւոյն մտերիմ միաբանութիւնը, որ չէին կրնար մէկ մէկէ բաժնուած կենալ. նաև քիչ մը ատեն ալ: Ուստի երբոր դուքսը պզտի ճանապարհորդութիւններ կ'ընէր, իւր սիրական Նդիսաբեթը միշտ մէկ տեղ կ'առնուր, և ինքն ալ ուրախութեամբ դքսին հետ կ'ընկերանար, թէպէտ և յաճախ կը հանդիպէր վտանգալից և դժուար ճամբայներէն անցնիլ, և հեռու տեղուանք շրջագայիլ, և սաստիկ մըրիկներու հանդիպիլ: Սակայն ոչ սառամանիք, ոչ ձիւն, ոչ սաստիկ ջերմութիւն և ոչ հեղեղք՝ կրնային իրեն արգելք ըլլալ. որովհետև անկարելի էր դքսէն բաժնուած կենալը:

Սակայն երբեմն կը պատահէր որ Լուդովիկոս ստիպուած կ'ըլլար, իւր թագաւորական գործերէն, հեռու ճանապարհորդութեանց ձեռք զարնել, իւր երկրէն հեռանալ. և իւր կիներն միատեղ չառնուլ: Բայց այս հեռաւորութեան առիթներն՝ պատճառ կ'ըլլային իրենց փոփոխակի հաւատարմութիւնն և գորովը ալ աւելի հաստատելու: Նորահաս դքսին չարամիտ բարեկամներն՝ այն միջոցներն յարմար ժամանակ կը սեպէին և կը ջանային զինքը յորդորելու, որպէս զի ինքզինքը մարմնոյ հակամիտութեանցը տայ, որպէս զի իւր սրբութեանն և իւր առ Նդիսաբեթ ունեցած սիրոյն դէմ չարու-

Թեան յաղթանակ մը կանգնեն: Օր մը իւր աս-
 պետներէն ոմանք՝ իրեն կ'ըսեն. Տէր, ինչ բանի
 համար ուրիշ իշխանաց և տերանց պէս չես ընէր.
 միշտ կ'նոջդ հետ չես կրնար ըլլալ, և ոչ ալ համ-
 բերել քու երիտասարդութեանդ փափաքանա-
 ցը: Առդովիկոս նախ լուեց, բայց տեսնելով որ
 շատ վրայ կու տային, բարկութեամբ մը պա-
 տասխանեց. Պարոններ, եթէ կը փափաքիք իմ
 առջեւ հաճոյ ըլլալ, զգուշացէք ինծի հետ ու-
 ըրիչ ատեն այսպիսի լեզու մը բռնելէն, որով
 հետե կ'ին մը ունիմ, և սրբաբերական եմ իրեն
 իմ հաւատարմութիւնս պահելու: Եղիսա-
 բէթ՝ երբ իւր ամուսինը կը հեռանար, իշխա-
 նուհւոյ զգեստները մէկ դի կը դնէր, և
 այրի կանանց զգեստը կը հագնէր, և անոնց
 պէս գլուխը քօղով կը ծածկէր. և այնպէս կը
 կենար դքսին ճանապարհորդութեան ժամա-
 նակը, անոր վերադարձին սպասելով աղօթքով,
 տքնութեամբ և ամենայն խստակրօն մահացու-
 ցումներով: Բայց երբ կու գային ծանուցանելու
 իւր դքսին մօտենալը, կ'աճապարէր ամենայն
 զգուշութեամբ և սրայծառութեամբ զարդա-
 րուիլ, ինչ որ իւր աստիճանը կրնար պահանջել:
 Այլ եթէ, կ'ըսէր իւր հետը եղողներուն, աշ-
 խարհային հաճոյից կամ ունայնասիրութեան
 համար այսպէս կը զարդարուիմ, աստուած ին-
 ծի կը վկայէ. այլ միայն քրիստոնէական սիրոյ
 համար, որպէս զի իմ եղբօրմէս վերցընեմ ա-
 մենայն տօգոհութեան և մեղաց առիթը, որ
 չըլլայ թէ բան մը իրեն անհաճոյ ըլլայ իմ վը-
 րաս, որպէս զի միայն զիս սիրէ՝ առ սէրն աս-
 տուծոյ, և աստուած որ մեր միութիւնը պա-

Հաճ է երկրիս վրայ, մեզի երկուքներնուս ալ չնորհէ միանալ յաւիտենական կենաց մէջ: Յետոյ դքսին ընդ առաջ կ'երթար կարգէ դուրս ուրախութեամբ և զուարթութեամբ, և որչափ որ մէկ տեղ էին՝ ամեն ջանք կ'ընէր հաճոյանալու իր առջևը և իր սրտին. կերակրոյ ատեն՝ անկարելի էր իւր դքսէն հեռու նստիլ. միշտ քովի աթուին վրայ կը նստէր, և այս բանս այն ժամանակին աղնուական տիկնայց սովորութեանը դէմ էր:

Արանկով չէ թէ միայն կը ջանար կրցածին չափ իւր փեսայէն հեռանալ, այլ և կ'իմանար թէ իւր ներկայութեամբը նորահասակ ասպետաց թեթև խօսակցութեանց սանձ մը կը դրնէր. և յիրաւի բան մը չկրնար աշխարհասէր սրտերու վրայ այնչափ պատկառանք մը ազդելու, ինչպէս երկու նորահաս սրտերու մէջ եղած առաքինութեանց տեսարան մը: Այսպէս միացած սուրբ կապով մը, խոնարհութեամբ և մաքրութեամբ լի սիրով և բարի յօժարութեամբ աստուծոյ և մարդկան առջև մէկ մէկու վրայ կարգէ դուրս սէր մը և գորով մը ունէին. բայց այնպիսի սէր մը որ երկուքն ալ միշտ առ աստուած կը տանէր. երկուքն ալ երկնից և երկրի կ'ընծայէին քաղցր և բարի օրինակ առնելու տեսարան մը, և առաջուց կը հաւատէին այն գեղեցիկ և փառաւոր նկարագիրը՝ զոր ուղղափառ գերագոյն բանաստեղծ մը սրբբազան և երկնային ամուսնութեան մը վրայ գրեց:

Ճգնութիւնք սրբուհւոյն Եղիսաբեթի.

Մանկահասակ իշխանուհին Եղիսաբեթ կը վայելէր առջի տարիներուն բարեբաստութիւնը, և այն քաղցր ուրախութիւնն կենաց մանկութեանը՝ որուն չկրնար հաւասարիլ որ և իցէ ապագայ ուրախութիւն մը, և զոր որ և իցէ թըշուառութիւն մը չկրնար մոռցընել: Մեր տկար սրտերուն մէջ այնչափ աւելի կեանքը կը դառնանայ որչափ որ այն մանկութիւնը մեզմէ հեռանայ, և իրենց յիշատակութիւնը բաւական է ամենայն դժնդակ ցաւերը մեզմացընելու: Աստուած յաճախ կը շնորհէ իւր արարածոց այս կենաց առաւօտեան ցօղը, որպէս զի կարենայ ծանրութեան և օրուան ջերմութեանը դէմ կենալ: Սակայն Եղիսաբեթ, որուն ներքին աչուրները երկնքին վրայ սեւեռած էին, ընդունելով այս երջանկութիւնը՝ կարգէ դուրս

գորուլալից ապաւինութեամբ մը, կ'իմանար ապագայ վտանգը. և այս՝ ազնիւ հոգւոյն համար՝ տեսակ մը փորձ էր որուն պէտք էր յաղթանակել:

Սակայն Նդիսաբէթ կ'զգար թէ՛ այն շնորհքը զոր աստուած իրեն սարգեւած էր, միացրնելով զինքը անոր հետ՝ որուն վրայ այնչափ սէր ունէր այս երկրիս վրայ, սարտք կը դնէր իրեն վրայ աւելի եռանդուն հաւատարմութիւն մը և աւելի մեծ երախտագիտութիւն մը ունենալու իւր երկնաւոր բարերարին: Թէպէտ և անտարակոյս՝ իւր մանկութեան խիղճը ծանրացած չէր՝ ծանր սխալմունքներով, սակայն երբէք մտքէն չէր հանէր՝ թէ յանդիման արդար դատաստանին աստուծոյ, ամենէն աւելի հաւատարիմ հոգիներն ալ ուրիշ բան չէն բայց անպիտան ծառայներ, և թէ պէտք եղած զոհերը անկարելի է որ մարդս կարենայ ընել՝ փրկութեան արժանի ըլլալու համար: Այն ատենէն սկսաւ իւր հոգւոյն խոնարհութեանը մէջ՝ այն շնորհաց առաքիլութիւնը, որ է՝ ըստ քաղցր և մխիթարիչ վարդապետութեան եկեղեցւոյ, աստուծոյ սուրբերուն համար պայծառ փառք մը. և հաւատարիմներուն համար ալ հարուստ դանձարան մը. և ապահով ապաստանարան մը: Ամեն բանէ առաջ ջանաց Նդիսաբէթ նուաճել իւր մարմինը տքնութեամբ. տեսանք մենք թէ՛ ինչ յարատե խստութեամբ մը գիտէր ինքզինքը մահացընել՝ այս նիւթին մէջ. մեծ խնամքով և ներողամիտ սիրով մը իւր բարեպաշտ փեսայն ալ կը տեսնէր զինքը որ իւր քովէն կ'ելլէր առ աստուած մօտենալու հա-

մար: Բայց Եղիսաբեթ յաճախ իւր բարի յօ-
 ժարութեամբն ալ աղօթք ընելու ատենը չէր
 կրնար քունին դէմ դնել. և կը ննջէր այն օ-
 թոցին վրայ որ անկողնոյն քովն էր, ձեռքը իւր
 փեսային ձեռացը մէջ: Իրեն ծառայութիւն ը-
 նող աղախինները երբ առաւօտուն սենեակը
 կը մտնէին, և զինքը գետնի վրայ կը տեսնէին՝
 տհաճութեամբ մը կը հարցընէին թէ աւելի
 լաւ չէր ընել անկողնին մէջ ննջել քան թէ
 գետնի վրայ: Այ, պատասխան կու տար, միշտ
 աղօթք չեմ կրնար ընել. սակայն կրնամ ինք-
 զինքս մահացընել՝ հեռանալով ի սիրելոցս. կ'ու-
 ղեմ որ մարմինս նուաճուի, վասն զի թէ որ ի-
 րեն ուզածը ընելու ըլլամ՝ ինծի կը յաղթէ:

Երբ իւր ամուսինը ճանապարհորդութեան
 զբաղած էր, բոլոր գիշերը տքնութեամբ կ'ան-
 ցընէր՝ Յիսուսին իւր հոգւոյն փեսային հետ:
 Անմեղ իշխանուհին իւր փառաւոր և գեղեցիկ
 զգեստներուն տակէն ալ միշտ քուրձ մը կը հագ-
 նէր մարմնոյն վրայէն: Ուրբաթ օրերը ի յիշա-
 տակ Յիսուսի Քրիստոսի ցաւալի չարչարանացը,
 և մեծ պահոց մէջ ամեն օր ի ծածուկ իր մար-
 մինը ծեծել կու տար խստութեամբ որպէս զի,
 պատմագիրներէն մէկը կ'ըսէ, Յիսուսի Քրիս-
 տոսի հատուցմունք մը ընէ, անոր որ մեզի հա-
 մար ձաղկեցաւ. և վերջէն կ'ելլէր իւր արքու-
 նեացը կ'երևնար պայծառ և ուրախ դէմքով:
 Երբեմն ալ գիշեր ատեն իւր փեսային քովէն ել-
 լալով առանձին սենեակ մը կը մտնէր, և իւր ծա-
 ռաներն կը ստիպէր որ անխնայ ծեծեն զինքը:

Այսպիսի խստամբեր չարչարանքներով իւր
 անձին և իրեն յատուկ տկարութեանն վրայ ա-

պահովցած, նորէն իւր փեսային քով կը դառնար, որուն քով կրկնապատիկ կը զգար ուրախութիւնը և քաղցրութիւնը: Այս կերպով, կ'ըսէ ժամանակակից քերթող մը, կը ջանար Եղիսաբէթ առ աստուած մօտենալ և իւր մարմնոյ բանտին կապերը խորտակել, իբրև քաջասիրտ պատերազմող մը Յիսուսի Քրիստոսի սիրոյն: Սակայն իրեն կանոն դրած էր, որ չըլլայ թէ այս ծածուկ խստամբերութիւնները ցաւի ազդեցութիւն մը բերեն իւր սովորական գործոցը վրայ, կամ տխուր և մաղձոտ բնաւորութիւն մը ցուցնեն իւր վրայ: Ոչ երբէք դժուարութիւն մը կը ցուցնէր՝ առաջիկայ գրտնուիլ այնպիսի հանդէսներու և աշխարհային գումարմանց, որոնք կերպով մը իւր վիճակին պարտքը կրնային սեպուիլ, և ինչպէս կ'ըսէ երևելի սուրբ մը որ զինքը լաւ հասկըցեր էր և ճանչցեր, Եղիսաբէթ երբեմն կը խաղար ու կը պարէր ալ, առանց իւր ջերմեռանդութեանը փնաս մը բերելու, որովհետև աստուածպաշտութիւնը խորունկ կերպով մը իւր սրտին մէջ արմատացած էր, և ինչպէս Տիէթ լիճին բոլորտիքն եղած ժայռերն ալիքներէն զարնուելով հանդերձ կ'աճին, այսպէս ալ իւր աստուածպաշտութիւնը կ'աճէր ճոխութեանց և ունայնութեանց մէջ. կ'արհամարհէր ամենայն տեսակ արտաքին չափազանցութիւն աստուածպաշտութեան գործոցը մէջ, և ամենայն տեսակ կեղծաւորութիւն որոնք որ աղօթք ընելու ժամանակնին տխուր և խիստ կերպարանք մը կ'առնէին, անոնց համար կ'ըսէր թէ կարծես որ կը փափաքին բարերար աստուածը վախցը-

նել, վասն զի կրնային ուրախութեամբ և բարի սրտով խնդրել՝ ուզածնին: Սակայն բնաւ անփոյթ չէր ըլլար աստուծոյ ընծայելու իւր խոնարհութեան և հնազանդութեան խղճերը: Իրեն խոստովանահայրն էր Գոնրատ Մարտիրի գաւառին վարդապետը, որուն վրայ վերջէն պիտի խօսինք. և որուն դիմաց փեսայն թոյլ տրւած էր հնազանդութեան ուխտ մը ընելու այն ամենայն բանին մէջ որ չէին հակառակեր իւր ամուսնական իրաւանցը:

Գոնրատ՝ որ մէկ քանի տուրքերուն դէմ էր, որոնց եկամուտը սահմանուած էր արքունական սեղանոյն ծախքերը հոգալու, իւր խոստովանորդոյն ապսպրած էր՝ միայն այն կերակուրներով սնանիլ՝ որոնց համար ստոյգ գիտէր թէ իւր ամուսնոյն ստացուածքներէն վճարուած էին, և չէ թէ իւր հպատակաց ինչքերէն, զոր անիրաւ հարստութիւն կը սեպէր և աստուծոյ կտմնացը դէմ: Երիտասարդ դքսուհոյն գթալի սիրտը՝ մտադիրութեամբ ընդունեցաւ այս առաջարկը, և ի դործ դրաւ զգուշաւոր ճշդութեամբ. բայց երբեմն կը տազնապէր այս ըզգուշութիւնն ընելու, վասն զի ինչպէս որ ըսինք, միշտ կերակրոյ ժամանակ իւր ամուսնոյն քովը կը նստէր: Սակայն բարեպաշտ դուքսը երբէք արդէլք չեղաւ իւր փափաքանացը, և երբ դքսուհոյն պատուոյ երեք օրիորդներն ալ հրաման խնդրեցին իրենց տիրուհոյն օրինակին հետեւելու, շուտ մը իրենց շնորհեց, ըսելով թէ ես ալ յօժարութեամբ ձեզի պէս պիտի ընեմ, եթէ չլախնամ չարախօսութենէ և դայթակղութենէ. բայց աստուծոյ օգնութեամբը ես

ալ քիչ ժամանակէն իմ կեանքիս կերպը պիտի փոխեմ: Յարգելով իւր կնոջը խիղճը, անձամբ իմաց կու տար քաղցր և սիրալիր յօժարութեամբ մը՝ երբ այնպիսի կերակուրներ սեղանի վրայ կը դրուէին որ իրեն կանոնէն դուրս էին. ուստի երբ ստուգութեամբ գիտէր թէ այն կերակուրները իւր յատուկ ինչքերէն առաջ եկած էին, այն ատեն կը ստիպէր որ ուտէ: Սակայն Նդիսաբեթ հազիւ կը համարձակէր որ և իցէ անակի մը դաչիւ. վասն զի միշտ վախի մէջ էր որ չըլլայ թէ աղքատի մը դառն քրտանց պտուղն ըլլայ. կը զգուշանար մարդկան աչքէն ծածկելու ինչ որ կ'ընէր առ սէրն աստուծոյ. երբոր դքսին սեղանը կը նստէր՝ արքունական ասպետաց և պաշտօնակալաց հետ, բազմապատիկ հնարքներ կը բանեցընէր, որպէս զի իւր մահացումնքները չիմանան:

Իւր պատուոյ օրիորդներն, իւր մահացումնց ընկերակիցքը, կը պատմեն թէ երբեմն իրեն կերակուրը ուրիշ բան չէր՝ բայց միայն ցամաք հաց կամ փոքրիկ խմորեղէններ, որոնց վրայ մեղր քսելով կ'ուտէր: Օր մը մեծ խնջոյքի մը վրայ ստիպուելով հինգ փոքրիկ թռչուններ ընդունելու, ջանաց գրեթէ ամբողջ իւր հետևողներուն թողուլ. Նդիսաբեթ անոնց ալ մահացումնցն իրենին պէս մասնաւոր խնամք մը ունէր: Աւրիշ անգամ մը որ իւր ամուսնոյն հետ կ'երթար՝ տէրութեան խորհրդանոցը, սեղանի վրայ ուրիշ բան չգտաւ, զոր կարենար անխիղճ ուտել, բայց կոտոր մը սեաւ հաց, և ան ալ այնչափ չոր՝ որ ստիպուեցաւ տաք ջուրի մէջ կակղացընել, սակայն ծովի օր ըլլալուն՝ այսչափ սը-

նունդը իրեն բաւական սեպեց, և նոյն օրուան մէջ տասնուվեց մղոն ձիով ճանապարհորդութիւն ըրաւ:

Հաճոյական աւանդութիւն մը կը ցրցունէ թէ որչափ աստուած Ադիսաբեթին կը քաղցրաւ ցընէր, նոյն իսկ բնական և զգալի կերպով, ինչ որ իւր մահացումանց մէջ խիստ և դժուարին բան մը գտնուէր: Օր մը՝ իւր ամուսնոյն հեռու եղած ժամանակը, առանձին կը ճաշէր իւր աղքատին կերակուրը, որ էր ցամաք հաց և ջուր: Գուքան անակնկալ ժամանակ վրայ գալով՝ կամեցաւ ինչան բարեկամութեան անոր բաժակէն խմել. և մեծ զարմանքով գտաւ այնպիսի ըմպելիք մը որ կարծես թէ աշխարհիս վրայ գտնուող սակաւագիւտ և ազնիւ գինի մըն էր. շուտ մը մատակարարին հարցուց թէ ուսկից առեր էր, և անիկայ պատասխանեց թէ դքսուհւոյն միայն ջուր տուած էր: Աուդովիկոս լուեց. սակայն պատմողին արդար և բարեպաշտ բացատրութեանը համեմատ, գուշակեց մէկէն թէ աստուածային սիրոյ նշանակ մը կար հոն, և փոխարէն վարձք մը իւր կնոջը ըրած ձգնութեանցը: Յաճախ պալատին մտռանները կը քալէր իւր աղախնոյն հետ, և մեծ խնամօք կը տեղեկանար ամենայն կերակրոց և ըմպելեաց ուսկից մատակարարուիլը: Երբ թոյլ տրուած կերակուր մը կը գտնէր, իւր հետը եղող օրիորդացը կ'ըսէր. միայն ասիկայ պիտի ուտէք: Աամ երբ օրինաւոր ըմպելիք մը, ինչպէս իւր ամուսնոյն այգիներուն գինին՝ միայն ասիկայ խմեցէք կ'ըսէր: Սակայն երբ կը տեսնէր թէ բոլոր կերակուրներն իւր կամացը համեմատ էին, այն

ատեն կը սկսէր ձեռք ձեռքի զարնել մանկահան ուրախութեամբ մը աղաղակելով: Այսօր ամեն բան լաւ է, վասն զի սխտի կարենանք ուտել և ըմպել: Եղիսաբէթ այն ատենը հնգետասանամեայ հասակին մէջ էր, և դեռ պահած էր սրտին և մտացը մանկութիւնը, իւր հասակէն վեր առաքինութեամբ՝ ինքզինքը բոլորովին աստուծոյ նուիրելով: Այսպիսի խստակրօն կեանք մը և միանգամայն հակառակ իւր աստիճանին և վիճակին սովորութեանցը, դժբասուհւոյն վրայ ձգեց հրապարակական նախատինք և բոլոր իւր արքունեացը յանդիմանութիւնը. դքսին ալ չէին խնայեր, տեսնելով որ թոյլ կու տար կնոջը, և անոր կարգէ դուրս բերունած կերպը չէր արդիւնէր: Երկուքն ալ կը համակերպէին համբերութեամբ և ներողամտութեամբ այս անիրաւ դատաստանաց, և աւելի կ'ախորժէին աստուծոյ հաճոյ ըլլալ քան թէ մարդկան:

Սակայն նորահասակ իշխանուհին նոր ասպարէզ մը գտաւ իւր մահացուցմանց սէրն և եռանդը յառաջ տանելու: Հանդիսի օր մը ըստ սովորութեան Վարդապուրիէն Խղնաք իջաւ փառաւոր զգեստ մը հագած, այլ և այլ զարդերով զարդարուած, գլուխն ալ դքսուհւոյ պրսակ մը դրած, իւր զոքանչին, և ուրիշ աղնուական տիկնայց հետ միաբանած քաղքին եկեղեցին գնաց: Սովորութիւնը բրած էր որ ամեն անգամ եկեղեցի մտնելուն՝ մէկէն ի մէկ իւր աչքը դէպ ի խաչելութեան կը դարձնէր. նոյնը բրաւ նաև նոյն օրն ալ. իւր փրկչին պատկերը տեսնելով մերկ, փուշով սրահուած, ձեռ-

քերն և ոտքերը բևեռօք խաչափայտին վրայ
գամուած, կարգէ դուրս զղջում մը զգաց սրը-
տին մէջ ինչպէս ուրիշ անգամ իւր մանկու-
կեան ժամանակը. բայց վերջէն ինքզինքը գըտ-
նելով սկսաւ ըսել. ահաւասիկ քու աստուածդ
խաչափայտէն կախուած, և դու անարգ արա-
րած, անոր դիմացը կ'երևնաս փառաւոր զգեստ
ներով և զարդով. գլուխը փշով պսակուած է,
և դու ոսկեղէն պսակ ունիս: Այն միջոցին կար-
գէ դուրս ցաւ մը զգալով, մարեցաւ և գետնի
վրայ ինկաւ: Հոն գտնուողներն զարհուրած՝
գետնէն վերուցին զինքը, և եկեղեցւոյն դրան
քով տարին և օրհնած ջուր զարկին երեսին.
որպէս զի արթըննայ. քիչ ատենէն խելքը գը-
լուխը եկաւ:

Այն վայրկեանէն առաջադրեց յամենայն
զարդուց հրաժարիլ, բաց ի այն առիթներէն որ
կամ իւր աստիճանը զինքը կը ստիպէր, կամ
իւր ամուսնոյն կամքը: Իւր աղախնեայցը վկա-
յութեանցը մէջ կը գտնուի շատ մանրասպա-
տում նիւթեր, թէ այն ամեն զարդերէն՝ որ
իշխանուհւոյ մը սեպհական կը սեպուէին՝ այն
ժամանակէն, ինքը չուզեց ամենևին գործածել.
օրինակ իմն՝ բոլորովին հրաժարեցաւ բաց գու-
նով մետաքսեայ զգեստներէն, փայլուն գլխի
քողերէն, նեղ թեղնիքներէն, որ այն ատե-
նուան մեծ ճոխութիւնները կը սեպուէին, բե-
հեղեայ ժապաւէններէն, որ մազերը վեր կը
բռնէին, և վերջապէս գետնաքարչ և երկայն
զգեստներէն: Սակայն երբ ստիպուած էր հան-
դիսի զգեստները հագնիլ, ծիրանագոյն պատ-
մուճանին և զարդերուն տակէն հասարակ բուր-

դէ զգետտ մը կը հագնէր, և մարմնոյն վրայէն քուրձը երբէք չէր թողուր: Նոյնպէս հրապարակական հանդէսներու մէջ ալ միշտ կը ջանար քրիստոնեայ իշխանուհւոյ մը պարկեշտութիւնը ցուցնել վրան: Այս քրիստոնէական պարկեշտութիւնը կ'ապսպրէր ուրիշ ազնուական տիկնայց ալ՝ որ իրեն այցելութեան կու գային, և անդադար կը յորդորէր գէթ հրաժարիլ աշխարհային ունայնութենէ, և զգետտի օրինակներ ալ կը խրկէր զոր իրենց յարմար կը սեպէր: Իւր աշխատութիւններն անպտուղ չեղան. այս երիտասարդ իշխանուհւոյն տիկիներէն ոմանք՝ հազիւ թէ ամուսնացած՝ իրեն օրինակէն յորդորուելով աշխարհային ունայնութենէ հրաժարեցան. և մէջերնէն ոմանք մշտնջենաւոր թուժկալութեան ուխտադրութիւն մըն սլուրին:

Ո՛ սուրբ անկեղծութիւն, անմեղութիւն մանկութեան հասակին, երջանիկ օրերուն աննենգ և մաքուր գգուանքը, արդեօք նորէն պիտի դառնաս. պէտք է արդեօք կարծել թէ դու բոլորովին պիտի մարիս և ոչնչանաս: Թէ որ ճշմարիտ է թէ աշխարհիս շարունակութեան դարերն կը նմանին մարդկան տարիներուն, ալ պիտի չդառնաս բնաւ մէյմըն ալ այսպիսի տխուր և երկար ձմեռունէ վերջը, ո՛վ քաղցր դարուն հաւատոյ, որ մեր սիրտն և աշխարհքը կ'ոռագետս:

Նշքատսիրութիւն սրբուհւոյն Նղիսաբէթի.

Մինչդեռ Նղիսաբէթ այսպիսի խստակրօն լուծ մը կը դնէր իւր զգայարանացը, և ասանկ հաստատուն խստութեամբ մը ինքզինքը կը կառավարէր, իւր սիրտը լի էր ողորմածութեամբ և գթութեամբ թշուառ եղբարցը վրայ: Պորո վալնց գթութիւն, որով միշտ վառուած էր իւր մանկութենէն ի վեր, և որ օրըստ օրէ կ'աճէր սրտին մէջ, որ և քիչ ժամանակ վրան անցնելէն ետքը արժանի պիտի ընէր զինքը այն քաղցր և փառաւորմանկանուանը՝ որ էր կոչուիլը Պաշտպան աղքատաց. և այս անուամբ մինչև ցայսօր բոլոր քրիստոնէութիւնը զինքը կը մեծարէ: Նոյն ժամանակին նշանաւոր ձիրքերէն մէկն ալ էր առատաձեռնութիւնն առ աղքատս՝ մանաւանդ մեծազգի իշխանաց մէջ. բայց Նղիսաբէթին ողորմածութիւնն՝ չէ թէ ազնուատոհմ ըլլալուն

արդիւնք էր, կամ մարդկային երախտադէտ գովութեան արժանի ըլլալու փափաք մը, այլ երկնային և ներքին ազդեցութենէ մը յառաջ եկած: Մանուկ հասակէն անկարելի եղած էր որ աղքատ մը տեմնէր և սիրտը տակն ու վրայ չըլլար, և հիմայ՝ որ իւր ամուսինը իրեն լիուլի ազատութիւն տուած էր ընելու ինչ որ ի սպա- տիւ աստուծոյ կամ մարդկան աղէկութեանը կը պատշաճէր, բովանդակ ինքզինքը տուաւ իւր բնական հակամիտութեանը՝ սփոփելու Քրիստոսի նեղութեան մէջ եղող անդամները: Հանապազորդ մտածմունքն ասիկայ էր, ամեն աւելորդը աղքատաց կը բաժնէր, ու կը հրաժարէր ինչ որ իւր սեռին և աստիճանին ալ սովորութեանցը վայելուչ էր: Եւ ամուսնոյն տուած ստակէն զատ, այնչափ շուտով բոլոր ունեցածն աղքատաց կը բաժնէր, որ շատ անգամ պէտք կ'ըլլար իւր զգեստներէն մերկանալ, որպէս զի ձեռքը բան մը ունենայ սփոփելու զթշուառս:

Այսպիսի սրտաշարժ անձնանուիրութիւն մը կարելի չէր որ ժողովրդեան զգացումը և սիրտը չշարժէր. ուստի հին ժամանակագիրներն կը պատմեն, թէ հինգշաբթի օր մը դքսուհին քաղաքը կ'իջնար հարուստ կերպով հագուած և պսակուած. ճանապարհին վրայ խիտ շատ աղքատ հանդիպեցաւ, հանեց մէկէն, անոնց բաժնեց բոլոր իւր վրայ ունեցած ստակը: Երբ առանց ստակի մնաց, ուրիշ մուրացիկ մի տեսաւ որ ցաւադին ձայնով իրմէ օգնութիւն կը խնդրէր՝ հառաչեց որ իւր վրայ բան մը չունէր ահոր տալու. բայց որպէս զի չվշտացրնէ զինքը՝ ձեռնոցը հանեց, որ հարուստ կերպով բանուած

և ակունքով զարդարուած էր, ու մուրացկանին տուաւ: Երիտասարդ ասպետ մը, որ հեան էր, այս տեսնելով գնաց աղքատին քով և դքսուհւոյն ձեռնոցը գնեց, և իւր սաղաւարտին վրայ դրաւ, իբրև առհաւատչեաց մը իրեն աստուածային պաշտպանութեանը. և իրաւցընէ այն ատենէն տեսաւ, որ ամենայն պատերազմաց խառնուրդներուն մէջ՝ միշտ իւր թշնամեացը կը յաղթանակէր, և երբէք ինքը չէր յաղթուած: Ժամանակ անցնելէն վերջը խաչակրաց հետ գընաց, ուր իւր քաջութեամբն շատ հռչակաւոր եղաւ: Իւր հայրենիքը դառնալէն վերջն ալ մահուանը անկողնոյն մէջ յայտնեց թէ այն պաշտպանութեան արդիւնք կը սեպէր ամենայն փառքն և յաջողութիւնքն:

Բայց ոչ պարզեօք և ոչ ալ ստրկով նորահասակ իշխանութիւն կրնար գոհ ընել իւր աղքատաց վրայ ունեցած եռանդը, որով բոլորովին աստուածապաշտութեան տուած էր ինքզինքը և այնպիսի գորովալիւր և յարատե խնամոյ՝ որ անշուշտ յաչս աստուծոյ և յաչս խեղճերու ալ պատուականագոյն և նուիրական ենքան զողորմութիւն. և այս խնամոյ մէջ կը տեսնուէր վրան բոլորովին պարզութիւն մը և արտաքին ուրախութիւն մըն ալ: Երբ ակտաժէտք կու գային իրմէն ողորմութիւն խնդրելու, կըրցածին չափ զանոնք գոհ ընելէն վերջը, բնակութիւննին կը տեղեկանար, որպէս զի երթայ զանոնք տեսնելու:

Այն ատեն ոչ ճանասպարհի հեռաւորութիւն և ոչ ալ դժուարութիւն կրնային արդէլք ըլլալ Եղիսաբէթին, վասն զի լաւ գիտէր թէ

բան մը չկայ որ կարենայ զօրացընել ողորմութեան զգաժմունքը, ինչպէս լաւ կերպով իմանալ մարդկային թշուառութիւնները, և անոնց մեծութեանը համեմատ դարման մատուցանել: Իւր պալատէն ամենէն աւելի հեռաւոր հիւղերու մէջ կը մտնէր, որ նողկալի էին գէշ օգով և աղտեղութեամբ. աղքատաց պատսպարաններուն մէջ կը մտնէր կարգէ դուրս եռանդով, և ընտանութեամբ. անձամբ տանելով ինչ որ հարկաւոր կը սեպէր անոնց տխուր բնակչացը. զանոնք կը սփռիէր ոչ միայն իւր առատաձեռն պարգևօքն, այլ առաւել քաղցր և սիրալիր խօսքերով. և երբ կ'իմանար թէ սպրտական էն, և հատուցանելու միջոց մը չունին, իւր վրայ կ'առնուր անոնց սպրտքերը վճարել յատուկ ստացուածքովը: Ամենէն աւելի աղքատ և նոր զաւակ բերող կանանց վրայ իր դրութալիր խնամքը կը տարածէր: Շատ անգամ կ'երթար անոնց անկողնոյն քով կը նստէր և զանոնք կը քաջալերէր, և նորածին մանկունքը իւր բազկացը մէջ կ'առնուր՝ մայրական սիրով, և իւր ձեռքովը շինած զգեստներով զանոնք կը ծածկէր: Յաճախ անոնց կնքամայր ալ կ'ըլլար, որպէս զի այս հոգևոր մայրութիւնը աւելի առիթ մը ըլլայ զանոնք առաւել սիրելու, և ինքն մեյուր բովանդակ կենաց ընթացքներնուն մէջ: Երբ աղքատներէն մէկը վախճանէր, կու գար անոնց քով կը դիտապատէր, և յուղարկաւորութեան հանդէսին ներկայ կը գտնուէր. և կը զարմանային տեսանելով որ այս ազնուական թագուհին իւր յետին հպատակին աղքատ դագաղին ետեւէն կ'երթար, օրինակ տալով խոնար-

հումթեանն և մարդասիրութեանն: Տանը մէջ իւր
 պարապ ժամանակը կը գործածէր, ոչ եթէ հա-
 ըրստութեան փափուկ զուարճութեանցը, հասպա-
 սուրբ Պրոց ժրագլուխ կնոջ պէս դժուարին ու
 օգտակար աշխատանաց. բուրդը կը հիւսէր իւր
 նաժշտացը հետ, և իւր յատուկ ձեռքովը զգեստ
 կը շինէր, աղքատաց կամ մուրացիկ կրօնաւո-
 րաց համար, որ այն ժամանակը կու գային իւր
 տէրութեան սահմանացը մէջ բնակելու: Շատ
 անգամ պատրաստել կու տար կամաւ անհամ-
 կերակուրներ իրեն համար. որպէս զի փորձով
 գիտնայ թէ ինչպէս աղքատք կը կերակրուին,
 զոր մեծ ուրախութեամբ կ'ուտէր: Աղիսաբեթ
 ստէպ անսուաղ կ'անցնէր, որպէս զի չըլլայ թէ
 կասկած մը տայ իր հպատակացը, որ առանց
 արդեանց և առանց արժանաւորութիւն մը ու-
 նենալու սեպուի իրեն՝ իւր կերած կերակուրը:
 Արբ իւր տանը ծառայից վրայ կըթուութեան
 դէմ պակասութիւն մը կամ յանցանքի հետք
 մը կը տեսնէր՝ մէկէն կ'երթար իւր ամուսնոյն
 ծանուցանելու, և անձամբ կը ջանար անոնց հա-
 տուցմունքն ընելու, որչափ որ իւր միջոցները
 թոյլ կու տային: Արծեւ թէ իւր սրտաշարժ
 առաքինութիւններն՝ Հունգարիայի տանը յա-
 տուկ ժառանգութիւն էին, նոյն առաքինու-
 թեանց գործածութիւնը կը գտնէնք գրեթէ
 երկու դարէ վերջը՝ երիտասարդ և երեւելի իշ-
 խանուհւոյ մը վրայ, որ Աղիսաբեթին պէս Հուն-
 գարիոյ թագաւորաց մէկուն դուստրն էր. Հետ
 վիկէի վրայ, որ երեքտասանամեայ հասակին
 մէջ Բոլոնիայի թագուհի ընտրուեցաւ, որ Եւա-
 կելլոնի հետ ամուսնութեամբը միաբանեց Աի-

Թուանեան ընդ Բողոնիայի, և հողին աւանդեց
 քսան և ութ տարուան ծաղկեայ հասակին
 մէջ սրբութեան նշաններով հազար երեք հա-
 ըիւր իննսուն և իննիս, և իւր ժամանակին իշ-
 խանուհեացը մէջ ամենէն աւելի հռչակաւորն
 էր գեղեցկութեամբ և քաջութեամբ: Ար-
 ժանաւոր Աղիսաբէթի ցեղէն ըլլալուն իւր սրբ-
 տին անչափ եռանդեամբ և դժասիրութեամբ
 առ աղքատս՝ իւր հայրենեացը պատմութեան
 գրքերուն մէջ թողուց քաղցրագոյն խօսք մը՝
 որ քիչ անգամ լսուած է քրիստոնէի մը սրբ-
 տէն: Աղքատ գիւղականներ իշխանուհոյն ե-
 կած ըլլալով արտասուօք գանգատելու թէ թա-
 գաւորին ծառայքը իրենց բոլոր դուարներն
 յափշտակեցին. վաղվաղակի իւր ամուսնոյն կը
 դիմէր և շուտով մը հատուցմունքն կ'ընդունէր.
 Ետքը կ'ըսէր. դուարը իրենց յանձնուեցաւ
 բայց արցունքնին ո՞վ պիտի կրկին հատուցանէ
 անոնց: Աղիսաբէթ շատ կ'ախորժէր աղքա-
 տաց օգնութեանը հասնիլ, չէ թէ միայն ստա-
 կով, այլ տեսակ տեսակ նիւթերով, որ անոնց
 համար կը սահմանէր. թէ սնունդ և թէ ըզ-
 գեստ. շատ անգամ կը տեսնէին զԱղիսաբէթ
 որ ծանրացեալ բեռամբ իւր պալատէն ելլելով,
 զառ ի վեր կամ ծածուկ ճամբաներէն կ'եր-
 թար, առ ի սիրովել զժշուառս: Օր մը երբ նեղ
 և խիստ ճամբէ մը կ'իջնար՝ իւր սիրելի օրիոր-
 դաց մէկուն հետ ընկերացած, և պատմուճա-
 նին տակէն կողով մը ունէր որ հացով, միսով,
 ձուով և ուրիշ կերակուրներով լի էր, որպէս
 զի աղքատաց բաժնէ, յանկարծ իւր ամուս-
 նոյն հանդիպեցաւ որ այն միջոցին որտէն կը

դառնար՝ զարմացած զնա այսպէս տեսնելով
 ծանրացած իւր բեռան սպառճառաւր՝ ըսաւ ի-
 բէն. նայինք ի՞նչ կը տանիս, և նոյն միջոցին ա-
 նոր չուզելովը՝ բացաւ անոր վերարկուն որ բո-
 լորովին զարհուրած կողովը բռնած էր. սակայն
 ուրիշ բան չտեսաւ բայց եթէ սպիտակ և կար-
 միր վարդեր, և այնչափ գեղեցիկ որ իւր կէնա-
 ցը մէջ անոնց նմանը երբէք չէր տեսած. այս
 բանս շատ զարմացուց զինքը, որովհետեւ ծաղ-
 կի և վարդի ժամանակ չէր: Սակայն Աղիսա-
 բեթին շփոթուած իւնը տեսնելով կամեցաւ ա-
 պահովցրնել անոր սիրտը իւր գգուանօքը. բայց
 յանկարծ կանկ առաւ, վասն զի անոր գլխին
 վրայ լուսաւորեալ սրտիկեր մի տեսաւ խաչելու-
 թեան ձևով. այն ատեն թոյլ տուաւ Աղիսաբե-
 թին որ ճամբան շարունակէ անկասկած, ինքն
 ալ Արդդպուրի գնաց, ու խորունկ կերպով մը
 կը մտածէր թէ աստուած որչափ կը սիրէր զԱ-
 ղիսաբեթը, և առնելով այն հրաշալի վարդե-
 ըէն իբրև յիշատակ մը պահեց բոլոր իւր կե-
 նացը մէջ: Այն տեղն ուր մէկմէկու հանդիպե-
 ցան՝ հին ծառ մը ըլլալով, վաղվազակի կտրե-
 ցին, և տեղը քարէ սիւն մը բարձրացուցին,
 գագաթն ալ խաչ մը դնելով, որպէս զի յաւի-
 տեան յիշուի այս բանս, ինչ որ տեսաւ իւր կը-
 նոջը գլխին վրայ:

Այն ամենայն թշուառաց մէջ՝ որոնք իւր
 գութը կը շարժէին, և անոնց մէջէն բորտ-
 ները, որոնց թշուառութեանցը մասնաւոր և
 խորհրդական յատկութիւնը, բոլոր միջին դա-
 րուն մէջ, առանձինն խնամոց նիւթ մը ըրած
 էր, սիրոյ և վախի հետ խառնուած: Աղիսա-

բեթ իւր ժամանակին երևելի սուրբերուն և իշխանաց նման, կ'ախորժէր այս յետին զգացման վրայ յաղթանակել, և արհամարհել այն ամենայն զգուշութիւններն որ արտաքին կերպով կը բաժնէին քրիստոնէից ընկերութենէ այս աստուծոյ ձեռամբը նշանուած արարածքը: Ուր որ բորոտք կը տեսնէր, քովերնին կ'երթար, և առանց վախնալու այն տարախոխիկ հիւանդութենէն, քովերնին կը նստէր, և մխիթարիչ քաղցրութեամբ հետեւնին կը խօսէր, զանոնք համբերութեան կը յորդորէր, և ապաւինիլ առ աստուած, և անոնցմէ չէր հեռանար՝ մինչև որ զանոնք առատ ողորմութեամբք գոհ չընէր: Պարտական էք, կ'ըսէր անոնց՝ այսնեղութեանց սիրով համբերել, և ոչ տըրտմութիւն և ոչ ալ բարկութիւն պէտք է ունենաք, վասն զի ստոյգ գիտեմ որ եթէ այս տանջանքը համբերութեամբ կրելու ըլլաք, զոր աստուած ձեզի կը զրկէ այս աշխարհի մէջ, պիտի փրկուիք հանդերձեալ կրակէն: Ուստի գիտէի որ այս բանս մեծ արդիւնք է: Օր մը այս թշուառաց մէկուն հանդիպելով, որ բորոտութենէն զատ գլխոյ հիւանդութիւն մըն ալ կը կրէր, և որուն կերպարանքը վերջի աստիճանի նողկալի էր, բերել տուաւ զնա ի ծածուկ իւր մրգաստանին մէջ առանձին տեղ մը, և անձամբ անոր սոսկալի մազերը կտրեց, գլուխը լուաց, վէրքերն ալ մաքրեց: Ան միջոցին, իւր պատուոյ օրիորդքն վրայ գալով տեսան իւր այս նորօրինակ մարդասիրութիւնը որոնց և լուութեամբ մը ժպտեցաւ անոնց երեսին: Աւագ հինգշաբթի օր մը՝ բազմաթիւ բորոտներ ժողովեց, ձեռքեր-

նին լուաց, վերջէն առջևնին երեսի վրայ իյնա-
 լով՝ խոնարհութեամբ անոնց վերքերը և սա-
 լարները համբուրեց: Աւրիշ անգամ մը իշխա-
 նը մէկ քանի օրուան համար Նաուամպուրկ բեր-
 դը գացած էր, որ հիւսիսային կողմերը և Սաք-
 սոնիոյ մէջ ունեցած ստացուածոցը մօտ կ'իջ-
 նար, Աղիսաբէթ ալ Աարդպուրկ մնաց. և իւր ա-
 մուսնոյն հեռու եղած ժամանակը ուրիշ քանի
 ետևէ չեղաւ՝ բայց եթէ կրկնասպառիկ եռան-
 դով աղքատներն և ախտաժեաններն խնամելու.
 վերքերնին անձամբ կը լուար, ու կը հագուե-
 ցընէր իւր ձեռքովը շինած զգեստներովը. թէ-
 պէտև յայտնի կերպով կը տեսնէր մայր դըք-
 սուհուոյն Սոփիայի դժկամակութիւնը զոր կը
 ցուցընէր առ Աղիսաբէթ, և որ իւր ամուսնոյն
 մահուրնէն ետքը՝ տղուն հետ մէկտեղ կը բնա-
 կէր: Բայց երիտասարդ իշխանուհին՝ իւր զո-
 քանչին գանգատները քանի տեղ չէր դներ:
 Այն ժամանակին հիւանդաց մէջ, թշուառ և
 փոքրիկ բորոտ մի կար՝ Հելիոս անուամբ, որուն
 վիճակը այնչափ պժգալի էր, որ ոչ որ կ'ուզէր
 խնամել զնա: Աղիսաբէթ միայն տեսնելով որ
 ամենուն երեսէն թողուած է, իրեն պարտք սե-
 պեց անոր վրայ աւելի խնամք ցուցընել. զա-
 նիկայ մէկդի քաշեց, իւր ձեռքովը լուաց, և
 փրկարար իւղովն օժեց զնա, և իւր անկողնոյն
 մէջ զանիկայ հանգչեցուց: Այն միջոցին յո-
 ռում Աղիսաբէթ այսպիսի զբաղմանց ետևէ էր,
 դուքսն ալ իւր բերդը կը դառնար. վաղվաղա-
 կի մայր թագուհին դիմեց անոր ընդ առաջ, և
 երբ դուքսը գրաստէն վար կ'իջնար՝ ըսաւ անոր.
 «Արդեակ իմ սիրելի, եկ ինձի հետ, վասն զի

քեզի պիտի ցուցընեմ քու Աղիսաբեթիդ մէկ
 սքանչելի գործը» : Աս լսելով անոր ձեռքէն բռ-
 նեց՝ ու իւր սենեակը տարաւ լսելով իրեն . « Ա-
 հաւասիկ տես , սիրելի որդեակս , կինդ բորո-
 տեր է , և անկողնոյդ մէջն է , ես չեմ կրնար զին-
 քը այդ գործէն ետ կեցընել , և անձամբ կը տես-
 նես որ կը փափաքի զքեզ ալ բորոտել » : Գուք-
 սը այս խօսքերը լսելով չկրցաւ բարկու թիւնը
 սանձել , և խստու թեամբ իւր անկողնոյն վեր-
 մակը վերուց : Բայց նոյն ատենը , պատմողին գե-
 ղեցիկ բացատրու թեանը համեմատ , ամենակա-
 ըողն աստուած անոր հոգւոյն աչքերը բացաւ ,
 և բորոտին տեղը Յիսուսի Քրիստոսի խաչելէ ալ
 պատկերը տեսաւ իւր անկողնոյն մէջ պառկած :
 Այս տեսարանին թէ՛ դուքսը և թէ՛ մայրը ափ-
 շած մնացին , և դուքսը սկսաւ դառնապէս ար-
 տասուել . նախ չկրցաւ խօսք մը հանել բերնէն ,
 վերջէն գէպ ի իւր կնոջը դառնալով , որ կամա-
 ցուկ անոր ետեւէն գացած էր , որպէս զի բորո-
 տին գէմ ունեցած բարկու թիւնը մեղմացընէ :
 Այն ատեն մէկէն ի մէկ կըսէ առ Աղիսաբեթ .
 « Բարի և սիրելի քոյրս , կ'աղաչեմ որ յաճախ իմ
 անկողինս այսպիսի ասպնջականներու տառ , ո-
 բով և միշտ շնորհակալ պիտի ըլլամ քեզի . եր-
 բէք մի գաղաբիր քու առաքինական կրթու-
 թիւններէդ » . վերջը ծնկան վրայ դալով այս ա-
 ղովքը ըրաւ առ աստուած . աստուած իմ գթա-
 ինծի պէս մեղաւորին . վասն զի ոչ երբէք ար-
 ժանի կը համարիմ ինքզինքս այսպիսի սքանչել-
 լագործու թիւն տեսնալու : Ոգնական եղիր ին-
 ծի և արժանի ըրէ զիս որ քու սրտիդ և կա-
 մայդ համեմատ մարդ մը ըլլամ » :

Եղիսաբեթ այս տեսարանին խորունկ տպա-
 ւորութիւնը դքսին վրայ տեսնելով. յարմար
 ատեն դտաւ իշխանէն հրաման մը ընդունելու
 որպէս զի ժայռին քով հիւրանոց մը կառուցա-
 նէ, որ Արդպուրկ բերդին վրայ կը նայէր, այն
 տեղը ուր ետքը Փրանկիսիկեան կրօնաւորաց վանք
 մը շինուեցաւ: Այն ատենէն սկսաւ հոն պա-
 հել քսան և ութ թշուառ հիւանդներ կամ
 խեղեր, որոնք աւելի տկար էին, և կարողու-
 թիւն չունէին մինչև բերդը ելնելու: Ամեն օր
 անոնց այցելութեան կ'երթար, և հետը թէ կե-
 րակուր և թէ ըմպելիք կը տանէր: Այսպէս
 թշուառաց հետ և անոնց համար ապրելով, զար-
 մանալի բան չէ որ աստուած իրեն ազդած ըլ-
 լայ այս աղքատութեան սուրբ եռանդը, որ ա-
 մենէն աւելի համբաւաւոր հոգիները նշանա-
 ւոր ըրաւ իւր շնորհքովը: Մինչդեռ ժողովըր-
 դեան մէջէն կ'ելնէր Փրանկիսիկոս Ասիզացին, և
 ամենուն համար կը բանար սրբարանի նոր դուռ
 մը, ուսկից եռանդեամբ կը մտնէին այն ամե-
 նայն բարեպաշտ հոգիները որոնք կը փափա-
 քէին իրենք զիրենք յօժարութեամբ ուրանալ
 և կամ նուիրել աստուծոյ, Գերմանիոյ ասպե-
 տաց մէջ երևցուց այս արքունի օրիորդը, որ
 հնգետասանամեայ հասակին մէջ արդէն ա-
 ւետարանական աղքատութեան փափաքը կրգ-
 գար, սրտին մէջ անոր սիրովը կը բորբոքէր, և
 կ'ամչցրնէր իրեն նման իշխանութեաց հպար-
 տութիւնն ու ճոխութիւնը, խորունկ և գերա-
 գոյն արհամարհութեամբ մը ամենայն երկրա-
 ւոր ընչից: Այսպէս կարծես թէ՛ յայտնի կը
 ցուցնէր իրեն նշանակուած այն տեղն, զոր ա-

Ճապարեց ընդունիլ եկեղեցւոյ պաշտամանը մէջ, և քրիստոնեայ ժողովրդեան սէրը Աստի-զացի Սէրովլէին քով: Իւր երիտասարդութեան գեղեցիկ հասակին մէջ՝ գիտցաւ ջնջել իւր սրբտին մէջէն աշխարհային փառաց անցաւոր սէրը: Անիկայ, կ'ըսէ հին մատենագիր մը, որ գերագոյն փառաց մէջ էր, կը փնտռէր աղքատութեան վիճակը, որպէս զի աշխարհս իրեն վրայ բան մը չունենայ, և եղաւ աղքատ ըստ օրինակի տեառն մերոյ Յիսուսի Քրիստոսի:

Եղիսաբէթ կը փափաքէր որ իւր սիրելի փեսայն ալ ընկերակից ըլլայ իրեն ամենայն ծածուկ և սուրբ զմայլմանցը, և իւր մանկական երեւակայութեանց ամենայն բերմանցը՝ այնպիսի կեանքի մը որ աւելի սարգ էր և միանգամայն աւելի յարմար աւետարանական կատարելութեան: Պիշեր մը երբ սառուած էին և դեռ քուներնին չէր տարած, Եղիսաբէթ ըսաւ դրբսին. Տէր իմ, եթէ այս բանս զձեզ չնեղասրտեր, մտածմունք մը միտքս եկաւ որուն կարծեմ կրնանք հետեւիլ, որպէս զի արժանապէս աստուծոյ ծառայենք: Ըսէ տեսնենք, սիրելի բարեկամ, պատասխանեց ամուսինը. ի՞նչ է ձեր մտածմունքը այս նիւթիս վրայ: Ար փափաքէի, կ'ըսէ Եղիսաբէթ, որ ունենայինք միայն փոքրիկ դաշտ մը, որ մեր ապրուստը տայ, և երկու հարիւրի չափ ոչխար. այն ատեն դու երկրագործութիւն կ'ընէիր, ձիերը կը բանեցընէիր, և ես ոչխարները կը խնամէի, և զանոնք կը խուզէի, և այս աշխատանքներ՝ կ'ընէինք Քրիստոսի սիրոյն համար: Գուքսը սկսաւ ծիծաղիլ և Եղիսաբէթին պատասխանեց. սիրելի քոյրս,

Եթէ այսչափ երկիր և ոչխար ունենայինք, կար-
 ծեմ թէ նոյնպէս աղքատ չէինք սեպուեր, և
 շատ մարդիկ զմեզ հարուստի տեղ պիտի դը-
 նէին: Բայց դուքսը կարգէ դուրս զմայլած իւր
 կնոջը փափուկ պարզութեանը վրայ, քիչ օրէն
 ետքը անձամբ պատմեց այս ընտանեկան խօ-
 սակցութիւնը իւր բարեկամին՝ Արիւայի Թէո-
 դորոս արքեպիսկոպոսին. և նոյն արքեպիսկոպո-
 սէն լսած է՝ մեղի այս բանս աւանդող պատմա-
 գիրը: Ուրիշ անգամներ իւր աղախնեացը հետ,
 որոնք միանգամայն իւր բարեկամներն էին, եր-
 կայն բարակ կը խօսէր աղքատութեան ուրա-
 խութեանցը վրայ, և յաճախ անոնց հետ ըրած
 ընտանեկան խօսակցութեանցը մէջ նորահաս
 իշխանուհին, որ դեռ մանուկ էր հասակաւ ինչ-
 պէս նաև սրտով, կը ջանար արդիւնացընել գէթ
 մտքովը իւր բարեպաշտ փափաքները: Արքու-
 նական զգեստներէն մերկացած աղքատին վե-
 ըրարկու մը վրան կ'առնուր, մթագոյն որ միայն
 աղքատներն և գիւղականք կը գործածէին, գը-
 լուխը կը ծածկէր պատառատուն քօղով մը, և
 իւր ընկերակցացը առջև վեր վար կը քալէր իբ-
 ըև աղքատ մը, և կը ձեւացընէր թէ օրուան հա-
 ցը կը մեւրայ, ետքը կարծես թէ աստուածային
 ազդեցութեամբ մը լուսաւորուած այն վիճա-
 կին զոր աստուած սահմանած էր իրեն, այս
 մարդարեւկան խօսքերը կ'ըսէր անոնց. այսպէս
 պիտի քալեմ երբ աղքատութեան և թշուա-
 ռութեան մէջ իյնամ առ սէրն աստուծոյ: Ո՛վ
 աստուած իմ, կ'աղաղակէր Փրանկիսկոս Սալե-
 լեզացին այս պատմութիւնը աւանդելով իւր սի-
 բեւոյն Փիլոթեսի. այս իշխանուհին աղքատ

էր իւր հարստութեանը մէջ, և հարուստ իւր աղքատութեանը մէջ: Ատաղիւր կը խոստովանիմք թէ այս սրբուհւոյն կենացը մէջ, զոր այնչափ եռանդեամբ քննեցինք, մեզի ուրիշ բան մը աւելի սրտաշարժ և զարմացման արժանի չերևնար, ինչպէս այս մանկական պարկեշտութիւնը որ թերևս ոմանց ծաղուն և արհամարհանացը պատճառ ըլլայ: Աւելի աչացն առջև՝ այն փափուկ բերումը իւր ամենայն զգացմանց, իւր ծիծաղները և ստէպ ստէպ սրտին թափած արցունքները, ուրախութիւնները որ օր մը երկնաւոր հօրը քով աշխարհիս վրայ թողած հանգստութիւնները պիտի դանկ, իւր գերագոյն մտածութիւնքը իրեն ամեն գործոցը մէջ, և կարգէ դուրս եռանդուն աստուածաշնորհութիւնը և մասնաւորապէս իւր ողորմածութիւնը, ամենէն աւելի քաղցր և զօրաւոր զարմանք մը կը պատճառեն մեզի: Այնպիսի ատեն մը, մասնաւանդ մեր ժամանակին մէջ, յորում ծաղկըները կը փձանան՝ քանի որ պտուղներն դեռ չեն հասունցած, և յորում պարկեշտութիւնը մեռած էր թէ՛ սրտերու և թէ՛ հասարակ կենաց մէջ, քրիստոնեայ մը չկրնար քննել առանց սիրտը շարժելու՝ թէ ինչպէս աճեցան ասոնք Աղիսարէթին հոգւոյն մէջ, որուն համառօտ կենսքը ուրիշ բան չէր՝ բայց եթէ երկար և երկնային մանկութիւն և մշտնջենաւոր հնազանդութիւն ի Յիսուսէ զուրցուած խօսքին. երբոր փոքրիկ տղայ մը կ'առնուր և իւր առաքելոց մէջ տեղը կեցընելով կ'ըսէր անոնց. Յիրաւի կ'ըսեմ ձեզի, որ եթէ այս տղուն պէս չըլլաք. պիտի չկարենաք մտնել երկնից արքայութեանը մէջ:

Թ

Սրբուհւոյն Եղիսաբէթի կարգէ դուրս ջերմեռանդութիւնը
& խոնարհութիւնը .

Անհնարին էր որ Եղիսաբէթ կարենար ինք
զինքը նուիրել ընկերացը սիրոյն , այսպիսի ըս-
քանչեւի եռանդեամբ , թէ որ աստուածային
սէրը իւր սրտին վրայ տիրած չըլլար . և որպէս
զի ինքիրմէ վեր՝ իւր մերձաւորին վրայ սէր ու-
նենայ , պէտք էր որ զաստուած ամեն բանէ ա-
ւելի սիրէր : Այսպէս կը տեսնենք զնա որ հա-
նապազ նորանոր յառաջադիմութիւն կ'ընէր
այս գերագոյն գիտութեանը մէջ . խոնարհու-
թեան առաքիլութիւնը որ իւր մանկութեան
հասակին առաջին ընկերն էր՝ օրէ օր կ'աւել-
նար , ու կ'աճէր իւր սրտին մէջ և ամեն օր այս
աստուածային բարեկամին օգնականութեամբը
աւելի կերպով մը կը ջանար ինչ որ իւր սրտին
մէջ աշխարհային կիրք մը մնացած էր՝ հանել

սրտէն, որով այնպիսի հանգիստ և ապահով
 վիճակի մը վիճակեցաւ աստուծոյ քովը, որուն
 ամենէն երեւելի սուրբերը կրնային նախանձիլ:
 Այն աստիճանին հասնելու և հոն մնալու հա-
 մար աւելի զօրաւոր և հաստատուն օգնակա-
 նութիւն մը չունէր, բայց միայն եկեղեցւոյ պա-
 տուիրանացը հաւատարիմ կրթութիւնը. և յա-
 ճախ մերձենալով այն խորհուրդներուն՝ զոր ե-
 կեղեցին, մեր բարեբար առատագութ մայրը՝
 իւր որդւոցը կ'ընծայէ: Ատէպ ստէպ սուրբ խոր-
 հրդոյն կը հաղորդուէր, թէպէտ և միշտ վա-
 խտով և մեծարանօք: Աղիսաբէթ կ'իմանար իւր
 սուրբ հաւատոցը խելամտութեամբը այդ գան-
 ձին անպատու գինը, որով և աստուածային
 պաշտամանց՝ յարգութեամբ, սիրով և վախով
 և աննման փութով ներկայ կը գտնուէր: Հա-
 ղիւ թէ եկեղեցւոյն զանգակին ձայնը կը լսէր,
 թռչունի պէս մէկէն եկեղեցին կը վազէր և
 միշտ կը ջանար որ իւր աղախիններէն առաջ
 հոն հասնի, ուր ծունկ չոքած կարգէ դուրս ե-
 ուանդեամբ և բարեպաշտութեամբ աղօթք կ'ը-
 նէր առ աստուած, բոլորովին իւր երկնային
 հօրը վրայ դնելով իրեն վստահութիւնը: Պա-
 տարագի ատեն կը ջանար արտաքին խոնարհու-
 թեան գործերով ցուցնել այն փափուկ ե-
 րախտագիտութիւնը, զոր կ'ազդէր իրեն այն
 սուրբ զոհը, անմեղ և անարատ Պառինն աս-
 տուծոյ: Ատիպուած ըլլալով՝ իւր ամուսնոյն
 ներկայ գտնուելուն պատճառաւ, և որպէս զի
 հաւատացեալք չգայթակղին՝ իւր աստիճանին
 համեմատ վայելուչ զգեստ մը հագնելուն, խո-
 նարհանութիւնը ձեռքէ չեր թողուր՝ իւր

սարկէշտութեամբն և զգուշութեամբը: Ինչ-
 պէս նաև խորաններու առջև կը մերկանար բո-
 լոր իւր զարդերէն՝ զորոնք կրնար մէկ դի դնել:
 զոր օրինակ՝ իւր դքսական պսակը, իւր վնոց-
 ներն, ապարանջանները, մատանիներն և ձեռ-
 նոցները, աւետարանին ընթերցման ատենը, և
 մանաւանդ սրբագործութեան և հաղորդու-
 թեան միջոց: Օր մը պատարագի ժամանակ,
 երբ եռանդեամբ աղօթք կը մատուցանէր առ
 աստուած, ձեռքերը սարկէշտութեամբ ամ-
 փոփած, և իւր վերարկուին տակ ծածկած, և
 քողն ալ վերուցած՝ որպէս զի կարենայ սուրբ
 նշխարը տեսնել, երկնային լոյս մը անոր չորս
 կողմը շրջապատեց: Քահանայն որ պատարագը
 կը մատուցանէր, սրբակաց մարդ մը՝ թէ՛ վար-
 քովը և թէ՛ համբաւովը, տեսնալով սրբագոր-
 ծութեան ժամանակ դքսուհւոյն կերպարանքը
 երկնային լուսով մը փայլած, բոլորովին ապշե-
 ցաւ, և մինչև հաղորդութեան ժամանակ՝ ձա-
 ռապայթներուն մէջ շրջապատուած էր, ինչ-
 պէս թէ արեգական լուսոյն մէջ կեցած ըլլար:
 Զարմացած աս բանիս վրայ, աստուծոյ փառք
 տուաւ, որ յայտնի և սքանչելի կերպով ցրցուց
 այս Սուրբ հոգւոյն ներքին լոյսը, և վերջէն
 պատմեց տեսածը: Մեծ խնամք ունէր եկեղե-
 ցւոյ պատուիրանաց պահպանութեանը: Եղիսա
 բէթ մեծ պահոց ժամանակը աստուծոյ նուիր-
 րելով սովորական ծովերը կը կատարէր, թէ-
 պէտ և իւր հասակէն չէր պահանջուէր, իսկ
 աղօթքէ և յաճախ ողորմութիւն տալէն չէր
 պակսեր:

Բայց ոչ որ կրնայ պատմել այն եռանդուն

սէրն և բարեպաշտ մեծարանքը՝ որով Ազիսա-
բեթ կը տօնախմբէր այն նուիրական օրերն,
յորում եկեղեցին հաւատացելոց կը յիշեցնէ
սրտաշարժ և ազգու արարողութեամբ՝ մեր
փրկարար ցաւագին խորհուրդը: Աւագ հինգ-
շաբթի օրը՝ Թագաւորաց Թագաւորին նմա-
նեալ, որ նոյն օրը կերակրոյ սեղանէն ելած, և
իւր զգեստները մերկացած, Հունգարիոյ Թա-
գաւորաց օրիորդն ալ՝ իւր ամենայն զարդերէն
մերկացած՝ որ իրեն երկրաւոր ճոխութիւն մը
կը յիշեցնէին, և աղքատ մուրացիկներու հա-
սարակ զգեստներով, և տեսակ մը կօշիկ հա-
գած, որ կը համարուէր թէ միայն Թշուառաց
սահմանուած ըլլայ անոր գործածութիւնը, և
հետի կ'երթար եկեղեցեաց այցելութիւն ընե-
լու: Նոյն օրը խոնարհութեամբ կը լուար երկօ-
տասան աղքատաց ոտքերն և երբեմն ալ բո-
րոտներու, և իւրաքանչիւրոց կը բաժնէր երկօ-
տասան արծաթէ դահեկաններ, և ասուէ ըզ-
գեստ մը, ու սպիտակ հաց մը: Ազիսաբեթ բո-
լոր Աւագ հինգշաբթի գիշեր՝ մինչև Աւագ ուր-
բաթու իրիկունը աղօթքով և Յիսուսի Քրիս-
տոսի շարչարանքները մտածելով կ'անցընէր:
Աստուածային զոհին պատարագուած օրուանը
արշալուսէն կըսկսէր իւր աղախնայց ըսել:
Ա. յս օրուան օրս՝ բոլոր աշխարհին համար խո-
նարհութեան օր մըն է. անոր համար կը բաղ-
ձամ որ ձեզմէ ոչ դք ինձի դոյզն մեծարանքի
նշան մի ցուցնէ: Նախընթաց օրուան պէս՝ հա-
սարակ զգեստ մը հագուած և գաւառին աղ-
քատ կանանց սովորութեանց յարմարած, իւր
զգեստին մէջ կը դնէր փոքրիկ ծրարներ հասա-

ըստ լաթի, քիչ մը խունկ և փոքրիկ մամեր. և վերջէն մերկ ոտքով ամբոխին մէջէն անցնելով ամենայն եկեղեցեաց մէջ կը մտնէր, և ամեն մէկ խորանի առջև ծնկան վրայ գալով, լաթի ծրար մը, խունկ և մոմ մը կը նուիրէր, և խոնարհութեամբ երկրպագութիւն ընելէն վերջը՝ միւս խորանը կ'անցնէր: Աղիսաբեթ այս կերպով մէկ եկեղեցւոյ մը մէջ այցելութիւնները կատարելէն վերջը, հրապարակը կ'ելնէր, և աղքատաց առատ ողորմութիւն կը բաժնէր: Բայց որովհետեւ բազմութիւնը զնա չէին ճանչնար, այն պատճառաւ անողորմ կերպով մէկ դիէն մէկալ դի կը հրէին զԱղիսաբեթ, իբրև հասարակ կնիկ մը ժողովրդեան մէջ: Պալատականները կը յանդիմանէին զինքը՝ որ այսպիսի մեծ հանդիսի օր իր եկեղեցւոյն այնպիսի աղքատին նուէրներ կը մատուցանէր, մինչդեռ իբրև իշխանուհի մը և տիրուհի՝ պարտ էր ձոխութեան և առատաձեռնութեան օրինակ ըլլալ: Բայց իւր սրտին երկնային ազդեցութիւնը՝ իրեն կ'ըսէր թէ՛ այնպիսի օր աւելի լաւ էր խոնարհութեամբ տօնախմբել քան թէ ուրիշ առաքինութեամբ: Բռնութիւն կ'ընէր իրեն բնական եղած կարգէ դուրս առատաձեռնութեանը, որպէս զի կարենայ աւելի հաստատեալ կերպով ընդ փոքրկանց և խոնարհաց խառնուիլ, և առ աստուած նուիրել խոնարհ և ցաւադին սրտի մը զոհը, զոր միտքը դրաւ երբէք չ'արհամարհել: Համբարձման տօնին նախընթաց երեքօրեայ սրաղատանաց ժամանակ, զոր մեծ հանդիսով և ուրախութեամբ կը տօնախմբէին, երիտասարդ գբուհին միշտ թափօ

րին հետ երթալու ժամանակ հասարակ զգեստով և մերկ ոտքով կը քալէր: Քարոզիչներուն քարոզ տուած ժամանակը՝ միշտ աղքատ մուրացիկներու քով կը նստէր, և այնպէս քարոզը մտիկ կ'ընէր, և այսպէս կարգէ դուրս խոնարհութեամբ միշտ Յիսուսի Քրիստոսի սուրբ Խաչին վրայ կը մտածէր: Այսպէս զի կ'ըսէ իրեն ժամանակակիցաց մէկը թէ իւր ամենայն փառքն Յիսուսի Քրիստոսի խաչին և չարչարանաց վրայ էին. և բոլոր աշխարհ իրեն համար ՚ի խաչ ելեալ էր, և աստուած որ ինքզինքը աստուած նախանձու կ'անուանէ, ոչ կարէր հանդուրժել որ իւր հաւատարիմ աղախնոյն սիրտը տակն ու վրայ ըլլայ, նաև վայրկենի մը մտածութեամբ և կամ լոկ մարդկային սիրով, որչափ ալ օրինաւոր ըլլայ: Իւր Պէրդոլտ մատրանապետը երեւելի դէպք մը կը յիշատակէ, զոր ամենայն պատմագիրք կ'աւանդեն, ըսելով թէ անգամ մը երկուքն ալ այսինքն Եղիտաբեթ և իւր էրիկը արիւն առած էին, և ըստ սովորութեան ժամանակին՝ դուքսը այն առթով բոլոր շրջակայքն եղող ասպետները ժողոված էր, որպէս զի անոնց հետ զրօսնու, և զանազան օրեր աշխարհային ուրախութիւններ տուած էր անոնց: Այն օրերուն մէկը, դուքսն և բոլոր ասպետները հանդիսաւոր ձայնաւոր պատարագին ներկայ գտնուած էին Խճնակ քաղաքին սուրբ Քէորգ եկեղեցւոյն մէջ, և դքսուհին մոռանալով պատարագին սրբութիւնը, իւր աչուրներն ու մտածութիւնը սիրելի փեսին վրայ դարձուց՝ որ քովը նստած էր, այնպէս երկար ժամանակ դքսին գեղեցկութեանը և շնորհալի կերպին վը-

րայ զմայլմամբ մը նայելով, որով ամենուն հա-
 ճոյացած էր: Բայց երբ սրբազործութեան ժա-
 մանակ ինք իրեն եկաւ, իւր հողւոյն երկնաւոր
 փեսայն ազդեց թէ որչափ կը վիրաւորեն զին-
 քը (այնպիսի մտաց ցրումներ) վասն զի երբ քա-
 հանայն նուիրական սուրբ նշխարը դէպ ի ժո-
 ղովորդեան դարձուց, Եղիսաբէթ քահանային
 ձեռացը մէջ ուրիշ բան չտեսաւ՝ բայց եթէ
 զՏէր խաչելէալ, և բոլոր վէրքերն արիւնալից:
 Այս տեսարանէն տակն ու վրայ եղած, մէկէն
 ճանչցաւ իրեն սխալմունքը, ինկաւ գետին՝ խո-
 րանին առջև արցունքով լի, աստուծմէ իւր մե-
 զացը ներումը խնդրելով: Չայնաւոր պատարա-
 գը լմրննալէն վերջը, դուքսը իւր պալատակա-
 նաց հետ եկեղեցիէն ելաւ, և Եղիսաբէթն ալ
 առանձին մնաց խորանին առջև, ծնկան վրայ
 եկած մինչև ճաշու ժամանակ: Աերակուրը
 պատրաստ ըլլալով բազմաթիւ հրաւիրելոց հա-
 մար՝ Եղիսաբէթին գալտեսանը կը սպասէին. և
 ոչ ոք կը համարձակէր դքսուհոյն աղօթիցը
 արդէլք ըլլալ: Դուքսը անձամբ եկաւ զանիկայ
 գտնելու, և մեծաւ քաղցրութեամբ ըսաւ ի-
 րեն. Սիրելի քոյր, ինչո՞ւ սեղանի չես գար, և
 մեզի այսչափ երկար ժամանակ սպասել կու-
 տաս: Դքսին ձայնէն՝ Եղիսաբէթ գլուխը վե-
 րուց. և լուծեամբ անոր նայեցաւ. դուքսն ալ
 անոր կարմրացած և արիւնալից աչքերը տես-
 նելով, որովհետև խիստ շատ լացեր էր, և բոլոր-
 րովին շփոթած՝ ըսաւ անոր. Սիրելի քոյր, ինչո՞ւ
 այդչափ դառնապէս արցունք թափեր ես. և հոն
 Եղիսաբէթին քով ծնկան վրայ գալով, և ա-
 նոր պատմութիւնը լսելով սկսաւ ինքն ևս լալ

և միաբան հետը աղօթել: Քիչ մը ետքը ոտքի ելաւ. և ըսաւ Եղիսաբեթին՝ սատուծոյ վրայ գնենք մեր վատահումիւնը: Բայց տեսնալով դուքսը որ Եղիսաբեթ կարգէ դուքս տրտման էր, և այն կերպով անկարելի էր իւր արքունեացը մէջ իր երևնալը, արցունքները սրբեց, և հրաւիրելոց քով գնաց, մինչդեռ դքսուհին կը շարունակէր իւր յանցանքը լալ և զղջալ:

Այս երիտասարդ և բարեպաշտ իշխանուհին ընդունած էր երկնքէն շնորհք արտասուացայն քաղցր և զովացուցիչ արցունքը՝ որ կ'արթնցընէ սրտերու մէջ երկնային մխիթարութեանց և շնորհաց անսպառ գանձին ներկայութիւնը: Իւր ընկերակիցքն կը պատմեն թէ, որչափ ալ առատ ըլլային արցունքները, չէին այլ այլեր ոչ իւր գեղեցկութիւնն, և ոչ ալ կերպարանքին պարզութիւնը: Սակայն միայն իրեն համար առանձնական շնորհք մը չէր ասիկայ, հասար բոլոր նոյն դարուն և իւր ժամանակակից ամենայն ուղղափառ ժողովուրդք ստացած էին զայն, և կը ճանչնային անոր գերազանց զօրութիւնը ինչպէս ևս և այն ջերմեռանդ ժողովուրդքը որ կը մեծարէին այսպիսի սրտաշարժ պաշտամամբ մը այն սատուածային արցունքը՝ զոր Յիսուս իւր բարեկամին շիրմին վրայ թափած էր: Ինչպէս որ շատ բանաստեղծութեանց մէջ, նոյնպէս նաև ամեն երիտասարդական հասակի մէջ եղած բարեպաշտութեանց արցունք չպակսիր: Այս հողւոյն արիւնը, ինչպէս կ'ըսէր սուրբն Աւգոստինոս, այս սրտի ջուրը, զոր այսպէս կը կոչեն մեր հին վրայասանները, դառնապէս կը վազէր անոնց աչքէն որ բարեպաշտ և

պարզամիտ հողւոց համար՝ տեսակ մը աղօթք սե-
պուած էր, որ միանգամայն ներքին էր և ազդու-
գործովալից և լաին նուէր մը, որ զիրենք կը միացը-
նէր Յիսուսի Քրիստոսի և իւր սրբոցը ամենայն
ցաւոց և արդեանցը և ամենայն եկեղեցական
մեծարանացը հետ: Արանելին Գովինիկոս այն
արցունքով կը լուար հողւոյն վէրքերը. և սրբու-
հայն Ստիլայի հետ արցունքով կը գնէին մարդ-
կանց մեղքերը զորոնք այս աշխարհին մէջ ա-
ւելի կերպով մը սիրած էին, և զոր հրեշտակ-
ները կը ժողվէին տանելու հօրն գթութեան
առջևը, զորս կը համարէր աստուած իբրև պա-
տուական պարզ և մը զղջման և սուրբ սիրոյ:
Չէ թէ միայն տկար կանայք և տգէտ ժողո-
վուրդը կը զգար արցունքին զօրութիւնը և քաղ-
ցրութիւնը, որուն ասպացուցութեանը բաւա-
կան է այն դարերուն պատմագրի մը գիրքը բա-
նալ, տեսնելու՝ անոնց մէկ երեսին մէջ թէ ինչ
պէս նաև իշխանք, թագաւորի ասպետք և բովան-
դակ բանակներ՝ աննենդ և ակամայ արցունքներ
կը թափէին. բոլոր այս երկաթի մարդիկը և
անյաղթ քաջք՝ իրենց կուրծքին մէջ գորովա-
լիւ և փափուկ սիրտ մը կը կրէին տղոց նման:
Դեռ ևս սորված չէին իրենց զգացմանցը բնա-
կան անմեղութիւնը փձացրնել, և կամ ամըչ-
նալ, իրենց սրտէն ելած չէր սիրոյ պարզ եռան-
դը և աստուածային այն զօրաւոր ցօղը որ կը
պտղաբերէ և կը գեղեցկացրնէ մարդուս հան-
դերձեալ կեանքը:

Ո՛վ արդեօք կրնայ մոռնալ Աոտֆրուայի և
առաջին խաչակրաց հեծեծանքներն և անմահ
արցունքները, երբ որ Քրիստոսի գերեզմանը տե-

սան, որուն տիրած էին այնպիսի սքանչելի յաղ-
թանակներէն և դժնդակ փորձերէն վերջը: Ժա-
մանակ անցնելէն ետքը, առիւծասիրտ Քիզար-
տոսը դառնապէս կ'արտասուէր՝ տեսնելով որ
զԵրուսաղէմ չէր կրնար ազատել, և սրբոյն Նու-
դովիկոսի խոստովանահայրը պատմեց՝ իւր խոս-
տովանորդւոյն համար, որ երբ Նիթանիայի մէջ
այս խօսքերն առ Աստուած կ'ըսէր ջերմեռան-
դութեամբ. Ո՛վ տէր աստուած, չեմ համար-
ձակիր արտասուաց աղբիւր մը խնդրել քեզմէ,
այլ ինձի բաւական են շիթք արտասուաց՝ իմ
սրտիս չորութիւնը ոռոգելու համար. և իւր
խոստովանահօրն առանձին իմացուց թէ աղօթ-
քի մէջ տուած էր իրեն աստուած այն արցուն-
քը, և երբ կ'իմանար թէ իւր երեսէն վար վա-
զելով կը մանէին բերնին մէջ, իրեն կարգէ
դուրս քաղցրահամ և անուշ կու գային, չէ
թէ միայն սրտին, այլ նաև բերնին մէջ:

Փ

Ինչպէս սրբուհին Եղիսաբեթ ճանչուեցաւ և սիրուեցաւ
երևելի սուրբ Փրանկիսկոսէն, և ինչպէս ունեցաւ իբրև տե-
սուչ զԳոնրատոս Մարպուրցի:

Ինչ որ արդէն պատմեցինք Եղիսաբեթին
վրայ, բաւական կը համարինք հասկըցնելու
համար այն ազգականութիւնն որ իր հոգւոյն
և Քրիստոսի փառաւորեալ աղքատին մէջ կար,
որ այն ժամանակը բոլոր Խտալիա կը լուսաւո-
րէր իւր զօրաւոր և հրաշալի գործերով: Աս-
տուած չէր ուզեր որ այս ներքին միութիւնն
անպտուղ կամ անծանօթ մնար, այլ ընդ հա-
կառակն՝ պտղաբեր ըլլար՝ ի միսիթարութիւն
իւր հաւատարիմ աղախնոյն, և ի յիշատակ
օրհնութեան ամեն գերմանացւոց: Արդէն
մասնաւոր մտերմութիւն մը ունէին մէջերնին,
Հազար երկու հարիւր եօթին Եղիսաբեթին
ծննդեան տարին ծնած էր նաև ծառայն աս-

տուժոյ սուրբն Փրանչիսկոս. բայց այս տարբե-
րութեամբ որ առջինը՝ դուստր ըլլալով զօրա-
ւոր թագաւորի մը և թոռն մեծին Աարօլտի՝
կը ծնանէր յաշխարհի ընկղմած տէրութեան
ամենայն ճոխութեան մէջ. իսկ վերջինս որ էր
որդի Պեռնարտոս վաճառականին՝ կը հրաժա-
րէր իւր աղքատին ստացուածէն, ընտանիքէն,
և ի պատուոյն պարզ աստուծոյ սիրոյն համար.
Ժեծուած և բանտարդեալ իւր հօրմէն, և հա-
զիւ մօրը գորովանօքն աղատուած բանտին շրջ-
թաներէն, տղմով և նախատինքով ծածկեալ
իւր քաղաքակիցներէն. և այսպէս մինչև իր յե-
տին զգեստներէն ալ կը մերկանար, որպէս զի
մերկ երթայ՝ մերկ Յիսուսի խաչելոյն ետեւէն,
Եղիսաբեթին աչքին դիմացը բան մը չէր ե-
րևեր իր այս փառաւոր ծնունդը. վասն զի ար-
դէն պատրաստուած էր երկնքին համար, և
պզտիկուց ալ կրցեր էր շինել իւր անմեղ սիր-
տը մաքուր և արգասաւոր դաշտ մը, յորում
սուրբն Փրանչիսկոս կենաց հունտեր պիտի ցա-
նէր, որոնց հոտաւէտ բուրմունքը և դունագոյն
տեսքը պիտի վայելէին յաւիտեանս քրիստո-
նեայ ժողովուրդներ:

Պիտի չպատմենք հոս սրբոյն Փրանչիսկոսի
Խտալիոյ մէջ ըրած յաղթանակաց սքանչեւա-
գործ պատմութիւնը. այլ իւր քարոզելու ժա-
մանակէն սկսելով՝ պէտք է որ բաւական սե-
պենք այն դիպուածներն որ ուղղակի կը վերա-
բերին Եղիսաբեթին կենացը հետ: Քիչ ատե-
նուան մէջ այնչափ ազդու եղան նոր առաքե-
լոյն խօսքերը թմրած և գաղջ հոգիներուն վը-
րայ, և այնչափ բուռն այն կործանման որ տի-

րեր էր գրեթէ ամենայն հաւատացելոյ վրայ որ հարկ եղաւ չափու մէջ դնել և սանձել այն ուժը, զոր պարզւեր էր իրեն աստուած պտղաբեր ընելու համար:

Ամեն մէկ քայլափոխին բիւրաւոր ամուսնաց կը պատահէր, որ կ'ուզէին կամ իրենց կնիկներէն կամ խօսեալներէն և կամ որդիքներէն հրաժարիլ, որպէս զի կարենան ազատ համարձակ դնել իրենց գլուխը աղքատութեան և աւետարանական քարոզութեան սրոյն տակը, և նոյնպէս կնիկներ ալ՝ որ ինքզինքնին պատրաստ կը ցուցնէին իրենց ամուսնական և մայրական պարտքերէն հրաժարիլ, որպէս զի բազմամարդ ընեն այն կուսանաց վանքերը որոնց առաջնորդութիւն կ'ընէր սրբուհին Վլարա իրեն նախանձորդը և քոյրը: Վժուարին պարագայի մը մէջ կը գտնուէր. վասն զի պէտք էր իրեն որ կամ դէմ կենար անոնց բարի առաջարկութեանցը, և կամ լուծանել ամուսնական աստուածադիր կապը. ան ատեն միջին ճամբայ մը բռնեց, զոր երկինք պիտի օրհնէին, ինչպէս իւր ուրիշ ամեն գործքերը: Այն բազմութեան որ կը ցանկար իրեն հնազանդիլ, առանձին կենաց կանոն մը խոստացաւ որով կցորդակից պիտի ըլլային իւր կրօնաւորացը, հաղորդ ըլլալով ազօթից, բարի գործոց և ասպաշխարութեան, այն ամեն քրիստոնէակաները որ ընտանեկան կենաց պարտքը վրանին առած էին, առանց խղելու աստուծամով սրբուած կապերը: Նախ տըւաւ այս կանոնը բերնով բազմութիւ հաւատացելոց՝ թէ էրիկ մարդկանց և թէ կանանց որ կը փութային ի գործ դնել զայն, մանաւանդ

Փլորենտիոյ և մօտաւոր քաղաքաց մէջ: Ա՛ռախանային որ միջոց մը գտան վանաց պատերէն դուրս ըլլալով հանդերձ՝ վտանգալից ուրախութիւններէ և աշխարհային ընդունայնութիւններէ հրաժարելու: Փրանկիսկոս տեսնելով այն եռանդը, և աշակերտաց օր օրուան վրայ բազմանալը, զանոնք Ալպաշխարուք կրթարդ կարգի կոչեց, իբր թէ ձեացընելով իւր ընտանեաց երրորդ ճիւղը, ուր արդէն կ'երևնային կրտսեր եղբարքը, որոնց անմիջական գլուխն էր, և սրբուհոյն Քլարայի հաւատաւորները: Անոնց համար սահմանած կանոնները գրեց և հրատարակեց 1221ին: Իւր գլխաւոր կարգադրութեանցը համեմատ, հարկ էր նոյն կարգին մէջ մտնելու համար, եթէ ամուսնացեալ մըն էր, իր լծակցին հաւանութիւնը. պէտք էր դարձեալ ամենայն տեսակ յանցանքները, զոր մէկը կրնար բրած ըլլալ, քաւել և հրապարակաւ հաշտուիլ բոլոր իւր թշնամեացը հետ. առանց ընտանիքնին և միճակնին թողլու, պէտք էր որ հագնէին սև զգեստներ, և ամենևին զէնք չէին կրնար կրել, բաց միայն ի պաշտպանութիւն եկեղեցւոյ և հայրենեաց: Այնպէս էր ետ կենալ հանդէսներէ, և աշխարհային ամենայն ուրախութիւններէ, բացի այն պահքերէն և ծովերէն զորոնք հրամայած է եկեղեցին, միտ չուտել ոչ երկուշաբթի և ոչ ալ չորեքշաբթի օրերը, և պահք բռնել սրբոյն Մարտինոսի սունէն մինչև ծնունդ, ինչպէս նաև տարւոյն ամեն չորեքշաբթի և ուրբաթ օրերը. ամեն օր պատարագ լսել, հաղորդուիլ երէք մեծ տօներուն, այսինքն զատկին, հոգեգալտեան և ծննդեան,

ամեն երեկոյ մասնաւոր աղօթքներ ընել առ աստուած, և երրորդ կարգի եղբարց և քերց այցելութեան երթալ իրենց հիւանդութեանց ատեն, և անոնց յուղարկաւորութեան հանդէսին ներկայ դանուիլ: Այս կանոնն, ինչպէս կը տեսնուի, ուրիշ բան չէր բայց եթէ բարեպաշտ ընկերութիւն կամ եղբայրութիւն մը, և ոչ թէ վանական կարգ մը: Ատեն անցնելէ ետքը, եղաւ որ երրորդ կարգի եղբայրութիւնը հանդիսաւոր ուխտադրութեան սովորութիւնն ալ ընդունեցաւ, զոր ինչուան այսօր կը սահէ անխախտաւ:

Սրբոյն Փրանկիսկոսի կարգին այնչափ շատ և արագ տարածումը՝ այն ժամանակին ամենէն երևելի և նշանաւոր դէպքերէն մէկն է, և կըրնայ կարծուիլ որ եկեղեցին մասնաւոր կերպով մը սարտական է երրորդ կարգի ընկերութեանը՝ այս եղած յառաջադիմութեանցը համար: Անթիւ քրիստոնեայք, թէ էրիկ մարդկանցմէ և թէ ի կանանց, ամեն օր անդամ կ'ըլլային. և խտալիա, Գաղղիա և Գերմանիա ետեւէ ետեւ լեցուեցան այս նոր բանակաւ: Պէտք եղաւ որ աշխարհք բանի տեղ դնէ զանոնք, վասն զի եկեղեցւոյ թշնամիքը շուտով տեսան զօրաւոր արգելքներ որ իրենց դէմ պիտի ելլէին այնպիսի միաբանութեան մը մէջ, յորում ժողովուած էին հաւատացեալք ամենայն հասակէ, ամենայն աստիճանէ և ամենայն արհեստէ, պատերազմողն և վաճառականը, քահանայն և իրաւագէտը, իշխանն և գեղացին, և յորում կրօնից սարտքերուն մանր և խստակրօն կըթուութիւններն հարկաւորապէս աւելի կերպով մը

կ'ամրացրնէին հնազանդութեան և սիրոյ կապերը՝ որ զիրենք կը միացրնէին Քրիստոսի անմահ հարսին հետ, [Թողլով հանդերձ զիրենք ընկերական և աշխարհային կենաց մէջ, որպէս զի հոն հանգիստ կերպով աճեցրնեն այն անձնանուիրութիւնը և այն սէրը որ դեռ նոր արծարծած էր սրտերնուն մէջ: Անոր համար Բ. Փրեզերիկոս կայսրն հրապարակաւ կը գանգատէր, որ այս Արքորդ կարգին մէջ արգելք մը կը գտնար իւր խորհուրդներն ի գործ դնելու զոր ունէր սուրբ Ա. Թողոյն դէմ, և իւր Ատենագալիին Աետրոս իւր [Թղթոցը մէջ կը պատմէ որ կարծես [Թէ բովանդակ քրիստոնէութիւնը անոր մէջ մտած էր. և [Թէ այս կարգին և իր յառաջագիմութեանը շնորհիւ, երկնից զօրութիւնն այս աշխարհիս վրայ աւելի ահաւոր և աւելի շահաւէտեղած էր քան [Թէ երկրաւոր զօրութիւնը: Այն տարին յորում սուրբն Փրանկիսկոս հրատարակեց Արքորդ կարգի կանոնադրութիւնը, իւր կրօնաւորքը սկսան Վերմանիոյ մէջ հաստատուն բնակութիւն մը ունենալ: Տարակոյս չկայ որ ուրիշ տեղ մը այսչափ համակրութիւն և քաջալերութիւն չէին կրնար գտնել, ինչպէս Պուրինիկիոյ բարեպաշտ և երիտասարդ դքսուհւոյն քով, որ շուտով տուաւ անոնց բարենախանձ եռանդեան մը նշանները և ամենայն ձեռքէն եկած օգնութիւնը: Նախ և առաջ սկսաւ իր Այլնախ մայրաքաղաքին մէջ Փրանկիսկեանց վանք մը շինել եկեղեցեաւ հանդերձ, երբոր ասոնք Վերմանիա ստան: Վերջը իրեն խոստովանահայր ընտրեց Բոսինկէր եղբայրը, որ սրուլէական կա-

նոնն ընդունող առաջին Վերմանացիներէն մէկն էր կրօնաւոր մը լի եռանդեամբ, որ Եղիսաբէթի վրայ կարգէ դուրս սէր և մեծարանք ունեցաւ բոլոր կենացը մէջ:

Այս նոր վերաբերութեանցը պատճառաւ Փրանկիսկոսի վրայ լրած բաները վառեցին բոլր բոքեցին իւր նորահաս սիրտն եռանդուն սիրով առ նա, և տեսակ մը անդիմադարձ բերում մը կը յորդորէր զնա հետեւիլ այս ամեն տեսակ առաքինութեանց գերազոյն օրինակին. այն ատենէն ընտրեց զնա իրեն պաշտպան և հոգեւոր հայր: Իւր նոր հիւրերէն տեղեկանալով Երրորդ կարգին հաստատութիւնը Խտալիոյ և ուրիշ քաղաքացի մէջ, ուր սրբոյն Փրանկիսկոսի կրօնքն արդէն տարածուած էր, ինքն ալ իմացաւ այն օգուտները, զոր կ'ընծայէր ջերմեռանդ քրիստոնէի մը այս կրօնքիս մէջ մտնալը: Վասն զի կը տեսնէր հոն որ ինքն իրեն դրած մահացուցումները և բարեպաշտ հրահանգները մասնաւոր կերպով սրբազան բան մը եղեր էին. ուստի խոնարհութեամբ խնդրեց իւր ամուսինէն հրաման՝ կարգին մէջ գրուելու, և առանց դժուարութեան ընդունելէն վերջը՝ աճապարեց այս առաջին կապը հաստատել սրբոյն հետ, որ քիչ ժամանակէն պիտի տեսնէր զնա դալ թագաւորիլ իւր քովը յերկինս: Ինքն եղաւ առաջին Վերմանիոյ մէջ որ անդամ եղաւ Երրորդ կարգին, և կանոնն ալ պահեց կարգէ դուրս խղճամիտ հաւատարմութեամբ. կրնանք կարծել որ այսպիսի ազնուական իշխանուհոյ մը օրինակը՝ թէ իւր աստիճանաւը և թէ համբաւաւոր աստուածապաշտութեամբը՝ մեծ ազդե-

ցութիւն ունեցած ըլլայ այս ընկերութեան արագ տարածմանը վրայ: Փրանկիսկոս քիչ ժամանակէն իմացաւ թէ ինչ պատուական ստացուած մը իւր քարոզիչքը ձեռք ձգած էին յանձն Նղիսաբէթի: Իմացաւ նաև անոր որդեգրիլ իր կարգին, և իր վրայ ունեցած սէրը, և այն սրտաշարժ առաքինութիւնքն որոնցմով կը շինէր և կ'օրհնէր զՂուրինկիա: Արագէ դուրս երախտագիտութիւն և զարմանք ունեցաւ, և ստէպ կը խօսէր այս բանիս վրայ իր կարգին պաշտպան Ուկոլինոյ ծիրանաւորին հետ, որ քեռորդի էր Իննովկենտիոս Գին, և ետքէն քահանայապետ ալ եղաւ Գրիգոր Թ կոչուելով: Սա որ ժամանակաւ պիտի հսկէր Նղիսաբէթի ապահովութեանը երկրիս վրայ, և իւր փառքը նուիրական պիտի ընէր յերկինս, արդէն անոր վրայ սիրալիր հոգատարութիւն ունէր, և այս զգացմունքը օր օրուան վրայ կ'աւելնար պատճառաւ այն համակրութեանը զոր ինքը կը գըտնէր դքսուհւոյն վրայ՝ այս առաքելոյն համար, որուն գլխաւոր պաշտպանն էր, ինչպէս նաև մըտերիմ և Ջերմ բարեկամը. անոր համար զօրացուց զՓրանկիսկոս Նղիսաբէթի վրայ ունեցած սիրալիր զգացմանցը մէջ: Այն սքանչելի խոնարհութիւնն որուն այս երիտասարդ իշխանուհին գեղեցիկ օրինակ մը կ'ընծայէր, իւր խստակրօն և եռանդուն բարեպաշտութիւնն և աղքատսիրութիւնը յաճախ իրենց ընտանեկան խօսակցութեանցը նիւթ կ'ըլլային: Օր մը ծիրանաւորն սրբոյն յանձնեց որ դքսուհւոյն առհաւատչեայ մը տայ իւր սիրոյն և յիշատակին, և նոյն միջոցին վրայէն վերցուց այն հին և աղ-

քատ վերարկուն զոր վրան առած էր, պատուի-
րելով որ շուտ մը իւր Գերմանիոյ մէջ ունեցած
դատերը զրկէ, խոնարհ Եղիսաբէթին, իբրև
պարգև մը պատշաճ իր խոնարհութեանը և կա-
մաւոր աղքատութեան զորոնք ուխտիւ յանձն
առած էր, և միանգամայն իբրև նշանակ երախ-
տագիտութեան այն ամենայն ծառայութեանց
զոր արդէն ըրած էր Երրորդ կարգին: « Կու-
զեմ որ, ըսաւ, որովհետև ինքը լի է քու հո-
գւովդ, իրեն ձգես այնպիսի ժառանգութիւն
մը, ինչ որ Եղիա ձգեց իւր Եղիսէ աշակերտին»:
Սուրբը հնազանդեցաւ իւր բարեկամին, և զըր-
կեց անոր՝ զոր իրաւամբ կրնար կոչել իւր դուս-
տրը՝ այս պարկեշտ ընծայն հանդերձ նամակով
մը յորում խնդակից կ'ըլլար իրեն հետ այն ամե-
նայն շնորհքներուն համար զոր աստուած ի-
րեն տուեր էր, և ինքը աղէկ կը գործածէր:

Գիւրին է գուշակել այն երախտագիտու-
թիւնն որով Եղիսաբէթ ընդունեցաւ այս ըն-
ծայն որ այնպէս յարգ ունէր իր դիմացը, և ու-
րիշներուն ալ կը յայանէր. ամեն անգամ որ
աղօթքի կը կենար՝ աստուծմէ մասնաւոր շը-
նորհք մը ընդունելու համար զայն կը հագնէր,
և երբ ժամանակ անցնելէ վերջը՝ կատարեալ
կերպով հրաժարեցաւ որ և իցէ իրեն յատուկ
բան ստանալէն, գտաւ միջոց իւր աղքատ հօրը
սիրելի վերարկուն՝ մինչև իր մահը պահելու, և
այն ատեն կտակաւ ձգեց զայն, իբրև իւր ամե-
նէն աւելի պատուական գոհարը՝ իւր մէկ բա-
րեկամուհւոյն: Յետոյ պահուեցաւ ամենամեծ
խնամքով, իբրև կրկնակի սուրբ նշխար մը, Տե-
տոնեան ասպետներէն Ալիսսէնֆէլէլ քաղաքը

Սբիրայի վիճակին մէջ. և Պերդոլտ անունով եղբայրը, որ այն դարուն հռչակաւոր քարոզիչն էր, Եղիսաբէթի սրբացուցմանը դատաւորներուն պատմեց, որ շատ անգամ ինքը տեսած էր զայն և մեծարանօք շօշափած, իբրև փառաւոր դրօշ մը այն աղքատութեան որ յաղթած էր բոլոր աշխարհի և անոր ամեն ճոխութեանցը այնչափ սրտերու մէջ:

Այս դրօշին հովանւոյն տակն է որ Եղիսաբէթ պիտի ժողվէ իր հոգւոյն խորերուն մէջ այն պէտք եղած ոյժը որով ժամանակ անցնելէ վերջը աշխարհիս և իւր սրտին վրայ պիտի տանի այն շքեղ յաղթանակները զոր աստուած պահէր է իրեն. այսուհետև միացած մտերիմ և սիրալիր կապով մը այն սերովբէանման մարդուն հետ, նորանոր քայլեր պիտի առնու այն փշալից և նեղ ճանապարհին մէջ որ յաւիտենական փառաց կը տանի և ուսկից ինքը պէտք է որ անցնի քիչ տարուան մէջ:

Սահայն հագիւ թէ տասն և եօթը տարուան էր՝ թողուց զինքը իւր Փրանկիսկեան խոստովանահայրը, հայրն Ռոտինկէր, որ իւր առաջին քայլերուն առաջնորդած էր՝ սրբոյն Փրանկիսկոսի հետոցը վրայէն: Պէտք եղաւ խորհիլ ուրիշ մը դնել անոր տեղը, և դուքսը որուն Եղիսաբէթ խորհուրդ հարցուց՝ իր այս շիտթութեանը մէջ, և որ կարգէ դուքս տրտմած էր, տեսնալով զԵղիսաբէթ որ դեռ բաւական հրմտութիւն չունէր սուրբ գրոց և կրօնից գիտութեանցը, քահանայապետին գրեց՝ խնդրելով իմաստուն և լուսաւորեալ առաջնորդ մը իւր կնոջը համար: Սրբազան պապը պատասխանեց

Թէ՛ Մարտիրոսի Գոնրատ քահանայէն աւելի բարեպաշտ և իմաստուն քահանայ մը չէր ճանչնար. որ իւր ուսմունքը ըրած էր ՚ի Բարիզ, և այն ատեն Գերմանիոյ մէջ առաքելական պաշտամանց գործակատարն էր: Եւ արդարև Գոնրատ քահանայն այն ժամանակը կարգէ դուրս համարմունք ստացեր էր ամեն հաւատացելոց և եկեղեցականաց առջև, կը փայլէր ի Գերմանիա, ինչպէս որ իւր ժամանակակիցք կ'ըսեն, լուսաւոր աստղի մը պէտ: Ընդարձակ գիտութեան հետ ունէր օրինակ առնելու սրբութիւն մը և հաստատուն գործադրութիւն մը աւետարանական աղքատութեան: Հրաժարեցաւ չէ թէ միայն յամենայն ժամանակաւոր ընչից, որոնց իւր ազնուական ծննդոյն իրաւունք ունէր, այլ նաև յամենայն եկեղեցական պատուոյ. անոր համար պատմագիրներէն շատը՝ մուրացիկ կրօնաւորաց կարգերուն մէկուն մէջ կը դնեն զինքը, որոնք այն ատեն Եւրոպիոյ մէջ սկսած էին տարածուիլ. բայց աւելի հաւանական կ'երևնայ որ միշտ աշխարհական քահանայ մնացած ըլլայ: Իւր արտաքին կերպը պարզ էր, պարկեշտ, և միանգամայն խիստ. իւր զգեստն բոլորովին համեմատ եկեղեցական վիճակի. ճարտասանութեամբը զօրաւոր ազգեցութիւն մը ունէր սրբտերու վրայ: Պղտիկ ջորոյ մը վրայ հեծած, կը քայլէր բոլոր Գերմանիոյ մէջ. ուր որ կ'երթար, ետեէն կը վազէին անթիւ քահանայք և աշխարհականք, իւր բերնէն ընդունելու համար աստուածային խօսքին հացը: Ամեն տեղ սէր կամ երկիւղ կ'ազգէր, սէր՝ ջերմեռանդ քրքրիստոնէից, երկիւղ ամենայն մոլորամիտ հե-

րետիկոսաց : Մեծն Իննովկէնտիոս Պ իրեն
 յանձնած էր սրբաբննութեան պաշտաման գոր-
 ծակալութիւնն ի Պերմանիա, և մասնաւորա-
 պէս Վալդեանց, Վիոնի աղքատք ըսուած հերե-
 տիկոսներուն և ասոնց նմանեաց աղանդոյն տա-
 րածմանը դէմն աւելուլ, որոնք մտած էին Հռե-
 նոսէն անդին եղող գաւառաց մէջ, և եկեղեց-
 ւոյ նոյն թշուառութիւնները կը ստիպուային
 ինչ որ ի հարաւային Պաղղիա : Ասոնցմէ զատ
 խաչակռուին ալ քարոզելը իրեն վրան էր, և շատ
 անգամ կըցաւ տաքցընել գերմանական գաղ-
 ջութիւնը այս նուիրական արշաւանաց համար,
 Իննովկէնտիոսի արժանաւոր եռանդեամբ և ան-
 խոնջութեամբ : Այս քահանայապետին երկու-
 յաջորդքը Ռնորիոս Պ և Պրիգոր Թ այս պաշտա-
 մունքը դարձեալ իրեն յանձնեցին, և ինքը ար-
 ժանի եղաւ անոնց վստահութեանն՝ իր յարա-
 տեութեամբը, նախանձովը և աննկուն քաջու-
 թեամբը, զոր կը ցուցընէր իւր ամեն գործոցը
 մէջ : Այն քսան տարուանը մէջ զոր այս պաշտա-
 մանցը նուիրեց՝ որ և իցէ արգելք որ և իցէ դի-
 մադրութիւն, որչափ որ ալ զօրաւոր ըլլային ի-
 րեն չկրցան յաղթել. նոյն իսկ իշխանք և եպիս-
 կոպոսք՝ անոր խիստ արդարութենէն ազատ չե-
 ղան ոչ ինչ նուազ քան զաղքատ աշխարհականս՝
 երբոր գործքերնին ստգտանելի էր՝ և կրնանք
 իր այս բացարձակ անկողմնակալութեանն ըն-
 ծայել այն մեծ սէրը զոր ստացաւ ժողովրդէն
 իր դժուարին պաշտամանց հրահանգացը մէջ :
 Քամանակակից մը կ'ըսէ որ ինքը դառն դատա-
 խազ մըն էր ամենայն ախտից, սոսկումն ամե-
 նայն բռնաւորաց, և անխոնջ հալածիչ հեր-

ձուածողաց: Աերջապէս զոհ եղաւ իւր խստութեանը, ինչպէս որ պիտի տեսնենք. բայց իրմէ հալածուողներէն ունեցած սաստիկ մահը՝ չբերաւ իրեն այն գերագոյն պատիւը զոր սուրբ Աթուր տուաւ սրբոյն Աեարոսի Պարենատիկեայ, և կամ Աերօնացի սուրբ Աեարոսին որ իրեն պէս գրեթէ նոյն ժամանակը մեռան վկայ հաւատոց:

Լուդովիկոս դուքսը որ արդէն ճանչցած էր հաւանականաբար զՊոնրատ նախ քան սրբազան պատվին զանիկայ իրեն յանձնելը, այնչափ վստահութիւն և մեծարանք ունեցաւ իրեն վերայ հանդիսական կերպով իշխանութիւն տրուաւ իւր եղբարց հաւանութեամբը այս պարզ քահանային շնորհել արժանաւորագոյն հպատակաց ամենայն եկեղեցական իշխանութիւնները որոնց վրայ պաշտպանութեան և կամ մատակարարութեան իրաւունք ունէր: Ասիկայ լաւագոյն՝ պատասխանն էր Պոնրատի յորդորանացը որ կը խրատէր զինքը խղճի մտօք գործածել այսպիսի իրաւունք մը որ այնչափ կարևոր է հոգւոց փրկութեան համար: « Երբ կը յանձնես, ըսած էր իրեն բարենախանձ քարոզիչը, եկեղեցի մը կամ խորան մը որուն հետ եկեղեցական հասոյթ մը կապուած է՝ տգէտ կամ անարժան քահանայի մը, աւելի մեծ մեղք մը կը գործես, քան եթէ պատերազմի մէջ յետուն կամ վաթսուն հոգի սպաննած ըլլայիր քու ձեռքովդ »: Աերջը Լուդովիկոս իրեն աղաչեց որ յանձն առնու իւր կնոջ հոգւոր վերակացութիւնը, և Պոնրատ հաւանեցաւ, թէ դքսին բարեպաշտութեանը նայելով, և թէ քահանայապետին յանձնարարութեանը:

Նորահաս դքսուհին, որ ինչպէս ըսինք դեռ տասներեօթը տարուան էր, երբոր իմացաւ թէ այսպիսի սրբութեամբ և գիտութեամբ համբաւաւոր անձ մը իրեն պիտի նուիրէր իւր մասնաւոր խնամքը, կարգէ դուրս երախտադիտութիւն և խոնարհութիւն ունեցաւ, և պատրաստուեցաւ պահօք և նորանոր մահացուցմամբք այն բանին զոր ինքը կը համարէր երկնային շնորհք մը: Շատ անգամ կ'ըսէր. « Ես աղքատ մեղաւոր մըն եմ և արժանի չեմ որ այս սուրբ մարդը իմ վրաս խնամք ունենայ. աստուած իմ, որչափ շնորհակալ եմ քու շնորհացդ »: Երբ իրեն ծանուցին Պոնրատի մօտենալը, ընդ առաջ գնաց, և ծնկան վրայ դալով ըսաւ. « Իմ հոգեւոր Հայրս, հաճէ ընդունել զիս իբրև քու դուստրդ յաստուած. ես քեզի անարժան եմ, բայց ինքզինքս քեզի կը յանձնեմ եղբօրս սիրոյն համար »: Պոնրատ տեսնելով երիտասարդ և հարուստ իշխանուհոյ մը այսպիսի կանուխ և խորին խոնարհութեանը մէջ անոր հոգւոյն հանդերձեալ փառաց դուշակութիւնը, չկրցաւ ինքզինքը բռնել ու աղաղակեց. « Տէր իմ Յիսուս, քանի հրաշքներ կը գործես քուկդ եղած սրտերուն մէջ ». և յայանեց այլ և այլ անգամ իր այս սրատահմանէն զգացած ուրախութիւնը: Այն ժամանակէն ի վեր՝ Պոնրատ դքսուհոյն խոստովանահայրը եղաւ, և իրեն սովորական եռանդեամբը սկսաւ դարմանել այս սրատուական բոյսը որ իրեն յանձնուած էր երկնից համար աճեցընել: Քիչ ատենէն հոգեւոր կենաց բնական ազդեցութիւնը այնչափ ուժով ընդարձակուեցաւ Եղիսաբէթի հոգւոյն

մէջ, և իւր եռանդը քրիստոնէական կատարելութեան համար այնչափ սաստիկ և շատ եղաւ, որ Պոնրատ օր մը գտաւ զինքը, ինչպէս որ առքահանայապետը գրած նամակին մէջ կ'ըսէ, արցունքով լի և դառնապէս դանդատելով որ իւր ծնողքը սահմանած էին զինքը ամուսնական վիճակի, և թէ չէր կրցած այս մահականացու կեանքը լմրնցընել՝ պահելով իւր կուսութեան ծաղիկը որպէս զի մատուցանէ զայն աստուծոյ: Սակայն, ինչպէս որ իր պատմիչներէն մէկը կ'ըսէ, թէ պէտ ջերմեռանդութեանն համար կը ցաւէր ամուսնացած ըլլալուն վրայ, բայց սաստիկ սէր և գորով կը ցուցընէր իւր ամուսնոյն: Անոր փոխարէն՝ իր ամուսինն ալ Նղիսաբէթի յառաջադիմութեանցը արգելք չըլլալէն զատ ան ճամբուն մէջ ուր կը մտցընէր զինքը Պոնրատ, ձեռքէն եկածին չափ գործակից և օգնական կ'ըլլար: Սիրով իրեն թոյլ տուաւ որ կատարեալ հնազանդութիւն ուխտէ այն ամեն բաներուն զոր խօստովանահայրը իրեն պիտի ապսպրէր, և որ ամուսնութեան իրաւանցը և արդար իշխանութեանը հակառակ պիտի չըլլային: Նղիսաբէթ վրան աւելցուց նաև ժուժկալութեան ուխտը երբոր այրի մնալու ըլլար, և այս երկու ուխտերն ըրաւ 1225ին, տասնը ութ տարուան եղած ատենը մեծահանդէս կերպով Պոնրատայ առջև, Այդնախ քաղաքը, սրբուհւոյն կատարինեայ հաւատաւորաց եկեղեցւոյն մէջ: Այս հնազանդութեան ուխտը շատ հաւատարմութեամբ և խոնարհութեամբ կը պահէր, աստուծոյ նուիրելով այն ամենայն զոհերը որ իրեն աւելի ծանր կու գային: Վերը

տեսանք թէ ինչ փափկութեամբ և խղճամիտ ճշդութեամբ կը հպատակէր Պոնրատայ դրած արգելքներուն նկատմամբ դքսական սեղանոյն կերակրոցը որոնց սկիզբը աղքատ ժողովրդէն անիրաւ կերպով պահանջուած տուրքերուն արդիւնք կ'երևնար իրեն: Պոնրատ ըստ իր բարուց խստութեանը, և Վելիսաբէթ իբրև սոսկ քրիստոնէայ մը մտածելով, ամենևին չէր ուզեր թէ թեցրնել այն կամաւոր լուծը զոր անիկայ վրան առած էր, և հետը անանկ սաստկութեամբ կը վարուէր որ երթալով անոր ալ արդիւնքը կը շատնային աստուծոյ առջև: Սր մը Պոնրատ կանչել տուաւ Վելիսաբէթ, որպէս զի իւր քաւրոզը լսէ. սակայն նա չկրցաւ գալ, որովհետև իւր տալը Միանիոյ Մարկրաւուհին՝ իրեն այցելութեան եկած էր: Պոնրատ նեղանալով անոր անհնազանդութեանը վրայ, և կորսընցընելուն համար քսան օրուան ներողութիւնը զոր Պապը շնորհած էր իր քարոզներուն ներկայ եղողաց, իմացուց իրեն որ անկէ վերջը պիտի դադրի իր հոգւոյն վրայ խնամք ունենալէն: Երկրորդ առաւօտը Վելիսաբէթ վազեց Պոնրատի քով և խիստ շատ աղաչեց որ այս դժնդակ դիտաւորութենէն ետ կենայ, և ներէ իր յանցանքին: Առջի բերանը Պոնրատ մերժեց խստութեամբ անոր աղաչանքը. բայց Վելիսաբէթ անոր ոտքը ինկաւ, և յետ այս դրբին մէջ երկար ժամանակ աղաչելու, վերջապէս ներումն ընդունեցաւ, հանդերձ ծանր ապաշխարանքով մը որ դրուեցաւ իրեն և իր պատուոյ օրիորդաց վրայ զորոնք Պոնրատ Վելիսաբէթի անհնազանդութեանը մասնակից սեպեց, և այն պատճառաւ սաստիկ ալ յանդիմանութիւն տուաւ անոնց:

Ձեռուընիս պատուական յիշատակարան մը հասած է Գոնրատայ իր երևելի ապաշխարուհւոյն վրայ բանեցուցած հոգևոր վերակացութեանը, որ է այն երկոտասան կանոնները զոր տուած էր իրեն իբրև բովանդակութիւն մը իր բռնելու ճամբուն, և զոր ժամանակագիրք ինսամով պահած են: Մենք ալ հոս մէջ կը բերենք բառ առ բառ:

1. Կամաւոր աղքատութեան անարդուութիւնները համբերութեամբ կրէ:

2. Սրտիդ մէջ առաջին տեղը խոնարհութեան տուր:

3. Մարդկային միտքարութիւններէ և մարմնոյ հեշտութիւններէն ետ կեցիր:

4. Յամենայնի եղբարցդ հետ գթութեամբ վարուէ:

5. Աստուծոյ յիշատակը միշտ սրտիդ մէջ ունեցիր:

6. Շնորհակալ եղիր աստուծոյ, որ իւր մահուամբը զքեզ յաւիտենական մահուանէ և ՚ի դժոխոց ազատեց:

7. Արուհեակ աստուած քեզի համար այնչափ չարչարանք քաշեց, դուն ալ խաչդ համբերութեամբ վերցուր:

8. Բովանդակ ինքզինքդ աստուծոյ նուիրէ հոգւով և մարմնով:

9. Ստէպ յիշէ որ աստուծոյ ձեռացը գործն էս, և հետեաբար այնպէս գնայ, որ կարենաս յաւիտեան իրեն հետ ըլլալ:

10. Ներէ և թող տուր եղբարցդ՝ ինչ որ կը փափաքիս որ անոնք քեզի ներեն և թողուն. ըրէ իրենց՝ ինչ որ կ'ուզես որ իրենք քեզի ընեն:

11. Մտածէ միշտ թէ որչափ համառօտ է կեանքը, և թէ երիտասարդք ալ կը մեռնին ծերոց պէս, և միշտ յաւիտենական կենաց փափաքէ:

12. Մնդադար ողբա՛ մեղացդ վրայ և աղաչէ զաստուած որ քեզի ներէ:

ԺԱ.

Ինչպէս աստուած յայտնեց իւր շնորհքները սրբուհւոյն
Նղիսաբեթի.

Յետ այսպէս Նղիսաբեթի կենաց ընդհա-
նուր դէպքերը պատմելնուս իւր Նուդովիկոս
դքսին հետ ամուսնացած ժամանակը, պէտք է
որ դառնանք իւր ամուսնութեան առաջին տա-
րիները, և պատմենք այն դէպքերէն մէկքանին
որ իւր կենաց միօրինակութեանը զանազանու-
թիւն մը տուին, և միանգամայն աստուծոյ իր
խոնարհ աղախնոյն վրայ ունեցած սիրոյն սրբ-
տաշարժ ցոյցերն եղան:

1221ին դքսուհւոյն հարսնիքէն քիչ ետքը,
իւր հայրն Անդրէաս Թագաւորը, որ մէկ քանի
տարի առաջ խաչակիր զինուոր գրուած էր և
կը դառնար ՂԱԳխպոս ըրած փառաւոր արշա-
ւանքէ մը, տեղեկացաւ ճշմարտապատում ան-
ձինքէ որ իւր դստերն ամուսնութիւնը կատա-

բուած էր, և թէ յիրաւի Ղուբինկիոյ դքսուհի
 եղեր էր: Բայց ալ աւելի վստահ ըլլալու հա-
 մար, յանձնեց իւր արքունեացը չորս իշխաննե-
 րուն որ կ'երթային յուխտ Կա-Լա-Շարէլ քա-
 ղաքը, որ դառնալու ատեննին անցնին Ղուբին-
 կիայէ, և իրեն ստոյգ տեղեկութիւն բերեն
 իւր դատերը կենաց կերպին, արքունեացն ու
 բնակած գաւառին վիճակին վրայ, և միանգա-
 մայն հրաւիրեն զինքը որ իւր ամուսնոյն հետ
 Հունդարիա գայ իւր ծերունի հայրը ուրախա-
 ցնելու, վասն զի մեծ փափաք ունէր երկուքն
 ալ տեսնելու: Իշխանները իրենց ուխտը կատա-
 րելէն վերջը Կա-Լա-Շարէլ քաղաքը՝ սուրբ աւ-
 տուածածնայ եկեղեցւոյն մէջ, փոխանակ Պրան-
 գոնիոյ՝ Ղուբինկիոյ ճամբան բռնեցին և հա-
 սան Վարդպուրկ: Ղուքսը զանոնք սիրալիր կեր-
 պով ընդունեցաւ, սակայն մէկէն միտքն ե-
 կաւ որ իւր կինը պատշաճ զգեստ չունէր այս
 հրաւիրելոց առջեւ ելնելու համար, ուստի
 այս բանիս համար սաստիկ տազնապած և հոգ-
 ընելով, գնաց Եղիսաբէթի սենեակը, և ըսաւ
 իրեն. «Մ՛հ, սիրելի քոյր, ահա հօրդ պալա-
 տականներէն ոմանք եկեր են. ստոյգ եմ որ
 պիտի ուզեն խմանալ ինձի հետ ինչպիսի կեանք
 կ'անցընես, և եթէ ունիս արդեօք դքսուհւոյ
 մը արժանաւոր կերպը: Բայց դու ինչպէս պի-
 տի ելլես անոնց դիմացը. այնչափ խելքդ միտքդ
 աղքատներուն տուեր ես որ ինքզինքդ կը մոռ-
 նաս. միշտ կ'ուզես այդ ողորմելի զգեստները
 հագնիլ, որով թէ՛ զիս և թէ՛ զքեզ ամօթով
 կը ձգես: Ի՛նչ անպատուութիւն ինձի համար,
 երբ երթան Հունդարիա պատմելու որ զքեզ

առանց զգեստի կը ձգեմ, և թէ զքեզ այսպիսի խեղճ վիճակի մը մէջ գտան. ժամանակ ալ չունիմ որ քեզի ուրիշ զգեստներ պատրաստել տամ որ արժանի ըլլան քու և իմ աստիճանիս»։ Բայց Եղիսաբէթ քաղցրութեամբ պատասխանեց իրեն. «Իմ սիրելի տէրս և եղբայրս, հոգ մ'ըներ այս բանիս համար, վասն զի միտքս դրած եմ՝ իմ փառքս ոչ երբէք զգեստներուս վրայ դնելու. գիտեմ ես այս իշխանաց առջև ինքզինքս արդարացընել, և պիտի ջանամ հետերնին անանկ զուարթութեամբ և քաղցրութեամբ վարուիլ, որ իրենց հաճոյ ըլլամ որպէս թէ ամենէն աղուոր զգեստները հազած ըլլայի»։ Եւ մէկէն աղօթքի կեցաւ, և խնդրեց աստուծոյ որ զինքը հաճոյական երեցընէ իւր բարեկամացը առջև. յետոյ ձեռքէն եկածին չափ մաքուր հագուելով, գնաց իւր ամուսնոյն և հօրը կողմանէ զըկուած մարդիկներուն տեսնուելու։ Այ միայն զանոնք զմայլեցուց իւր սիրալիր ընդունելով թեամբը, քաղցր կերպով, հրաշալի և արշալուսոյն պէս թարմ գեղեցկութեամբը, այլ նաև ի մեծ զարմանս դքսին և օտարականներուն երեցաւ իրենց մետաքսէ փառաւոր ըզգեստներ հազած և երկնագոյն թաւիշէ պատմուճանի մը մէջ պլլուած որ ցանուած էր մեծագին մարգրիտներով։ Հունգարացիք ըսին որ Քաղղիոյ թագուհին այսչափ հարուստ կերպով չէր կրնար զարդարուիլ։ Մեծահանգէս սեղանէ մը վերջը, դուքսը շատ աղքատեց իր հիւրերուն որ դեռ աւելի կենան իր քովը. բայց անոնք ներումն խնդրեցին սպասձառ բերելով որ իրենց ուխտի ընկերակիցքը չէին ուզեր սպասել, ուս-

տի անոնց հետ քաղաքը իջաւ, բոլոր ծախքերնին վճարեց, և անոնց ուղեկից եղաւ բաւական հեռու տեղ: Յետոյ ամենայն փութով իւր կնոջը քով գնաց, և հարցուց իրեն թէ՛ ուսկից աս գեստները գտած էր: Եղիսաբէթ պատասխանեց քաղցր և համեստ ժպիտով մը. «Սհա աս տուժոյ ըրածը երբ իրեն հաճոյ է»:

Ետ հեղինակներ այս հրաշքը ուրիշ կերպով կ'աւանդեն. կ'ըսեն թէ որովհետեւ Եղիսաբէթի առաքինութեանց համբաւը ամեն տեղ կը տարածուէր, զօրաւոր իշխան մը, (որ ըստ ոմանց ինքն իսկ կայսրն էր), ճամբորդութեան ատենը դքսին երկիրներէն անցաւ, դուքսը իրեն ընդ առաջ գնաց, և ուղեց զինքը իւր դղեակը հրաւիրել, բայց օտարականը չընդունեցաւ դքսին հրաւերքը, ինչուան որ չխոտանայ իրեն ցուցնել զդքսուհին, և թոյլ տալ որ անոր հետ խօսի: Լուգովիկոս յօժարութեամբ յանձն առաւ, և իշխանը տարաւ Վարպուրի: Մեծ կոչունքէ մը վերջը, իշխանը յիշեցուց դքսին իւր խոտամունքը, անիկայ ալ շուտով մարդ զրկեց Եղիսաբէթին, որ սենեակին մէջ աղօթք կ'ընէր. որպէս զի դայ և օտարականին հետ խօսի: Բայց Եղիսաբէթ՝ ըստ իր սովորութեանը աղքատաց տուած էր իւր զգեստներն և զարդերը. անոր համար աղաչեց ի ծածուկ իւր ամուսնոյն որ այս անգամ թողութիւն չնորհէ իրեն, որովհետեւ պատշաճ զգեստ չունէր հիւրերուն առջև երևնալու համար: Իշխանը միշտ վրայ կու տար: Ան ատեն Լուգովիկոս ելաւ սեղանէն և գնաց զԵղիսաբէթ աղաչելու որ դայ, մէկ քանի քաղցր յանդիմանութիւններ ալ ը-

ներլով իրեն, մէկէն ի մէկ չհնազանդելուն հա-
 մար: Աղիսաբեթ պատասխանեց որ հիմա կու-
 գամ. « Քաղցր և գեղեցիկ Տէր իմ, վրայ բե-
 րաւ, պիտի երթամ և կամքդ պիտի կատարեմ,
 վասն զի ինձի մեծ յիմարութիւն է քեզի դէմ
 դնելը որ և իցէ բանի մէջ: Ես քուկդ եմ, տէր
 իմ, քեզի տրուած եմ, միշտ քեզի հաւատար-
 մութեամբ հնազանդած եմ, և ասկէց ետքն ալ
 քու կամքդ պիտի կատարեմ, որովհետեւ աս-
 տուծմէ ետքը դու ես իմ տէրս »: Յետոյ երբ
 դուքսը սենեակէն ելաւ, Աղիսաբեթ ծնկան վրայ
 գալով՝ ըսաւ. « Տէր Յիսուս Քրիստոս, Հայր
 բարեգութ և հաւատարիմ, քաղցր մխիթարիչ
 աղքատաց և ամենայն նեղելոց, բարեկամ և
 օգնական հաւատարիմ քեզի ապաւինողներուն,
 օգնէ քու խեղճ աղախնոյդ, որ մերկացաւ բո-
 լոր իր զարդերը քու սիրոյդ համար »: Մէյմըն
 ալ հրեշտակ մը երևցաւ իրեն և ըսաւ. « Ա՛յլ
 աղնուական հարսն թագաւորին երկնից, տես
 թէ ինչ կը խրկէ քեզի այնչափ սիրած աս-
 տուածդ, զքեզ ողջունելով գորովալիբ մտեր-
 մութեամբ, պիտի հագնիս այս պատմուճանը,
 և այս պսակով պիտի պսակուիս ինչան յաւի-
 տենական փառաց »: Աղիսաբեթ շնորհակալ
 եղաւ աստուծոյ, զարդարուեցաւ պսակովն և
 պատմուճանաւը, ու գնաց կոչնոց սրահը: Հրա-
 չիրեալք տեսնելով զԱղիսաբեթ այնպէս ձու-
 խութեամբ հագուած և այնպէս գեղեցիկ, կար-
 գէ դուրս զարմացան, վասն զի իւր դէմքը
 հրեշտակի մը պէս կը փայլէր. նստաւ անոնց մէջ
 տեղը, և ողջունեց սիրով և ուրախութեամբ.
 վերջէն անոնց սկսաւ զուրցել մեղրէն աւելի

քաղցր խօսքեր, անանկ որ բոլոր կոչնականները աւելի սնունդ առին անոր ըսածներէն քան թէ սեղանին վրայ եղած կերակուրներէն: Իշխանը ուրախացած զԵղիսաբեթ տեսնելուն համար՝ զոր այնչափ կը փափաքէր տեսնել, իւր հրաժարական ողջոյնը տուաւ և ճամբայ ելաւ. դուքսը բաւական տեղ անոր հետ գնաց, վերջէն փութով իւր կնոջը քով եկաւ, և իրեն հարցուց թէ ուսկից գտեր էր այդ զարդերը: Եղիսաբեթ չկրցաւ ծածկել. այն ատեն բարեպաշտ իշխանն աղաղակեց. «Յիրաւի մեր աստուածը շատ բարի աստուած մըն է. ի՞նչ հաճոյական բան է այսպիսի բարեբար տիրոջ մը ծառայել, որ այսչափ հաւատարմութեամբ իրեններուն օգնութեան կը հասնի: Ես ալ հիմակուրնէ կ'ուզեմ միշտ իր ծառան ըլլալ»:

Հետեւեալ տարին, 1222ին, ըստ հրաւիրանաց Անդրէաս Թագաւորին՝ զոր իրմէ խրկուած մարդիկը տուեր էին յանուն նորա, Աուդովիկոսի և Եղիսաբեթի, դուքսը տարաւ զԵղիսաբեթ Հունգարիա, իւր տէրութեան պահպանութիւնը յանձնելով Միւհլպերկ կոմսին և ուրիշ իշխաններու. իրեն հետ առաւ խիստ շատ երեւելի մարդիկ, որոնց մէջ նշանաւոր էին Վարիլայի Ռոտովքը, Աթիէ իշխանին որդին, որ տասնըմէկ տարի առաջ Հունգարիա գացած էր զԵղիսաբեթ բերելու, և իր հօրը յաջորդած էր ոչ միայն տակառապետութեան պաշտամանը մէջ, այլ մանաւանդ իւր հաւատարիմ անձնանուիրութեանն առ Եղիսաբեթ:

Դքսուհին իրեն ուղեկից առած էր վերը յիշած կոմսերնուս ամուսինքը, և բազմաթիւ ազ-

նուստոհմ կանայք և օրիորդք: Անդրէաս թա-
 դաւորն անպատում ուրախութեամբ ընդունե-
 ցաւ իւր դուստրն և փեսայն, որոնք երկար ժա-
 մանակ անոր արբունեացը մէջ կեցան, և ներ-
 կայ դանուեցան շատ հանդէսներու և խաղե-
 րու՝ որ տրուեցան ի պատիւ նոցա, և որոնց մէջ
 Գուրինկիոյ ասպետները մասնաւորապէս նշա-
 նաւոր եղան. նոյնպէս ներկայ դանուեցան թա-
 դաւորին երկրորդ հարսանեացը. որ ամուսնա-
 ցաւ Խոլանտ Գուռդնէ օրիորդին հետ, որ Առ-
 տանդնուպօլոյ Գաղղիացի կայսեր աղջիկն էր:
 Անդրէաս թագաւորն այս առթով անոնց տեսակ
 տեսակ պարգևներ տուաւ, մանաւանդ մեծա-
 գին ակունքներ. և ամեն ասպետները, և իրենց
 հետ եղող տիկնայք ինչուան յետին ծառայնե-
 րը՝ թագաւորէն բազմահարուստ ընծաներ ընդ-
 ունեցան: Թագաւորը շինել տուաւ նաև մաս-
 նաւոր ձևով կառք մը իր աղջկանը հետը տանե-
 լիք ոսկին և գոհարները մէջը դնելու համար:
 Երբոր մեկնելու ժամանակը հասաւ, թագաւո-
 րը մեծ որսի մը տարաւ զիրենք, որովհետև լու-
 դովիկոս դուքսը քաջ որսորդ էր: Յետոյ մէկ-
 մէկէ բաժնուեցան, և դուքսը տարաւ յաջողու-
 թեամբ Հունգարիա զՆդիսաբէթ, իւր հետը
 եղողներն, և իւր նոր ստացած հարստութիւնը:

Իւր դառնալէն քիչ ետքը, դուքսն ամուսնա-
 ցուց իւր քոյրը՝ զգեղեցիկն Ազնէս որ Եղիսա-
 բէթի մանկութեան ընկերակիցն էր, ընդ Հէն-
 րիկոսի դքսին Աւստրիոյ, և այս առթիւ համար
 ըլլայ, կամ իւր դարձին հանդէսն ընելու հա-
 մար, մեծ հարկինք մը տուաւ ի Վարպուրկ, ուր
 հրաւիրեց բոլոր իր դքսութեան կոմսերը և մեծ

իշխանները հանդերձ իրենց կնիկներովը: Երբոր սեղան պիտի նստէին, տեսան որ դքսուհին հոն չէր, որովհետեւ չէր եկած ըստ սովորութեան ջուր առնելու իր ամուսնոյն հրաւիրելոցը հետ ձեռքերը լուալու համար. ամենքը միաբերան յայտնեցին որ չէին ուզեր ուտելու սկսիլ ինչուան որ դքսուհին չգայ: Այն միջոցին Եղիսաբեթ եկեղեցիէն կոչնոց սրահը դառնալու ժամանակը՝ տեսեր էր խեղճ թշուառ մը, գրեթէ մերկ՝ սանդուղին վրայ պառկած, և այնպիսի հիւանդոտ և տկար տեսքով որ Եղիսաբեթ զարմացաւ թէ ինչպէս անանկ վիճակի մէջ կրցեր էր քաղքէն իր դղեակը գալ: Ասիկայ զԵղիսաբեթ տեսնելուն պէս աղաչեց որ իրեն ողորմութիւն մը տայ ի սէր Քրիստոսի: Եղիսաբեթ պատասխանեց որ ոչ ժամանակ ունէր և ոչ ալ վրան ստակ. բայց խոստացաւ որ սեղանէն իրեն կերակուր ղրկէ. սակայն աղքատը բարձր ձայնիւ անդադար կը ստիպէր որ շուտով իրեն բան մը տայ. մինչև որ դքսուհին յաղթուելով գթութենէն, հանեց իր պատուական մետաքսէ վերարկուն տուաւ մութրացիանին, անիկայ ալ առնելով՝ մէկէն ծալեց զայն, և խկոյն աներևութացաւ: Եղիսաբեթ առանց վերարկուի մնալով, որ այն ժամանակին սովորութեանը հակառակ էր, չհամարձակեցաւ կոչնոց սրահը մտնել, այլ իւր սենեակը դարձաւ, ու հոն ինքզինքը աստուծոյ յանձնեց: Բայց ծառայն որ այս ամէն բանը տեսեր էր, գնաց շուտ մը դքսին պատմելու բոլոր հրաւիրելոց առջև ուրսաւ. «Տես, Տէր իմ, թէ մեր ամենասիրելի դքսուհւոյն ըրածը խեղացի բան է. մինչդեռ

այսչափի ազնուական իշխանք հոս իրեն կը սպասեն, ինքը ընդ հակառակին կը զբաղի աղքատները հաղուեցընելու, և հիմա մուրացկանի մը տուաւ իւր վերարկուն» : Բարեպաշտ դուքսը ըսաւ ծիծաղելով. « Երթամ նայիմ եղածը. քիչ ատենէն ինքը հոս կու գայ » : Վայրկեան մը թողլով իւր հրաւիրեալքը, գնաց առ Եղիսաբէթ և իրեն ըսաւ. « Սիրելի քոյր, մեզի հետ սեղան ընելու չե՞ս գար, շատոնցու ընէ՛ ի՞ վեր կերակուրի նստած կ'ըլլայինք՝ եթէ քեզի չսպասէինք : « Սիրելի եղբայրս, սրատասխանեց, սրատրատ եմ ընելու ինչ որ կ'ուզես » : « Սակայն ո՞ր է, վրայ բերաւ դուքսը, այն վերարկուն զոր ունէիր եկեղեցի գացած ժամանակդ » : « Տուի զայն, բարի եղբայրս, ըսաւ Եղիսաբէթ. բայց երբոր կ'ուզես, ինչպէս որ եմ՝ անանկ կու գամ » : Այս ըսելու ատենը իր սենեկապան կնիկներէն մէկը զուրցեց իրեն. « Տիկին, հոս գալու ժամանակս վերարկուդ կախուած տեսայ իւր բռնէն դարանին մէջ. երթամ բերեմ զայն » . և քիչ ատենէն եկաւ՝ ձեռքը նոյն վերարկուն զոր աղքատը տարած էր : Եղիսաբէթ ծնկան վրայ եկաւ, և աստուծոյ շնորհակալ եղաւ. յետոյ կոչնոց սրահը գնաց իւր ամուսնոյն հետ : Մինչդեռ ամենայն ասպետք, և մանաւանդ Աւստրիոյ դուքսը՝ իւր նորեկ հարսին հետ ուրախութեան կու տային իրենք զիրենք, Լուդովիկոս դուքսն ընդ հակառակին ծանր կը կենար, վասն զի կը մտածէր այն բազմաթիւ շնորհաց վրայ՝ զոր աստուած կու տար իւր Եղիսաբէթին : Ո՞վ կրնայ տարակուսիլ, վրայ կը բերէ իւր բարեպաշտ և հաւատարիմ սրատմագիրներէն մէկը, որ երկ-

նային հրեշտակ մը բերած չըլլայ այս վերարկուն, և թէ ինքն Քրիստոս չըլլայ այս մերկ մուրացկանին կերպարանքն առնողը՝ իւր սիրելի Եղիսաբէթը փորձելու համար, ինչպէս երբեմն զփառաւորեալ սուրբ Մարտինոսը: Այնպէս զարդարեց Քրիստոս իւր սիրելի ծաղիկը Եղիսաբէթը՝ որ մաքրութեան և հաւատոյ շուշանն էր, ինչպէս չկրցաւ ըլլալ Սողոմոն իւր ամենայն փառացը մէջ: Սակայն աստուած այս ազնուատոհմ և բարեպաշտ ամուսնացը այլ աւելի քաղցր և սիրելի շնորհք մը պահած էր. ամուսնութեան պատուականագոյն օրհնութիւնը՝ չէր կրնար ժխտել ամենակարողը այս երկու լծակցաց, որոնք քրիստոնէական միութեան գեղեցիկ օրինակ մը կու տային ամենուն. անոր համար տուաւ իւր հաւատարիմ աղախնոյն բեղնաւորութեան շնորհքը, որպէս թէ հոս երկրիս վըրայ վարձատրելու համար իր հոգւոյ և մարմնոյ մաքրութիւնը:

1223ին, երբոր Եղիսաբէթ վեշտասանամեայ հասակին մէջ էր՝ իւր առաջին զուակն ունեցաւ: Մնանելուն մօտ՝ տանել տուաւ զինքը Պրայդպուրկ դղեակը որ Վերա գետին վրայ է, Այլնախ քաղքէն մէկ քանի մղոն հեռու: Եղիսաբէթ հոն աւելի հանգիստ էր, քան թէ Վարպուրկ և աւելի մօտ էր իւր փեսային, որ գացած էր կարգաւորելու Հեսի և Վարպուրկի վիճակները: Բաղմաթիւ ազնուատոհմ տիկնայք եկան իրեն օգնելու, և հսկեցին գիշեր ցորեկ: Վարտի 28ին, աստուածածնայ աւետման տունէն իրեք օր վերջը, ծնաւ իւր անդրանիկ որդին. դուքսը չէր կրցած ատենին մեկնիլ Մար-

պուրկէն, և հոն խմացուցին որ իրեն տղայ մը ծներ է: Լուդովիկոս մեծաւ ուրախութեամբ լեցուած, հարուստ կերպով վարձատրեց աւետիս բերողը, և փութով մեկնեցաւ իւր Եղիսաբէթին քով երթալու: Աղէկ ատենին հասաւ մանկանը մկրտութիւնը տեսնելու համար, զոր Հերման կոչեց ի յիշատակ իւր հօրը: Քուքսը այս տղուն ծննդեանը համար զգացած ուրախութիւնը յայտնելու դիտմամբ, քարէ շինել տուաւ այն փայտէ կամուրջը, որ Քրազպուրկ քաղաքը կը տանէր: Այս կամուրջը դեռ կեցած է, հանդերձ գեղեցիկ գոթական ձևով մատրամբ մը որ և նուիրուած է սրբոյն Լիպորիոսի, Ման քաղքին եպիսկոպոսին: Հետևեալ տարին, (1224) դքսուհին Վարպուրկ եղած ժամանակը, ուսկից դուքսը թոյլ չէր տուած իրեն որ հեռանայ, որպէս զի միշտ քոյն ըլլայ, դուստր մը ծնաւ որուն անունը Սոփիա դրին: Այս իշխանուհին յետոյ Արոպանի դքսին հետ ամուսնացաւ և հիմակուան Հէսի տանը արմատն եղաւ: Եղիսաբէթ ուրիշ երկու աղջիկներ ալ ունեցաւ, որոնց երկրորդը նմանապէս Սոփիա կոչուեցաւ, և երրորդն ալ՝ որ իւր հօրը մահուրնէն վերջը ծնաւ՝ Քերտրուգա, երկուքն ալ ի խանձարրոց աստուծոյ նուիրուեցան, և աստուծոյ հարսերուն քողն առին:

Եղիսաբէթ ամենայն հաւատարմութեամբ և խղճի մտօք՝ խոնարհութեան և պարկեշտութեան պարտքերը՝ զորոնք վրան առած էր, կը պահէր իւր մայրական ուրախութեանցը մէջ, ինչպէս որ պահած էր թագաւորական ճոխութեանցը մէջ: Իր ամեն տղաբերքէն վերջը,

երբոր մաքրութեան ժամանակը կը հասնէր ,
 փոխանակ աշխարհային հանդէսներ և ուրախու-
 թիւններ ընելու , ինչպէս որ այն ատենին սովո-
 րութիւնն էր , կ'առնուր բազկացը մէջ իւր նո-
 բաժին մանուկը դաղտուկ կ'ենէր դղեկէն ,
 բրդէ անպաճոյճ՝ զգեստ մը հագած և բոպիկ ,
 ու դէպ ի հեռաւոր եկեղեցի մը կ'երթար , որ
 էր սրբոյն Աատարինեայ , Ա. յգնախի պարիսպ-
 ներէն դուրս : Զառիկայրը երկայն և խիտ էր ,
 ճամբան լի սուր քարերով , որ կը պտտուտէին և
 կ'արիւնոտէին իւր փափուկ ոտուքները . ինքը
 անձամբ կը տանէր իւր մանուկը , ինչպէս ըրած
 էր անարատ կոյսը , և եկեղեցին հասնելուն
 պէս , տղան խորանին վրայ կը դնէր , հեան ալ
 մոմ մը և դառնուկ մը , ու կ'ըսէր . « Տէր Յի-
 սուս Քրիստոս , քեզի ու քու սիրելի Մօրդ Մա-
 րիամին կը նուիրեմ իմ արգանդիս սիրելի պը-
 տուղը . ահաւասիկ , աստուած իմ և Տէր իմ ,
 քեզի կը նուիրեմ զինքը բոլորով սրաիւ՝ ինչ-
 պէս որ ինձի տուիր , քեզի՛ որ ես թագաւոր և
 բարեգութ հայր թէ մօրը և թէ տղուն : Ա. յս
 օրուան քեզի ըրած բոլոր աղօթքս և քեզմէ
 խնդրած բոլոր ջնորհքս այն է՝ որ հաճիս ընդու-
 նիլ այս պզտիկ մանուկը բոլորովին իմ արցուն-
 քովս թրջած՝ քու ծառայիցդ և բարեկամացդ
 թուոյն մէջ , և տաս իրեն քու սուրբ օրհնու-
 թիւնդ » :

ԺԲ

Ինչպէս բարեմտիւ Ղուղովիկոս դուքսը կը պաշտպանէր իւր
աղքատ ժողովուրդը.

Այս երկու սուրբ ամուսնաց վարքին մէջ,
ամեն բան կը ցուցնէ այն սաստիկ համակրու-
թիւնն որ զիրենք կը միացընէր. և թէ որչափ
արժանաւոր էին իրարու: Տեսանք զդքսուհին
թէ ինչպէս կը բանեցընէր իւր հոգւոյն բո-
վանդակ ազգեցութիւնն և հնարագէտ գորովը
իւր իշխանութեան տակ եղած թշուառնե-
րը սփոփելու համար. հիմա կը մնայ ցուցնել
թէ ինչպէս Ղուղովիկոս դուքսը իւր զինուորա-
կան հանձարը և քաջութիւնը կը նուիրէր այն
ժողովրդեան շահերը պաշտպանելու համար
զոր աստուած իրեն յանձնած էր: Այն բնա-
ծին սէրն արդարութեան, զոր արդէն տեսանք
իրբև իր գլխաւոր առաքինութիւնը, այնպէս
մեծ ըմբռնել կու տար իրեն իւր հպատակաց

իրաւունքը, և այնպէս հոգ կ'ընէր անոնց դէմ եղած անիրաւութեանցը, որ այս պատճառները միայն կը շարժէին զինքը հեռաւոր և բազմաժախ արշաւանքներ ընելու:

Այսպէս 1223ին դուքսը իմացաւ որ իւր հը պատակներէն ոմանք որ վաճառականութիւն կ'ընէին Վեհաստանի և ուրիշ սլաւեան քաղաքաց հետ, մերկացած և գողցուած էին Վիւպանդսք բերդին քով ի Վեհաստան: Աուդովիկոս Վեհաստանի դքսէն հատուցմունք մը խընդրեց այս խեղճերուն համար, և խնդիրքը մերժուեցաւ. այն ատեն հրամայեց որ շուտով բազմութիւ բանակ մը կազմեն Հէսքի, Գուրինկիոյ և Փրանգոնիոյ բնակիչներէն, որոնց հետ էին նաև Օսդէռլանտի ասպետները. տարաւ զատոնք ի ծածուկ մինչև Էլլա գետին ափունքը, առանց իմացընելու իւր ընթացքին վախճանը: Վիբսիա քաղաքը հասնելով՝ իրեն հետ միատեղ առաւ իր իշխանութեան տակ եղած սաքտոն ասպետներէն շատը, և բազմութիւ Միանիոյ զինեալ մարդիկներ, վասն զի ինքն էր խնամակալ այն գաւառին երիտասարդ իշխանին՝ որ իւր քեռորդին էր: Այն ատեն միայն յայտնեց թէ միտք ունէր արշաւել մինչև ի Վեհաստան, Վիւպանդսք դղեակը պաշարելու և վրէժ խընդրելու համար իւր աղքատ հպատակաց դէմ եղած անիրաւութեանը: Հասարակաց զարմանք մը եղաւ այս բանս բոլոր ասպետներուն, որք չէին կրնար ըմբռնել թէ այնչափ հեռու տեղ ուղէնայ երթալ վաճառականաց ոչինչ գործողութեան մը համար. բայց դուքսը ամենևին չուզեց անոնց յորդորանքներուն մտիկ ընել. ու

րով խիստ շատը մտածեցին ետ դառնալ. սա-
 կայն ամօթը և թերևս իւր խտուածեան վախը
 զիրենք արգիլեց: Անոր համար բռնադատուե-
 ցան հետը երթալ մինչև Ահաստան, ուր մը-
 տաւ իւր բանակին գլուխ կեցած, իր դիմացը
 դայցընելով երեք հազար հինգ հարիւր այրն-
 տիր զօրաց առաջապահ գունդ մը, որ իրմէ ե-
 րեք օր առաջ հասան Ալուպանդսք դղեկին առ-
 ջը. քաղաքն այրեցին և դղեակը պաշարեցին,
 սպասելով Աուդովիկոսի: Ահաստանի դուքսը
 կարգէ դուրս զարմացաւ իմանալով որ Ռուբին-
 կիոյ իշխան մը այսչափ հեռուէն եկած էր հը-
 զօր բանակաւ իւր երկիրը յափշտակելու, ու
 անոր շատ դրամական պարգևներ զըկեց, իր
 հպատակացը դէմ եղած անիրաւութեանը փո-
 խարէն ընելու համար: Սակայն Աուդովիկոս
 մերժեց զանոնք իմացընելով իրեն որ այս ըն-
 ծաները այն ժամանակ պէտք էր ընել երբոր
 բարեկամութեամբ իրեն կը գրէր, դեռ պատե-
 րազմի ձեռք չզարկած. և թէ չէր ուզեր այս-
 չափ երկայն ճամբայ մը ընդունայն տեղ ըրած
 ըլլալ: Ալուպանդսք բերդին առջևը հասնելուն
 պէս՝ պաշարումը սաստկացուց. Ահաստանի իշ-
 խանը խաւրեց իրեն ան ատեն եպիսկոպոս մը՝
 նոր և աւելի զօրաւոր պատգամաւորութիւն մը
 ընելու համար: Այս եպիսկոպոսը դքսին ըտա-
 թէ պէտք չէ մտնայ որ Ահաստանցիք ալ հըռ-
 չակաւոր պատերազմողք են, և թէ որ անյա-
 պաղ ետ չդառնայ՝ Ահաստանի դուքսը պի-
 տի գայ երկրորդ երկուշաբթին, բոլոր իւր
 բանակովը, և սուրէ պիտի անցընէ այն ամեն
 Պերմանացիքը: Որուն իշխանը պատասխանեց

Թէ շատ պիտի ուրախանար ինքը Ահաստանի դուքսին հետ տեսութիւն ընելուն համար, և որոշուած երկուշաբթիէն դեռ ութ օր ետքը պիտի կենար, որպէս զի տեսնէ թէ ինչպիսի մարդիկ են Ահաստանցիք. սակայն ոչ դուքսը և ոչ ալ Ահաստանցիք երևցան: Մէկ քանի յար ձակմունքէ վերջը, դղեակը անձնատուր եղաւ և Վուդովիկոս յետ հիմնայատակ քանդելու զայն՝ դարձաւ իւր երկիրը, բոլոր արևելեան Պերմանիոյ մէջ տարածելով իւր արդարութեանը, քաջութեանը և ազքատ ժողովրդեան վրայ ունեցած սիրոյն համբաւը:

Քիչ ատենէ ետքը՝ դուքսը ուրիշ պատերազմի մը ձեռք զարկաւ որուն շարժառիթը առջինէն աւելի աննշան երևցաւ. սակայն այս դէպքը այնպիսի ճիշդ դաղափար մը կու տայ իւր ժողովրդախնամ և բարեսէր բարուցը և այն ատենի սովորութեանցը որ մանրապատում հոս պիտի պատմենք: Արկու կամ երեք տարի առաջ՝ Ս. յգնախ քաղքին տարեկան տօնաւաճառին օրը՝ երբ դուքսը քաղաք իջած կը զբօսնուր նայելու կրտսիներուն և վաճառքներուն, ազքատ փերեզակ մը տեսաւ որ խիստ փոքրիկ ծրար մը ունէր, և կը ծախէր մատնոց, ասեղ, դգալ, կապարէ սրտիկերներ, և կանանց սրղատիկ զարդեր: Դուքսը հարցուց իրեն թէ այս պզտի ծրարով կրնա՞ր իւր ապրուստը ճարել: «Տէր իմ, պատասխանեց փերեզակը, կ'ամբընամ մուրալու, և բաւական ոյժ չունիմ աւուրչեքով աշխատելու. բայց թէ որ միայն կարենայի ապահովութեամբ քաղքէ քաղաք երթալ, յուսամ որ աստուծոյ օգնութեամբը ապրուստս

կը ճարէի այս փոքրիկ ծրարուլս, և ինչուան այն չափ կրնէի որ տարւոյն վերջը՝ սկզբան ունեցածիս կրկինը վաստակած կ'ըլլայի»։ Քարեսիրտ դուքսը գուժը շարժելով՝ ըսաւ իրեն. « Լաւն ատեն, քեզի տամ իմ ապահովագիրս մէկ տարուան համար, որպէս զի չվճարես ոչ ճամբու ծախք և ոչ ալ մաքս, բոլոր իմ տէրութեանս սահմանացը մէջ։ Քանի կ'աժեցրնես ծրարդ։ — Քսան շիլին, սրատասխանեց փերեզակը։ — Տասը շիլին տուր ասոր, ըսաւ դուքսն իւր գանձապետին որ իրեն հեան էր, և խրկել տուր իրեն ապահովագիր մը իմ կնիքովս»։ Յետոյ փերեզակին դառնալով « Ա՛ռզեմ, ըսաւ, քովաճառքիդ մասնակից ըլլալ միայն թէ ինծի խոտացիր որ հաւատարիմ ընկերակից ըլլաս, և ես ամեն տոյժէ և մնասէ կ'աղատեմ զքեզ»։ Խեղճ փերեզակը անպատում ուրախութեամբ լեցուեցաւ, ու վստահութեամբ և յաջողութեամբ ճամբայ ելաւ։ Աոր տարւոյն սկիզբը՝ փերեզակը Վարպուրկ եկաւ իւր ազնուական ընկերակիցը գտնելու, և ցրցուց իրեն իւր բոլոր ծրարը որ խիստ աճած էր։ Աուքսը մէկ քանի բաներ գնեց ու իւր ծառայից տուաւ։ Ամեն կազանդի օրը փերեզակը Վարպուրկ կու գար դուքսին իմացընելու համար իւր վաճառքին շատնալը, որ քիչ ժամանակէն այնչափ եղաւ որ չկրցաւ կռնակին վրայ տանիլ, ուստի էշ մը գնեց, և վաճառքն երկու կապոց ընելով, սկըսաւ աւելի երկայն և շահաւոր շրջագայութիւններ ընել։

1225 տարւոյն վերջերը փերեզակը Վենետիկ գացած և հոն խել մը օտար և պատուական

բաներ գնած էր, ինչպէս մատանիներ, ապա-
 րանջաններ, կանանց կուրծքի գնդասեղներ,
 ականակապ սրակներ և թագեր, փղոսկրէ բա-
 ժակներ ու հայելիներ, դանակներ, օձի լեղու-
 ներ, բուստէ վարդարաններ, և այլն: Երբ կը
 պատրաստուէր դառնալ ի Ռուբինկիա, որպէս
 զի իւր սովորութեանը համեմատ՝ Վարպուրկ
 քաղաքը գտնուի նոր տարւոյն սկիզբը, հասաւ
 Փրանգոնիոյ Վիւրցպուրկ քաղաքն, ուր ծախու
 հանեց բոլոր իւր ունեցածները: Քանի մը Փրան-
 գոնիացիներ որ տեսնելու եկեր էին, բաւական
 զարդեր գտան իրենց բանին յարմար, և շատ
 կը փափաքէին իրենց կանանց կամ բարեկա-
 մու հիներուն տալ, սակայն առանց ստակը վճա-
 րելու: Այն պատճառաւ դիտեցին փերեզակին
 մեկնելու ժամանակը, և քաղքէն քիչ մը հե-
 ու ու դարանի նստան անոր սպասելու: Երբոր
 հոնկից կ'անցնէր յանկարծ վրան վազեցին և
 յափշտակեցին իր էջը և բոլոր վաճառքը. փերե-
 զակը փուճ տեղը կը ցուցնէր անոնց Ռուբինկիոյ
 դուքսին ապահովագիրը, աւազակները վրան ծի-
 ծաղեցան ու ինչուան ուղեցին կապել զինքը և
 հետերնին տանիլ. հազիւ հազ փերեզակը կրցաւ
 ձեռքերնէն խալըսիլ, ու տրտում տխուր եկաւ
 Այդնախ իւր տէրը և ընկերակիցը գտնելու. և
 անոր պատմեց իւր թշուառութիւնը: «Սիրելիս,
 ըսաւ իրեն խնտալով բարի դուքսը, շատ մի վըշ-
 տանար մեր վաճառքին կորսուելուն համար.
 քիչ մը համբերէ, և ինձի թող զանիկայ գրտ-
 նալուն հոգը»: Եւտ մը ժողովեց շրջակայից կոմ-
 սերը, ասպետները և զինակիրները, ինչուան
 նաև գիւղացիները որ հետի կը պատերազմէին:

անոնց դուրս կեցաւ, ու անյապաղ մտաւ Փրանս-
գոնիա, բոլոր երկիրը աւրչտրկեց մինչև Ալուրց-
պուրկ քաղաքին դռները, ամեն տեղ իւր էջը
փնտռելով: Ալուրցպուրկի իշխան եպիսկոպոսը
այս արշաւանքին լուրը առնելով՝ իրեն մարդ
ղրկեց հարցընելու թէ ի՞նչ կը նշանակէ այս-
պիսի ընթացք մը. որուն դուքսը պատասխան
տուաւ թէ՛ իր մէկ էջը կը փնտռէր, զոր եպիս-
կոպոսին մարդիկը իրմէ գողցած էին: Եպիսկո-
պոսը շուտ մը ետ տուաւ թէ՛ էջը և թէ՛ բոլոր
վաճառքը, և դուքսը յաղթանակաւ իւր երկիրը
դարձաւ, մեծ զարմանք պատճառելով իր խեղճ
ժողովրդեանը զոր այնպէս կը պաշտպանէր:

Բայց մինչդեռ դուքսը այսպիսի բաներու հետ
էր, հրաւիրուեցաւ Փրեդերիկոս Բ^{էն} Իտալիա
իրեն օգնութեան դալու. շուտ մը ճամբայ ին-
կաւ, ու Ալպեան լեռներէն անցաւ ձմեռուրնէ
առաջ. և կայսեր հետ միաբանելով՝ պատերազ-
մեցաւ Պոլոնիացւոց և ուրիշ ասպտամբած քա-
ղաքաց դէմ, և 1226ի զատկին Գրեմոնա քա-
ղաքը եղած մեծ ժողովքին մէջ գտնուեցաւ:
Կայսրն այնչափ գոհ եղաւ իւր քաջութեանն և
հաւատարմութեանը վրայ, որ իրեն շնորհեց
Միանիոյ դաւառին կուսակալութիւնը, բայց այն
պայմանաւ որ այս իշխանութիւնը այն ատեն
իրեն անցնի երբ Յուդիթ քրոջը ցեղը լմրնալու
ըլլայ: Իրեն տուաւ դարձեալ այն ամենայն գա-
ւառաց իշխանութիւնը զոր կը յուսար ձեռք
ձգել ի Բրուսիա և ի Ալթուանիա, ուր միտք
ունէր բրիստոնէական հաւատքը տարածելու:

ԺԳ

Գուրինիոյ սոսկալի սովը, և սրբուհի Եղիսաբէթին մեծ
ողորմածութիւնը:

Հազիւ թէ դուքսը մեկնեցաւ արքունական
դրօշուն տակ երթալու մտնելու համար, և ահա
դժնդակ սով մը երևցաւ բոլոր Գերմանիոյ մէջ,
և ապականեց մանաւանդ զԳուրինիա: Անօթի
ժողովուրդը յետին խեղճութեան մէջ ինկաւ.
աղքատները կը ցրուէին դաշտերու և անտառ-
ներու մէջ ու ճամբաներու վրայ վայրենի ար-
մատներ և ստուղներ քաղելու համար՝ որոնք
ընդհանրապէս անասնոց կերակուր էին. կը լա-
փէին մեռած ձիերը և էշերը, և ամենէն զա-
ղիւր կենդանիները, սակայն հանդերձ այնու այն
ողորմելիներէն շատը անօթութեանէն մեռան,
և ճամբաները լեցուեցան անոնց դիակներովը:
Եղիսաբէթ այսչափ խեղճութիւն տեսնելով՝
սիրտը տրորեցաւ. այնուհետեւ իւր միակ մտա-

ծուծիւնն, իւր միակ զբաղմունքն եղաւ գիշեր
 ցորեկ իւր թշուառ հարատակները սփռիւնէլ: Այս
 պուրկի դղեակը, ուր իւր ամուսինը թողած էր
 զինքը, եղաւ անսահման ողորմութեան մը վա-
 ռարանը, ուսկից մերձակայ ժողովրդոց վրայ
 կ'իջնային միշտ իր անսպառ բարերարութիւն-
 քը: Նախ սկսաւ բաժնել, իւր դքսութեան մէջ
 եղած աղքատներուն որչափ որ սլատրաստ ստակ
 կար դքսին գանձատանը մէջ, որ այն ժամանակին
 համար՝ շատ մեծ գումարի կը հասնէր, այսինքն
 վաթսուներչորս հազար ֆիորին, որոնք մէկ քանի
 նոր վաճառուած կալուածներու գինն էին: Յե-
 տոյ բանալ տուաւ իւր ամուսնոյն ամեն ցորե-
 նոյ շտեմարանները. և առանց նայելու իւր տա-
 նը հազարապետներուն ընդդիմութեանը՝ բո-
 լոր ցորենը խեղճ ժողովրդեան բաժնեց, իրեն
 բան մըն ալ չպահելով. այնչափ էր ցորենը որ
 ժամանակակից պատմեաց աւանդութեանը հա-
 մեմատ, միայն աղքատներուն տուածը գնելու
 համար հարկ էր գրաւի դնել դքսութեան եր-
 կու մեծամեծ դղեակները և շատ քաղաքներ:
 Սակայն գիտցաւ միացընել խոհեմութիւնը իր
 անսահման առատաձեռնութեանն հետ փո-
 խանակ շատ շատ տալու ցորենը, զոր կրնային
 անխորհրդաբար գործածել, ամեն օր բաժնել
 կու տար իւրաքանչիւր աղքատի իրեն հարկա-
 ւոր եղած մասը. և որպէս զի որ և իցէ կերպով
 ծախքի մը պատճառ չըլլայ իրենց, դղեկնուն
 փռներուն մէջ եփել կու տար որչափ որ ալ իւր
 կրնային առնուլ, և ինքը անձամբ խեղճերուն
 կը բաժնէր ջերմ հացը: Ինն հարիւր աղքատ
 ամեն օր կու գային ասորուստնին Նղիսաբեթէն

խնդրելու, և կը դառնային լցուած իւր բարիքներովը:

Սակայն դեռ ուրիշ շատ թշուառներ ալ կային, որոնց տկարութիւնը կամ հիւանդութիւնը թող չէր տար այն լեռն ելնելու, յորում շինուած էր դքսական ապարանքը. ասոնց համար մասնաւորապէս Եղիսաբեթ կրկնապատ կեց իւր դուժն և խնամքը այն ցաւալի ժամանակին մէջ: Անձամբ կը տանէր լեռան ստորոտը՝ այն տկարաց որ աւելի խեղճ էին, իւր և հետը եղողներուն կերակրոց մնացորդները, որոնց չէին համարձակեր դաշիլ, վախնալով որ չըլլայ թէ աղքատաց մասը պակսեցնեն: Քսան և ութ անկողին ունեցող հիւանդանոցին մէջ զոր առաջ յիշեցինք, և զոր Եղիսաբեթ շինել տուած էր դղեկին զառ ի վերին մօտ, դրաւ այն հիւանդներն որ մասնաւոր խնամք կը պահանջէին. և այնպէս կարգաւորեց որ հազիւ թէ անոնցմէ մէկը վախճանէր, մէկէն ուրիշ մը անոր անկողինը կը բռնէր: Հիմնեց նաև երկու նորաշէն հիւանդանոցներ նոյն իսկ Այդնախ քաղքին մէջ. մէկը նուիրեալ Հոգւոյն սրբոյ, սրբոյն Գէորգայ դրան քով, աղքատ կանանց համար, միւսն ալ սրբոյն Աննայի՝ ընդհանուր ամեն հիւանդաց համար. այս յետինս դեռ կեցած է: Ամեն օր անվրէպ և երկու անգամ՝ առտու և իրիկուն. երիտասարդ դքսութիւն կ'իջնար և կ'ելնէր այն երկար և քարուտ ճամբէն որ կը տանէր Վարպուրկէն այս հիւանդանոցները, առանց նայելու իր իմացած նեղութեանը՝ իր աղքատներուն այցելութիւն ընելու և անոնց հարկաւոր կամ հաճոյական բաներ տանելու համար:

Այն թշուառութեան պատսպարաններն հասնելով՝ անկողինէ անկողին կ'երթար, հիւանդաց հարցրնելու համար թէ՛ ինչ կը փափաքէին, և ամենէն ցած ծառայութիւններն կ'ընէր անոնց այնպիսի եռանդեամբ և գորովով, զոր աստուծոյ սէրն և իւր մասնաւոր շնորհքը միայն կրնային ազդել: Իւր յատուկ ձեռուընկերովը կը կերակրէր զանոնք որոնց հիւանդութիւնը ամենէն աւելի դանելի էր, ինքը կը շտկէր անոնց անկողինքը, կը վերցընէր զանոնք, և կուսակը կամ թեւերուն վրայ առած՝ ուրիշ անկողին մը կը տանէր, և իր գլխին քօղովը կը սրբէր անոնց երեսը, քիթը և բերանը՝ անայլայլակ ուրախութեամբ և սիրով: Թէպէտ և բնական խորշում մը ունէր ծանրահոտ օդէ և ընդհանրապէս անհնարին էր իրեն անոր դիմանալը, սակայն առանց պզտիկ դանիլ մըն ալ ցուցրնելու կը կենար հիւանդաց սրահին դարչահոտութեանը մէջ՝ ամառուան էն տաք օրերուն, մինչդեռ իւր հետն եղողները չէին կրնար համբերել ու համարձակ կը քրթմնջէին: «Մինչդեռ իւր հետն եղողներուն սիրտը զգուեղէն տակն ու վրայ կ'ըլլար, կ'ըսէ այս բանիս վրայօք եօթն և տասներորդ դարուն բարի կրօնաւոր մը, արքայութեան արժանի իշխանուհին ծիծաղելով մը կ'ըսէր. երբոր աստուծոյս դատաստանին առջև ելլամ, և ինծի հարցրնեն թէ աղքատաց ծառայեր ես, այո՛, Տէր իմ, պիտի ըսեմ, այնչափ որ իմ աղախիններս շատ անգամ զգուած են»: Եղիտաբեթ հաստատած էր այս հիւանդանոցներէն մէկուն մէջ, մասնաւոր պատրասարան մի հիւանդ, ձգուած կամ որբ տղոց

Համար որոնք իւր գորովոյն մանաւոր նպատակն էին, և ամենէն քաղցր ու սիրալիր խնամքը կը ցուցնէր անոնց վրայ: Աստղոց պզտիկ սրտերը շուտով իմացան թէ՛ ինչպիսի անոյշ մայր մը տուած էր աստուած իրենց այն հիգութեանը մէջ: Ամեն անգամ որ Աղիսաբէթ կու գար, նման այն թռչնիկներուն որ կը պահուէր իւրենց մօրը թւերուն տակ, ամենքն ալ իրեն դիմացը կը վազէին, և անոր զգեստներուն պըլլուէլով կ'աղաղակէին. մայրիկ, մայրիկ: Ան ալ զանոնք իւր չորս կողմը կը նստեցնէր, պզտիկ ընծաներ կը բաժնէր, և իւրաքանչիւրոց վիճակը կը քննէր, իւր սէրն և դուժը կը յայտնէր մանաւանդ որոնց որ ախտը աւելի դժնդակ էր, իր ծնկուրներուն վրայ առնելով զանոնք և շատ շատ գգուէլով:

Այ միայն այս ամենայն թշուառաց բարերարն էր, այլ նաև անոնց բարեկամը և խորհրդակիցը: Օր մը աղքատ հիւանդ մը իրեն պատմելով ի ծածուկ թէ խիղճը կը զարնէր պարտք մը հատուցած չըլլալուն համար, Աղիսաբէթ հանդարտեցուց զանիկայ խոստանալով որ ինքը կը հատուցանէ, և շուտով կատարեց իւր խոստումն:

Հիւանդանոցներու հսկելէն ետքը կ'ելլար քիչ մը Արարուրի շրջակայքը պտրտելու, կերակուր և օգնութիւն բաժնելու այն աղքատաց որ չէին կրնար ելնել մինչև դղեակը, ամենէն խեղճ հիւղերուն այցելութիւն ընելու, և հոն ամենէն արհամարհ և իւր աստիճանին անվայել ծառայութիւններն ընելու: Օր մը աղքատ հիւանդի մը տնակը մտաւ, ուր մինակ էր, հիւանդը տեսնելով զԱղիսաբէթ ցաւալի ձայ-

նով իրմէ կաթ խնդրեց ըսելով, [թէ ինքը բաւական ուժ չունէր իր կովը կ[թելու. խոնարհ իշխանուհին մէկէն ախոռը մտաւ, և սկսաւ իւր ձեռքովը կովէն կաթ կ[թել, բայց անասունը վարժած չլլալով այնպիսի փափուկ ձեռքերէ շօշափուելու, [թոյլ չտուաւ Նղիսաբէթի որ իւր բարի մտածութիւնը կատարէ:

Նղիսաբէթ կը ջանար հողեւարներուն մասհուան անկողնին քով գանուիլ որպէս զի անոնց յետին տագնապը մեղմացնէ, անոնց վերջի շունչը կ'առնուր եղբայրական սիրոյ համբուրիւ, և եռանդեամբ կ'աղօթէր աստուծոյ ամբողջ ժամերով որ սրբացնէ այս [թշուառներուն վախճանը, և զանոնք ընդունի իւր փառացը մէջ: Աչ երբէք կը պակսէր աղքատաց յուղարկաւորութեանը հսկելու. և [թէպէտ մարդամահը խիստ շատցած էր, սակայն միշտ մեռելոց ընկերակից կ'ըլլար մինչև ի դերեղման, յետ զանոնք իւր ձեռքովը դիապատած ըլլալու այն կտաւով զոր անձամբ հիւսած էր այս դիտմամբ, կամ զոր իւր զգեստներուն մէջէն առած էր. ինչպէս այս բանիս համար մեծ ձերմակ քողմը կտրեց, զոր սովորաբար կը գործածէր: Չէր կրնար համբերել տեսնելով որ հարուստները դիապատելու համար նոր կամ պատուական դիպակներ կը գործածէին, այլ կը պահանջէր որ անոնց տեղ հիները գործածեն՝ նորերուն արժէքը աղքատներուն տալով:

Թշուառ բանտարկեալքն ալ Նղիսաբէթի խնամքէն զուրկ չմնացին. վասն զի այցելութեան կ'երթար ամեն տեղ ուր որ կային, դրամով կը խալըսէր զանոնք որ սարտքի համար բանտ դը-

բուած էին, կը մաքրէր և իւղով կ'օծէր անոնց վէրքերը՝ զոր շղթաներն ըրած էին. յետոյ անոնց քով ծնկան վրայ գալով՝ աստուծակէ կը խնդրէր որ այն թշուառաց վրայ հսկէ և զանոնք պահպանէ յամենայն նեղութենէ և յապագայ պատուհասից: Այս ամեն զբաղմունքները որ մարդուս դիւրաւ յօգնութիւն, զգուումն և անհամբերութիւն կու տան՝ ընդ հակառակն Եղիսաբէթի տուին երկնային խաղաղութիւն և ուրախութիւն մը: Մինչդեռ կը սիրէր իւր այնչափ աղքատ եղբարցը վրայ իր առատ ողորմութեան գանձերը, Եղիսաբէթի սիրտը և մտածմունքը միշտ առ աստուած վերացած էին, և յաճախ կ'ընդհատէր իւր բարեգործական ըզբաղմունքները, որպէս զի բարձրաձայն առ աստուած ըսէ. «Ո՛վ Տէր, չեմ կրնար ըստ արժանւոյն իմ շնորհակալութիւնս քեզի յայտնել ինծի շնորհելուդ համար այս աղքատ մարդիկը ժողովելու առիթը, որ են քու սիրելի բարեկամներդ, և ինծի թոյլ տալուդ համար անձամբ ասոնց ծառայելու»: Երբ որ մը հիւրանոցին մէջ այս սլաքական աղօթքը կ'ընէր, աղքատները կարծեցին որ աստուծոյ հրեշտակ մը տեսան որ կ'երևնար իրեն ու կ'ըսէր. «Ուրախացիր, Եղիսաբէթ, վասն զի դու ալ ամենակարող աստուծոյ բարեկամն ես, և անոր աչացը առջև լուսնոյ պէս կը փայլի»: Ուրիշ հրաշալի նշաններ ալ կը յայտնէին պարզ և հաւատարիմ հոգւոյ, թէ որչափ հաճոյական էր աստուծոյ այս իշխանութեան ողորմածութիւնն և խոնարհութիւնը: Օր մը որ քաղաք իջած էր քանի մը հոգէ ամաններ, տեսակ տեսակ ապա-

կիւն մանեակներ և խաղալիկներ գնելու իր ժող-
ված աղքատ տղոցը համար, սայլով դղեակը
դառնալու ատենը կառավարին անհամուժեամբ
բը կառքը գլորեցաւ, և ժայռի մը գլխէն ինկաւ
քարերու կոյտի մը վրայ: Սակայն ոչ Նղիսաբեթ
վիրաւորեցաւ, և ոչ ալ ան խաղալիկներէն մէ-
կը կոտորեցաւ. շուտ մը գնաց զանոնք իր տղեկ-
ներուն բաժնելու և զիրենք ուրախացընելու:
Ուրիշ անգամ մը երբ իր գոգնոցովը ուտելիք
կը տանէր բազմաթիւ թշուառներու, ցաւով
սրտի տեսաւ որ անոնց ամենուն ալ տալու չափ
չունէր, վասն զի ամեն վայրկեան ուրիշ մուրա-
ցիկներ հետզհետէ վրայ կը հասնէին: Ուստի
Նղիսաբեթ սկսաւ մտքէն աստուծոյ աղօթքը ը-
նել մէկ կողմանէ բաժնելով ինչ որ ունէր իւր
զգեստին մէջ, և որչափ կտոր առնելու ըլլար,
միշտ անոնց տեղ ուրիշ կտոր մը կը գտնէր, և
ամեն աղքատի իւր մասը տալէն վերջը դեռ ի-
րեն կը մնար: Նղիսաբեթ դղեակը դարձաւ իւր
ընկերակցացը հետ օրհնելով զաստուած որ
զինքն արժանի սեպած էր իրեն հաղորդելու
իւր ամենակարող զօրութիւնը, ըստ իր բացար-
ձակ խոստմանը. Յիրաւի կ'ըսեմ ձեզի, թէ ով
որ ինձի կը հաւատայ, իմ ըրած գործքերս պի-
տի ընէ, և դեռ աւելի մեծերը պիտի ընէ:

Ոչ միայն իւր բնակութեանը մերձակայ ժո-
ղովրդոցը պահած էր իւր խնամքն և սէրը, այլ
նաև իր ամուսնոյն տերութեանը ամենէն աւելի
հեռաւոր կողմերուն բնակիչները վայլեցին իւր
գերագոյն և մայրական խնամքը: Մասնաւոր
հրամաններ տուաւ, որպէս զի Նուդովիկոս դըբ-
սին չորս իշխանութեանց եկամուտքը գործա-

ծուին ի սիրտիումն և ի պահպանութիւն աղքատ բնակչաց, որոնք ապրուստ չունէին սովին պատճառաւ, և ուշի ուշով հսկեց այս հրամաններուն գործադրութեանը, թէպէտ և դքսին հազարապետներէն շատը դէմ կը դնէին: Ասկէց զատ, իր հեռաւորութեամբը արգիլուած ըլլալուն համար ասոնց անձամբ օգնելէն, ծախել տուաւ իր ամեն ակունքը, պատուական զարդերն և նիւթերը, ու անոնց գինը բաժնել տուաւ իրենց:

Այս բաներս շարունակուեցան մինչև 1226 տարւոյն հնձոց ժամանակը. այն ատեն դքսուհին ժողովեց բոլոր աղքատները, որոնք որ կրնային աշխատիլ, արք և կանայք, անոնց մանգաղներ, նոր շապիկներ և մուճակներ տուաւ, որ ոտքերնին չվիրաւորուի կամ չպատրուտի դաշտին մէջ մնացած խողաններէն, և զանոնք աշխատանքի զրկեց: Որոնք որ բաւական ուժ չունէին աշխատելու, անոնց իր ձեռքովը զգեստներ բաժնեց՝ զորոնք այս վախճանաւ շինել տրւած և կամ վաճառանոցէն գնած էր: Իւրաքանչիւր աղքատի՛ որ իրմէ կը մեկնէր, սիրալիր հրաժեշտի ողջոյնները կու տար, փոքրիկ գումար մըն ալ տալով. բայց երբոր ստակը պակսեցաւ, այն ատեն իւր քողերը և հարուստ դիպակէ զգեստները առաւ, և աղքատ կանանց բաժնեց ըսելով «Չեմ ուզեր որ այս բաներս իբրև զարդ գործածէք, այլ ծախել տաք, որպէս զի ձեր պիտոյիցը օգնութիւն ըլլայ, և աշխատիք ձեր ուժին համեմատ, վասն զի գրուած է. Ո՛վ որ չաշխատիր, և ոչ ալ կ'ուտէ: Աղքատ պառաւ կին մը, որուն դքսուհին տուած էր շապիկ-

ներ, մուճակներ և վերարկու մը, կարգէ դուրս ուրախութիւն զգաց, և աղաղակելով թէ ոչ երբէք բովանդակ կենացը մէջ այսպիսի բարեբաղդութիւն մը ունեցած էր՝ դետնի վրայ ինկաւ մեռածի պէս: Բարի Եղիսաբէթը զարհուրած, փութացաւ զանիկայ գետնէն վերցընելու, և ինքզինքը յանդիմանեց իբրև յանցաւոր իւր անխոհեմութեամբը այս կնոջ կեանքը վատանդի մէջ ձգած ըլլալուն համար:

Գորովալիւր յարգութեամբ և խղճամիտ խնամքով տեսնեք այն տեղերը՝ որ տեսարան եղան այսպիսի անսպառ ողորմութեան մը և երկնային անձնանուիրութեան. քալեցինք բոլոր այն քարոտ ճամբաներէն, զոր աղքատաց անխոնջ բարեկամին Եղիսաբէթի ոտքերը կոխեցին: Երկար ժամանակ նայեցանք այն գեղեցիկ դաշտավայրին վրայ, որ Վարպուրկի բարձրէն կը տեսնուի, մտածելով թէ Եղիսաբէթի օրհնեալ աչքերը տեսած էին իր կենաց մեծագոյն մասին մէջ՝ այս ընդարձակ դաւառը, և ամենուն վրայ հաւասար սիւսած էր այն սէրը՝ որուն ոչ աղբիւրը և ոչ հատուցումը երկրիս վրայ չէ: Ափսոս. արքունական ողորմաբաշխին ձեռքով հիմնուած շէնքերը բոլոր կորսուած են. ժողովուրդը մոռցած է թէ զնա և թէ իւր հարցը հաւատքը. մէկ քանի անուանք միայն մնացած են, և կը սրահեն ուղղափառ պանդխտի մը համար սիրելի սրբուհւոյն հետքը: Նոյն իսկ Վարպուրկի գղեկին մէջ Վութերի՝ ապստամբ և յաղթական հպարտութեան յիշատակը՝ անհետ ըրած է Եղիսաբէթի խոնարհութեան և ողորմութեան յիշատակը. այն հին մատրանը մէջ

յորում յաճախ կ'աղօթէր Եղիսաբէթ, գոռող
 հերեփիկոսապետին զահը կը ցուցնեն հիմա
 ճանապարհորդաց : Բայց այն հիւանդանոցը
 զոր Եղիսաբէթ շինել տուած էր իւր դքսական
 բնակութեանը քով որպէս զի ոչ երբէք կոր-
 սընցընէ մարդկային հիգութեանց տեսարանը՝
 իւր ամենայն փառացը մէջ, այս խոնարհ և ծած-
 կուած տեղը իրեն թողուած է և իւր անունը
 կը կրէ : Իր մահուընէն հարիւր տարի վերջը
 1331ին, հիւանդանոցը Փրանկիսկեան կրօնաւո-
 րաց վանք եղաւ . զոր ի պատիւ նորա շինեց Խիս-
 տըն Փրեդերիկոս դուքսը : Նորադանդութեան
 ժամանակ այն վանքը վերցուեցաւ, մինչդեռ
 միայն Այդնախ քաղքին մէջ ուրիշ 17 վանք
 և եկեղեցի մէկ օրուան մէջ կործանեցան և
 աւերեցան, ու կրօնաւորները և քահանայ-
 ները գնացին զոյգ զոյգ, « Զքեզ աստուած »
 երգելով, թողովրդեան զիրենք ծաղրելու ժամա-
 նակ : Պաւառին բարերարին շէնքը ուրիշ շէնքե-
 րու վիճակն ունեցաւ, ու քարերը գործածուե-
 ցան դղեկին ամրոցները նորոգելու համար : Սա-
 կայն աղբիւր մը մնացած է մաքուր և զով ջու-
 րի՝ որ կը վաղէ քարահամար աւազանի մը մէջ,
 որ ուրիշ զարդ չունի բաց ի խիտ առ խիտ ծաղ-
 կըներէ և զով շքերէ որոնցմով շրջապատած է :
 Հոն դքսուհին կը լուար աղքատաց լաթերը, և
 այն աղբիւրը դեռ Եղիսաբէթի աղբիւր կը կո-
 չուի . բոլորտիքը անթիւ ծառեր կան, որ շատ
 անցաւորներէ կը ծածկեն այս տեղը . անկից
 անդին ալ պատի մը խեղճ մնացորդներ, զոր ժո-
 ղովուրդը՝ Պարտեզ Եղիսաբէթի անուանած է :
 Անկից հեռու, դէպ ի արևելք, այն լեռան

ստորոտը որուն վրայ կը նայի Աարպուրկ և այն լերան ու Աարթուսեան վանքին մէջտեղը որ սրբոյն Եղիսաբէթի նուիրեալ էր 1394ին, գեղեցիկ ձոր մը կը տեսնուի, որուն մէջէն կ'անցնի խաղաղ վտակ մը որ կը վազէ վարդերով և շուշաններով լի մարգագետնոց մէջէն: Երկու կողմը հին կաղնիներ կը հովանաւորեն, որոնք Քերմանիոյ նախնի անտառաց մնացորդներ են: Այս ձորը իր դարձուածքներէն մէկուն մէջ պարանոց մը ձևացուցած է, ուր խեղճ տնակ մը շինուած է, որ ժամանակաւ մատուռ մըն էր: Հոն երբեմն Եղիսաբէթ իւր աղքատացը հետ կը տեսնուէր, որ աստուծոյ և իւր բարեկամներն էին. հոն կ'երթար գորովագութ, անխոնջ և հնարագէտ տիկինը ծածուկ ձամբաներէ և անտառներու մէջէն անցնելով, հետն առած շատ մը ուտելիք և ուրիշ օգնութիւններ, որպէս զի ազատէ զիրենք մինչև դղեակն ելնելու դժուարութենէն, և միանգամայն՝ որպէս զի մարդկանց աչքին չերևայ: Այս ամայի պարանոցը մինչև այս օրս Շուշանաց դաշտ կը կոչուի, այս խոնարհ տնակն ալ՝ Աղքատաց հակառտարան, և բոլոր ձորը կը կրէր ատենօք Չոր Եղիսաբէթի անոյշ անունը:

Լուղովիկոս դքսին իւր կնոջը քով դառնալը .

Այն միջոցին Լուղովիկոս դուքսը՝ անշուշտ խմանալով թէ ինչ նեղութեան մէջ էին իր երկրին բնակիչները, կայսրէն հրաման խնդրեց իւր երկիրը դառնալու, և խնդիրքը ընդունելի եղաւ: Ուստի մեկնեցաւ 1226ին յունխտի 22ին և Գրեմոնա հասաւ Յովհաննու Մկրտչի տօնին նախընթաց օրը, երբ կրակ կը վառէին բոլոր բարձրաւանդակներուն վրայ: Յաջողութեամբ Ալպեան լեռներէն անցնելէն վերջը, իշխանի մը տուն իջաւ, որուն անունը չէն յիշատակեր պատմագիրք, բայց իր մօտաւոր ազգականն և բարեկամն էր, որ զԼուղովիկոս սիրով և շքեղութեամբ ընդունեցաւ. փառաւոր կոչունքէ մը վերջը, ուր երաժշտութիւն և երգերն ալ պակաս չէին, տարին զինքը իւր ննջելու սենեակը, յորում իշխանը ուղեւով դքսին առաքինու-

Թիւնը փորձել, անոր անկողնոյն մէջ դնել տուած էր խիստ գեղեցիկ և երիտասարդ կին մը: Սակայն դուքսը շուտ մը ըսաւ իւր հաւատարիմ տակառապետին Վարկլայի տիրոջը. «Հեռացուր այս երիտասարդ կինը, և իրեն ստակ տուր որպէս զի վերարկու մը գնէ, և ուրիշ անգամ աղքատութենէն չտախուժի այսպիսի մեղք գործելու: Ալեքսանդր պարզմտութեամբ կ'ըսեմ քեզի, որ եթէ չնութիւնը մեղք ալ չըլլար աստուծոյ դէմ, և ոչ գայթակղութիւն եղբարցս առջև, ոչ երբէք յանձն կ'առնուի գործել միայն իմ սիրելի Նղիսաբեթիս համար, որպէս զի չտրամեցընեմ զինքը և սիրտը տակն ու վրայ չընեմ»: Երկրորդ առաւօտը, երբ դուքսը սկսաւ իւր հիւրին հետ ծաղրաբանել այս նիւթիս վերայ, Նուդուիկոս պատասխանեց անոր. գիտցիր, Հօրաքեռորդի իմ, որ բովանդակ Հռովմայեցւոյ կայսրութիւնը ստանալու համար՝ այսպիսի մեղք մը չէի գործեր: Յետոյ ճամբորդութիւնը շարունակելով՝ յուլիսի 2ին Ալիսպուրկ քաղաքը հասաւ, ուր տասնըհինգ օր կեցաւ, երիտասարդ Հենրիկոսի՝ կայսեր որդւոյն՝ դատը պաշտպանելու համար Պաւլիերայի դքսին քով, և զինքը հաւանեցընելու որ զերիտասարդ իշխանն ընդունի իւր արքունիքը:

Այս բանս յաջողցընելէն վերջը, դուքսը Գուրինկիոյ ճամբան բռնեց, և Վայն գետն անցնելով՝ Եվայնֆուրդ գնաց, ուր մեծ սպատուով ընդունեցան զինքը քաղաքացիները. բայց ընթրիքէն վերջը իրեն ծանուցին որ Հեննեպերկի Բորբոն կոմսը, իւր ամենամեծ թնամին, միտքը դրած էր գիշերանց իրեն վրայ յարձակելու:

Այս վտանգէն ազատելու համար շուտ մը ճամբայ ինկաւ, բոլոր գիշերը քալեց և երկրորդ օրը վարպուրկ հասաւ: Լուդովիկոսի գալստեան համբաւը՝ բոլոր Գուրինկիոյ մէջ մեծ ուրախութիւն պատճառէր էր: Բոլոր այն խեղճ սովեալները՝ իրենց հօրը և առատասիրտ պաշտպանին դարձը իբրև նշան մը կը համարէին իրենց հիգութեանց լմննալու: Իւր մայրը և երիտասարդ եղբարքը՝ արտաքոյ կարգի ուրախացան, սակայն Եղիսաբեթին ուրախութիւնը կ'անցընէր զամենունը. առաջին անգամն էր որ իրմէ այսչափ երկար ժամանակ հեռացեր էր այն սիրելի ամուսինը՝ որ ինքը մինակ կը հասկընար անոր հոգւոյն ազնուութիւնը և առ աստուած ու առ լաւագոյն կեանս ունեցած բաղձանքը: Նմանապէս Եղիսաբեթ մինակ այն հրաշալի ազգեցութեամբն զոր աստուած սուրբ հոգւոյ կը շնորհէ, իմացեր էր իւր ամուսնոյն հոգւոյն ամենայն հարստութիւնը, մինչդեռ ուրիշ մարդիկ իւր ժամանակին իշխանաց նման զգացմունք և կիրք իրեն կ'ընծայէին միշտ: Աքսին տանը գլխաւոր հազարապետքն և մանաւանդ սպարապետն և մարաջախտը՝ վախնալով իրենց տիրոջը բարկութենէն, երբ իմանալու ըլլար իւր գանձին և պաշարներուն գործածութիւնը, ընդ առաջ գացին, և իրեն իմացուցին դքսուհւոյն անխոհեմ առատաձեռնութիւնը. պատմելով իրեն թէ ինչպէս իրենց ականջ չկախելով՝ վարպուրկի բոլոր ցորենոյ շտեմարանները պարպեր էր, և իրեն պահպանութեանը յանձնեալ ստակը բոլոր վառներ էր: Այս գանգատները այնպիսի վայրկեանի մը մէջ սրգողցուցին զգուքոր,

որ իրենց պատասխանեց. «Իմ սիրելի կինս հան
գիտ է, ահաւասիկ ինչ որ կը փափաքիմ իմա-
նալ, ինձի ինչ մնացածը». յետոյ վրայ բերաւ.
«Ա՛ռ զեմ որ թողուք իմ սիրելի Նղիսաբեթս՝ որ
ուզածին չափ ողորմութիւն ընէ, և դուք իրեն
օգնական ըլլաք քան թէ արգելք. թողուցէք
որ տայ որչափ որ կ'ուզէ աստուծոյ սիրոյն հա-
մար, միայն թէ ինձի ձգէ Ա. յղնախ, Վարպուրկ
և Նեմսուրկ քաղաքները: Ա. յն ատեն աստուած
մեզի կրկինը կու տայ, երբոր հաճի. ողորմու-
թիւնը չէ որ զմեզ երբէք պիտի կործանէ». և
չուտ մը աճապարեց իւր սիրելի Նղիսաբեթին
քով երթալ: Երբ Նղիսաբեթ տեսաւ իւր ա-
մուսինը, ուրախութիւնն անսահման եղաւ. ին-
կաւ անոր թեւերուն մէջ, և բիւր անգամ համ-
բուրեց զինքը բերնով և սրտով. «Սիրելի քոյր,
ըսաւ մինչդեռ գրկեր էր զՆղիսաբեթ, ինչ ե-
ղանքու աղքատներդ այս խեղճ տարուանս մէջ»:
Նղիսաբեթ քաղցրութեամբ պատասխանեց.
«Աստուծոյ տուի ինչ որ իրենն էր, և աստուած
մեզի պահեց ինչ որ քուկդ և իմն էր»: Աւան-
դութիւն մը վրայ կը բերէ, թէ երբոր դուքսը
Նղիսաբեթի հետ մեծ սրահին մէջ վեր վար
կը պտրտէր, տեսաւ որ քաղքին ամեն դռներէն
ցորեն կը մտնէր, այնչափ որ ամենքը վրայէն կը
քալէին: Դուքսը կանչեց զսպարապետը, և
հրամայեց իրեն որ երթայ նայի թէ ուսկից կու
գար այնչափ ցորեն. անիկայ պատասխանեց թէ
չտեմարանները այնչափ լեցուեր էին, որ ցորե-
նը կը զեղանէր և գետնի վրայ կը թափուէր:
Ա. յն ատեն թէ՛ դուքսը և թէ՛ Նղիսաբեթ աս-
տուծոյ շնորհակալ եղան. յետոյ Վարիլայի

տէրը պատմեց դքսուհւոյն՝ ինչ որ պատահեր էր դքսին իր ճամբորդութեանը մէջ, երբոր իշխան մը ուզեց անոր ամուսնական հաստատումութիւնը փորձել: Եղիսաբէթ շուտ մը ծնկան վրայ եկաւ ու ըսաւ. «Տէր իմ, արժանի չեմ այսպիսի բարի ամուսին մը ունենալու. ուրեմն օգնէ՛ մեզի որպէս զի ամուսնութեան սրբութիւնը պահենք, և կարենանք միատեղ ապրիլ յաւիտեանս քու քովդ»: Հազիւ թէ իւր երկիրը դարձաւ, այս ազնիւ և բարեպաշտ իշխանը միւսանդամ սկսաւ իւր հպատակաց օգուտը և շահը մտածել: Մինչդեռ խոհական իմաստութեամբ կը հսկէր կայսեր իրեն յանձնած գործերը կարգի դնելու, միշտ սուրբ ձեռքին մէջն էր ի սաշտպանել զկրօնաւորս և զաղքատս. այսպէս թէ՛ միջնորդ կ'ըլլար ընդ կայսրն և ընդ Պոհեմիոյ Ոգդոգար թագաւորը, ու հարստնեաց դաշն կը հաստատէր այս իշխանին դատերը հռովմայեցւոյ Հենրիկոս երիտասարդ թագաւորին հետ, ու թէ՛ կը պտըտէր իւր երկրին մէջ իւր բացակայութեան ժամանակ խեղճ ժողովրդեան դէմ եղած անիրաւութիւնները դարմանելու համար: Օտերլանտի ասպետներէն շատը որ իրենց հպատակները հարստահարէր էին, և հասարակաց ապահովութիւնը խռովէր, մէկէն փախան երբոր իմացան անոր գալուստը. Լուդովիկոս ալ անոնց դղեակներն յափշտակեց և ի հիմանց փրլուց Սիւլց և Քալպէնրիւք բերդերը: Յետոյ շուտով իրեն սիրական Րենհարցպրին աբբայարանին այցելութեան գնաց: Աբբայն դուքսին գանգատ ըրաւ թէ՛ Սալցայի իշխանը իւր բացակայութեան

ժամանակն յարմար առիթ սեպելով իրեն , կրօնաւորաց երկիր մը յափշտակեր էր , Ագտէնպերկ կոչուած լեռան վրայ , որ կընայէր այն ձորին վրայ ուր էր աբբայարանը . և ամուր բերդ մը շիներ էր հոն , ուսկից անդադար կը հարստահարէր կրօնաւորները և անոնց հպատակները : Շաբաթ իրիկուն մըն էր՝ երբ Աուդովիկոս դուքսը հոն հասաւ , և այս բողոքը լսեց : Շուտ մը գրել տուաւ Արարուրկի և Այդնախի իշխանաց՝ որ երկրորդ առաւօտը կանուխ իրեն գան աբբայարանը , իրենց զինուորներովը և սանդուխներով : Աիրակի օրը կանուխ՝ արշալոյսը դեռ չծաղած՝ թիւ պատարագ մը լսեց , և աբբային ապսպրեց որ՝ ոչ խաչը դուրս հանեն և ոչ ալ ձայնաւոր պատարագ ըսեն ինչուան որ դառնայ . յետոյ ձիուն վրայ հեծաւ , և իւր բանակին առջևէն երթալով դէպ ի դղեակը՝ հրամայեց զօրացը որ յարձըկին : Ամենքը զարմացան մնացին . սրբիսսիններէն անդին անցան սանդուխներով , և Սալցայի տէրը գերի բռնեցին . դուքսը շղթայի զարկաւ զանիկայ և հետը աբբայարանը բերաւ : Հազիւ թէ հասաւ , խաչը դուրս հանել տուաւ և ինքն ալ պատարագին սովորական թափօրին մէջ մտաւ , խաչին առջևէն քալեցընելով շղթայակապ իշխանը և իւր զինուորները : Երգիչը սաղմոսին այն տունը սկըսաւ զըուցել . Տէր , դու խոնարհեցուցանես զամբարտաւանս . . . և բոլոր կրօնաւորները պատասխանեցին . Զօրութեամբ բազկի քոյ ցրուեցեր զթշնամիս քո :

Պատարագէն վերջը , Աուդովիկոս դուքսը երդում առաւ Սալցայի իշխանէն որ անկէց ետքը

մէյ մին ալ այնպիսի բռնութիւն չընէ աբբայա-
բանին դէմ. յետոյ արձրկեց զինքը, իւր զօր-
քերուէն հրաման տալով որ հիմնայատակ կոր-
ծանեն այն բերդը՝ որուն առտուն տիրեր էին :

Բարի դուքսը ամեն բանէ աւելի կը վախնար
որ չըլլայ թէ վանքին ծանրութիւն ըլլայ. անոր
համար խոհանոց մը և մասնաւոր մթերանոց մը
չինել տուեր էր՝ իւր տանը պիտոյիցը համար
հոն անցուցած ժամանակը. և միշտ երթալու
ատենը այնչափ առատ մնացորդներ կը ձգէր,
որով բովանդակ վանքը կը կերակրուէր երեք
օր: Սակայն Սալցայի իշխանին դէմ արշաւա-
նաց կիրակին, աբբայն աղաչեց իրեն որ այն օրը
իրենց հետ ձաշէ, և փառաւոր ու առատ կո-
չունք մը տուաւ: Լուդովիկոս սեղանէն ելնելու
միջոց, մէկդի տարաւ իւր գանձապետը, և իրեն
հրամայեց որ բոլոր ծախքերը առատապէս վը-
ձարէ: Գանձապետը գնաց կրօնաւորներուն, և
ուզեց անոնց ստակը տալ. սակայն կրօնաւորնե-
րը ամենևին չուզեցին անոր առաջարկութիւնն
ընդունիլ. ինչպէս որ կը վայելէ լաւ կրթուած
կրօնաւորներու, կ'ըսէ այն ողորմաբաշխը որ մե-
զի այս պատմութիւնը կ'աւանդէ: « Տէր գան-
ձապետ, ըսին կրօնաւորքը, ինչ որ մենք ողոր-
մելի կրօնաւորքս կրնանք ընել, մեր բարի տի-
րոջը ձեռքն է. և ոչ միայն այսօր՝ հապա նաև
ամեն անգամ որ ինքը այնպէս փափաքի. ուս-
տի իւր ստակը չենք ուզեր առնուլ »: Գանձա-
պետը դէմ չկեցաւ, և դուքսին հետ մեկնե-
ցաւ. բայց Լուդովիկոս Ս. յղնախ քաղքին ձամ-
բուն վրայ՝ գանձապետին դարձաւ և հարցուց
իրեն թէ՛ արդեօք աղէկ կատարէր էր իր հրա-

մանները: Գանձապետը եղածը պատմեց դուքսին. որ վերջի աստիճանի բարկացած՝ պատասխանեց. « Որովհետև չուզեցիր իմ ստրկէս վաճարել ինձի համար եղած ծախքը՝ քու ստրկէդ պիտի վճարես: Ուստի խեղճ մարդը ստիպուեցաւ գառնալ Րենհարցպրին, և իւր քրտակէն վճարել մինչև վերջին փողը: »

Քիչ ետքը՝ սոյն վանքին աբբայն դուքսին իմացուց որ Փրանզոնիոյ քանի մը պատուաւոր մարդիկ գինիի տակառ մը և վեց ձի յափշտակեր էին իրմէ: Գուքսը անոնց նամակ դրեց և ստիպեց որ գողցած բաներնին շուտով ետ դարձնեն. բայց անոնք երբոր չուզեցին մտիկ ընել իրեն բողոքանացը, Լուդովիկոս մէկէն մըտաւ Փրանզոնիա բանակի մը գլուխ կեցած, յանցաւորներուն ստացուածքը աւարեց, և զանոնք ստիպեց որ գան բոպիկ ոտքով, շապկանց և վզերնին չուան մը, վանքին դէմ եղած անիրաւութեանը համար թողութիւն խնդրեն աբբայէն. վերջէն արձրկեց զիրենք, բայց յետ պարտաւորելու որ վանքին շատ մը ազնիւ գինի և ազնիւ ձիեր զրկեն:

Գրեթէ նոյն ժամանակը՝ իշխանաց մեծ ժողովք մը եղաւ ի Մերսէպուրկ, ուր ժողովեցան Միսնիոյ, Սաքսոնիոյ և Մարչի իշխաններէն շատերը. նոյնպէս Հեսի և Գուրինկիոյ իշխաններն ալ, օրինակ առնելով Լուդովիկոս դքսէն որ իրեն հետ մէկտեղ բերաւ զՆիդրսաբեթ թագուհին և բազմաթիւ պալատականներ: Այս գումարման մէջ բան մը պատահեցաւ որ այն ժամանակին բարուցը ազէկ նկարագիր կրնայ ըլլալ: Գուրինկիացի ասպետ մը՝ խիստ հռչակաւոր իւր

քաջութեամբքն և աստուածպաշտութեամբը՝
 Աօդիէ անունով, բարեկամ և միանգամայն
 հազարապետ Աուդովիկոս դքսին տանը, անոր
 հետ ժողովքէն եկեր էր, հանդերձ գեղեցիկ
 օրիորդաւ մը որ սքանչելի ձիու մը վրայ հեծեր
 էր, և բուռին վրայ ալ աղուոր բազէ մը բըւ-
 ներ: Ճամբուն վրայ երեք երեք մղոնի չափ
 տեղ կանկ կառնէր՝ ամեն հանդիպողին հետ
 նիզակով խաղալու համար, պայմանաւ որ եթէ
 մէկը զինքը ձիէն վար ձգելու ըլլայ, առնէ իրեն
 զէնքերը, օրիորդին ձին և բազէն, և եթէ օրիոր-
 դն իսկ ինքզինքը պիտի փրկանաւորէր ոսկի
 մատանիով մը: Ընդ հակառակն եթէ որ Աօդիէ
 իշխանը յաղթող ելլէր, այն ատեն յաղթուողը
 ոսկի մատանի մը պիտի տար օրիորդին: Ասպետ-
 ներուն մէջ մեծ հակառակութիւն կ'ելլէր ա-
 մեն անգամ որ Աօդիէ կանկ կ'առնէր գիտնա-
 լու համար եթէ ո՛վ պատիւ պիտի ունենար անոր
 հետ մրցելու. զանոնք միաբանելու համար հարկ
 եղաւ, որ միշտ ինքը անձամբ որոշէ եթէ ո՛վ ի-
 րեն գիմացը պիտի ելլէր: Ա. յսպէս գնաց Սեր-
 սէպուրկ և հոնկից դարձաւ առանց ամենեւին
 յաղթուելու. ու երբ դարձաւ Գուրինկիա, օ-
 րիորդն իր երկու ձեռացն ամեն մատուրներուն
 վրայ ունէր մէյմէկ ոսկիէ մատանի, զոր յաղ-
 թուած ասպետէ մը ընդունած էր: Աօդիէ իշ-
 խանը այն տասը մատանիները պարգևեց Ադի-
 սաբեթ դքսուհոյն, պատուոյ տիկիներուն և
 օրիորդներուն, որ մեծասպէս ուրախացան, և ա-
 մենքը մէկ բերան իրենց տիրուհոյն հետ՝ ե-
 րանգադին շնորհակալ եղան իր առատաձեռ-
 նութեանը:

ԺԵ

Նուգովիկոս դքսին խաչակրութեան երթալը, և մեծ ցաւով
բաժնուիլը իւր բարեկամներէն, ընտանիքէն և մանաւանդ
սրբուհւոյն Եղիսաբեթէն:

Գուրինկիան չկրցաւ երկար ժամանակ վայել-
լել իւր սիրելի իշխանին ներկայութիւնը, անոր
Խտալիայէն դառնալէն վերջը. և Եղիսաբեթ
որ այնպիսի մեծ ուրախութիւն զգացեր էր իր
ամուսինը նորէն տեսնելուն համար, քիչ ժամա-
նակէն պիտի ստիպուէր՝ երկայն և միանգա-
մայն անհանգիստ բաժանման մը. վասն զի բո-
լոր Գերմանիան խաչակրութեան կը պատրաս-
տուէր: Փրեդերիկոս Բ. կայսրը, զիջանելով վեր-
ջապէս Հռովմայ Ռնորիոս Գ. և Գրիգոր Թ. քա-
հանայապետներուն անդադար թախանձանացը,
բոլոր ազնուականները և քրիստոնեայ հաւա-
տացեալները հրաւիրեր էր խաչին դրօշուն տա-

կը մանկելու, և իրեն հետ երթալու մինչև ի սուրբ
 Երկիրն 1227ին աշնան եղանակին: Խաչակրու
 թեան միայն գաղափարը և ձայնը՝ ամենուն
 սիրտը տակն ու վրայ կ'ընէր, և գրեթէ ի հի-
 մանց կը շարժէր բովանդակ ազգերը: Աս մեծ
 և սրբազան արշաւանքները՝ հոգւոց վերայ այն-
 պէս զօրաւոր ազդեցութիւն մը ունէին, որ մէկ
 քաջ ասպետ մը, բարեպաշտ և եռանդուն քր-
 ըխատոնեայ մը, չէին գիտէր թէ ի՞նչ կերպով ան-
 կէց հրաժարին: Հռիփարդ առ իւժասիրտն թա-
 գաւորին գրեթէ առասպելախառն քաջու-
 թեանց յիշատակը՝ որ քառասուն տարի առաջ
 հանդիպեր էին՝ դեռ կենդանի էր ասպետաց և
 ժողովրդեան մտքին մէջ: Չորրորդ խաչակրու-
 թեան շքեղ և անակնկալ ելքը՝ բովանդակ
 Եւրոպան շլացուցեր էր: Տեսեր էին Բիւզան-
 դիոնի հին կայսրութեան կործանումը, որ ու-
 ըիշ բան ըրած չէր, բայց եթէ մատնել կամ
 երեսի վրայ ձգել հաւատոց համար պատերազ-
 մող քրիստոնեայները, և սակայն դեռ յիշա-
 տակը կը մեծարուէր ժողովուրդներէն, և անոր
 աւերակացը վրայ կանգնուէր էր մէկ օրուան
 մէջ նոր տէրութիւն մը, զոր հաստատեր էին
 քանի մը գաղղղիացի իշխաններ և վենետիկեցի
 նաւաւարներ: Այս բանս միայն շատ էր ամենուն
 երեւակայութիւնը շարժելու և տակնուվրայ ը-
 նելու, մէկդի դնելով հաւատոց ազդեցութիւ-
 նը, որ իւր զօրութիւնը դեռ չէր կորսնցուցեր,
 Բովանդակ երեքտասաներորդ դարուն մարդիկը
 ջերմեռանդն փափաք ունեցեր են Քրիստոսի
 գերեզմանը փրկելու, և արևելքը խաչին առջև
 խոնարհեցնելու. այս փափաքը սրբոյն Նուդո-

վիկտորի հետ մէկտեղ մեռաւ : Պերմանիան՝ որ մինչև այն ժամանակը ետքիններէն եղեր էր այս ազնուական վտանգաց մէջ ինքզինքը ձգելու, մէկէն ի մէկ եռանդուն ազդեցութեամբ մը բորբոքուեցաւ, որ հռչակաւոր է այն ժամանակին բազմաթիւ քերթողաց երգոցը մէջ, Վարդեր քերթողը, որ ամենէն աւելի հասկըցեր էր իւր ժամանակին սովորութիւնները և կիրքերը, և որ խաչակրաց արշաւանքին մասնակից եղեր էր, շատ լաւ զգացեր և յայտներ է քրիստոնէից դէպ ի այն երկիրը բերումը որ Քրիստոսի արեամբը ուղղուած է. « Ամենքնիս ալ գիտենք, կ'աղաղակէ այս արշաւանքին երթալէն առաջ, [Թէ ինչպէս այս ազնուական և սուրբ երկիրը [Թշուառ է, ինչպէս երեսի վրայ ձգուած և ամնյի : Արտասուէ՛ Երուսաղէմ՛, արտասուէ՛. ինչպէս մարդիկ զքեզ մոռցան. կեանքը կ'անցնի, մահը զմեզ մեղաւոր պիտի գտնէ : Վտանգաց և փորձութեանց մէջ շնորհքը կը վատարկուի. երթանք Քրիստոսի վերքերը բռժըշկելու, երթանք իւր երկրին շղթաները խորտակելու : Ա՛վ Թագուհի ամենայն կանանց, քու օգնութեանդ արժանի ըրէ զմեզ : Հոն քու որդիդ սպաննուեցաւ. հոն յանձն առաւ մկրտուիլ ինքն որ այնչափ մաքուր էր՝ զմեզ մաքրելու համար. հոն վաճառուեցաւ զմեզ փրկելու համար. ինքն որ այնչափ հարուստ էր, մեզի յետին աղքատացս համար, հոն ճաշակեց ըզմահ դժնդակ : Աղջոյն ձեզի նիզակ, խաչ, փուշեր. վայ ձեզի հեթանոսք : Աստուած կամեցաւ իւր նախատանաց վրէժն առնուլ քաջաց ձեռքովը » :

Նոյն զգացմունքներն են որ ի նմին ժամանակի Նավարրայի արքունական քերթողին սիրտը կ'ազդէին իւր ամենէն գեղեցիկ քերթուածներէն մէկ քանին, երբոր խօսքը կը դարձնէ առ իւր ասպետս և անոնց կ'ըսէ. «Վաւ գիտցէք, տեարք. ո՛վ որ այն երկիրը չերթար, ուր աստուած մեռաւ և կենդանացաւ, ո՛վ որ խաչը չառնու՝ ծովէն անդին անցնելու, դժուարութեամբ պիտի մտնէ յերկիրնա: Ամեն մարդ որ պահած է բարեպաշտութիւնը կամ յիշատակ մը մեծին աստուծոյ, պարտըկան է անոր վրէժն առնելու ջանալ, և անոր երկիրն ազատելու: Պէտք է որ երթան ամեն քաջ ասպետները, որոնք կը սիրեն զաստուած և այս աշխարհիս պատիւը, որոնք որ կ'ուզեն իմաստութեամբ երթալ առ աստուած. միայն չարերն և ծոյլերը պիտի մնան: Ո՞րչափ կոյր են անոնք որ իրենց բովանդակ կենացը մէջ օգնութիւն մը չեն ընէր աստուծոյ, և այսչափ քիչ բանի համար աշխարհիս փառքը կը կորսնցընեն: Աստուած որ մեզի համար խաչին վրայ մեռաւ, դատաստանին օրը մեզի պիտի ըսէ. դուք որ ինձի օգնեցիք խաչս վերցընելու՝ հոն պիտի երթաք ուր են հրեշտակները, հոն պիտի տեսնէք զիս և զՄարիամ մայր իմ: Խակ դուք՝ որ ոչ երբէք ծառայութիւն մը ըրիք ինձի, ամենքնիդ ալ գնացէք ի խորս դժոխոց: Քահոյցը տիկին, թաղուհիդ պսակեալ, աղաչէ մեզի համար, կոյս անարատ, և այն ատեն մեզի մնաս մը չկրնար հասնիլ»: Այսպիսի զգացմունքներ չէին կրնար գտնել ուրիշ տեղ այնպիսի զօրաւոր արձագանգ մը՝ ինչպէս Գուրինկիոյ Ղուդովիկոս իշ-

խանին սրտին մէջ, որուն հպատակն էր Վալդէր քերթողը: Ոչ ոք իրմէ աւելի եռանդ կրնար զգալ (Վալդէր) երթալ ի պատերազմ իւր կայսեր և զինուորակից եղբարցը հետ, ի պաշտպանութիւն սուրբ երկրին: Իւր պայծառ քաջութիւնն, աստուածապաշտութեան ու հաւատոյ եռանդն, և ինչ որ իր հոգւոյն մէջ վեհանձն, անշահատէր և քրիստոնէական առաքինութիւններ կային, ամենքը մէկ տեղ պիտի յորդորէին զինքը սուրբ խաչին նշանը վրան առնել, և կամ ինչպէս սովորութիւն ունէին այն ատենի Քերմանացիքը զուրցելու՝ Քրիստոսի ծաղկովը զարդարուիլ: Այս անձնական առիթներուն հետ պիտի միանային այն ազնուական օրինակները զորոնք կը գտնէր իւր ընտանեացը յիշատակարաններուն մէջ: Իւր հօրեղբայրն և նախորդը, բարեպաշտն Լուդովիկոս, ուղեկից եղեր էր առիւծասիրտն Հովքարդոսի և Փիլիպպոս Ռգոստոսի, երթալու մինչև սուրբ երկիրը, և հոն մեծ փառք ստացեր էր: Իւր աները՝ Հուն գարիոյ Անդրէաս թագաւորը՝ իւր կենաց մեծ մասը արևելք անցուցեր էր ընդդէմ անհաւատից պատերազմելով իր ազնուականութեանը նախատինք կ'ըլլար իւր տանը մէջ մնալը, անոր համար երկար ատեն չմտածեց այս բանիս վրայ: Իւր ճամբորդութեանցը մէկուն մէջ մեծարդոյ Քոնրատ Եպիսկոպոսին հանդիպելով՝ միաքը անոր յայտնեց, և անոր հաւանութիւնն ընդունելով՝ ուխտ ըրաւ միաբանիլ այն արշաւանաց գացողներուն հետ, և Եպիսկոպոսին ձեռքէն առաւ զխաչը:

Սակայն դուքսը երբ դարձաւ ի Վարսուրկ

յանկարծ յիշեց այն դժնդակ ցաւը զոր Աղի-
 սաբէթ պիտի կրէր երբ իւր որոշմունքն խնա-
 նար. և որովհետև իշխանութիւն յղի էր ան օ-
 րերը իւր չորրորդ որդւովը, դուքսը չճամարձա-
 կեցաւ անոր հետ այս նիւթիս վրայ խօսելու,
 և որոշեց իւր խորհուրդը դադանի պահել մին-
 չև իւր մեկնելուն ժամանակը, որպէս զի առա-
 ջուց չարամեցընէ զանիկայ զոր այնչափ սաս-
 տիկ կը սիրէր, և իւր առողջութիւնը վտանգի
 մէջ չձգէ. և փոխանակ իւր զգեստուցը վրայ
 դնելու խաչը, բաւական սեպեց ի ծածուկ վը-
 րան պահել, որչափ ատեն որ կարելի եղաւ իր
 մերձակայ մեկնիլը չճատարակելը: Բայց իրի-
 կուն մը երբոր դքսութեան հետ առանձնացեր
 էր իւր սենեակը, և քովէ քով նստեր էին
 գողար և մտերիմ ընտանութեամբ, Աղիսաբէթ
 իւր ամուսնոյն սրոյ գօտին քակեց, և սկսաւ դըր-
 պանին մէջ եղածները քննել: Յանկարծ խաչը
 ձեռքին հանդիպեցաւ, զոր սովորաբար խա-
 չակրաց զգեստուցը վրայ կը դնէին. աս որ տե-
 սաւ Աղիսաբէթ, մէկէն հասկըցաւ գլխուն գա-
 լիք դժբաղդութիւնը, և կարգէ դուրս ցաւով
 և տագնապով գեանի վրայ ընկած՝ ինքզինքը
 բոլորովին կորսնցուց: Դուքսը զարհուրած,
 զանիկայ գեանէն վերուց, և ջանաց քաղցր և
 սիրալիւր խօսքերով անոր ցաւը մեղմացընել ու
 խելքը գլուխը բերել. և յետոյ անոր հետ եր-
 կայն բարակ խօսեցաւ, կրօնքին ձայնը բանեցը-
 նելով և նոյն խկ սուրբ գրոց ոճերը, որոնց ոչ
 երբէք անզգայ էր Աղիսաբէթ. «Մեր տիրոջը
 Յիսուսի Քրիստոսի սիրոյն համար է, ըսաւ, որ
 այս բանս կ'ընեմ. կը յուսամ որ ինձի դէմ

պիտի չկենաս աստուծոյ սիրոյն համար կատարելու այն բանը՝ զոր սարտրկան է ընելու երկրաւոր իշխան մը՝ կայսեր և կայսրութեան համար, եթէ այնպէս պէտք ըլլայ»։ Երկար լուծենէ մը և շատ արցունքներէ վերջը, Եղիսաբեթ ըսաւ դքսին. «Սիրելի եղբայր, եթէ աստուծոյ կամայը դէմ չէ, ինձի հետ կեցիր»։ Սակայն դուքսը սպատասխանեց. «Սիրելի քոյր, թոյլ տուր ինձի որ երթամ, վստահի աստուծոյ ուխտ ըրեր եմ»։ Այն ատեն խելքը գլուխըն եկաւ, և իւր կամքը աստուծոյ կամայը զոհելով՝ դքսին սպատասխանեց. «Ձեմ ուզեր աստուծոյ կամայը դէմ զքեզ իմ քովս ունենալ. աստուած իւր շնորհքը տայ քեզի՝ որպէս զի յամենայնի իւր կամքն ընես. վստահի զքեզ և զիս իրեն զոհեցի, իւր բարերարութեամբը հրսկէ քու վրադ, և ամենայն երջանակութիւն միշտ հետդ ըլլայ. աս պիտի ըլլայ իմ ամեն օրուան աղօթքս. գնա՛ ուրեմն յանուն աստուծոյ»։ Երբ լուծենէ մը վերջը՝ ծնանելիք մանկանը վրայ խօսեցան, և երկուքը մէկտեղ որոշեցին որ աստուծոյ նուիրեն զայն իւր ծննդեանը վայրկենէն, թէ որ մանչ ըլլար՝ Ռամերստորթ արքայարանը մտցընելով, իսկ թէ որ աղջիկ՝ Ալգէնպէրկ գաւառին կուսանաց վանքը։

Գուքսը ալ սպառնաւ չունենալով իւր որոշմունքը ծածուկ պահելու, բոլոր իւր հպատակացը յայտնեց զայն, միանգամայն ծանուցանելով որ այս արշաւանքը իւր յատուկ ծախքովը պիտի ընէր և ժողովրդէն կարգէ դուքս տուրք պիտի չառնուր, երջանիկ սեպելով ինքզինքը՝ որ պիտի կարենար այս կերպով աստու-

Ժոյ հատուցանել իրմէ ընդունած բարեաց մէկ
 մասը: Այսք եղած զինուորական պատրաստու-
 թիւններէն վերջը, իշխանաց հանդիսաւոր դու-
 մարմունք մը ըրաւ Վրայցպուրկ քաղաքը: Տեղնի
 տեղը անոնց խնացուց իւր որոշմունքը, և պէտք
 եղածը մտածեց անոնց հետ երկիրին աղէկ տես-
 չութեանը վրայ, իւր բացակայութեան ժամա-
 նակը. իշխաններուն խստիւ ապսպրեց որ ժո-
 ղովուրդը քաղցրութեամբ կառավարեն, և մէ-
 ջերնին խաղաղութիւն և արդարութիւն պա-
 հեն: Ժողովքէն դեռ չգացած՝ հետեւեալ խօս-
 քերը զրուցեց հանդիսականաց քաղցր ձայնով.
 « Սիրելի զինուորակից եղբարք իմ, պարոնք և
 ազնուական ասպետք, և դուք իմ հաւատա-
 ըլմ ժողովուրդս, գիտէք որ իմ հանգուցեալ
 հօրս կենդանութեան ժամանակէն՝ մեր երկիրը
 դժնդակ պատերազմներ ունեցեր է և երկար
 խռովութիւններ: Ամենքդ ալ գիտէք, թէ իմ
 հայրս որչափ դժուարութիւն և աշխատանք
 կրեր է ինքզինքը պաշտպանելու զօրաւոր թըշ-
 նամեաց դէմ, և իր երկիրը պահելու համար
 բովանդակ կործանմունքէ մը: Իր բաները յա-
 ջողեցան իր քաջութեամբն և սուստածեռնու-
 թեամբը, և իւր անունը ահաւոր եղաւ ամե-
 նուն: Սակայն աստուած ինձի շնորհեց՝ ինչ-
 պէս Սողոմոնի՝ Դաւթի որդւոյն՝ հանդիստ և
 խաղաղ օրեր: Իմ չորս կողմն ահաւոր դրացի
 մը չունիմ, ինչպէս նաև դրացիներս վախ չունին
 որ ապօրինաւոր բռնութիւններով զիրենք նե-
 ղեմեցնէ թէ ժամանակաւ դժուարութիւն մը ունեցայ
 անոնց հետ, սակայն հիմա ամենուն հետ խա-
 ղաղութեան մէջ եմ, խաղաղարար աստուծոյ

Հնորհքովը: Ամենքնսիդ ալ պէտք է որ այս բարերարութիւնը ճանչնաք, և աստուծոյ Հնորհակալ ըլլաք. իսկ ես՝ այն աստուծոյ սիրոյն համար որ այսպիսի Հնորհքներով զիս լեցուցեր է, և իրեն յայտնելու համար իմ բոլոր երախտագիտութիւնս՝ և հոգիս փրկելու վախճանաւ, հիմա կ'ուզեմ արևելք երթալ, որպէս զի ինձի սիրելի քրիստոնէութիւնը՝ որ հոն կը հարրտասահարուի՝ մխիթարեմ, և պաշտպանեմ զանոնք աստուծոյ անուան և արեանը թշնամիներուն դէմ: Այս հեռաւոր արշաւանքը իմ յատուկ ծախքովս պիտի ընեմ, առանց ձեզմէ, իմ սիրելի հպատակներս, նոր ու ծանր տուրք մը առնելու: Բարձրելոյն պաշտպանութեանը կը յանձնեմ իմ բարեպաշտ սիրելի ամուսինս, որդիքս, սիրելի եղբայրներս, բարեկամներս, ժողովուրդս և երկիրս, վերջապէս զանոնք ամենքը՝ որոնցմէ կը հրաժարիմ յօժարութեամբ ի պատիւ իր սուրբ անուանը: Խօսիւ ձեզի կ'պարսպրեմ որ իմ բացակայութեանս ժամանակ մէջերնսիդ խաղաղութիւն ունենաք. կ'ուզեմ մանաւանդ, որ իշխանները քրիստոնէաբար վարուին իմ աղքատ ժողովրդեանս հետ: Վերջապէս ձեզմէ կը խնդրեմ որ ինձի համար աստուծոյ շատ աղօթէք, որպէս զի պաշտպանէ զիս ամենայն թշուառութենէ այս ճամբորդութեանս մէջ, և զիս նորէն ողջ առողջ դարձնէ առ ձեզ, եթէ այնպէս է իւր բարերար կամքը. վասն զի ամեն բանէ առաջ իւր աստուածային կամացը կը յանձնեմ զիս, զձեզ և բոլոր ունեցածս»: Այս սրտաշարժ խօսքերուն մէջ յայտնապէս կը տեսնենք ան ատենուան իւր

չակրուքեան ըսուած խորհրդոյն բոլոր խորու-
թիւնը, խորհուրդ հաւատոց, անձնանուիրու-
թեան և սիրոյ, զոր երբէք պիտի չկարենան
հասկընալ անհաւատ դարերու միտքերը: Այս
պիտի քրիստոնեայ իշխանի մը բերնին արժանա-
ւոր ատենաբանութիւնը լսելով, բոլոր ժողովե-
լոց սիրտը շարժեցաւ. ամենէն աւելի կտրիճ
ասպետները տեսնուեցան խոր տրամութեան
մէջ ընկղմած, արցունքներ և հառաչանքներ
յայտնեցին այն անձկութիւնը զոր կը պատճա-
ռէր երիտասարդ և սիրելի իշխանին մեկնիլը:
Վերջէն դուքսը մեծաւ խոհականութեամբ
ընտրեց այլ և այլ պաշտօնակալքը, զորոնք կ'ու-
զէր գլուխ կարգել իւր գաւառներուն. և իւր
քաղաքներուն ատենակալ որոշեց ամենէն ի-
մաստուն և բարեբարոյ քաղաքացիները: Կար-
գաւորեց իւր տանը առանձնական գործերը, և
մասնաւոր կերպով յանձնեց իւր սիրելի ամու-
սինը, մօրը, եղբարցն և բոլոր պաշտօնակալաց
խնամոցը: « Լաւ գիտեմ, ըսաւ այն ատեն դան-
ձապետը, որ դքսուհին աղքատաց պիտի բաժնէ
ինչ որ ձեռքն հանդիպի, և զմեզ խեղճութեան
պիտի հասցընէ »: Որուն Լուդովիկոս պատաս-
խանեց թէ նոյն բանն է իրեն համար, որով
հետեւ ապահով էր որ աստուած իրեն փոխա-
րէնը պիտի հատուցանէր:

Ժողովրդեան աղէկ ըմբռնել տալու համար
այն ազդեցութիւնները որ զինքը շարժեցին
սուրբ երկիր երթալու, Այնախ քաղքին մէջ
իւր յատուկ ծախքովը թատերախաղ մը ձեւա-
ցընել տուաւ եկեղեցականներէն ընտրուած
դերասաններով, որ կը ներկայացընէին Քրիս-

տոսի չարչարանաց և մահուան բոլոր տեսարանները: Արնանք երեւակայել թէ ինչ մեծ եռանդ բերած պիտի ըլլայ այն ժամանակին մաքուր և բորբոքեալ մտքերուն վրայ այսպիսի թատերական հանդէս մը: Այս խաղը այնչափ ճիշդ և աղէկ կերպով ներկայացուցին որ դուքսը արժանի սեպեց երկրորդ անգամ մըն ալ կրկնել տալ:

Այցելութեան զնաց նաև Այզնախի բոլոր վանքերուն, ինչպէս կուսաստաններուն ալ. անոնց օրհնութիւնը խնդրեց, առատ ողորմութիւններ բաշխեց, և ինքզինքը անոնց աղօթիցը յանձնեց: Յետոյ Այզնախէն ճամբայ ելաւ իւր կնոջը, մօրը, որդւոցը և եղբարցը հետ, և նախ Ռենհարցպրիւն քաղքին աբբայարանը զնաց, զոր ամենէն աւելի կը սիրէր, և որուն հետ կապուեր էր մասնաւոր ջերմեռանդութեան և խիստ ընտանութեան մը կապերով: Երեկոյեան ժամերգութեան ներկայ ըլլալէն ետքը, երբոր կրօնաւորները դասէն կ'ելլէին օրհնած ջուր առնելու համար ըստ իրենց սովորութեանը, բարի դուքսը սրսկող քահանային քովը կեցաւ, և քանի որ կրօնաւորները կ'անցնէին, խանդաղատանօք կը գրկէր զանոնք, մինչև դասին ամենէն փոքրիկ տղաքն իւր թւերովը վեր կը վերցընէր՝ անոնց անմեղ ճակտին վրայ հայրական համբոյր մը դրոշմելու համար: Արօնաւորները զգացուած դքսին իրենց վրայ ցուցած այսչափ բարութեանը վրայ՝ սկսան լալ, և երկար ժամանակ ուրիշ բան չըսուեցաւ բայց եթէ հեծկլտանաց և հառաչանաց ձայներ զոր կը պատճառէր իրենց պաշտպանին բացակայու-

Թեան մտածութիւնը: Նոյն իսկ Առդովիկոսի սիրտն ալ ելլելով՝ ինքն ալ սկսաւ լալ, ու տըխուր նախադուշակութեամբ մը ըսաւ անոնց. «Առանց պատճառի չէ որ կ'արտասուէք, սիրելի բարեկամներս. վասն զի գիտեմ որ իմ մեկնելէս վերջը՝ յափշտակող գայլեր ձեր վրայ պիտի վազեն և իրենց մահառիթ ժանիքներով զձեզ անողորմաբար պիտի չարչարեն: Երբ Թշուառութեան և աղքատութեան մէջ իյնաք, այն ատեն պիտի տեսնէք որ ինծմով կորսընցուցիք սահաւագիւտ պաշտպան և իշխան մը: Սակայն ստոյգ գիտեմ նաև որ աստուած իմ պանդըխտութիւնս յիշելով, պիտի բանայ ձեզի իւր գթութեան աղիքը, զոր սրտանց կը խնդրեմ հիմն և միշտ»: Յետոյ հրաժարեցաւ անոնցմէ, և կրօնաւորները իրեն ուղեկից եղան իրենց խանդաղատանօքն ու արտասուալի նայուածքներով:

Պուքսը իրեն ընտանիքովը՝ Ռենհարցսլիւնէն Շմալքալտ դնաց, ուր պիտի ժողվուէին ասպետներն և իշխանները, իրեն հետ սուրբ երկիրն երթալու համար: Հոն հրաժեշտի ողջոյնը պիտի տար իւր մերձաւոր աղքատականացը, կնոջը, և անոնց ամենուն որոնց յիշատակը իւր սրտին մէջ էր: Հասաւ չհասաւ՝ իւր Հենրիկոս եղբայրը մէկ կողմը տարաւ ու ըսաւ իրեն. «Աստուծոյ օգնութեամբը ձեռքէս եկածն ըրի, որպէս զի իմ հոգւոյս փրկութեանը ճամբուն մէջէն երթամ. բան մը չեմ յիշեր որ հոգիս վտանգի մէջ ձգած ըլլայ, բայց եթէ Այգէրսուրկի գղեալ կը չկործանելա՝ ինչպէս որ հայրս պատուիրած էր, որ շինուած է մերձակայ արբայարանին

մատուցել: Աւստի կ'աղաչեմ քեզի, սիրելի եղբայր, որ չմոռնաս ի հիմանց կործանել զայն՝ իմ ճամբայ ելլելէս ետքը. ասիկայ օգտակար պիտի ըլլայ քու հոգւոյդ փրկութեանը »:

Վերջապէս սուրբ Յովհաննու Մկրտչի ծննդեան օրը հասնելով՝ որ սահմանուէր էր ճամբայ իյնալու համար, պէտք եղաւ որ դուքսը բաժնուի: Այս բաժանումը եղաւ իր երկրին հեռաւոր իշխանութիւններէն եկած ասպետներուն և ժողովրդեան առջև, և որ կը փութար վերջին անգամ՝ մը իրեն սիրելի իշխանը տեսնելու: Նախ սկսաւ իւր երկու եղբայրները գորովանօք օրհնել, որ միատեղ կու լային. ետանդեամբ յանձնեց իրենց իւր մայրը, որդիքը և իւր ամուսինը:

Իւր պզտիկ աղաքը զգեստէն բռներ էին, լալով զինքը կը գրկէին և մանկական լեզուով իրենց վերջին ողջոյնը կու տային. « Երթաս բարով, սիրելի հայր. հաղար անգամ երթաս բարով, սիրելի հայր ոսկի սրտով »: Գուքսը չէր կրնար արցունքները բռնել զանոնք համբուրելու ժամանակը. և երբոր դարձաւ դէպ ի իւր Եղիսաբէթը, հեծկտանքներն և արցունքներն այնպէս իր ձայնը խեղդեցին որ բան մը չկրցաւ զուրցել: Այն ատեն մէկ թւում զմայրը և մէկալով զԵղիսաբէթ գրկելով՝ այնպէս երկուքն ալ սրտին վրայ սխմեց առանց խօսիլ կարենալու, զիրենք ստէպ համբուրելով և կէս ժամէն աւելի յորդ արցունք թափելով. վերջապէս ըսաւ. « Սիրելի մայրս, պէտք է որ զքեզ թողում. իմ տեղս քեզի կը ձգեմ՝ մէկալ երկու որդիքդ Գոնրատը և Հենրիկոսը. քեզի կը յանձ-

նեմ խմ կինս, որուն սրտին ցաւը և տագնապը
 կը տեսնես » : Սակայն ոչ մայրը և ոչ ալ ամու-
 սինը չէին ուզեր իրենց սիրականէն բաժնուիլ,
 ու երկուքն ալ պինդ բռներ էին զինքը : Իւր
 եղբարքը և ուրիշ ասպետները այս ցաւալից
 խմբին բողբոջէր կը խոնէին . ամենուն սիրտը
 տակն ու վրայ եղեր էր, ամենուն աչքը արտա-
 սուալից էր, տեսնելով այս բարեպաշտ որդին,
 այս գորովագութ և հաւատարիմ փեսայն, որ
 կը ջանար իւր աշխարհիս վրայ ամենէն աւելի
 սիրականներուն յետին դրկախառնութիւններ-
 րէն հրաժարիլ և այնչափ հեռու տեղ երթալ
 աստուծոյ ծառայելու համար իր կենաց վտան-
 գովը : Խեղճ ժողովուրդը իւր անկեղծ ցաւը կը
 խառնէր իշխաններուն և սպառերազմողներուն
 ցաւին հետ : Սակայն միայն դքսին ընտանիքը
 չէր որ այսպիսի ցաւ կ'իմանար իրեն բացակա-
 յութեանը համար . հոն ամբոխին մէջ կար
 խաչակրաց բազմութիւն մը որ դքսին հետ պի-
 տի երթային սուրբ երկիրը, խիստ շատ հայրեր,
 ամուսիններ, եղբայրներ որ կ'արտասուէին և
 իրենց տիրոջը պէս իրենք զիրենք կը բռնադա-
 տէին ընտանիքներէն և բարեկամներնէն հրա-
 ժարելու : Այնպէս կ'երևար որ ամենքն ալ այն
 տեղուոյն համար պահած ըլլային այս դժնդակ
 զգացմանց վայրկեանը : Գուրինկիացիները,
 Հէսսեցիները և Սաքսոնները հոն միատեղ ժող-
 վուրեր էին իրենց ցաւերովը ինչպէս իրենց ար-
 շաւանաց նախտակաւ : Այնչափ կապեր չէին
 կրնար խորտակուիլ առանց դերբնական ճգանց .
 ամեն կողմանէ կը լսուէին հառաչանքներ և հե-
 կեկանքներ, խառնակ և խուլ աղաղակներ, որ
 կը միանային հասարակաց ցաւերուն հետ :

Սակայն շատերը աւելի տէր ըլլալով իրենց սրտին, կամ աւելի կանուխ հեռացած իրենց ազգականներէն, կամ վերջապէս չունենալով ոչ ընտանի և ոչ խզելու կապ մը, այն հանդիսական վարկենին մէջ երեսներնուն վրայ կը ցուցնէին իրենց ձեռնարկութեան սրբազան տպաւորութիւնը: Ասոնք որ ամեն բանէ առաջ խաչակիր և պանդուխտ էին, մինչդեռ ուրիշները կ'արտասուէին և կ'ողբային, աստուծոյ շնորհակալութեան երգ մը երգեցին որ զիրենք արժանի կ'ընէր պատերազմելու ի պատիւ իւր սուրբ անուանը: Այս շնորհակալութեանց երգերուն ձայնը կը խառնուէին սուգի ձայներուն և հառաչանաց հետ որ ամեն կողմանէ կը լսուէին, և այսպէս միացեր էին վսեմ հակադրութեամբ մը այն ուրախութիւնը զոր կ'ազդէր Քրիստոսի սէրը, և ներքին ցաւոց աստուկութիւնը՝ որուն այն աստուածային սէրը գիտէր յաղթել:

Երբ դուքսը վերջապէս կրցաւ իւր մօրը գրկախառնութենէն քակուիլ, մնացած ասպետները և այն խեղճ ժողովուրդը որուն իրաւամբ այնչափ սիրելի էր՝ իր չորս կողմն առին. իւրաքանչիւր դք կ'ուզէր արգիլել զինքը, նորէն գրկել, ձեռքը բռնել կամ գէթ զգեստներուն դաշիլ. բայց դուքսը արցունքէն ձայնը մարած, մէկու մը պատասխան չտուաւ: Շատ ջանքէ վերջը հազիւ կրցաւ ճամբայ մը բանալ դէպ ի այն տեղը երթալու ուր իր ձին իրեն կը սպասէր. հեծաւ վրան, մտաւ խաչակրաց գունդին մէջ, և մեկնեցաւ իւր ձայնը խառնելով նուիրական երգերուն հետ, զոր խմբովին կ'երգէին:

Իւր ամենասիրելի Նղիսաբեթը դեռ իրեն քովն էր, վասն զի չէր կրցեր յանձն առնուլ ուրիշներուն հետ անոր հրաժեշտի ողջոյնն ընդունիլ, և դուքսէն հրաման առեր էր՝ որ իրեն հետ երթայ մինչև Գուրինկիոյ սահմանագլուխը: Այսպէս ձիու վրայ հեծած՝ քովէ քով կ'երթային, սրտերնին տրամուծեամբ լի. չգիտնալով թէ ինչպէս խօսին. դքսուհին հառաչելէն զատ՝ ուրիշ բան չէր ընէր: Սահմանագլուխը հասնելով, Նղիսաբեթ չկրցաւ հոն թողուլ ըզդուքսը, անոր հետ դեռ օրուան մը ճամբայ ըլլաւ, վերջէն երկրորդ օր մըն ալ յաղթուած և բռնադատուած ի ցաւոց և ի սիրոյ: Երբոր երկրորդ օրն ալ լմնցաւ, դքսուհին յայտնեց թէ չէր գիտէր որ պիտի կարենա՞ր երբէք դքսէն հրաժարիլ չէ նէ իրեն հետ երթալ մինչև ի վախճան: Սակայն վերջապէս պէտք եղաւ որ զիջանի, և այն աստուածային սէրը՝ որ մահուան պէս բուռն է, յաղթեց այս երկու գորովալից և ազնիւ սրտերուն մէջի արարածական սիրուն: Վարիլայի տէրը, դուքսին տակառապետը, մօտեցաւ իրեն ու ըսաւ. «Տէր իմ, ժամանակն է, թող տուր որ դքսուհին երթայ, պէտք է որ աս ասանկ ըլլայ»: Այս խօսքիս երկու ամուսինք ալ սկսան լալ, մէկզմէկ դողդըղալով գրկեցին անանկ հառաչանքներով որ բոլոր ներկայ եղողներուն սիրտը ելաւ: Սակայն իմաստուն Վարիլայի տէրը վրայ կու տար և կը ջանար զանոնք բաժնելու. բայց այս երկու սրբտերը որ մէկզմէկ այնչափ սաստիկ և սերտ կը սիրէին, անյաղթելի ուժով մը կպեր էին իրարու հետ այն գերագոյն վարկենին:

Վերջապէս Լուդովիկոս յաղթեց իր անձին և մեկնելու նշանը տուաւ: Աքսուհւոյն մատանի մը ցրցուց զոր կը կրէր իւր մատին վրայ, և կընքոյ տեղ կը գործածէր իր ծածուկ նամակներուն. « Եղիսաբէթ, ըսաւ իրեն, ս'վ սիրելիդ քան զամենայն քորս, աղէկ նայէ այս մատանոյս վրայ զոր հետս կը տանիմ, և որուն վրայ փռուած է շափիւղայ քարի վրայ դառն աստուծոյ իւր դրօշովը. ասիկայ ըլլայ քեզի ապահով և ստոյգ նշան մը ամենայնի ինչ որ ինձի կը վերաբերի: Ս'վ որ քեզի այս մատանին բերէ, սիրելի և հաւատարիմ քոյր, և պատմէ որ մեռած կամ կենդանի եմ, հաւատաւ անոր ամեն զուրցածին»: Յետոյ վրայ բերաւ. « Աստուած զքեզ օրհնէ, անձկալիդ Եղիսաբէթ, սիրելի քոյր իմ և գանձ անուշակ. հաւատարիմն աստուած՝ հոգիդ և քաջութիւնդ պահպանէ: Օրհնէ ինքը սրտիդ տակը կրած տղադ ալ, զոր աստուծոյ պիտի ընծայենք մեր խոստմանը համեմատ: Մնաս բարով, յիշէ միշտ մեր հասարակաց կեանքը, մեր գորովալից և սուրբ սէրը. զիս երբէք մի մոռնար աղօթքներուդ մէջ. մնաս բարով, ալ չեմ կրնար կենալ »: Ու մեկնեցաւ դուքսը ձգելով զԵղիսաբէթ իւր տիկնայց բազկացը մէջ, Եղիսաբէթ երկար ժամանակ աչքովը դքսին ետեւէն գնաց. յետոյ կիսամեռ արցունքով ողորած՝ դարձաւ Վարպուրիկ, իւր սրտին մէջ արդէն նախագուշակութեամբ զգալով որ զինքը մէյ մ'ալ պիտի չտեսնէր: Իւր տխուր բնակարանը դառնալէն վերջը, շուտ մը իւր արքունական զգեստները հանեց, որպէս զի իրաւացի յուսահատութեամբ հագուի այրութեան ըզգեստները, զորոնք ոչ երբէք պիտի հանէր:

Բարեպաշտ փրանկիսկեան կրօնաւոր մը՝ որ սրբոյն Եղիսաբէթի վարքը գրած է Լուդովիկոս Ժ.Գի ժամանակ, «Այս օրուան օրս, կ'ըսէ, յորում խիստ քիչ կը գտնուի ճշմարիտ բարեկամութիւն ամուսնացելոց մէջ, նաև անոնց մէջ ալ որ բարեպաշտ կը կարծուին, [Թերևս զարմանք ըլլայ տեսնելը այսպիսի խստավար իշխանուհւոյ մը վրայ այնչափ սէր իւր ամուսնոյն համար]: Մէնք ալ բաւական կը սեպենք Եղիսաբէթի համար երկրորդել ինչ որ կ'ըսէր երանելին Բեռնարդոս սուրբ աստուածածնայ համար, «Մի զարմանաք, սիրելի եղբարք, [Թէ Մարիամ՝ սրտի մարտիրոս կոչուեր է, զարմանալու համար պէտք էր մոռնալ որ սուրբն Պօղոս հեթանոսաց մեծ յանցանք սեպեր է իրենց անսիրելութիւնը»: Եւ կրնանք համարձակ զրուցել [Թէ այնչափ արդարներ՝ որ պըսակուեցան, ոչ որ Եղիսաբէթի նման կատարեալ օրինակ մը եղաւ ճշմարիտ հարսի, ոչ որ իրեն չափ ազնուացուց կամ սրբացուց մարդկային սէր մը, այնչափ բարձրացրնելով զայն սրտի մը մէջ որ աստուծոյ սիրովը վառուեր էր: Եւ սակայն սակաւագիւտ բան մը չէր այն զօրաւոր և մաքուր ազդեցութեանց ժամանակը՝ այս երկրիս օրինաւոր սէրը միացրնել խրատակրօն և ջերմեռանդ աստուածապաշտութեան հետ: Քաղցր և օգտակար աշխատանք մը կրնայ ըլլալ, և որուն [Թերևս օր մը ձեռք պիտի զարնենք, ցուցրնելը [Թէ ինչպէս քրիստոնեայ դարերուն մէջ՝ մարդկային սրտին ամենէն աւելի զօրաւոր և գորովալից զգացմունքները սրբուեր և կրկնապատկուեր էին հաւատքով. զգաց-

մունքները՝ որ թերևս հիմնականէն քիչ փոփոխական, քիչ տարածուած և քիչ բարակ էին, ան ատենը շատ աւելի խորունկ էին. և երբ կրօնքը միանգամ իւր անմահութեան կրնիքը կը դնէր անոնց վրայ, չեմ գիտեր ինչպիսի՛նքքին և հրաշալի զօրութիւն մը կ'առնուին: Որոնք որ կը ճանչնան միջին դարու պատմական և մատենագրական յիշատակարանները, պիտի ընդունին այս խօսքիս ստուգութիւնը: Այն ժամանակներուն բարոյական ու ներքին կենաց մասնաւոր յատկութիւնն էր անբաժան միութիւն մը ամենէն աւելի եռանդուն կրից իրենց օրինաւոր սրբութեանը հետ. կրօնական պարտքը էական տարր մը կ'ըլլար սրտի գորովալից զեղմունքներուն: Հոս ալ, ինչպէս ուրիշ այնչափ կողմանէ, Եղիսաբէթ զարմանալի և կատարեալ անձնաւորութիւն մը եղեր է իրեն ժամանակին: Միթէ այն դարը չէ՞ր յորում սուրբն Լուդովիկոս կը պահէր իր բովանդակ կենացը մէջ՝ իւր Վարդարիտա կնոջը համար իր առաջին տարիներուն հնարագէտ և եռանդուն գորովը, յորում այս մեծ թագաւորը և մեծ սուրբը ցուցնելով այն մատանին զոր միշտ կը կրէր, և որուն վրայ փորել տուեր էր այս երեք բառերը, Աստուած, Գաղղիա և Մարգարիտա, հաճոյական պարզութեամբ մը կ'ըսէր. Այս մատանիէն դուրս ուրիշ սէր չունիմ: Արդեօք այն դարը չէ՞ր յորում Անգղիոյ Եղուարդ Ա թագաւորը կը կանգնէր այն հնգետասան քարեայ խաչերը, որոնց մնացորդքը կրնան սեպուիլ սքանչելիք քրիստոնէական արուեստին, իւր սիրելի ամուսնոյն Էլէոնորա դշտոյին դա-

գաղին հանգչած տեղուանքը, երբոր մեռած՝ քաղքէն զինքը Վետղմինսդը կը տանէին: Ան տարակոյս տսիկայ եղեր է տմենէն աւելի սրը տաշարժ և մեծաշուք յուղարկաւորութեան հանդէսը, սակայն այս բանս միթէ շատ էր այն կնաջ համար, որ քսան տարի առաջ գացեր էր իւր ամուսնոյն հետ մասնակից ըլլալու խաչակրութեան վտանգներուն, և կը ծծէր իր շըրթունքներովը Սարակինտսի մը սրոյն թոյնը որ կը քալէր Եղուարդայ երակներուն մէջ, և այս կերպով փրկեր էր անոր կեանքը իւր կենաց վտանգաւր:

Բայց զարմանալին այն է որ այս միութիւնը հաւասարապէս նուիրական սեպուեր էր թէ կեղծեօք բանաստեղծութեան և թէ իրօք. Եղիսաբէթին ժամանակակից կամ իրմէն առաջ եղած բանաստեղծութիւնը՝ նոյն հոգին ունի: Ատեն անցներէն ետքը եղաւ որ ապօրինաւոր կամ եկեղեցիէն չսրբուած սէրը սկսաւ հաճոյ անցնիլ. ինչուան այն ատենը կարծես թէ երկու սրտերու պատմութեանը մէջ հարկաւոր էր ամուսնութիւնը կամ նշանտուքը, ուղղափառ հոգիներուն համարձակութիւն տալու համար որ քերթողաց պատմածներուն վրայ սրտերնին շարժի:

Գաղղիացւոց մատենագրութեանը մէջ Ռուանդի և իրեն Օտ անունով խօսեցեալին փափուկ և պարկեշտ սէրը, ժէրար տը Ռուսիյեոնի թշուառութեանց զարմանալի պատմութիւնը, որոնց այնչափ վեհանձնութեամբ մասնակից եղաւ իւր ամուսինը, բաւական կրնան ըլլալ գաղափար մը տալու համար թէ ինչպէս վարուե-

յան այս նիւթիս մէջ գաղղիացի բանաստեղծ-
ները: Գերմանիոյ մէջ՝ որ Եղիսաբէթի երկ-
րորդ հայրենիքն է՝ կրնանք ըսել որ ամեն տեղէ
աւելի բարգաւաճ և ախորժական եղեր է. ա-
տոր ամենէն աւելի աղու որ օրինակը կրնանք տես-
նել նիպէլուզիկէս ըսուած բանաստեղծութեա-
նը մէջ, Սիկֆրուա և Քրիմհիլտէ ամուսնաց վը-
րայ, որ այնպէս գեղեցիկ կերպով միամիտ են,
մաքուր և ինքնանուէր: Այս սուրբ սիրոյ աստ-
ղը՝ որ երկրին պատմական գեղեցկագոյն աւան-
գութիւնները կը լուսաւորէ, է դեռ ևս լուսա-
ւոր վառարանը ասպետական մեծ քերթուած-
ներու: Բարսրվալ այնչափ կը յափշտակուի
ձեան վրայ արեան երեք կաթիլ տեսնելով՝ ո-
րոնք կը յիշեցնեն իրեն իւր կնոջ վարդենի և
սպիտակ երեսաց գոյնը, որ կ'արհամարհէ զիառս
և պատերազմները՝ զանոնք դիտելու համար: Լը
հէնկրինի ամուսինը՝ ամեն անգամ որ իր էրի-
կը իրմէ կը հեռանայ, կը մարի և այնպէս մա-
րած կը մնայ ինչուան որ դառնայ: Դիդիւրիկի
մէջ, երբ որ երկու հաւատարիմ ամուսինք մա-
հուամբ իրարու հետ կը միանան, իրենց միակ
գերեզմանէն երկու գեղեցիկ որթատունկեր
կ'ելլան որ իրարու հետ պլլուէլով մէկզմէկ կը
բռնեն: Քանցը և ազնիւ նշանակներ այն սուրբ
գորովանաց, որ երկրիս վրայ միայն աղու որ ծաղ-
կըներ կը բուսցընէին, բայց որոնց արմատը և
պտուղը ուրիշ տեղ էր:

Ինչպէս Նուդովիկոս դուքսը սուրբ երկիր երթալու ժամանակ
Ճամբան վախճանեցաւ .

Նուդովիկոս՝ իւր տրամուծիւնը, որ կը բաժ-
նուէր իր սիրելի Նդիսաբեթէն՝ մոռցաւ արիու-
թեամբ սրտի իւր հեռաւոր արշաւանաց մէջ .
և կը զգար ուրախութիւն մը զոր հաւատք միայն
կազդէ իւր առաքինեաց սրտերուն մէջ : Գուք-
սին հետ էին իւր տէրութեան ընտրելագոյն
ասպետները . հինգ կոմս, իւր մատակարարը
Ռոտորի, Վարիլայի իշխանը . իւր սպարապետը՝
Հենրիկոս Լպերցպէրկի իշխանը, սենեկապետը
Հենրիկոս Փահներնի իշխանը, և բազմաթիւ
պարոններ և ասպետներ . հետը ունեցած հե-
տեակ զօրաց թիւը սակաւաւոր էր, ինչպէս կ'ա-
ւանդէ մեզի ժամանակագիր մը, տեղւոյն հե-
ռաւորութեանը պատճառաւ : Հինգ քահա-
նայք, և անոնց մէջ իւր ողորմաբաշխը Պեր-

դողտ, որ իր վարքը գրած էր, պարտըկան էին հողալու պատարագը և խոստովանանքը և ուրիշ հողեւորական օգնութիւններ, բոլոր այս պատերազմողաց՝ իրենց արշաւանացը մէջ: Լուգովիկոս դուքսին իշխաններուն և կոմսներուն հետ ընկերացեր էին՝ իբրև գլուխ խաչակրաց՝ բոլոր միջին Գերմանիոյ բազմաթիւ ուրիշ սպեաներ ալ, ինչպէս նաև Սուապիայէն, Փրանգոնիայէն և Հռենոս գետին արունքէն: Անոնց մէջը հռչակաւոր էր Գլէշէնի՝ իւր առասպելական դէպքերուն համար՝ այս խաչակրութեան միջոց: Հաստատուն աւանդութիւն մը, սամական այլ և այլ ապացոյցներով ստուգուած, կը պատմէ՝ թէ գերի բռնուելով ի Պաղեստին և յետոյ Ճգիպտոս տարուելով, հոն ազատեցաւ Սուտանի Մէլէքսալա օրիորդին ձեռքով, այն պայմանաւ որ իրեն հետ ամուսնանայ, թէպէտ և ձգած էր Գուրինկիա իւր կինը Օրլամինտի կոմսուհին: Իրեն հետ տարաւ զանիկայ ի Հռովմ, ուր կը կարծուի որ հրաման առած ըլլայ սուրբ հայրապետէն այս կրկին ամուսնութեան համար, և անկէց իւր Գլէշէն բերդը գրնաց, յորում երկու հարսերը խաղաղութեամբ և սիրով մէկմէկու հետ կեցան:

Այսպիսի քաղցր ընկերութեամբ, դուքսը ճամբայ ելաւ ի Փրանգոնիայէն, Սուապիայէն և Պաւիերայէն, անցաւ Բիրոլի Ալպեան լեռներէն, Լոմպարտիայէն և Գոսքանայէն ու գնաց յԱպուլիա կայսեր հետ միանալու համար: Այս գումարումը Տրոյա քաղքին մէջ եղաւ օգոստոսի վերջերը, 1227ին: Այսպիսի հոն զօրաւոր բանակ մը ժողովեր էր, գրեթէ վաթսուն հա-

զար զինուոր բանակած էին խաչին դրօշին տակ :
 Սակայն տարափոխիկ ախտ մը արդէն սկսած
 էր երևնալ բանակին մէջ, և իրենց նաւ մտնելը
 կ'ուշացրնէր : Սակայն ամեն բան պատրաստ էր :
 Գուքսը առանձին խօսակցութիւն մը ունեցաւ
 կայսեր հետ սուրբ Անդրէի կղզւոյն մէջ, ար-
 շաւանաց կերպին վրայ . և ետքը երկու իշ-
 խանք Պրինտիլի քաղաքէն նաւ մտան, աստու-
 ծոյ յանձնելով իրենց ճանապարհորդութիւնը
 հանդիսական աղօթքներով և ուրիշ կրօնական
 արարողութեամբք : Բայց հազիւ թէ Նուդովի-
 կոս դուքսը նաւ մտաւ, պաղ տենդ մը զգաց . և
 իրեք օրէն վերջը՝ ծովին չկարենալով դիմանալ,
 Սդրանդ քաղաքը ելաւ, ուր էր կայսրուհին ալ-
 դուքսն ալ միատեղ գնաց, թէպէտև ասպետ-
 ներէն և զինուորներէն շատերը իրենց ճանա-
 պարհորդութիւնը շարունակեցին դէպ ի Պա-
 ղեստին : Նուդովիկոս՝ կայսրուհւոյն այցելու-
 թեան գնաց՝ սովորական յարգութեամբ և մե-
 ծարանօք . սակայն իւր ջերմը սաստկացաւ, և
 հազիւ կրցաւ նաւը մտնել, ուր բռնադատեցաւ
 անկողին մտնել : Հիւանդութիւնը խիստ շատ
 յառաջադիմութիւն ըրաւ, և քիչ ժամանակէն
 հարկ եղաւ բժշկութեան ամենայն յոյսը կոր-
 սրնցնել : Գուքսը առաջինը եղաւ որ իւր վիճա-
 կին ծանրութիւնը ճանչցաւ . շուտով մը կտակը
 գրել տուաւ, և Նրուտաղեմի պատրիարքը կան-
 չեց, որպէս զի իրեն վերջի խորհուրդները մա-
 տակարարէ : Այս եպիսկոպոսը եկաւ Սէնդ-
 Քրուայի եպիսկոպոսն ալ հետը առած, և վեր-
 ջին օծումը իրեն մատակարարեց : Յետոյ խո-
 նարհութեամբ և զղջմամբ իւր մեղքերը խոս-

տովանելով՝ դուքսը իր անկողնոյն չորս կողմը ասպետները ժողովել տուաւ, և անոնց առջևը սուրբ Հաղորդութիւնը ընդունեցաւ սաստիկ եռանդով ու կենդանի հաւատով:

Ոչ իւր ողորմաբաշխին պատմութեանը մէջ կը գտնուի, որ ներկայ էր անոր վերջի վարկեան ներուն, և ոչ պատմագրաց մէկուն մէջ, որ իր մէ ետքը աւանդեցին, խօսք մը՝ որ կարենայ մեզ հաւտացրնել, թէ այս սուրբ և քաջ ասպետը կեանքը թողլու ատենը ցաւ մը զգացած ըլլայ: Ոչ իւր երիտասարդութիւնը, որուն ծաղիկը կը տանէր ի գերեզման, ոչ իւր հայրենիքը՝ ուսկից հեռացած կը վախճանէր, ոչ այն իշխանութիւնը՝ զոր այնչափ կատարեալ և ազնուական կերպով բանեցուցած էր, ոչ իր ազգականները, ոչ իւր որդիքը, զորոնք հազիւ ժամանակունեցած էր ճանչնալու, և ոչ այն Եղիսաբեթ թը՝ զոր այնչափ հաւատարմութեամբ և գորովով սիրած էր. այս բարիքներէն մէկը չէր կրնար վայրկեան մը արգելք ըլլալ իւր երկնքին փափաքող հոգւոյն. ընդ հակառակն մեզի կ'աւանդեն թէ մեռնելու կը փութար. և այն բարեբաղդութիւնը, որ Քրիստոսի դրօշուն տակ կը գտնէր մահը՝ և անոր ծառայութեանը և դրեթէ փրկանացը համար մեռնելու, այս ամեն բան զոհեւէն վերջը, իւր գլխաւոր մտածմունքն էր, և սրտին մէջ տեղ չէր թողուցած երկրաւոր յիշատակի մը համար: Եւ որովհետեւ կեանքը անցուցած էր աստուծոյ սիրոյն համար և յատուած, իրեն պարզ և դիւրին երեցաւ մեռնիլ, այն առաջին վայրկենին յորում աստուած զինքը կը կոչէր, և այն տեղւոյն մէջ զոր իրեն

Համար սահմաններ էր աստուած : Հնազանդ և հաւատարիմ զինուորի մը պէս անգանդատ նշանը ընդունեցաւ, որ զինքը կը կանչէր պատերազմին վախճանէն առաջ : Անիկայ որ այնչափ արցունք թափած էր, առ ժամանակ մը թողլով իւր սիրելի ընտանիքը. անիկայ որ այնչափ հառաչանօք հրաժարած էր՝ հարսի մը գրգռանքէն, զոր յոյս ունէր քիչ ժամանակէն տեսնել, չունի այս կատարեալ և անդարման բաժանման վայրկենին մէջ ոչ հառաչանք մը և ոչ ալ արցունք մը իրեն տալու : Կրնար հառաչել և արտասուել իրմէ երկրիս վրայ հեռու ըլլալուն պատճառաւ. սակայն երկնքին դրանք մօտ այս սիրելի պատկերը ոչ կրնար անոր երևնալ՝ բայց եթէ ասպագայ ուրախութեանց և յաւիտենական բարեբաստութեանց ծոցին մէջ :

Բաւական սեպեց իւր ասպետացը ապսպրել՝ որ երթան իր մահը ծանուցանեն իւր գերդաստանին, և իւր Եղիաբէթին տանելով իր այն մատանին զոր իրեն ցուցեր էր, և մէկ քանի խօսքեր ալ որ մեզի չեն աւանդուած : Ուստի ազատեց յանուն աստուծոյ և սուրբ աստուածածնայ բոլոր այն մարդկանց որ հոն կը տեսնէր, զինքը չմոռնալ եթէ իրմէն աւելի ապրին իրենց այս սուրբ գործին մէջ, և իւր ոսկրները տանին ի Դուրինսկիա և ի Քենհարցապրիւն թաղէն, ուր իւր շիրիմը ընտրած էր. ինչպէս նաև զինքը աւմենելին չմոռնան իրենց աղօթիցը մէջ : Հոգին աւանդելէն քանի մը վայրկեան առաջ լեցուն ճերմակ աղաւնիներ տեսաւ որ իր սենեակը կը լեցուէին, և անկողնոյն չորս կողմը կը թռչէին : «Տեսէ՛ք տեսէ՛ք, ըսաւ, այս ձիւնէն աւելի սպի-

տակ աղանձիններ» : Աերկայ գտնուողներն կարծեցին թէ խեղճը կորսնցուց . քիչ մը ետքը ըսաւ . « Հարկ է որ թռչիմ այս գեղեցիկ աղանձիններուն հետ » : Այս խօսքերս ըսելով առ աստուած ննջեց , այս մահկանացու պանդխտութիւնը ձգելով , որպէս զի անմահ յաւիտենակութեան մէջ մտնէ և բազմի աստուծոյ ասպետաց մէջ . սուրբ կուսին ծննդեան երրորդ օրը իւր քսան և եօթնամեայ ծաղիկ հասակին մէջ :

Երբ Վուդովիկոս վերջին շունչը աւանդեց , իւր Պերդոլտ ողորմաբաշխը այն աղանձինները տեսաւ , որոնց վրայ խօսած էր , որ դէպ ի արեւելք կը թռչէին . երկար ժամանակ անոնց ետեէն աչքով նայեցաւ . և չղարմացաւ թէ ինչպէս Հոգին սուրբ իջած էր ի վերայ որդւոյն աստուծոյ աղանձի կերպարանքով , հրեշտակներ զրկած էր սպիտակ զգեստներով , որպէս զի երթան փնտրուէն և տանին առ արեգակն յաւիտենական արդարութեան այն նորահաս հոգին , որ պահած էր իւր մահկանացու պանդխտութեանը մէջ աղանձի ամեղուժիւնը և սրբութիւնը : Աւր կերպարանքը արդէն այնչափ գեղեցիկ էր բովանդակ կէնացը մէջ , որ կարծես թէ նոր գեղեցիկութիւն մը ստացեր էր մահուան գրկին մէջ , և անկարելի էր նկատել առանց զարմանալու , կատարեալ հաւատք մը , քաղցր խաղաղութիւն և անանց ուրախութիւն , նկարուած իւր թալկացեալ այտիցը վրայ , մահուան խաղաղութեամբը որուն գեղեցիկութիւնը այնչափ խորունկ և մաքուր էր :

Դժնդակ ցաւ մը եղաւ անոնց որ միատեղ այնչափ հեռու գնացած էին , զանիկայ տեսնե-

լով մեռնիլ իրենց բազկացը մէջ երիտասարդութեան պայծառութեամբ և քաջութեամբ, և առանց առաջնորդի մնալ այսպիսի վտանգալի արշաւանքի մը մէջ: Աւստուաւել սաստիկ եղաւ իւր հպատակաց և զինակիր եղբարցըր մէջ անոնց՝ որ իրմէ առաջ գացած էին ի պատերազմ, և այն տխուր բարեբաստութիւնը չունեցան իւր վերջին վայրկեաններուն հսկել, և իւր յետին շունչը ընդունիլ, և որոնց գնացին ծանուցանել ծովուն ընդարձակութեանը մէջ այն կորուստը զոր ըրին: Իրենց ցաւոց ձայները և երկայն հառաչանաց աղաղակները օդերը թրնդացուցին և ալեաց վրայ լսուեցան: «Աւանդ, սիրելի տէր, կ'ըսէին, աւանդ աղնիւ ասպետ, ինչպէս զքեզ այսպիսի օտար երկրի մը վրայ աքսուած թողուցինք. ինչպէս զքեզ կորսնցուցինք, զքեզ՝ լոյս մեր աչաց, առաջնորդ մեր պանդրխտութեան, յոյս մեր վերադարձին. վայ մեզի»:

Շուտ մը իրենց ընթացքէն ետ դարձան, և միաբանելով անոնց հետ՝ որ ցամաքը մնացած էին, ամենքն ալ հանդիսական երգումներ ըրին, որպէս զի իրենց սիրելի իշխանին վերջին կամքը հաստատեն, եթէ իրենք ալ ազատին խաչակրութեան վտանգներէն. և այս բանիս սպասելով՝ յուզարկաւորութիւնը հանդիսով կատարեցին, և մարմինը խնամքով թաղեցին, յետոյ ճամբայ ելան իրենց ուխտը կատարելու:

ԺԷ

Ինչպէս սրբուհին Եղիաբեթ մեծ արամուծեամբ և ցաւով
իւր ամուսնոյն մահը խնացաւ :

Այն իշխանները՝ որոնց Լուգովիկոս դուքսը
յանձնած էր մեռնելու ժամանակը, որ երթան
իւր մահը ծանուցանեն ի Ղուբինսկիա, Երկայն
և դժուարին ճանապարհորդութիւն մը ունէին
կատարելու. այն տխուր լուրը, զոր պիտի տա-
նէին իրենց հայրենիքը, չէր կրնար իրենց ըն-
թացքին շարունակութիւնը փութացրնել : Հա-
տան ի Ղուբինսկիա, երբոր ձմեռը արդէն սկսեր
էր. նորահաս դքսուհին այն միջոցին մէջ իւր
չորրորդ որդին ծներ էր, զՎերդրուտա իշխա-
նուհին, և այն պատճառաւ չկրցան պատգա-
մաւորները տեսնել երբոր հասան : Ուստի մօր
դքսուհոյն և երիտասարդ իշխանաց Քոնրատո-
սի և Հէնրիկոսի խնացուցին այն դժնդակ և ա-
նակնկալ կորուստը, որ իրենց վրայ հասած էր :

Այն ընդհանուր ցաւին, որ այս լուրը տարածեց հռչակաւոր հանգուցելոյն գերդաստանին և ժողովրդեան մէջ, խոհական և բարեպաշտ անձինք մտածեցին թէ՛ ինչ կերպ ազդեցութիւն պիտի ունենար նորահասակ մօրը վրայ, որ առանց գիտնալու այրի մնացեր էր: Սոփիա խտրել հրամաններ տուաւ, որպէս զի չըլլայ մէկը որ իւր հարսնուհւոյն ծանուցանէ այն դժբաղդութիւնը, որ իրեն վրայ հասեր էր, և հարկաւոր եղած զգուշութիւնները գործածեց որպէս զի իւր հրամանները հաւատարմութեամբ կատարուին:

Սակայն պէտք եղած ժամանակը անցեր էր իր տղայարեւութեանէն ի վեր, և հարկ եղաւ որ ծանուցանեն այս գորովալից և հաւատարիմ ամուսնոյն այն դժբաղդութիւնը որ աստուած իւր վրայ զրկեր էր: Սոփիա դքսուհին յանձն առաւ այս ցաւալի պաշտօնը. հետը ունենալով շատ աղնուական և խոհական տիկնայք, դնաց իւր հարսնուհւոյն բնակարանին մէջ: Աղիսաբէթ զանոնք յարգութեամբ և սիրով ընդունեցաւ և բազմեցրնել տուաւ անկողնոյն չորս կողմը, առանց տարակոյս մը ունենալու իրենց այցելութեան նպատակին վրայ: Արբոր ամենքն ալ նստան, Սոփիա դքսուհին սկսաւ խօսիլ. « Քաջալերուէ՛, սիրելի օրիորդս, և ինքզինքդ տակն ու վրայ մի ընէր, ինչ որ պատահեցաւ քու ամուսնոյդ, իմ որդւոյս, աստուծոյ կամքովը եղաւ, որուն՝ ինչպէս որ գիտես՝ ինքզինքը բոլորովին յանձներ էր »: Աղիսաբէթ իւր կէսրոջը հանդարտութիւնը տեսնելով, որ այս խօսքերը իրեն կ'ըսէր առանց արտասուելու, չկրցաւ մա-

կարերել իւր գժբաղղութեան մեծութիւնը, և կարծելով թէ իւր ամուսինը գերի ընկեր է՝ պատասխանեց. «Այժմէ եղբայրս գերի ինկած է, աստուծոյ և բարեկամացս օգնութեամբը շուտով պիտի գնուի. ստոյգ եւ որ հայրս անոր օգնութիւն պիտի հասնի, և ես քիչ ատենէն պիտի մխիթարուիմ» : Բայց Սովիա դքսուհին վրայ բերաւ. «Ո՛հ, հանդարտէ սիրելի դուստրս և ան այս մատանիս որ քեզի կը դրկէ, վասն զի մեր գժբաղղութեամբը անիկայ արդէն մեռած է» : «Ո՛հ, տիկին, աղաղակեց նորահաս գըքսուհին, ի՛նչ կ'ըսես» : «Մեռած է, պատասխանեց մայրը» : Այս խօսքերուս Եղիաբեթ թալկացաւ, յետոյ իւր կարմիր ձեռքերը ծնկանը վրայ դնելով, և խոնարհութեամբ ամփոփելով մարած ձայնով մը ըսաւ. «Ո՛հ աստուած իմ, աստուած իմ, ահաւասիկ բովանդակ աշխարհքս ալ մեռած է ինծի համար, բոլոր աշխարհքը՝ իրեն ամեն քաղցրութեամբը» :

Յետոյ ոտք ելաւ ինքզինքը բոլորովին կորսնցուցած, և բոլոր զօրութեամբը սկսաւ բերդին երկայն սրահներուն մէջ ընթանալ, կանչելով՝ մեռած է, մեռած է. միայն սեղանատան մէջ կանգ առաւ, յորում պատի մը հանդիպեցաւ, որուն առջևը մնաց լի արցունքով : Կարծես թէ խելքը կորսնցուցեր էր. դքսուհին և ուրիշ ազնուական տիկնայք հետը գնացին, պատէն զատեցին. աթոռի մը վրայ նստեցուցին և ջանացին մխիթարել զանիկայ : Սակայն յանկարծ սկսաւ մեծ ձայնով հառաչել և արտասուել, այս անընդհատ խօսքերը ըսելով. Հիմա (յաճախ այս խօսքը կը զրուցէր) հիմա ամեն բան

կորանցուցի. ո՛հ սիրելի եղբայրս, իմ սրտիս բարեկամը, ո՛հ բարի և բարեպաշտ ամուսինս, ուրեմն մեռած ես, և զիս խեղճութեան մէջ ձգեցիր, ինչպէս պիտի ապրիմ առանց քեզի: Ա՛հ, աստուած իմ, որ երեսէ չես ձգեր ինձի պէս դժբաղդ այրիները և որբերը, մխիթարէ՛ զիս ալ ու սիրովէ քիչ մը: Տէր աստուած, զօրացո՛ւ զիս իմ տկարութեանս մէջ, և օգնութեան հասիր:

Այն միջոցին իրեն ծառայող կանայքը եկան զինքը առնելու և իւր սենեակը տանելու: Եղիսաբէթ թող տուաւ որ քաշկռտելով տանին զինքը. բայց երբ հասաւ իւր տեղը՝ մէկէն երեսի վրայ գետին ինկաւ, և երբ վեր վերուցին՝ նորէն սկսաւ լալ, ողբալ ու հեծկլտալ: Սովիա դքսուհին ալ չկարենալով յաղթել իւր մայրենի ցաւոցը, իւր հարսին հետ սկսաւ ինքն ալ լալ, ինչպէս նաև ամեն ազնուական տիկնայք և օրիորդք որ ներկայ գտնուեցան այս տխուր տեսարանին. իրենց հետևեցան նոյնպէս դուքսին տանը բոլոր պաշտօնակալքը, նաև Վարպուրկի բոլոր ժողովուրդը ուր Նուդովիկոս անցուցեր էր իրեն կարճատև կեանքը. ասոնք ամենքը որ ինչուան ան ատենը ծածկեր էին իրենց սրտին ցաւը, վախնալով որ չըլլայ թէ ատենէն առաջ իմանայ խեղճ այրին, սկսան անմխիթար արցունքով ողբալ իրենց սիրական իշխանին մահը: Պրեթէ ութ օր ուրիշ բան չէր լսուէր այն բնակարանին մէջ, բայց արտասուք հառաչանք և ցաւոց աղաղակներ: Բայց ոչ այս համակրութիւնը և ոչ ուրիշ որ և իցէ սիրովումն չէին կրնար հանդարտել Եղիսաբէթի ցաւը. փուճ

տեղ դարման մը կը փնտրուէին անոր յուսահատութեանը, և սակայն կար անոր քով ամենազօր մխիթարիչ մը. Հոգին սուրբ որ հայր է այրեաց որբոց և վշտահար սրտերու, և որ անոր ուժին համեմատ կը զրկէր այս վշտերս, կ'ուզէր լեցընել զնա իւր շնորհօքը լմնցընելով անոր ցաւերը:

Եւ յիրաւի ահա սիրելի սրբուհին որ ճշմարիտ քրիստոնէական ամուսնութեամբ մը կապուած էր, որ է ըսել աշխարհքիս ամենամեծ բարեբաստութեամբ մը, ահաւասիկ այրի մնացած իրեն քսան տարուան հասակին. ահաւասիկ սիրող և այնչափ սիրուած հարսը՝ սրտի միայնութեան մը դատապարտուած՝ հիմա կը հառաչէ միայնակ. բաւական չէր սեպած աստուած որ մանկութեան հասակին նպատակ ըլլայ չարասիրտ մարդիկներու հալածանաց և նախատանաց. վասն զի անարատ պահեր էր իր առատուած ունեցած վստահութիւնը: Բաւական չէր սեպած փորձել զինքը արքունական մեծութեանց փառքովը, ասպետաց մեծարանքովը, և կամ ամուսնական կենաց ներքին ուրախութեամբն և երջանկութեամբը. այս ամեն բարեբաստութեանց մէջ Նղիսաբեթ իր սրտին մէջ երկնից մտածութիւնը միայն ամեն բանէ վեր դրեր էր. իր կենացը մէջն ալ սփոփել թշուառները, և իր կարօտ և նեղեալ եղբայրները. սակայն այս ամեն բան բաւական չէր սեպած աստուածային սէրը. այլ պէտք էր որ դեռ երկընքին փառացը հաղորդ չեղած, ինքը՝ որ այնչափ թշուառներ մխիթարած էր՝ ըլլայ թշուառ քան զամեն արարածս, և դեռ յաւիտենական կենաց

դռները իրեն առջևը չբացուած, պէտք էր որ
ամեն օր բիւր անդամ մեռնէր աշխարհի ու ա-
նոր ամեն բարեայր: Ասկէ ետքը մինչև իւր կե-
նացը վերջին օրը, մըրիկք անդադար այս տկար
բուսոյն վրայ կը յարձըրկին, և մեծ ու հրաշալի
զօրութեամբ մը, զոր դիւրաւ կրնան հասկը-
նալ աստուածասէր հոգիք, փոխանակ խորտա-
կելու և գետնի վրայ իյնալու, հաստատուն կը
մնայ և ամեն կողմանէ ճիւղեր կ'արձըրկէ, որ-
պէս զի ընդունի երկնային ցօղը և աննման գե-
ղեցկութեամբ ծաղկի: Եթէ գորովալից ամուս-
նոյ մը կորուստը, եթէ նուիրական միաւորու-
թեան այսպիսի անակնկալ կործանումը, կըր-
ցաւ անոր սիրտը քիչ մը ատենուան համար յու-
սահատութեան անդունդին մը մէջ ձգելու,
քիչ ատենէն նոր և դժնդակ նեղութիւնք ետ
պիտի դարձնեն իրեն առաջին զօրութիւնը,
հանդարտութիւնը և աննկուն եռանդը: Թէ
որ քիչ մը ատեն յաղթուեցաւ զգալով մարդ-
կային սիրոյն վերքերուն ցաւը, նորէն պիտի լս-
տանայ իր զօրութիւնը, ձեռք ձգելով երկնա-
ւոր սիրոյն այն շղթայն՝ որ զինքը պիտի միաւորէ
աստուծոյ հետ, և ոչ ոք պիտի կարենայ զանի-
կայ խորտակել:

ԺԸ

Ինչպէս սրբուհին Եղիաբեթ իւր փոքրիկ աղոյքը հետ կ'աք-
տորուի իր բերդէն, և վերջի աստիճանի հիգուծեան մէջ
կ'իյնայ. և փոխանակ բարեաց՝ ապերախտութիւն ու չա-
բութիւն կ'ընդունի իր պաշտօնակալներէն.

Եղիաբեթի վարքին այս երկրորդ մասը սկսե-
լով իւր քսանամեայ հասակէն, կը ծանուցա-
նենք մեր ընթերցողաց, թէ աներևութացած
պիտի տեսնեն ասկէ ետքը մարդկային կար-
ծուած դէպքերը, և գրեթէ այն վիպասանու-
թեան կերպարանք ունեցող զիպուածները՝ զո-
րոնք թերևս գտած ըլլան մեր պատմութեանը
առաջին մասին մէջ: Ա՛յ ևս պիտի տեսնեն զին-
քը նորահաս և փափուկ հարս մը, որ կը ջանայ
միացընել՝ իւր հոգւոյն գորովալից անմեղու-
թեանը մէջ՝ երկնաւոր հօրը պաշտամանը հետ
երկրիս վրայ գտնուած ամենէն աւելի քաղցր
սէրը. այլ պիտի տեսնեն ապաշխարող մը, ինք-

զինքը բոլորովին հոգևորական կենաց նուիրած՝
 ընդհանուր հաւատացելոց համար բացուած սո-
 վորական ճամբաներէն դուրս ելլելով, իւր կեան-
 քէն արմատաքի խլելով և սրտին մէջէն խոր-
 տակելով, ինչ որ կրցեր էր դնել աստուծոյ դէմ:
 Աղիսաբեթ ասկէ ետքը քրիստոնեայ այրի մը
 պիտի ըլլայ, բարերարաց մեծ զօրութիւն, ինք-
 զինքը ամեն բանէ զրկած, և վերջապէս հոգևո-
 րական մահացուցման և ուրացութեան այն աս-
 տիճանին հասած՝ որ [Թէ՛ սրտի և [Թէ՛ մտքի դէմ
 կ'երևնայ. և անոնց քաղցրութեան ճաշակն առ-
 նուլ ուզողը՝ պէտք է որ զօրաւոր և անարատ
 հաւատք մը ունենայ:

Ո՛չ երկարատե և ոչ զօրաւոր եղաւ այն կա-
 ռեկցութիւնն որով շրջապատուած տեսանքզին-
 քը իւր սուգին առաջին վայրկեաններուն մէջ
 իր պալատականներէն: Քիչ ատեն անցնելէն
 ետքը հալածանքը և ապերախտութիւնը իրենց
 դառնութիւնը աւելցուցին այն ցաւին վրայ ու-
 թով լեցուած էր իրեն սիրտը: Արբոր բոլորովին
 այն ցաւոցը մէջ ընկզմած, երեսի վրայ ձգեր
 էր տէրութեան հոգերը, որ ալ իրեն չէին վե-
 րաբերեր իւր ամուսնոյն մահուամբը և որդւոյն
 պղտիկութեանը պատճառաւ, չին [Թշնամու-
 թիւնները արթնցան իրեն դէմ, և ասիկայ յար-
 մար առիթ մը սեպեցին ընկճելու և սաստկա-
 ցընելու այն վէրքը որով զինքը աստուած վիրա-
 ւորեր էր: Լուգովիկոս դուքսը՝ երկու կրտսեր
 եղբարք ունէր, որ էին Հենրիկոս և Վոնրատ, ո-
 բոնց չորս կողմը առեր էին արդարութիւն ու
 պատիւ չճանչցող մարդիկ: Այս անօրէն խոր-
 հրդականները ամեն բանէ աւելի ջանացին մո-

լորեցրնել Հենրիկոս իշխանը և դաւաճանու-
թիւն ընել իրեն հարսին դէմ: Ըսին թէ Վու-
րինկիոյ օրինացը համեմատ բոլոր իշխանութիւ-
նը անբաժան պիտի մնայ իշխանական գերդաս-
տանին անդրանկին ձեռքը, և անիկայ միայն
աշխարհք պիտի մտնէ, ու իրմէ ետքը ծնած-
ները՝ եթէ ուղենան կարգուիլ, շատ շատ քիչ
մը երկրի տէր կրնային ըլլալ՝ ու կոմս կը սե-
պուէին, միշտ հպատակ մնալով իրենց մեծ եղ-
բօրը. ուստի պէտք էր որ Հենրիկոս շուտով մը
ձեռք ձգէ գերագոյն իշխանութիւնը, և ընտա-
նեաց անդրանկին իրաւունքը մէկդի ձգելով՝
Լուդովիկոսի Հերմոն որդին՝ շուտով մը ամուս-
նանայ, որպէս զի տէրութիւնը իր ձեռքը մնայ:
Կերենայ թէ չհամարձակեցան խորհուրդ տալ
իրեն օրինաւոր ժառանգը սպաննելու. բայց
ստիպեցին որ իր եղբօր կինը՝ իր զակրններովը
մէկտեղ վաւրտէ՝ չէ թէ միայն Վարպուրկի ար-
քունական սարաւանդին դուրս՝ այլ նաև Իզնա-
կէն և ուրիշ ամեն իշխանական դաւառներէն:
Եթէ դիպուածով ապրելու ըլլայ այն զաւակը,
կ'ըսէին թշնամիները, երջանիկ պիտի ըլլայ ե-
թէ իր հօրեղբօրմէն մէկ կամ երկու բերդ
ձեռք ձգէ. բայց հիմա պէտք է փութալ հեռա-
ցրնել այն տղան, հալածել իւր շուայլ և կեղ-
ծաւոր Եղիսաբէթ մօրը հետ:

Հենրիկոս դուքսը դժբաղդաբար մտիկ ըրաւ
այս վատ խորհրդոյ. արդարութիւնը և պատի-
ւը, կ'ըսէ հին բանաստեղծ մը, հեռացան իւր
սրտէն, և յայտնի թշնամութիւն բացաւ այն
այրւոյն և որբին հետ, զորոնք երդում ըրած
էր պաշտպանելու: Իւր կրտսեր եղբայրը Պոն-

բատ անոր պէս յաղթուեցաւ, և վատահասցած անոնց երկուքին համախոհութեանը վրայ, վատ և չար դրանիկներ՝ Աղիսաբեթ դքսուհւոյն քով գիմեցին, որպէս զի իրենց նոր տիրապետին կամքը յայտնեն: Պատան իւր Սոփիա զոքանչին քով, և նախ սկսան արհամարհել զնա նախատանօք. յանդիմանեցին որ բոլոր երկիրը կործաներ էր շուայլութեամբ, վատներ էր տերութեան դանձերը, խաբէր և անպատիւ ըրեր էր իւր ամուսինը. և խնայուցին իրեն որ ի պատիժ իւր յանցանացը՝ բոլոր ստացուածքը ձեռքէն պիտի առնուի, և Հենրիկոս դուքսն ալ ասկէ վերջը տիրապետ է բոլոր գաւառին, և իրեն կը հրամայէ նոյն վայրկենին բերդէն ելլել ու գլխուն ճարը տեսնել: Աղիսաբեթ զարմացած այս նախատանաց և պատգամաւորներուն վրայ, ջանաց իւր չար և վատ թշնամեաց սիրտը մեղմացրնել, և խոնարհութեամբ՝ աղաչեց որ իրեն թոյլ տան քիչ մը ժամանակ դեռ հոն մնալու: Սոփիա դքսուհին բարկացաւ անոնց այս աստիճանի անմտութեանը վրայ, և իւր հարսը գրկացը մէջ առնելով՝ աղաղակեց. «Անձի հետ պիտի մնայ, և ոչ ոք պիտի կարենայ ինձմէ զասիկայ յաշարիշտակել. ո՞ւր են տղաքս, կ'ուզեմ մէյմը անոնց հետ խօսիլ»: Պատգամաւորները պատասխանեցին. «Ոչ, պէտք է որ այս վայրկենիա բերդէն ելնէ»: և սկսան բռնութեամբ երկու իշխանութիւնները մէկմէկէ բաժնել: Տեսնելով որ չեն կրնար անոնց բռնութեանը յաղթել, Սոփիա դքսուհին ուղեց գոնէ խեղճ Աղիսաբեթին հետ մինչև բերդին արտաքին դուռն երթալ: Թող չտուին Աղիսաբեթ դքսուհւոյն

որ և իցէ բան մը հետը տանելու. բայց գաւթին մէջ գտաւ իւր փոքրիկ տղաքը, և պատուոյ օրիորդներէն երկուքը, որ նոյն ժամանակ իրեն հետ մէկտեղ պիտի մերժուէին, և որ աւանդեցին մեզի այս տխուր տեսարանիս պատմութիւնը:

Բերդին դուռը հասնելով՝ Սուրիա դքսուհին նորէն համբուրեց Նիզիսաբէթ, առատ արցունք թափելով. և չէր կրնար թողուլ Նիզիսաբէթն որ իրմէ բաժնուի: Իւր հանգուցեալ որդւոյն տղաքը տեսնելով, այն պզտիկ որբերը՝ որ դատապարտուէր էին իրենց մօրը հետ, սիրտը կտոր կտոր կ'ըլլար: Նորէն խնդրեց շատ աղաչանօք որ իւր Հենրիկոս և Գոնրատիոս որդւոցը հետ տեսնուի. խեղճը կը կարծէր որ իւր աղաչանքը պիտի չմերժեն: Բայց իրեն պատասխանեցին իշխանները որ հոն չէին. և յիրաւի պահուէր էին այն հրամանին գործադրութեանը ժամանակ, և չէին համարձակեր տեսնել իրենց մօրը աղաչանքը և արցունքները, և ոչ այն չարեաց տեսարանը՝ որուն կը դատապարտէին իրենց հարսը: Վերջապէս երկար ժամանակ իւր արցունքը Նիզիսաբէթին արցունքին հետ խառնելէն ետքը, ուսկից չէր ուզած ամենեին բաժնուիլ, կ'ըսէ պատմիչ մը, իւր որդւոյն մահուանը ցաւը նորոգուէր էր սրտին մէջ. և շատ կը նեղուէր մնացած տղոցը չարութիւնները տեսնելով: Սուրիա դքսուհին մեծ և դժբն դակ ցաւով յանձն առաւ որ Նիզիսաբէթ իրմէն բաժնուի: Բերդին դռները, որոնց վրայ դքսուհին այնչափ տարի իշխեւր էր՝ մէկէն ետեւէն փակուեցան. այն պալատէն՝ ուսկից ճշմարիտ

ազնուական ասպետներ գնացեր էին Քրիստոսի գերեզմանը ազատելու, ոչ ոք գտնուեցա՛ որ կամ օգնէ և կամ ապաւինելու տեղ մը տայ այրւոյն և որք տղոցը:

Թագաւորաց դուստրը տրտում տխուր իջաւ այն դժուարին և քարոտ ճամբուն վրայ որ քաղաք կը տանէր, իր բազկացը մէջ բռնելով իւր նորածին մանուկը. խկ մնացած իրեք տղաքը իւր պատուոյ օրիորդներն կը տանէին. եղանակ կը ձմեռ էր, ցուրտն ալ շատ դժնդակ: Այրւորկ լեռան ստորոտը հասնելով և խնակ քաղաքը մտնելով՝ որ լեցուն էր իրեն բարեգործութիւններովը՝ հոն ալ ոչինչ նուազ անողորմ սրտեր գտաւ: Յիրաւի Հենրիկոս դուքսը ապրւպրեր էր քաղքին, թէ ու որ ընդունելու ըլլայ զՆդիսաբէթ դքսուհին կամ իւր տղաքը, իրեն մեծ տհաճութիւն կը պատճառէ. այս հրամանիս պատճառաւ շատ աւելի անգութապէրախտութիւն ցրցուցին Նդիսաբէթի բոլոր խնակի բնակիչքը: Ընդունայն տեղ դժբաղդ իշխանուհին իւր չորս սղտիկ տղաքը հետն առած, լալով դռնէ դուռ կը պտրտէր, և մանաւանդ անոնց՝ որ քիչ մը առաջ իրեն այնչափ սէր ցրցուցեր էին, բայց ոչ ոք զինքը ներս ընդունեցաւ: Աերջապէս խեղճ գինետուն մը հասաւ, որուն սանդոկապետը չմերժեց զՆդիսաբէթ որ անդադար կու լար ու կըսէր. ամեն բանս յափրշտակեցին ու զիս ալ տնէս ու տեղէս վռնտեցին, բացի առ աստուած աղօթելէն՝ ուրիշ բան ձեռքէս չգար: Պանդոկապետը միայն այն գիշերուան համար՝ թէ իրեն և թէ իրեն հետը եղողներուն նեղ խուց մը տուաւ, ուր կը բնա-

կէին իւր խողերը, և ուր կը դնէր գինետան
 հարկաւոր եղած գործիները. բայց նոյն գիշե-
 րը Վուրինսկիոյ դքսուհւոյն և Հունգարիոյ ար-
 քունական իշխանուհւոյն քիչ մը տեղ տալու
 համար՝ խողերը անկէ դուրս հանեց: Իրեն այս
 ամենացած վիճակը՝ շատ շուտով հանդարտեց
 իր խռովեալ հոգին. վասն զի հազիւ թէ ոտքը
 այն աղտեղի բնակարանին մէջ գրէր էր՝ մէյ-
 մըն ալ յանկարծ արցունքները դադրեցան, և
 գերբնական ուրախութիւն մը իր վրան իջնա-
 լով՝ մինչև կէս գիշեր այնպէս զմայլած կեցաւ.
 այն ժամուն Փրանսկիսկեանց վանքին առաւօ-
 տեան զանգակը լսեց. այս վանքը ինքն իւր ա-
 մուսնոյն կենդանութեանը ժամանակ հիմնած
 էր: Շուտ մը անոնց եկեղեցին գնաց, և առաւօ-
 տեան ժամերգութեան ներկայ գտնուելէն ետ-
 քը, քահանայից աղաչեց որ Զքեզ աստուած գո-
 վաբանեմք երգը երգեն, որպէս զի շնորհակալ
 ըլլայ աստուծոյ իրեն զրկած նեղութեանցը
 համար:

Խորաններուն առջև երեսի վրայ ինկած,
 մինչդեռ տխուր գիշերուան խաւարին մէջ այս
 ուրախութեան երգը՝ այնչափ անխմանալի աչ-
 խարհասիրաց՝ դէպ ի երկկինք կը բարձրանար,
 Եղիսաբէթ իրեն հաւատարիմ հետևողներուն
 բարի օրինակ կ'ըլլար իւր հոգւոյն առ աստուած
 ունեցած եռանդեամբն և խոնարհութեամբը,
 Շնորհակալ կ'ըլլար աստուծոյ բարձր ձայնով
 իրեն այնպէս աղքատ և ամեն բանէ զրկուած
 ըլլալուն համար, ինչպէս որ ինքն Քրիստոս էր
 Ինթղէհեմի մտրին մէջ. « Տէր աստուած իմ,
 կ'ըսէր Եղիսաբէթ, պէտք է որ քու կամբդ կա-

տարուի. երէկ դքսուհի մ'էի մեծ բերդերով, իսկ այսօր մուրացող մ'եմ, և ոչ որ ինձի ապաւինելու բնակարան մը կու տայ. տէր իմ, եթէ քեզի աւելի աղէկ ծառայած ըլլայի դքսութեանս ատեն, և եթէ աւելի ողորմութիւններ ըրած ըլլայի քու սիրոյդ համար, հիմա պիտի ուրախանայի. բայց դժբաղդաբար այսպէս չեղաւ»: Երբ ինքն այսպէս վերացեր էր մտքովն առ աստուած, լսելով յանկարծ իր խեղճ տղոց լալու ձայնը, որոնք ցրտէն ու անօթութենէն կը նեղուէին, նոր ցաւեր արթնցան իւր փափուկ սրտին մէջ: «Արժանի եղայ, կ'ըսէր, զանոնք այս վիճակիս մէջ տեսնելու. բայց դառնապէս կը զղջամ տղաքս իշխան և իշխանուհի ծնած ըլլալուս, որ հիմա անօթի են, և ոչ ալ պառկելու անկողին մ'ունին. սիրտս վերջի աստիճանի վիրաւորուած է անոնց համար»:

Բոլոր նոյն գիշերն և երկրորդ օրուան մէկ մնար՝ իրեններովը եկեղեցւոյն մէջ կեցաւ. սակայն ցուրտին սաստիկութիւնը և անօթութիւնը՝ ուսկից սաստիկ կը չարչարուէին տղաքը ու կը դանգատէին, բռնադատեցին Վեղիսաբեթ ելլել հոն տեղէն և նորէն երթալ քիչ մը կերակուր և բնակարան մը ձարելու:

Փուճ տեղը երկար ժամանակ բոլոր քաղքին մէջ ասդիս անդին պտրտեցաւ, ուր այնչափ մարդիկ իրմով հարստացեր, բժշկուէր ու խնամուէր էին. վերջապէս աղքատ քահանայ մը գտնուեցաւ որ սրբուհւոյն Վեղիսաբեթի խեղճութեանը վրայ գթալով, և Հենրիկոս իշխանին բարկութիւնը արհամարհելով, առաւ զանիկայ իր տունը տարաւ: Վեղիսաբեթ մեծ երախտագի-

տութեամբ ընդունեցաւ անոր իրեն ցրցուցած քարիքը . քահանայն յարդէ անկողիններ պատ-
 րաստեց, և զանոնք իւր հիգութեանը համե-
 մատ ջանաց պատուելու: Իսկ Եղիսաբեթ որ-
 պէս զի կարենայ թէ՛ իրեն և թէ՛ տղոցը հա-
 մար քիչ մը կերակուր գտնել, ստիպուեցաւ
 գրաւի դնել այն աղամանդներն՝ որ Արարու-
 կէն արսորուելու ժամանակ իրեն հետն առեր
 էր: Սակայն իւր հալածիչքը խմանալով որ բնա-
 կարան մը գտած էր, և չթողլով իրենց բիրտ
 կատաղութիւնը, հրամայեցին Եղիսաբեթին որ
 երթայ արքունական իշխանի մը քով կենայ,
 որ իրեն ամենէն աւելի ատելութիւն ցրցուցեր
 էր, և Խզնակ քաղքին մէջ ընդարձակ բերդ մը
 ունէր մեծ շրջակայներով: Այս մարդը ամե-
 նեին չամցաւ դքսուհոյն նեղ բնակարան մը
 ցրցունելու, յորում բոլոր գերդաստանովը փա-
 կեց զանիկայ . սաստիկ կոշտութեամբ անոր հետ
 ուզելով վարուիլ ոչ հարկաւոր կերակուրը կու-
 տար, և ոչ ալ տաքնալու կրակ . իւր կիներն և ծա-
 ուայքն ալ ամեն բան ճիշդ իրեն պէս կ'ընէին:
 Պիշերն ի բուն Եղիսաբեթ այն աղտոտ տեղ-
 ւոյն մէջ կը հեծէր ու տակն ու վրայ կ'ըլլար,
 քանի որ կը տեսնէր իւր տղոց անօթութենէն և
 սաստիկ ցրտէն չարչարուիլը: Երկրորդ առաւօ-
 տըն ալ չուզեց այնպիսի անհիւրընկալ բնակա-
 րանը կենալ, և երթալու ժամանակ դարձաւ
 պատերուն ու ըսաւ. «Շնորհակալ եմ ձեզի, որ
 պաշտպանեցիք զիս ամբողջ գիշերս որչափ որ
 կրցաք անձրևին և հովին դէմ: Կը փափաքէի բո-
 լոր սրտիւ շնորհակալ ըլլալ նաև տերերնուդ,
 բայց չեմ գիտեր թէ ինչ բանի համար»:

Եղիսաբէթ նորէն գնաց իւր առջի գիշերուան
 անցուցած բնակարանը՝ գինետան մէջ. միայն
 այս տեղս էր՝ ուկից իւր [Թշնամիքը չհամարձա-
 կեցան զինքը մերժել: Օրուան մեծ մասը՝ ինչ
 պէս նաև գիշերները՝ եկեղեցւոյն մէջ կ'անցը-
 նէր. «Պէթ հոն տեղէն, կ'ըսէր, ոչ ոք կը համար-
 ձակի զիս մերժելու, վասն զի աստուծոյ տունն
 է, և աստուած է միայն զիս ընդունողը»: Եղի-
 սաբէթ ամեն զոհերէն աւելի ուրիշ դառնա-
 գոյն զոհ մըն ալ ստիպեցաւ ընելու. ինքը որ
 այնչափ որբեր մնուցեր էր, այնչափ երեսի վրայ
 ձգուած աղքատ և [Թշուառ տղոց վրայ ամենէն
 աւելի ցրցուցեր էր իր դու[ժը, և որոնց համար
 գորովագու[ժ մայր մըն էր, հիմա ինքը կը բըռ-
 նադատուէր իր հարազատ որդւոցմէ բաժնուիլ,
 ու զրկուիլ իր յետին մարդկային մխիթարու-
 թենէն, որպէս զի զանոնք ալ չդատապարտէ
 իրեն հետ կրելու իրենց մանկական ծաղիկ հա-
 սակին մէջ [Թշուառութիւն և հիգու[ժիւն:
 Հաւատարիմ մարդիկ՝ որոնց անունը մեզի ան-
 ծանօթ է՝ գիտնալով Եղիսաբէթին վիճակը,
 առաջարկեցին որ հոգ տանի իր որդւոցը վրայ,
 զոր յանձն առաւ [Թէպէտ իրեն համար մեծ
 նեղութիւն էր և մեծ դժուարութեամբ կրնար
 անոնց ամեն պիտոյքը լեցընել: Այս առաքի-
 նական գործը յանձն ջառնելը, կ'ըսէ ժամա-
 նականկից պատմագիր մը, կը վախցընէր զԵղի-
 սաբէթ չըլլայ որ աստուծոյ սիրոյն դէմ մեղան
 չէ, տեսնելով իր սիրելիները տառապանաց մէջ.
 վասն զի, կ'ըսէ դարձեալ նոյն վիպագիրը, Եղի-
 սաբէթ իր տղաքը կարգէ դուրս կը սիրէր:
 Ուստի անոնք իրմէ յափշտակուեցան, և մէկ

մէկէ բաժնուած հեռու տեղուանք պահուեցան: Անոնց վիճակին վրայ ապահով, իր վիճակին համար աւելի համակերպեցաւ աստուծոյ կամացը հետ. վասն զի գրաւի գրաւ իւր ազնիւ և պատուական աղամանդները, և ինքն ալ սկըսաւ հիւսելով իւր ապրուստը գտնել: Թէպէտ և այսպիսի խոր հիգուծեան մէջ ընկեր էր, սակայն չէր կրնար աղքատ մը տեսնել և անոր չօգնել. երբեմն նաև իր խեղճ կերակուրէն մաս մը մէկ դի կը դնէր, որպէս զի թշուառ աղքատի մը տայ որ իրմէ մուրալու կու գար:

Այսպիսի դիւցազնական համբերութիւն մը կարծես թէ պիտի հանդարտեցընէր իւր զօրաւոր հալածիչներուն կատաղութիւնը. սակայն այս ալ բաւական չեղաւ գթութեան կամ երախտագիտութեան յորդորել խղնակ քաղքին բնակչացը սրտերը: Այ գթութեան և ոչ ալ կարեկցութեան նշանակ մը չուզեցին ցուցընել, ինչպէս որ յայտնի կը տեսնենք այն մանրապատում պատմութեանց մէջ՝ որ այս սրտաշարժ դէպքերը մեզի աւանդեցին. կարծես թէ ընդհակառակն ուզեցին ցուցընել արդեամբք թէ ապերախտութիւնը՝ ինչպէս ուրիշ մարդկային անարգ կրքերը, չեն կրնար լուցընել խղճի ձայներն ուրիշ կերպով, բայց եթէ առաջին յանցանաց վրայ նոր յանցանքներ աւելցընելով: Ասիկայ օրինակով մ'ալ հաստատենք: Այն միջոցին խղնակ քաղքին մէջ մուրացկան պառաւ կին մը կար, որ վերջի աստիճանի թշուառութեան մէջ ընկեր էր, և երկար ժամանակ դքսուհւոյն առատաձեռնութիւնը, գրթութիւնն և խնամքը կը վայելէր. երբ Եղիսա-

բեթն ալ մուրացկան վիճակին հասաւ, և երբ օր մը տղմոտ գետէ մը կ'անցնէր, որ մինչև հիմա Խղնակ քաղքին փողոցի մը մէջէն հանդարտ կը վազէ, և որուն վրայ քանի մը քարեր նետուած էին, որպէս զի բնակիչք դիւրաւ անցընին այն գետէն, Եղիսաբեթ նոյն պառաւ կրնկան հանդիպեցաւ որ նոյն ժամանակ նեղ քարերուն վրայէն դէպ ի իրեն կը մօտենար, և որ Եղիսաբեթին անցնելու տեղ չթողուց ու ու ժով մըն ալ հրելով, այն գարշելի ջրին մէջ ձգեց երեսի վրայ: Յետոյ այն ըրած չարասիրտ ապերախտութեանն ալ դո՛հ չըլլալով, սկսաւ նաև նախատել զանիկայ ու կանչել. «Մ'նչ աղէկ վիճակի մէջ ես. որովհետև չուզեցիր դքսուհւոյ պէս ապրիլ, ահա հիմա ստիպուեցար այդ աղտոզի տղմին մէջ պառկիլ. գիտցիր որ ես ըզքեզ վեր պիտի չլերցընեմ»: Եղիսաբեթ միշտ համբերող և քաղցր, ելաւ տղմէն ու սկսաւ ուրախութեամբ ծիծաղիլ իւր գլխուն հասած վտանգին վրայ և ըսել. «Սհաւասիկ այն ոսկիներուն և սահաւազիւտ աղամանդներուն տեղ՝ որոնցմով դքսութեանս ժամանակ զարդարուած էի՝ այս տղմոտ կերպարանքս»: Յետոյ գնաց, վրայ կը բերէ պատմագիրը, համբերութեամբ և ուրախութեամբ իւր զգեստները լուարու՝ մօտ գետի մը մէջ, և իւր համբերող հոգին Գառինն աստուծոյ արեանը մէջ:

Հասնելով Եղիսաբեթի պատմութեան այս տեղը, բարեպաշտ և հոգեսէր կրօնաւոր մը, զոր արդէն ուրիշ անգամ յիշատակեր ենք, կ'աղաղակէ գորովագութ և փափուկ կարեկցութեամբ մը. «Ո՛հ իմ սիրելի սրբուհի Եղի-

սարեթս, ես քեզմէ աւելի կը կրեմ քու հի-
 գութեանդ թշուառութիւնը. ես քեզմէ աւե-
 լի կը նեղանամ բարկութեամբ այս անգութ և
 ապերախտ մարդկանց, որ զքեզ հալածեցին:
 Ո՛հ, եթէ հոն գտնուելու բարեբաղդութիւնն
 ունենայի, ի՛նչպէս զքեզ փափաքով տիղմէն
 պիտի հանէի, որպիսի սիրով զքեզ պիտի խնա-
 մէի. և ի՛նչ փափաքով յօգնութիւն կը հաս-
 նէի քու պիտոյիցդ: Պէ՛թ իմ բարի յօժարու-
 թիւնս հաճոյական ըլլայ քեզի. և երբոր գայ
 այն ահագին օրը՝ յորում աշխարհքէս արհա-
 մարհուած՝ ես միայնակ աստուծոյ դիմացը պի-
 տի ելլեմ, կ'աղաչեմ քեզի որ իմ քովս գաս ու
 առնես տանիս զիս յաւիտենական խորանաց
 բնակութեանը մէջ» :

Ի

Ինչպէս սրբուհին Եղիսաբեթ չուզեց կրկին անգամ ամուսնանալ, և ինչպէս իւր հարսանեաց զգեստը Քրիստոսի իր նոր փեսային նուիրեց .

Այն տխուր վիճակին մէջ՝ յորում ինկեր էր իշխանուհի մը, այնպիսի հռչակաւոր տոհմի մը ծնունդը, և իննամեցած այլ և այլ զօրաւոր արքունական գերդաստաններու հետ, անտարակոյս իւր ազգականաց գուժը պիտի շարժէր, եթէ իմանային անոր թշուառութիւնը: Սուրիա դքսուհին շատ ջանաց համոզելու իւր որդիքը, որպէս զի քիչ մը մեղմացրնէն թշուառ Եղիսաբեթին վիճակը. բայց տեսնելով որ ճար չեղաւ գնաց ան ատեն ծածուկ իր Մաթիլտէ հօրաքրոջը՝ որ Գիդգէնժի արքայապետուհին էր՝ անոր խեղճութիւնն իմացուց: Այս բարեպաշտ իշխանուհւոյն սիրտը տակն ու վրայ եղաւ իմանալով Եղիսաբեթի քաջած նեղութիւնները.

սլիտի սրբէր անոնց ամենուն արցունքը, չէր կրնար մոռնալ իրեն խոնարհ և առաքինի աղախինը, որ ինկեր էր իրեն առջևը ծանրացած այն ամեն ցաւերով՝ որոնք կրնան յուսահատութեան մէջ ձգել զմահականացուն: Այ միայն սրբեց անոր արցունքը՝ այլ նաև բացաւ աչուրները տեսնելու առաջուց յաւիտենական լուսոյ գաւառին մէջ իրեն համար սահմանուած տեղը:

Մինչդեռ ցորեկ և գիշեր կ'աղօթէր առ աստուած խորաններուն առջևն ընկած, յաճախ տեսիլներ և յայտնութիւններ կը հասնէին իւր հոգին ուրախացընելու և դարմանելու համար: Իզանդրուտա, իւր սպառուոյ օրիորդներէն ամենէն աւելի սիրելին, որ իրմէ երբէք չէր բաժնուած, և որ ուզեր էր իւր հիգութեանցը հաղորդ ըլլալ, ինչպէս հաղորդ էր անոր փառացը, եկեղեցական դատաւորին սպառմեց այն ամեն տեսիլներն ու յայտնութիւնները զոր տեսեր ու լսեր էր իր Եղիսաբէթ տիկինէն: Շատ անգամ կը տեսնէր որ իւր տիրուհին այնպիսի ափշութեան մէջ ընկղմած էր՝ որ չէր գիտեր թէ ինչ է սպտձաւը: Մանաւանդ օր մը, մեծ պահոց ատեն, երբ դքսուհին սպտարագ կը տեսնէր եկեղեցւոյն մէջ ծնկան վրայ, յանկարծ գրբրեցաւ ինկաւ սպտին առջևը և երկար ժամանակ կեցաւ այն վիճակին մէջ, իբրև երկրէս վեր բարձրացեալ, խոր զմայլմանց մէջ ընկղմած, աչքերը անշարժ և խորանին սևեռած մինչև հաղորդութեան ժամանակ: Երբ խելքը դուրսը եկաւ, երեօին վրայ կարծես թէ երկնային երանութեան նշանակ մը կար: Իզանդրուտա, որ աչօք տեսեր էր այս շարժմունքները,

յարմար ժամանակ գտաւ աղաչելու, որ իրեն յայտնէ այն տեսիլքը զոր անտարակոյս տեսեր էր: Եղիսաբէթ կարգէ դուրս ուրախութեամբ անոր պատասխանեց. «Խրաւունք չունիմ մարդկանց պատմելու՝ ինչ որ աստուած արժանի սեպեց ինձի յայտնելու. սակայն չեմ ալ ուզեր քեզմէ ծածկել թէ ինչպէս միտքս յափշտակեցաւ անպատում ուրախութեամբ, երբ թոյլ տուաւ ինձի աստուած տեսնել հոգւոյս աչքովը այն հրաշալի խորհուրդը »:

Վերջի օրհնութենէն ետքը իւր փոքրիկ բնակարանը մտնելով՝ քիչ մը նախաձաշիկ բրաւ, և կարգէ դուրս յոգնութիւն զգալով՝ գնաց պատուհանին առջև նստարանի մը վրայ պառկեցաւ և գլուխն ալ իւր սիրելի և հաւատարիմ Խղանդրուտային կուրծքին վրայ դրաւ. անիկայ կարծեց թէ դքսուհին հիւանդ էր և քնանալ կ'ուզէր. բայց այս կերպով պառկած, աչքերը բաց դէպ ի երկինք սեւեռեր էր իւր բնակարանին պատուհաններէն: Յանկարծ Խղանդրուտա տեսաւ որ դքսուհւոյն երեսները կը փայլիլին և երկնային պարզութիւն մը և կարգէ դուրս ուրախութիւն մը կ'արձրկէին. քաղցր և գորովալի ծիծաղ մը իւր շրթունքները կը շարժէին: Սակայն քիչ ետքը աչքերը գոցուեցան, և դառնապէս կ'արտասուէր. յետոյ նորէն բացուեցան, և ուրախութիւնն ու ծիծաղն երեւցան փոխանակ արցունքի. և այս վիճակին մէջ կեցաւ մինչև երեկոյեան ժամերգութիւնը, միշտ գլուխը դրած իւր սիրելւոյն կուրծքին վրայ և ընկղմած երբեմն յուրախութեան և երբեմն տրամութեան մէջ. և կարծես թէ ուրախու-

Թիւնը զտրտմութիւնը կը գերազանցէր: Այս լուիկ զմայլմունքէն ետքը Եղիսաբէթ ազազա կէց աննենդ և սրտաշարժ ձայնով. «Այո՛, տէր իմ, եթէ կ'ուզես ինձի հետ ըլլալ, ես ալ կ'ուզեմ քեզի հետ ըլլալ, և քեզմէ ոչ երբեք բաժնուիլ»: Քիչ մը ետքը երբոր խելքը գլուխն եկաւ, Խզանդրուտա ազաչեց անոր, որ իրեն պատմէ թէ ինչ բանի համար երբեմն կը ծիծաղէր և երբեմն կ'արտասուէր, և ինչ կը նշանակէին այն խօսքերը զոր կ'ըսէր: Եղիսաբէթ միշտ լի խոնարհութեամբ, ջանաց չիմացընել Խզանդրուտայ աստուծոյ ընդունած այն մասնաւոր շնորհքը: Վերջապէս չկարենալով դէմ կենալ անոր, զոր այնչափ սրտանց կը սիրէր, և իւր մտերիմ բարեկամութիւն էր երկար ժամանակէ ի վեր, «Տեսայ, ըսաւ, երկինքը բացուած, և իմ տէրս ամենակարող և ամենագութ Յիսուսը՝ զիս արժանի սեպեց դէպ ի ինձի խոնարհիլ և սիրտիւ զիս այն վշտերէն, որ իմ վրաս հասեր էին. ինձի հետ կարգէ դուրս հեղութեամբ և քաղցրութեամբ խօսեցաւ, և զիս իւր սիրելի քոյրը կոչեց. ցրցուց ինձի իւր սիրելի մայրը Վարիամ, և նաև իւր հաւատարիմ առաքեալը զսուրբն Յովհաննէս, որ իրեն հետն էր: Արբ տեսայ իմ Փրկիչս, հարկ եղաւ որ յայտնեմ ուրախութիւնս և ծիծաղս. երբեմն երեսը ինձմէ կը դարձնէր, իբրև թէ երկինք վերանալու համար, այն ատեն ես կու լայի որ դեռ բաւական արդիւնք չունիմ, որ թոյլ տան ինձի քիչ մ'աւելի երկար ժամանակ զինքը վայելելու: Սակայն զթաց իմ վրաս, և վերջին անգամ մ'այլ իւր երկնային նայուածքը վրաս դար

ձրնելով՝ ըսաւ. Եղիսաբէթ, եթէ կ'ուզես ին-
ծի հետ ըլլալ, ես ալ կ'ուզեմ քեզի հետ ըլ-
լալ, և քեզմէ ոչ երբէք բաժնուիլ: Ես ալ սրա-
տասխանեցի. Ա, յո, այո, տէր իմ, միշտ կ'ուզեմ
քեզի հետ ըլլալ և քեզմէ ոչ երբէք բաժնուիլ,
ոչ երջանկութեան և ոչ ալ դժբաղդութեան
մէջ»: Ա, յն ատենէն ի վեր այս աստուածային
խօսքերը՝ իւր սրտին մէջ դրոշմեցան ճշմարիտ
բոցի պէս, և երկնային պայծառութեամբ կը
լուսաւորէին: Ա, յս նուիրական դաշինքին մէջ,
և այս մտերիմ և սիրելի միութեանս ընդ Յի-
սուսի, աստուած խաղաղութեան և հայր աղ-
քատաց և թշուառաց, կըցաւ տեսնել Եղիսա-
բէթ իբրև վախճան իւր այրիութեան և իբրև
հաստատուն և աննենդ նշանաբան մը իր անմահ
փեսային հետ:

Սակայն այս առաջին անգամ չէր որ աս-
տուածային փեսայն յայտնեց իրեն գթալիր
կերպով իւր մտադիր և արթուն խնամքը: Սը
մը երբ սաստիկ կը չարչարուէր իր հալածողնե-
րէն, իւր սիրտը՝ որ այնչափ համբերող էր, այն-
պէս վերջի աստիճանի տակն ու վրայ եղաւ՝ որ
աղօթքէն դուրս ուրիշ տեղ մը չգտաւ ապաւի-
նութեան. դքսուհին եռանդեամբ սկսաւ աղօ-
թել առ աստուած յորդահոս արցունք թափե-
լով անոնց համար որ զինքը կը նախատէին և
կը չարչարէին. աղաչելով զաստուած որ իւրա-
քանչիւրոց մէյմէկ բարութիւն շնորհէ փոխա-
նակ անոնցմէ ընդունած նախատանաքը: Երբ
յոգնեցաւ աղօթք ընելէն, ձայն մը լսեց որ ի-
րեն այս խօսքերը կ'ըսէր. «Ա, յս օրուան ըրած
խնդրուածքդ ինծի շատ հաճելի եղան, և մը-

տան մինչև սրտիս խորը. անոր համար կը ներեմ բոլոր քու մեղքերդ՝ որ ըրած էս բովանդակ կենացդ մէջ» . և սոյն ձայնը բոլոր իւր մեղացը թիւը ցուցնելով՝ ըսաւ . « Կը ներեմ քեզի այս և այն մեղքը » : Եղիսաբեթ զարմացած աղաղակեց . « Ո՞վ էս որ ինծի հետ այսպէս կը խօսիս » : Արուհնոյն ձայնը պատասխանեց . « Ես անիկայ եմ որուն առջևը Մարիամ Մագդաղենացին ծնական վրայ ինկաւ Սիմոն բորոտին տունը » : Քիչ մը ետքը երբ կը գանգատէր որ իր քովը չունէր իւր սովորական խոստովանահայրը , աստուած իրեն խոստովանահայր դրաւ այն սուրբը՝ որ իւր մանկութեան ժամանակէն ի վեր նա խամբածար սեպեր և միշտ անչափ եռանդեամբ սիրէր էր , զսուրբն Յովհաննէս աւետարանիչ : Երեցաւ իրեն սիրոյ առաքեալը , և Եղիսաբեթ խոստովանեցաւ անոր աւելի տեղն ի տեղը իւր մեղքերը այնպիսի մեծ զղջումով՝ որ երբէք չէր իմացեր քահանայի մը խոստովանած ժամանակը : Առաքեալը Եղիսաբեթին ապաշխարանք մը դրաւ , և այնչափ ազդու և փափուկ խրատներ տուաւ , որ իրեն բնական ցաւերը մեղմացան , ինչպէս նաև հողւոյն վերքերն ալ :

Եղիսաբեթ շատ անգամ եռանդուն մտածութիւններու մէջ կ'իյնար , և մինչև Քրիստոսի ցաւալից չարչարանաց դոյզն պարագայիցը մէջ կը թափանցէր : Կնչպէս անգամ մը , երբոր եռանդեամբ աղօթք կը մատուցանէր , տեսաւ մտքովն իւր առջևը սպիտակ և լուսափայլ ձեռք մը երկնցած , բայց կարգէ դուրս նիհար , մատերը տարածած և ափուն մէջ խոր սպի մը . այս վերջին նշանով ճանցաւ որ Քրիս-

տութի ձեռքն էր այն, և զարմացաւ այնչափ նի-
 հարանալուն վրայ: Քրիստոս ալ անմիջապէս
 պատասխանեց. «Ասան զի բոլոր գիշերը յողնե-
 ցայ հսկելէն և աղօթելէն, ցորեկն ալ ձամ-
 բորդութիւն ընելէն քաղաքաց և գիւղից մէջ,
 աստուծոյ արքայութիւնը քարոզելու»: Տեսաւ
 դարձեալ Եղիսաբեթ Քրիստոսի կողէն բխած
 թանձր և պղտոր արիւնը, և զարմացաւ անոր
 ջրոտ և մաքուր չըլլալուն. նոյն ձայնը իրեն պա-
 տասխանեց, որ այս բանս աստուածային անդա-
 մոց խորտակուելուն նշանն էր, և այն դժնդակ
 ցաւերուն՝ որոնք որդին աստուծոյ կրեց երբ
 գամեցին իւր մարմինը խաչափայտին վրայ:

Բոլոր այս հրաշալի տեսիլները՝ կը բորբոքէին
 Եղիսաբեթին զգայուն սրտին մէջ՝ կարգէ դուրս
 ցաւ մը իւր մեղացը համար, զորոնք քաւելու
 համար այնչափ չարչարանք քաշեր էր Քրիս-
 տոս: Օր մը երբոր Եղիսաբեթ այս բանիս հա-
 մար կու լար, յանկարծ իւր երկնային մխիթա-
 րիչն ինքնին Քրիստոս երեցաւ իրեն և այս խօս-
 քերս ըսաւ. «Ինքզինքդ մի չարչարեր, սիրելի
 օրիորդ, վասն զի բոլոր մեղքերդ քաւեալ են.
 Ես փոխանակ քեզի, ես պատուհաս կրեցի բո-
 լոր անդամներովս՝ որոնցմով կրցար քու արա-
 ըիչդ անարգել ու վիրաւորել: Գիտցիր որ ազատ
 ես դու ամեն մեղքէ»: «Եթէ այնչափ սուրբ եմ
 և մաքուր, պատասխանեց այն ատեն Եղիսա-
 բեթ, ուրեմն ի՞նչ բանի համար չեմ դադրիր
 զքեզ նախատելէն»: Առջի ձայնը նորէն իրեն
 պատասխանեց. «Զքեզ այն աստիճանի սուրբ և
 մաքուր չեմ ըրած որ ալ չկարենաս մեղանջել
 ինձի դէմ. բայց պարզւեցի քեզի շնորհք այն-

չափ զիս սիրելու՝ որ աւելի յանձն առնուա մեռնիլ՝ քան թէ մեղանչել» :

Սահայն Եղիսաբեթի խոնարհ և փափուկ սիրտը չէ թէ կը ճխար իրեն պարզեա՞ծ այս առանձին շնորհքներու համար, այլ կարծես թէ ընդ հակառակն առիթ կ'առնուր իրեն զանոնք՝ ինքզինքն ալ աւելի արհամարհելու, իւր զօրութեանը վրայ չվտահանալու, և բանի մը տեղ չդնելու իր անձը: Երբ ոտքի տակ կ'առնուր ամեն արտաքին փորձութիւններն և անթիւ հաւածանքները, խաղաղ ու հանդարտ կը գանկը սիրտը, և ան ատեն ուրախութենէն կ'սկսէր արտասուել: Բայց աստուած՝ որուն բոլորովին յանձներ էր իւր հոգին և սիրտը, և որ կը հրահէր միշտ այս գանձին վրայ, և կարծես թէ կ'ուզէր ճաշակել տալ իրեն այս ամեն մխիթարութիւններս, որ միայն իւր սիրելի որդւոց համար են, յանձնեց աստուածածնայ որ գայ ու բռնեց իր հարսը՝ որ բոլորովին հիւանդ և յուսահատութեան մէջ կը տազնայէր: Երկնից թագուհին այն ժամանակէն ի վեր միջնորդ եղաւ ամենայն շնորհաց և լուսոյ, որ իւր աստուածային որդին ուզեց տարածել այն հարսին վրայ, որուն նուիրուած էր օրօրոցէն: Այսին Մարիամ Եղիսաբեթին հետ ամենաձիշդ նոյն պակաս վարուեցաւ՝ ինչպէս որ վարուէր էր սրբութի Պրիճիտայի և ուրիշ հռչակաւոր սրբուհեաց հետ: Շատ անգամ սուրբ Այսին երեւցաւ առ Եղիսաբեթ՝ որպէս զի հրահանգէ, լուսաւորէ և զօրացընէ զնա աստուծոյ ճամբուն մէջ: Անիկայ՝ զոր եկեղեցին կ'անուանէ միշտ Մայր, Տիրամայր, Առաջնորդ և Տիրութի ամենայն

մարդկան, անարժան չէր սեպեր իրեն՝ առաջ-
նորդելու իւր որդւոյն այն նորահաս և խո-
նարհ բարեկամութեան ամեն մէկ քայլերուն։
Այս տեսիլներու մանրամասն աւանդութիւ-
նը մասնաւոր ժողովուած է Եղիսաբեթի պատ-
մութեան մէջէն, և պահուած է սրբոյն Փրան-
կիսկոսի կարգին ժամանակագրութեանը մէջ։
Այս սքանչելի յիշատակարաններէն կը տես-
նենք զարմանքով թէ ինչպիսի քաղցր ընտանու-
թեամբ և մայրական խնամօք հաղորդ կ'ըլլար
Մարիամ Եղիսաբեթի ամենայն շարժմանց և
ամենայն տաղնապներու որ տակն ու վրայ կ'ը-
նէին իրեն խղճահար և փափուկ սիրտը։ Ուս-
տի անվախ սկսինք մէջ բերել համառօտ կեր-
պով այն սրտաշարժ պատմութիւններն որոնց-
մով անշուշտ կը գրգռուին ամեն ճշմարիտ ուղ-
ղափառ սրտերը։

Անհամեմատ ու ցանկալի բան մըն էր Եղի-
սաբեթի այս երկնայնոց հետ ունեցած վերա-
բերութիւնը։ Օր մը երբ վշտացեալ այրին Ե-
ռանդեամբ և անձկանօք կը խնդրէր իւր սիրե-
լին և չէր կրնար գտնել, յանկարծ միտքը գնաց
Յիսուսի յԱզիպոս փախչելուն պատճառին վը-
րայ մտածելու, և կարգէ գուրս փափաք մը ըզ-
գաց որ սուրբ կրօնաւորէ մը այս նիւթիս վրայ
տեղեկութիւն հարցընէ։ Մէկէն ի մէկ սուրբ
կոյսն իրեն երեցաւ ու այս խօսքերն ըսաւ. «Ե-
թէ կ'ուզես իմ աշակերտս ըլլալ, ես ալ քու
ուսուցիչդ կ'ըլլամ. եթէ ուզէ՛նա՞ս աղախինս ըլ-
լալ, ես քու տիրուհիդ կ'ըլլամ»։ Եղիսաբեթ՝ որ
ինքզինքը երբէք արժանաւոր չէր համարեր այս-
պիսի բարեաց և պատիւներու, պատասխան տը-

լաւ սուրբ կուսին. « Ո՞վ էս դու որ զիս աշակերտ և աղախին կ'ուզես ընդունիլ » : Մարիամ ալ պատասխանեց . « Յիսուսին մայրն եմ, անոր համար քեզի կ'ըսեմ, որ եթէ տեղեկութիւն կ'ուզես մէկէ մը այս նիւթիս վրայօք՝ գիտցիր որ ինձմէ լաւ ուսուցիչ մը չես կրնար գտնել » : Այս խօսքերուս Եղիսաբեթ՝ ձեռքերն ամբողջութեամբ երկնցուց առ մայրն գթութեան, որ իւր ձեռացը մէջ գդուելով՝ ըսաւ . « Եթէ կ'ուզես իմ դուստրս ըլլալ, էս ալ քու մայրդ կ'ըլլամ. և երբ լաւ հրահանգուած ու հնազանդ ըլլաս՝ իբրև բարի աշակերտ, հաւատարիմ աղախին և անձնանուէր դուստր, այն ատեն զքեզ իմ որդւոյս կը յանձնեմ : Նայէ՛ որ ետ կենաս ամենայն վիճաբանութիւններէ, և ականջդ դոցես ամենայն նախատանաց, որոնցմով զքեզ կը նախատեն . յիշէ՛ որ իմ որդիս յԵգիպտոս փախաւ, որպէս զի Հերովդեսին թշնամութենէն և չարութենէն ազատի » :

Սակայն այսպիսի կարգէ դուրս սէր մը, բաւական չեղաւ կատարեալ կերպով հանդարտեցընել զԵղիսաբեթ . ինքն իրեն վրայ ունեցած վտահութիւնը ալ աւելի շատցաւ . բայց գթած մայրը՝ որ զինքը այնպիսի մեծ սիրով իրեն որդեգրեր էր, մէյմըն ալ զինքը պիտի չթողուր : Սրբուհոյն Ակադայի տօնախմբութեան օրը (ձիւտրուար) երբ Եղիսաբեթ դառնապէս կ'արտասուէր իւր անհնազանդութեանը վրայ (որովհետև իր աստուածային ուսուցչին խրատները պէտք եղածին պէս մտիկ չէր ըրած), այն քաղցր միտիթարիչը յանկարծ քովը գտնուեցաւ ու ըսաւ . « Ո՛հ, դուստր իմ, ինչո՞ւ համար այս-

պիտի բուռն վշտօք կը շարձարուիս. զքեզ անոր համար ինձի որդեգիր չըրի, որ ալ աւելի շատնան քու շարձարանքներդ. իմ պատուիրաններս զգուշութեամբ չպահէրուդ համար այսչափ մի յուսահատիր. ես արդէն առաջուց գիտէի որ պիտի պակասիս. անգամ մը զրուցէ հրեշտակային ողջոյնատուութիւնը և կատարելապէս քու մեղքերդ կը քաւուին» : Քիչ մը ժամանակէն ետքը, սրբուհւոյն Աղոյաատիկայի տօնախրմբութեան օրը (10 փետրուար), երբոր Աղոյաբեթ սաստիկ կերպով և հառաչանօք կ'արտասուէր, իւր անխոնջ սիրտիչը իրեն եկաւ, հետը ունենալով նաև զսուրբն Յովհաննէս աւետարանիչ, որ սրբուհւոյն Աղոյաբեթի մանկութեանը մասնաւոր բարեկամ և պաշտպանն էր. «Զիս ընտրեցիր, ըսաւ Մարիամ Աղոյաբեթին, ուսուցիչ և մայր, և ինքզինքդ ինձի յանձնեցիր. բայց կ'ուզեմ որ քու կողմանէդ ըրած ընտրութիւնդ հրապարակաւ հաստատուի. և ահա անոր համար ինձի հետ բերի զսուրբն Յովհաննէս իմ սիրական աշակերտս» : Աղոյաբեթ նորէն ձեռքերն ամփոփելով՝ դրաւ երկնից Թագուհւոյն ձեռացը մէջ, ինչպէս ծառայ մը իւր տիրոջը կ'ընէ, և անոր այս խօսքերս ըսաւ. «Ինչպէս որ կ'ուզես անանկ ըրէ, տիկին և տիրուհի. վասն զի քու աղախինդ եմ ես» : Յետոյ այս ըրած ուխտը երդմամբ ալ հաստատեց. և զոր առաջ անձամբ միայն ըրած էր, հիմա սուրբն Յովհաննէս նոյն դաշնագրութիւնը գրի վրայ առաւ :

Քիչեր մը երբ Աղոյաբեթ հրեշտակային ողջոյնը կ'ըսէր, աստուածածին որ մտիկ կ'ընէր

անուշութեամբ այս օրհնած աղօթքին՝ երևցաւ իրեն, և ուրիշ խօսքերէն զատ՝ հետևեալ խօսքերս ալ իրեն ըսաւ. «Ա՛ռ զեմ սորվեցընել քեզի այն ամեն աղօթքները զոր ես կ'ըսէի տաճարին մէջ եղած ժամանակս. ամեն բանէ աւելի աստուծմէ կը խնդրէի որ զինքը սիրեմ, և թշնամիքս ատեմ: վասն զի այս առաքինութեամբս է որ տեսակ տեսակ շնորհքներ կ'իջնան մարդուս հոգւոյն վրայ. սակայն իջնալէն վերջը հոն չեն կենար, այլ ջուրի պէս կը վազեն կ'երթան, եթէ հոգին չատէ իւր թշնամիքը, որ են մեղք և կիբք: Ուստի ո՛վ որ այս երկնաւոր շնորհքը ընդուներ է, պէտք է որ գիտնայ այս սիրոյս գործադրութիւնը, և ունենայ ատելութիւն իրեն թշնամեաց դէմ: Ա՛ռ զեմ որ ինչ որ ես կ'ընէի՝ դուն ալ զնոյնը ընես, կը շարունակէր սուրբ Աոյսն Եղիսաբէթին. կ'եղնէի ամեն կէս գիշեր ու կ'երթայի խորաններուն առջև երկրպագութիւն ընելու, և աստուծմէ կը խնդրէի որ իւր օրինաց ամեն մէկ պատուիրաններն զգուշութեամբ կատարեմ. և պարզեւէ ինծի այն շնորհքը, որ պէտք էր իրեն հաճոյ ըլլալու համար. մանաւանդ կը խնդրէի՝ տեսնել այն ժամանակը յորում պիտի երևէր այն սուրբ Աոյսը, ուսկից աստուծոյ որդին պիտի ծնանէր. որպէս զի կարենամ ինքզինքս անոր նուիրել, զանիկայ պատուելու և իրեն ծառայելու համար»: Եղիսաբէթ ընդհատեց անոր այս խօսքը ու ըսաւ. «Ո՛վ քաղցր տիրուհի, միթէ արդէն առաքինութեամբ և շնորհքով լըցուած չե՞իր»: Սուրբ Աոյսն իրեն պատասխանեց. «Ապահով եղիր որ ինքզինքս այնչափ մեղաւոր

և խեղճ կը սեպէի՝ ինչպէս որ դու ինքզինքդ կը
համարիս . անոր համար կը խնդրէի աստուծոյ
որ իւր շնորհքը ինծի սարգէլէ » :

« Աստուած , վրայ բերաւ սուրբ Աոյսը , ինծի
նոյնը կ'ընէր ինչ որ երաժիշտը կ'ընէ իւր քնա-
րին լարերը կարգի դնելով , որպէս զի ակնջի
հաճոյական հնչէն և ներդաշնակ ըլլան : Այս-
պէս աստուած անուշոցուցեր էր իւր բարի յօ-
ժարութեամբը սիրտս , հոգիս , միտքս և ամեն
մէկ զգայարանքներս : Այսպէս կարգաւորուած
իւր իմաստութեամբը շատ անգամ հրեշտակ-
ներէն մինչև աստուծոյ գիրկը կը տարուէի , և
հոն այնչափ ուրախութիւն , քաղցրութիւն և
մխիթարութիւն կը գտնէի՝ որ և ոչ մտքէս կ'ան-
ցնէի աշխարհիս վրայ ապրած ըլլալս . այնչափ
ընտանի էի աստուծոյ և հրեշտակաց հետ՝ որ
կը փափաքէի միշտ և յաւիտեան այս փառաւոր
արբունեաց մէջ կենալ . յետոյ երբ հաճոյ կ'ըլ-
լար հօր աստուծոյ՝ հրեշտակները զիս դարձեալ
կը բերէին նոյն տեղը՝ ուր առաջ աղօթքի կե-
ցեր էի : Երբ երկրիս վրայ կը գտնուէի , և կը
յիշէի թէ քիչ մը առաջ ուր գնացեր էի , այս
յիշատակն այնպէս զիս աստուածային սիրով
մը կը բորբոքէր՝ որ երկիրը կը պագնէի , քա-
րերը , ծառերը , և ամեն արարածները՝ սարգ
զիրենք ստեղծողին վրայ ունեցած սիրովս , և կը
փափաքէի աղախին ըլլալ ամենայն սուրբ կա-
նանց՝ որ տաճարը կը բնակէին . կը բաղձայի հը-
պատակ ըլլալ ամենայն արարածոց՝ գերագոյն
աստուծոյ սիրոյն համար , և այս ինծի սովորա-
կան բան մը դարձեր էր . կ'ուզեմ որ դուն ալ
նոյնը ընես . սակայն դուն ինքզինքդ անհանգիստ

կ'ընես ըսելով. ինչո՞ւ այսպիսի չնորհքներ կը տրուին ինձի, երբ ես անարժան եմ զանոնք ընդունելու. ու այսպէս ըսելով յուսահատութեան մէջ կը ձգես ինքզինքդ, և կը սկսիս թերահաւատիլ նաև աստուածային բարերարութեանցը վրայ: Զգուշացիր այսպիսի խօսակցութիւններէ. վասն զի աստուծոյ շատ անհաճոյ են: Վերջապէս, ըսաւ աստուածային ուսուցիչը խօսքը լմնցընելով, քեզի եկայ մասնաւոր չնորհքով և այս գիշերուան համար քեզի տըրուեցայ. հարցուր ամենայն վստահութեամբ, և ամեն բանիդ պիտի պատասխանեմ»: Աղիսաբեթնայի չհամարձակեցաւ սուրբ Աուսին հարցմունք մ'ընելու. իսկ Մարիամ կրկին անգամ վրայ տուաւ Աղիսաբեթին. այն ալ համարձակելով այս հարցմունքն ըրաւ. «Ուրեմն ըսէ ինձի տիրուհի, ի՞նչ բանի համար այնչափ սաստիկ փափաք ունէիր այն կոյսը տեսնելու՝ որ պիտի ծնա նէր զորդին աստուծոյ»: Մն ատեն, սուրբ Այսր պատմեց իրեն թէ ի՞նչպէս փափաքելով միութարուիլ չնորհաց կերպ կերպ ներգործութիւններովը՝ մարգարէից գրքերը կարդացեր ու այս փափաքն սրտին մէջ ծագեր էր. և ի՞նչպէս որոշեր էր մտքին մէջ իր կուսութիւնը աստուծոյ նուիրելու, որպէս զի աւելի արժանի ըլլայ այն նախասահմանեալ կուսին ծառայելու. և թէ ի՞նչպէս աստուած յայտներ էր իրեն որ այս կոյսը ինքն է և ոչ ուրիշ մէկ մը:

Քիչ մը ետքը երբոր Աղիսաբեթ եռանդեամբ աղօթք կ'ընէր, իւր գորովալից մայրն իրեն երևցաւ միւսանգամ և այս խօսքերն ըսաւ. «Ի՞նչ կը կարծես որ ես այս ամենայն չնորհաց առանց

աշխատանքի՞ արժանի եղայ, չէ՞, դուստր իմ, այնպէս չէ: Յիրաւի կ'ըսեմ որ առանց աշխատանաց, առանց անդադար աղօթից, և առանց աղաչանաց, չնորհք մ'ալ չընդունեցայ. այլ սաստիկ փափաքով, խորունկ ջերմեռանդութեամբ, և շատ արցունքով ու փորձութիւններով: Ապահով եղիւր որ չնորհքն ուրիշ կերպով չիջնար հոգւոյն վրայ, բայց միայն աղօթքով և մարմնոյ մահացուցմամբ: Արբոր աստուծոյ կը նուիրենք ինչ որ անձամբ կրնանք ընել, որչափ ալ քիչ ըլլայ այն՝ ինքն աստուած կը խոնարհի մեր հոգւոյն մէջ գալ, հետք բերելով իւր գերազոյն պարգևները, որ կերպով մը հոգին կը տկարացրնեն, և մտքէն կը հանեն ինչ որ երբեմն աստուծոյ հաճոյական բան մը ըրեր է. որով աւելի անարգ և աւելի արհամարհ կ'ըլլայ իւր աչքին առջև այն ըրածը: Հապա այն ատեն հոգին ինչ պիտի ընէ արդեօք. ուրիշ բան չէ՞ բայց եթէ ջերմեռանդութեամբ աստուծոյ շնորհակալ ըլլայ՝ անոր պարգևած շնորհացը համար. երբ աստուած կը տեսնէ որ հոգին կը խոնարհի և իրեն շնորհակալ կ'ըլլայ, այնչափ գերազոյն խոստամունքներ կ'ընէ անոր, որ կերպով մը հոգւոյն ամեն ծածուկ փափաքներէն աւելի կը բարձրանան: Այս ճամբան բռնեց աստուած նաև ինձի հետ՝ երբ զրկեց իւր Պաբրիէլ հրեշտակապետը. ես այն ատենը ինչ ըրի. ծնկան վրայ եկայ, ձեռքերս ամփոփեցի ու իրեն ըսի. « Ահաւասիկ կամ աղախին տեառն, եղիցի ինձ ըստ բռնի քում »: Աստուած ալ ան ատեն տրւաւ ինձի իւր որդին և Հոգւոյն սրբոյ եօթը պարգևները. գիտէս ինչ բանի համար. վասն

զի իրեն հաւատացի և իւր առջևը խոնարհեցայ: Այս բաները կ'ըսեմ քեզի, դուստր իմ, որովհետև կ'ուզեմ հաւատոյ և յուսոյ դէմ ունեցած յանցանքներէդ մաքրել զքեզ: Երբոր աստուած քեզի բան մը խոստանայ՝ դուն ալ ինծի պէս ըսէ. Ահաւասիկ եմ աղախինդ, և այլն. և հաստատուն հաւատքով այս խոստմունքին սպասէ՝ մինչև որ կատարուի. իսկ եթէ չկատարուիր, մտածէ թէ արդեօք աստուծոյ դէմ յանցանք մը ըրեր ես, որով նաև անարժան դատուեր ես քեզի խոստացեալ պարգևացը»:

Մենդեան խթման իրիկունը, Աղիսաբեթ աստուծոյ կ'աղաչէր որ պարգևէ իրեն շնորհք զինքը բոլորով սրտիւ սիրելու: Սուրբ Աոյսը նորէն երևեցաւ Աղիսաբեթի և այս հարցմունքս ըրաւ. «Ո՞վ զաստուած կը սիրէ, դու արդեօք կը սիրէս զնա»: Խոնարհ Աղիսաբեթն ոչ համար ձակեցաւ այո՛ ըսելու, և ոչ ալ կրցաւ ուրանալու. և երբ այսպէս լուռ կեցեր էր, Մարիամ առաջ տարաւ խօսքը. «Ա՛յնքէն որ ըսեմ քեզի թէ ո՞վ սիրեց զնա, երանելին Բարթողիմէոս, երանելին Յովհաննէս և երանելին Ադրէնցիոս սիրեցին զանիկայ. կ'ուզես դուն ալ որ անոնց պէս մեռնիս նահատակութեամբ և ողջ ողջ այրուիս»: Աղիսաբեթ դեռ լուռ կը կենար, իսկ Մարիամ նորէն վրայ բերաւ. «Յիրաւի կ'ըսեմ քեզի, եթէ յանձն կ'առնուս մերկանալ այն ամեն բանէն որ քեզի սիրական է, պատուական և հաճոյ, և նոյն իսկ քու յատուկ կամքէդ, ես քեզի համար ալ կ'ընդունիմ նոյն արգիւնքը՝ ինչ որ ունեցաւ Բարթողիմէոս երբոր իւր մորթը հանեցին վրայէն: Եթէ դու համբերու-

թեամբ դիմացինիդ նախատինքները կը կրես, գիտցած ըլլաս որ նոյն արդիւնքը պիտի ունենաս դուն ալ ինչ որ ունեցաւ Լորենցիոս երբոր այրեցին զինքը. եթէ չես բարկանար ու նեղանար զքեզ արհամարհողաց և նախատողաց՝ նոյն արդիւնքը պիտի ունենաս՝ ինչ որ Յովհաննէս ունեցաւ երբ զինքը թունաւորեցին. ես ալ հոն ներկայ պիտի գտնուիմ քեզի օգնելու և զօրացընելու» : Օր մը երբ Եղիսաբէթ սուրբ Կուսին տաճարին մէջ ըրած աղօթիցը վրայ կը մըտածէր ու ինքն իւր անձին կը հարցընէր թէ ի՞նչ բանի համար այս անարատ հոգին չնորհք կը խնդրէր յաստուծոյ, որ լի էր չնորհօք, Մարիամ միւսանգամ երևեցաւ, և իրեն պատասխանեց կարգէ դուրս քաղցրութեամբ և ընտանութեամբ. «Աղօթք ըրի, ըսաւ, այն մարդուն պէս՝ որ կ'ուզէ գեղեցիկ աղբիւր մը կառուցանել : Կ'երթայ լերան ստորօտը, և խնամքով կը քննէ այն տեղերն ուսկից առաջ կու գան ջրոց ահունքը, կը փորէ մինչև որ զանոնք գտնէ. և գտնելուն պէս դէպ ի այն կողմը կը դարձնէ զանոնք՝ ուր կ'ուզէ կառուցանել իւր աղբիւրը. կը զարդարէ ու կը մաքրէ այն տեղը, որպէս զի ջուրը մաքուր և պայծառ մնայ. պատմ'այլ կը քաշէ իւր աղբիւրին չորս կողմը և սին մը կը անկէ, և բոլորտիքը առուներ բանալ կու տայ, ուսկից ջուրը կարենայ առատութեամբ վազել ամենուն մխիթարութեանը համար : Ես ալ ահա նոյնը ըրի. գնացի լերան ստորօտը, և երբոր սկսայ օրէնքներն ընթեռնուլ՝ գտայ ահունքն, երբ ընթերցումն և աղօթքն ինձի յայտնեցին՝ թէ աղբիւր ամենայն բարեաց է սիրել զաս-

տուած բողոքով սրտիւ։ Տեղը պատրաստեցի՝
 երբոր սիրելու փափաքն ունեցայ, ինչ որ ինքը
 կը սիրէր. ուզեցի որ ջուրը պայծառ և մաքուր
 ըլլայ՝ երբ որոշեցի ատել մեղքը և փախչիլ ան-
 կէ։ Նըջակայքը պատով ամրացուցի, երբոր ան-
 բաժանելի կերպով խոնարհութիւնը, համբե-
 րութիւնն ու հեղութիւնը միացուցի մէկմէկու
 հետ սիրոյ կրակով մը, և զանոնք այս կերպովս
 մինչև ի մահ պահեցի։ Սիւնը բարձրացուցի
 ու բացի ջրոյ ձամբաները երբ ընդհանուր ա-
 պաստանարան մ'եղայ. որովհետև միշտ պատ-
 րաստ եմ հեղուլ երկնային շնորհք առատու-
 թեամբ անոնց ամենուն վրայ որ ինծի կը դի-
 մեն։ Սուրբ Այոսը խօսքը վերջացրնելով՝ ըսաւ
 առ Եղիսաբեթ. ահա յայտնեցի քեզի, սիրելի
 դուստր իմ, այն ամեն աղօթքները զոր կ'ընէի.
 որպէս զի սորվիս իմ օրինակովս վստահութեամբ
 և խոնարհութեամբ խնդրելու յաստուծոյ ինչ
 որ կ'ուզես։ Գիտես թէ ինչ բանի համար ա-
 ռաքինութիւնները մարդկանց հաւասարապէս
 բաշխուած չեն, վասն զի ոմանք ոչ խոնարհու-
 թեամբ անոր խնդրելու կերպը գիտեն, և ոչ
 ալ զգուշութեամբ պահելու ուրիշներուն պէս.
 անոր համար կ'ուզէ աստուած որ առաքինու-
 թիւն չունեցողը՝ ունեցողէն առնէ։ Ես ալ կ'ու-
 զեմ որ դու եռանդեամբ և ջերմեռանդու-
 թեամբ աղօթես թէ՛ քու և թէ՛ ուրիշներուն
 փրկութեանը համար»։

Այս անուշ և սրտաշարժ խօսակցութիւն-
 ներէս քանի մ' օր անցնելէն ետքը, Եղիսա-
 բեթ սքանչելի գերեզման մը տեսաւ այլ և
 այլ ծաղկրներով զարդարուած, ուսկից իւր

աստուածային մխիթարիչն յերկինս կը բարձրա-
 նար անթիւ հրեշտակներով շրջապատեալ, որ
 իւր որդւոյն գիրկը կը տանելին զնա. հրեշտակ
 մ'եկաւ իրեն բացատրեց վերափոխման տեսիլ-
 քը որ իրեն համար երկնային պարգև մը պիտի
 ըլլար, զինքը զօրացնելու իւր երկար թշուա-
 ռութեանը մէջ. և միանգամայն փառաց քաղցր
 գրաւական մը զոր աստուած իրեն համար պա-
 հեր էր, ինչպէս Մարիամու, եթէ հնազանդ և
 հաւատարիմ մնալու ըլլար մինչև ետքը իրեն
 կամացը: Քրիստոսի խոնարհ աղախինը աս ա-
 մեն հրաշալիքը պատմելով, կ'ըսէր որ տեսեր և
 լսեր էր զանոնք այնպէս պայծառ և ճշմարիտ
 կերպով որ մինչև յանձն կ'առնուր աւելի մեռ-
 նիլ՝ քան թէ անոնց ստուգութիւնն ուրանալ:
 Ահա այս կերպով աստուած կը հատուցանէր
 իւր հաւատարիմ աղախնոյն վարձքը. Քրիստոս
 եղաւ այն մենակեաց և խեղճ՝ այրւոյն փեսայ,
 այն նորապսակ հարսին որ բոլորովին խռովեալ
 և յուսահատեալ էր. և որուն տիրուհի և մայր
 պարգևեց զանիկայ՝ որ է միանգամայն մայր ցա-
 ւոց և մխիթարութեանց, այն հոգւոյն՝ որ կո-
 բուսեր էր երկրաւոր ամեն հարստութիւնները,
 որպէս զի գտնէ երկնային անդին գանձերը:

ԺԹ

Ինչպէս բարերարն Յիսուս մխիթարեց զսրբուհին Եղիսաբեթ իւր հիգուծեանը և ամենէն երեսէ ձգուած ատենը. և ինչպէս ամենասիրելի կոյսն Մարիամ եկաւ զօրացնելու զԵղիսաբեթ.

Այնչափ նեղութեանց մէջ Եղիսաբեթ և ոչ մէկ վայրկեան մը մոռցաւ որ աստուած է իրեն այս ամենայն չարչարանք զրկողը, և ոչ երբէք գանգատեցաւ. այլ մանաւանդ ընդ հակառակն բոլորովին ինքզինքը աղօթքի և բարեպաշտ կրթութութեանց տուած, որոնք եկեղեցին կ'ընծայէ մայրական առատաձեռնութեամբ վշտացեալ հոգւոց, անդադար զաստուած կը փնտրուէր, զոր շուտով ալ գտաւ: Ինքը Քրիստոս եկաւ անոր հայրական գթութեամբ, որպէս զի անանց մխիթարութեանց հետ փոխանակէ այն վիշտերը զորոնք այնչափ ուրախութեամբ ընդունէր էր: Անիկայ որ խոստացաւ իր ընտրելոցը թէ

ուստի մէկէն ի մէկ հաւատարիմ պատգամա-
 ւորներ զրկեց երկու կառքով, որպէս զի եղբօր
 դուստրն և անոր տղաքը գտնեն ու վանք բե-
 րեն: Եղիսաբեթ սաստիկ ուրախացաւ այս բա-
 նիս համար, վասն զի նորէն պիտի միանար իր
 տղոցը հետ, զորոնք այնչափ եռանդեամբ կը սի-
 րէր. ուստի հօրաքրոջը հրակերքն ընդունեցաւ,
 որուն անշուշտ հալածիչքը չկրցան հակառա-
 կիլ. և արբայարանը երթալու համար ճամբայ
 ելաւ, ընդարձակ լեռներէն և անտառներէն
 անցնելով, որոնք կը բաժնէին Գուրինկիան ի
 Փրանգոնիոյ. վերջապէս վանքը հասաւ որ Մայն
 գետին վրան էր: Աբբասուհին մայրական գը-
 թութեամբ և առատ արցունքով ընդունեցաւ
 զԵղիսաբեթ, և անոր աստիճանին յարմար բը-
 նակարան մը ցրցուց, և ջանաց մոռցրնել տալ ա-
 նոր հոգւոյ և մարմնոյ այն դժնդակ ցաւերը՝ զոր
 կրէր էր: Սակայն Եղիսաբեթ ինքզինքը վանա-
 կան կենաց սովորութեանցը վարժեցրնելէն
 զատ ուրիշ աւելի քաղցր մխիթարութիւն մը
 չէր գտներ. անոր համար շատ անգամ իր սրբ-
 տին ցաւը կը յայտնէր որ իւր տղոցը խնամքը
 կ'արգելուին զինքը վանական կանոնաց հնա-
 զանդեղէն իբրև պարզ հաւատաւոր մը: Սակայն
 էժպեր, Պամպերկի իշխանազուն եպիսկոպոսը՝
 Մաթիլտէ արբասուհւոյն եղբայրը, խմանալով
 Եղիսաբեթին թշուառութիւններն ու վանք
 հասնիլը, կարծեց թէ անոր վանքին մէջ եր-
 կար ատեն կենալը լաւ չէր յարմարեր ոչ իւր
 վիճակին, և ոչ ալ վանական սովորութեանցը.
 ուստի հրաւիրեց զնա որ իւր երկիրը գայ: Եղի-
 սաբեթ հնազանդեցաւ եպիսկոպոսին, թերև

քիչ մը տժգոհութեամբ. իւր հօրաբրոջ խնամոցը յանձնելով իր Սոփիա երկրորդ դուստրը, որ հազիւ թէ երկու տարուան էր, և որ յետոյ նոյն վանքին մէջ հաւատաւոր եղաւ, որ մանկութեանը օրօրոցն եղած էր: Ապիսկոպոսն այնպիսի ընդունելութիւն մը ըրաւ իւր եղբօր աղջկանը՝ որով յայտնի տեսաւ Աղիսաբէթ անոր իր վրայ ունեցած սիրոյն մեծութիւնը: Առաջարկեց զրկել զինքը ի Հունգարիա իւր թաղաւոր հօրը. բայց մերժեց, անտարակոյս իւր Աերդրուտա մօրը մահուանը տխուր յիշատակին պատճառաւ: Այն ատեն Աղիսաբէթին իբրև բնակարան Պողենստենի բերդը տուաւ, իւր աստիճանին յարմար զարդարուած տնով մը. որ ուզածին պէս պիտի կառավարէր. հոն գնաց Աղիսաբէթ իւր տղոցմով ու աղախիններովը, որ էին Խղանդրուտա և Աիւտա, որ Աղիսաբէթին ամեն վշտացը ազնուական վեհանձնութեամբ մասնակից եղեր էին. այն հանգարտ բնակութեան մէջ՝ սկսան ցորեկ և գիշեր իրենց բարեպաշտական կրթութիւնները շարունակելը: Սակայն տեսնելով եպիսկոպոսը որ դքսուհին դեռ խիստ երիտասարդ էր, (քսան տարուան), և միանգամայն խիստ գեղեցիկ, Պօղոս առաքելոյն պատուէրը յիշելով, մտածեց կրկին ամուսնացընել զԱղիսաբէթ: Մէկ քանի հեղինակաց խօսքին համեմատ՝ յոյս ունէր Փրեդերիկոս Բ կայսեր զանիկայ հարս տալ, որ իւր երկրորդ կինը կորսնցուցեր էր: Ինքը կայսրն ալ ըստ ժամանակակից պատմի մը, կարգէ դուրս փափաք ունէր զԱղիսաբէթ իրեն հարս առնելու:

Ապիսկոպոսը գնաց առ Աղիսաբէթ, և իւր

մտածութիւնը անոր հաղորդեց. «Ա՛ռ զեմ, ըսաւ. զքեզ ամուսնացընել իշխանի մը հետ՝ որ քու հանդուցեալ ամուսինեդ շատ աւելի հոչակաւոր և զօրաւոր է» : Եղիսաբեթ քաղցրութեամբ պատասխանեց Եպիսկոպոսին որ իրեն աւելի հաճելի էր այնպէս մինակ կենալ, և իւր մնացեալ բովանդակ կենացը մէջ աստուծոյ զատ ուրիշ ընկեր մը չունենալ : Եպիսկոպոսը շատ ջանաց համոզելու զԵղիսաբեթ, ըսելով իրեն որ դեռ երիտասարդ ըլլալով՝ իրեն այսպիսի կեանք մը չյարմարիր. յիշեցուց դարձեալ այն հալածանքները զոր կրած էր. և թէ կարելի էր որ իւր մահունէն ետքը կրկին այն հալածանքները նորոգուէին : Վասն զի թէպէտ և որոշած էր անոր ժառանգութիւն թողլու Պողենս տենի բերդն իւր շրջակայ գիւղերովը, սակայն չէր կրնար ինքն իր մեռնելէն ետքը պաշտպանել զնա ամենայն տեսակ չարութեանց դէմ : Բայց Եղիսաբեթ ամենևին չհամոզուեցաւ, և այսպէս պատասխան տուաւ. «Տէր իմ, ըսաւ բարեպաշտ իշխանուհին, ես ինծի տէր ունեցայ այնպիսի ամուսին մը, որ անչափ սիրով սիրեց զիս ու միշտ իմ հաւատարիմ բարեկամն եղաւ. մասնակից եղայ անոր պատիւներուն և զօրութեանը, շատ ակունք ունեցայ, հարստութիւն և աշխարհային ուրախութիւնք. այս ամեն բանն ունեցայ, սակայն միշտ կը մտածէի ինչ որ դուն ալ լաւ գիտես, որ այս աշխարհի ուրախութիւնն ընդունայն է : Վասն որոյ կը փափաքիմ այս աշխարհը թողուլ, և հատուցանել աստուծոյ ինչ որ իրեն պարտական եմ իմ հոգւոյս կողմանէ : Տէր իմ, լաւ գիտես որ աշ-

խարհային հանգստութիւնները՝ մարդու հոգւոյն ցաւ, չարչարանք և մահ կը բերեն: Տէր իմ, եթէ գիտնայիր թէ որչափ կը փափաքիմ ժամ մը առաջ ընկերակից ըլլալ իմ արարչիս. աշխարհիս մէջ բաց ասկէ ուրիշ բան չեմ խընդրեր, իմ հանգուցեալ փեսայէս երկու որդիք ունիմ որ հարուստ և զօրաւոր պիտի ըլլան. ես շատ ուրախ և երախտապարտ պիտի ըլլամ աստուծոյ եթէ զանոնք ալ իմ սիրոյս համար իւր արքայութեան արժանաւոր ընէ»: Չեմ կարծեր որ դքսուհին մշտնջենաւոր ժուժկալութեան ուխտը մէջ բերած ըլլայ, զոր ուխտած էր իւր ամուսնոյն կենդանութեանը ժամանակ, եթէ իրմէ աւելի ապրելու ըլլար: Եղիսաբեթ յաճախ կը խօսակցէր իւր պատուոյ օրիորդացը հետ, որոնք դքսուհւոյն հետ այս ուխտը ի ծածուկ հաստատեր էին իրենց սրտին մէջ, բայց կը վախէին որ չըլլայ թէ եպիսկոպոսն իւր իշխանութեամբն անոնց ուխտը աւրել տայ: Եղիսաբեթ կը ջանար քաջալերել զանոնք՝ ինքզինքն անոնց երաշխաւոր ցուցնելով: «Երդում ըրած եմ, կ'ըսէր, աստուծոյ և ամուսնոյս, քանի որ կենդանի էր, թէ երբէք ուրիշ մարդու մը հետ պիտի չկարգուիմ: Աստուած որ գիտէ ամենուն սիրտը, և կը ճանչնայ ամենայն մարդկանց ծածուկ խորհուրդները, լաւ գիտէ որ ես այս ուխտն ըրեր եմ պարզ և մաքուր սրտով և կատարեալ հաւատով: Ուստի անոր ողորմութեանը միայն կ'ապաւինիմ, և անհնարին է որ չըպաշտպանէ իմ կուսութիւնս ամենայն մարդկանց չար մտածութեանը դէմ, և նաև որ և իցէ բռնութեան դէմ: Ասիկայ պայմանով ե-

ղած ուխտ մը չէ, կամ թէ որ անանկ հաճոյ
 ըլլայ իմ բարեկամացս և ծնողացս. այլ հաս-
 տատուն, բացարձակ և ազատ ուխտ. որ է ինք-
 զինքս բոլորովին նուիրել սիրելոյս մահուը-
 նէն վերջը իմ արարչիս փառացը: Եթէ համար
 ձակի մէկն որ ամուսնութեան ազատութիւնը
 արհամարհէ, և զիս որ և իցէ մարդու մը յանձ-
 նէ, խորանին առջևը պիտի բողոքեմ. և եթէ
 ուրիշ փախչելու ճար մ'ալ չգտնեմ, ծածուկ
 քիթս պիտի կտրեմ, որպէս զի ամենայն մարդ-
 կանց ահարկու ըլլամ»: Թէպէտ և դքսուհին
 դրսէն այսպէս կը խօսէր՝ բայց ներսէն անհան-
 գիստ էր. որովհետեւ եպիսկոպոսին հաստատուն
 կամքէն կը գուշակէր որ շատ պատերազմներ
 պիտի կրէր՝ աստուծոյ և իւր խղճին հաւատա-
 րիմ մնալու համար: Մեծ տխրութիւն մը պա-
 տեց Եղիսաբէթին սիրտը. դիմեց դերագոյն մը-
 խիթարչին, ծնկան վրայ եկաւ դիմացն ու լի
 արցունքով աղաչեց որ հսկէ այն դանձին պահ-
 պանութեանը վրայ զոր իրեն նուիրէր էր. դի-
 մեց նաև երկնից թագուհոյն՝ որ իրեն մայր
 տրուէր էր. և երկուքն ալ զօրացուցին զՅղի-
 սաբէթ ու հողւոյն խաղաղութիւն շնորհեցին,
 որով դքսուհին լի վստահութեամբ երկնային
 պաշտպանութեանը վրայ՝ քիչ ատենէն բոլոր-
 րովին հանդարտեցաւ:

Անշուշտ Եղիսաբէթի կենացն այս միջոցին
 կը վերաբերին այն ամեն ճամբորդութիւններն
 զորս երբեմն իր հօրեղբօրը ձեռքէն ազատելու
 համար և երբեմն ալ ջերմեռանդութեան կամ
 բարեպաշտ հետաքրքրութեան համար ըրէր էր:
 Ասիկայ միայն բաւական էր այնպիսի միջոցի մը

Համար յորում նիւթական շահասիրութիւնը զօրացած չէր մարդկանց սրտին վրայ. աղքատները, հիւանդները, մինչև կանայք ալ կը փափաքէին երթալ հռչակաւոր եկեղեցւոյ մը մէջ, յարգելու իրենց մէկ սիրական սուրբին մասունքը, ու իրենց ներողութեան օրերուն մէջ միտթարուիլ, մտքերնին բերելով այն պանդոխտութիւնը զոր ըրեր էին աստուծոյ ու իրենց սուրբ հրեշտակաց պահպանութեամբը: Եղիսաբէթ այսպէս երկու անգամ գնաց Երիւրտ քաղաքը, որ հռչակաւոր էր իրեն գեղեցիկ եկեղեցիներովը, և որ իր փեսային երկկիրներուն մէջ շինուած էր: Հոն դարձի եկող օրիորդաց վանք մը իրեն բնակութիւն ընտրեց, և շատ օր հոն կեցաւ առանձնութեան մէջ, ու բաժնուելու ատենը հասարակ դաւաթ մը անոր թողուց, զոր իրեն կերակուրի ատեն կը գործածէր, և որ ինչուան այսօր կը մեծարուի իբրև յիշատակ իր սրտին բարութեանը և խոնարհութեանը:

Այն ատենները տեսնելու գնաց իւր մայրենի ցեղին նախնեացը բերդը, Անտէքս քաղաքին մէջ, որ Ալպեան լեռանց մօտ բարձր տեղի մը վրայ շինուած է. այս հին և երևելի բերդը Հենրիկոս իշխանը Բենեդիկտեան կրօնաւորաց վանք մը շինեց, որ ետքը հռչակաւոր եղաւ մէջի սրբոց մասունքներովն և անոնց ձեռքով եղած շատ հրաշքներովը: Հոն ալ գնաց Եղիսաբէթ ու այն սուրբ լեռանը վրայէն տեսաւ Պաւիերայի գեղեցիկ աշխարհքը, որ ան ատենը հարուստ էր կրկին գեղեցկութեամբ, բնութեան և կրօնից, լեցուն անուանի վանքերով, որոնցմէ ոմանք ծածկուեր էն հին անտառներու մէջ, և ոմանք ալ

մաքուր և խաղաղ լճերու քով շինուած, ամենքն ալ քրիստոնէական քաղաքակրթութեան ապաւինի տեղ մը եղեր են. և որոնք երկար ատեն պիտի ըլլային գիտութեանց պահպան, խաղաղութեան և աղօթից փափաքող սրտերու՝ քաղցր և ապահով ապաստանարան մը, և ասանջականութեան տեղ մը այն բազմաթիւ պանդուխտներուն՝ որ հիւսիսային թագաւորութեանց երկիրներէն կ'անցնէին, երթալու յուխտ սուրբ առաքելոց գերեզմաններուն: Ա'րչափ անգամ դարձուցեր է անշուշտ Եղիսաբեթ իր աչքերը Վիրոլի գեղեցիկ լեռներուն վրայ, որոնց ետևի կողմը ամեն ուղղափառ սրտեր ուրախութեամբ կր'նկատեն մտքով զՀռովմ և զՎատալիա. այն լեռան ստորոտը Եղիսաբեթ աղօթքով ջրոյ առատ աղբիւր մը բղխեցուց, որ ամենեւին չցամքիր նոյն իսկ ամենէն անելի չորութեան տարիներուն մէջ, և շատ առողջարար յատկութիւններ ունի: Քարեպաշտ իշխանուհին մինչև այս տեղս իրեն հետ կը բերէր քաղցր և գորովալից յիշատակ մը իրեն ամուսնական կենացը, և զոր պարզմտութեամբ կ'ընծայէր իր հոգւոյն նոր փեսային: Ասիկայ իր հարսանեաց զգեստն էր, զոր հագեր էր իրեն սիրելոյն Լուգովիկոսի հետ ամուսնացած օրը: Այն զգեստը դրաւ հոն խորանին վրայ, ու նոյն միջոցը յանձնեց կրօնաւորաց նաև արծաթի խաչ մը որուն մէջ կային Քրիստոսի չարչարանաց գործիներուն մասունքը՝ զոր միշտ իրեն վրայ կը կրէր, և շատ մը ուրիշ իրեն սիրական նիւթեր:

Քիչ տարիներ անցնելէն ետքը այս այրւոյս ա-

նունը, որ խոնարհ պանդուխտի մը պէս եկաւ
 իրեն նուէրը մատուցանելու այս սուրբ եկեղե-
 ցւոյն, քրիստոնեայ աշխարհքը պիտի լեցընէ իր
 փառքովը, և սրբազան քահանայապետը սրբոց
 խմբին հետ պիտի խառնէ զինքը: Աւ ինչ պէտք
 է զարմանալ թէ այն ատենը այս սրբուհւոյն
 թողուցած ընծաները մէյմէկ ազնիւ և մեծա-
 րանաց արժանի մասունք պիտի ըլլան, և ին-
 չուան այս օրս ժամանակին մրրիկներէն և խա-
 ւարէն ետքն ալ, հաւատացեալ և պարզամիտ
 ժողովուրդը դեռ ևս կու գայ մեծարելու զա-
 նոնք և համբուրելու սիրով:

ԻՍ.

Ինչպէս որքուհին Աղիսաբէթ իւր սիրելի ամուսնոյն ոսկերքն
ընդունեցաւ, և ինչպէս Թաղեցին ի Տենհարցայրիւն.

Հազիւ Թէ Աղիսաբէթ դարձաւ ի Պողենա-
տին՝ Եպիսկոպոսին կողմանէ զըկուած պատգա-
մաւոր մը եկաւ, և հրաւիրեց զԱղիսաբէթ որ
գայ ի Պամպերկ, որպէս զի իւր ամուսնոյն մար-
մինն ընդունի, զոր դուրինկիտցի ասպետք խա-
չակրութենէն դառնալու ատեն հետերնին կը
բերէին: Յիրաւի Լուդովիկոս դքսին ընկերա-
կիցքը, ինչպէս որ տեսանք, անոր մարմինը Օ-
դրանդ քաղաքին մէջ Թաղեցին, և յետոյ ճամ-
բայ ելէր էին յԱսորեստան երթալու, որպէս
զի իրենց ուխտը կատարեն: Անոնցմէ բազմա-
թիւ անձինք որ կրցան երթալ մինչև յԱրուսա-
ղէմ, անոր գիտմանը համար աղօթք և ընծա-
ներ մատուցին, ինչպէս որ Լուդովիկոս աղաչէր
էր զանոնք իւր մահուան անկողնոյն մէջ: Իրենց

պանդխտութենէն դառնալու միջոց Օդրանդ քաղքէն անցան, որպէս զի հետերնին տանին իրենց տիրոջ մարմինը. հանեցին հողէն, և անոր ոսկերքը ձեան պէս սպիտակ դտան, որ այն ժամանակը ստոյգ նշան մըն էր փեսային սատիկ հաւատարմութիւն պահելուն իւր հարսին: Աքսին ոսկերքը գեղեցիկ և պատուական դադաղի մը մէջ դնելէն ետքը, ձիու մը վրայ դրին և ճամբայ ելան իրենց երկիրը երթալու: Գազաղին առջևէն արծրթէ մեծ խաչ մը կ'երթար, ակունքով զարդարուած, իբրև նշանակ իրենց յատուկ բարեպաշտութեանն և եռանդուն սիրոյն որ ունէին իրենց իշխանին վրայ: Ամեն քաղաք՝ ուր որ կանկ կ'աւնուին գիշերը անցընելու, դազաղը եկեղեցւոյ մը մէջ կը դընէին. և հսկել կու տային կրօնաւորներու և կամ ուրիշ բարեպաշտ անձանց, որ մահուան և ուրիշ աղօթքներ ամբողջ գիշերն երգէն: Երկրորդ առաւօտուն դեռ ճամբայ չելած՝ պատարագ մը մատուցանել կու տային, և խիստ շատ ընծաներ կը պարգևէին: Նոյնպէս դազաղին վրայի ծածկուած ծիրանագոյն լաթն ալ որ եկեղեցին որ կը կենային՝ հոն կը ձգէին որպէս զի անոր եկամուտով հանգուցելոյն հողւոյն դիտմանը համար պատարագ ըսուի: Ասկէ աւելի հանդիսաւոր յուղարկաւորութիւն մը երբէք տեսնուած չէր աշխարհիս վրայ:

Այս կերպով անցան բոլոր Խտալիայէն և միջին Գերմանիայէն: Երբ Պամպերկ քաղաքին մօտեցան, իրենց գալուստը այն եպիսկոպոսին ծանուցին, որ շուտով պատգամաւորներ զրկեց, որպէս զի գտնեն զՆդիսաբեթ, և բերեն Պամ-

պերկ քաղաքը: Նոյն ժամանակը պատուիրեց ամենայն իշխանաց և կուսակալաց ալ՝ որ պատարաստուին ընդունելու զԵղիսաբեթ մեծ սիրով, և երկրորդ օրուան տխուր հանդիսին ժամանակն ալ քովը գտնուէլու, վախնալով որ չըլլայ թէ վրան կարգէ դուրս այլայլութիւն մը գայ: Եպիսկոպոսն անձամբ մարմնոյն ընդ առաջ գնաց հետը առնելով բոլոր իւր ուխտը, քաղաքին այլ և այլ վանքերուն քահանայքը, դպրոցաց տղաքը և բազմաթիւ ժողովուրդ, որոնց ձայնը կը խառնուէր քահանայից տխուր երգերուն և եպիսկոպոսանիստ քաղաքին ամենայն զանգակներուն հետ: Նըջակայքն եղած կոմսերէն և իշխաններէն ոմանք յուղարկաւորութեան տխուր հանդիսին ներկայ էին որ միատեղ քաղաքը մտան ու դքսին մարմինը փառաւոր մայր եկեղեցին տարին, ուր կը հանգչէին նաև սրբոյն Հենրիկոսի կայսեր և սրբուհւոյն Ալենեկոնտայի նուիրական մարմինները. ու բոլոր գիշերը հանգուցելոյն հոգւոյն հանգստեանը համար աղօթքներ մատուցին:

Երկրորդ առաւօտն Եղիսաբեթ միշտ հետն ունենալով իւր հաւատարիմ պատուոյ օրիորդները, Իզանդրուտան և Աիւտան, գնաց անոնցմով իւր ամուսնոյն ոսկերացը քով: Բացին դագաղը, և թոյլ տուին անոր որ նկատէ իւր ամուսնոյն մարմինը: Այնպիսի ցաւ և սէր ազգեց Եղիսաբեթի սրտին այդ տեսարանը, որ միայն աստուած կրնայ գիտնալ՝ որ գիտէ ամենայն մարդկանց սրտին գաղտնիքը: Բոլոր իւր առջի տրտմութիւնները նորոգուեցան սրտին մէջ. ինկաւ անոր ոսկերացը վրայ, և եռանդեամբ համ-

բուրեց: Այնպէս կը վազէին արցունքներն երեսէն՝ և այնպիսի այլայլութիւն մ'եկաւ իրեն վրայ, որ եպիսկոպոսը և իշխանք՝ որներկայ էին այդ ցաւալից տեսարանին՝ հարկ սեպեցին հան դարտեցընել զինքը, և միտքը ուրիշ բանի մը զբաղեցընել: Սակայն իշխանուհին զաստուած յիշեց ու մէկէն զօրացաւ. «Շնորհակալ կ'ըլլամ քեզի, տէր իմ, ըսաւ, որ արժանի սեպեցիր մտիկ ընել քու աղախնոյդ ձայնին, և կատարել այն սաստիկ փափաքը զոր ունէի տեսնելու սիրելի ամուսնոյս մարմինը, որ քեզի ալ սիրելի էր: Գարձեալ կրկին շնորհակալ կ'ըլլամ քեզի, որ այսպիսի գթութեամբ միխթարեցիր իմ վշտացեալ և յուսահատեալ հոգիս: Անձամբ ինքզինքը քեզի նուիրած էր, ինչպէս որ նաև ես ալ քեզի նուիրած էի զինքը, երբ քու սուրբ երկրիդ պաշտպանութեանը համար ձամբայ կ'ելէր. և ամենեւին չեմ զղջար զինքը այսպիսի բանի մը նուիրելուս վրայ, թէպէտ և կը սիրէի զինքը բոլորով սրտիւ: Գիտես, տէր իմ, որչափ կը սիրէի այն փեսայն որ զքեզ սաստիկ սիրով կը սիրէր, և գիտես թէ հազար անգամ աւելի վեր կը սեպէի անոր ներկայութիւնը քան աշխարհիս ամենայն ուրախութիւնը, գիտես, տէր իմ, որ կ'ուզէի բոլոր իմ կեանքս անոր հետ աղքատութեամբ անցընել, և դռնէ դուռ պտրտելով՝ օրուան հացս մուրալ: Հիմա քեզի կը յանձնեմ իմ ամուսինս, և ինքզինքս ալ քու կամացդ կը յանձնեմ, թող քու կամքդ կատարուի ամեն բանի մէջ, ո՛վ աստուած իմ»:

Իշխանուհին այս խօսքերս ըսելէն ետքը՝ սրբեց երեսին արցունքն ու լուութեամբ եկեղե-

ցիէն դուրս ելլելով՝ դնաց եկեղեցւոյն մօտ խո-
 տով զարդարուած փոքրիկ դաշտի մը մէջ նըս-
 տաւ, և աղաչեց Գուրինկիացի իշխաններուն,
 որ հետերնին բերեր էին իւր ամուսնոյն մար-
 վինը, որ գան իրեն հետ տեսնուին: Երբ իշ-
 խանները մօտեցան, Եղիսաբէթ խոնարհու-
 թեամբ ոտք ելաւ զանոնք պատուելու համար,
 և աղաչեց որ իւր քովը նստին, վասն զի ոտքի
 վրայ կենալու բաւական ուժ չունէր: Յետոյ ա-
 նոնց հետ մեծաւ քաղցրութեամբ երկայն բա-
 րակ խօսեցաւ, և աղաչեց յանուն աստուծոյ և
 Քրիստոսի, որ յանձն առնուն իւր թշուառ որդ-
 ւոցը հոգն ու անոնց պաշտպան ըլլան: Եղիսա-
 բէթ պատմեց անոնց թէ ինչպիսի տմարդու-
 թեամբ վարուեր են իրեն և իւր տղոցը հետ
 Հենրիկ և Գոնրատ իշխանները, և ինչ խեղճու-
 թիւն կրեր են Խղնաք քաղքին մէջ: Եպիսկո-
 պոսն անձամբ հաստատելու եկաւ իւր քեռորդ-
 ւոյն պատմութիւնը, և երկայն բարակ խօսե-
 ցաւ ասպետներուն հետ թէ՛ այրւոյն և թէ՛ որ-
 բոց՝ իրենց տիրապետէն եղած նախատանաց
 դարման մը գտնելու համար: Սաստիկ բարկա-
 ցան ասպետներն, իմանալով դքսուհւոյն եղած
 նախատինքը, և յայտնեցին իրենց միտքը ըսե-
 լով որ զԵղիսաբէթ միշտ իրենց տէր և տիրու-
 հի կը ճանչնան, և պիտի պաշտպանեն զնա ա-
 մենայն մարդկանց դէմ: Իրենց առաջնորդ ու-
 նէին ազնուական և հաւատարիմ Վարիլայի
 իշխանը, անոր որդին որ տասնըվեց տարի առաջ
 գնացեր էր Հունգարիոյ թագաւորական պալա-
 տին մէջ փնտրուելու այն իշխանուհին՝ զոր հի-
 մա իւր դիմացը կը տեսնէր իբրև արհամար-

հուած և անարգուած այրի մը . անշուշտ յիշեց նաև այն երգամուհիքը՝ զոր իւր հայրը ըրեր էր Սնդրէաս թագաւորին , որ իւր դատերը վրայ հսկէ : Իւր զինուորակիցքը եպիսկոպոսին աղաչեցին որ իրենց յանձնէ այն ազնուական և թըշուառ գերդաստանը , զոր Ղուրինկիա կ'ուզէին տանել Ղուղովիկոս իշխանին մարմնոյն հետ . և երգամամբ խոստացան որ արդար վրէժխնդրութիւնը պիտի հատուցանէին : Աստահացած այն կտրիճ և հռչակաւոր ասպետներուն խոստմանը վրայ , որ իրենց վերջի խաչակրութեամբը համբաւնին ալ աւելի շատցուցեր էին , Պամպերկի եպիսկոպոսը յանձն առաւ յանձնել զանիկայ անոնց պաշտպանութեանը : Ինչպէս որ կ'երևի չի յայտնեց անոնց իր միտքն որ զլիսաբեթ կ'ուզէր երկրորդ անգամ ամուսնացընել : Ի պատիւ հանգուցելոյն՝ եպիսկոպոսական պատարագ մը մատուցանելէն ետքը , որուն բոլոր քաղաքը ուզեց ներկայ գտնուիլ , և առատածեռութեամբ հատուցանելէն վերջը իւր հիւրերուն ամենայն ծախքը Պամպերկին մէջ եղած ժամանակնին , հրաժեշտի ողջոյն տուաւ թէ՛ Եղիսաբեթին և թէ՛ անոր որդւոցը :

Տխուր յուղարկաւորութիւնը ճամբայ ելաւ , և գնաց դէպ ի Րենհարցպրիւնի աբբայարանը , ուր բարեպաշտ Ղուղովիկոսն ուզեր էր թաղուիլ : Բարի և սիրելի իշխանին մարմնոյն հասնելուն ձայնը տարածուեցաւ բոլոր Ղուրինկիայի մէջ , և քաղաքը տակն ու վրայ ըրաւ . բաց ի Սոխա Ղուղովիկոսի մօրմէն , և իւր Հենրիկ և Պոնրատ եղբարցմէ , որ աճապարեցին երթալ ի Րենհարցպրիւն անոր մարմինն ընդունելու , նաև ա-

մենայն կոմսերն, իշխաններն և քաղքին բոլոր
ազնուականները, և մանաւանդ աղքատ ժողովուրդը՝ զոր այնչափ սիրել էր Վուդուվիկոս և այնչափ զօրութեամբ պաշտպանելը՝ ընդառաջ գացին: Բազմաթիւ անձինք թէ՛ հարուստ և թէ՛ աղքատ, թէ՛ քաղաքացի և թէ՛ գեղացի, թէ՛ արք և թէ՛ կանայք, ամենքը ի Ռենհարցարիւն ժողովեցան, որպէս զի կատարեն իրենց վերջի պարտքը անոր՝ որուն քիչ մը առաջ ի պատիւ փառացն աստուծոյ օտար երկիր երթալը տեսեր էին ի խնդիր մահուան՝ զոր շուտով ալ դտեր էր: Նաև ասկէ զատ ուրիշ առիթներ ալ կային բազմութեան թիւը շատցնելու. բնական փափաք մը խաչակիրները տեսնելու, որոնք ճամբուն վտանգներէն ազատել էին ողջ առողջ ոմանք ալ մէջերնին բարեկամներ և ազգականներ ունէին: Շատերն ալ հոն եկեր էին Եղիսաբեթ դքսուհին տեսնելու, որուն թշուառութեան և տարագրութեան պատմութիւնը տարածուել էր բոլոր քաղքին մէջ. և շատ կը փափաքէին իմանալու այս անպաշտպան և անտէր կնոջ վիճակը: Մէկ քանի եպիսկոպոսներ և արքաներ ալ եկեր էին սուրբ գերեզմանին և եկեղեցոյն ազնուական ախոյեանքը պատուելու համար: Այն կրօնաւորներն՝ որոնցմէ այնպիսի գորովալից և ճշմարիտ սիրով հրաժարել էր Վուդուվիկոս, հիմա պիտի կատարեն իրեն վրայ այն տխուր պարտքը և նուիրական պատիւը՝ զոր եկեղեցին իւր հնազանդ որդւոցը կը պահէ: Ընդառաջ գնացին անոր մարմնոյն՝ հետերնին ունենալով խիստ շատ աշխարհական քահանաներ և աղքատ ժողովուրդ, որոնցմէ ոմանք սաղմոս

կ'երգէին, ոմանք ալ շարականներ, որոնք յա-
 ճախ յարտասուաց կ'ընդհատէին: Յուզարկա-
 ւորութեան տխուր հանդէսը աբբայարանին ե-
 կեղեցւոյն մէջ կատարուեցաւ երկու դքսուհի-
 ներու և երկու երիտասարդ իշխանաց առջև:
 Առդովիկոսի մարմնոյն առջև հասարակաց և ան-
 կեղծ ցաւ մը զիրենք միացուցեր էր. ամենայն
 ճոխութեամբ եկեղեցական արարողութիւնք
 կատարուեցան, և շատ օր տեւեցին: Ժողովը-
 դեան ցաւն ու արցունքը նոր և ամենէն աւելի
 գեղեցիկ հանդէսն եղաւ: Եկեղեցւոյ մեծագին
 ընծաներ, և աղքատաց տրուած ողորմութիւն-
 ները վերջին պատիւ մը եղան անոր յիշատակին՝
 որ այնչափ սիրեր էր զաղքատներն ու այնչափ
 մեծարեր էր զեկեղեցին: Իր ոսկերքը քարէ գե-
 ընդմանի մը մէջ դրուեցան անանկ կերպով մը
 որ միշտ հաւատացելոց աչքին առջև ըլլայ, ու
 շատերը սկսան իրեն ուխտի երթալ. վասն զի
 ժողովուրդն և երախտագէտ կրօնաւորներն ար-
 դէն իսկ սկսեր էին զինքը սուրբ կանչել. որով
 հետև իր բարեխօսութեամբը արդէն սկսեր էին
 իր գերեզմանէն հրաշալի բժշկութիւններ գլտ-
 նել: Երէք դարու չափ՝ այս տեղս իբրև ուխտա-
 տեղի հոնտեղի ժողովրդէն պատուեցաւ: Ետքը
 1525ին, անօրէն նորաղանդները հոս յարձըկե-
 լով, յափշտակեցին բոլոր Րէնհարցալրիւնի աբ-
 բայարանին հարստութիւնը, գերեզմանները
 թալկեցին, մասնաւորապէս Առդովիկոս դքսինը.
 որուն մարմինը սնտուկէն հանելով՝ մեծամեծ
 նախատանօք սրբազան ոսկորները ասոր անոր
 գլուխն սկսան նետել: Հիմա ալ քրիստոնեայ
 ուղղափառ ճամբորդը տեսնելով հոն սրբոյն գե-

բեզմանին կոտրած վէմը՝ չարափառ եկեղեցւոյ
մը սատին կռթնցուցած՝ անկարելի է որ սիրտը
չիփղձկի անոր յիշատակաւր, զոր թէ և եկեղե-
ցին սրբոց թուին մէջ դասած չըլլայ՝ գոնէ սըր-
բուհւոյ մը արժանագոյն փեսայ եղեր է:

ԻՔ

Ինչպէս Գուրբինկիացի ստպետները յանդիմանեցին Հենրի-
կոս դքսին չարութիւնը, և ինչ կերպով հատուցումն ըրին
Նդիսարեթ իշխանուհւոյն.

Յուզարկաւորութեան տխուր հանդէսը լը-
մըննալուճն պէս, Վարիլայի իշխանը յիշեցուց
խաչակիր ասպետաց, որ Նդիսարեթ դքսուհւոյն
չորս կողմը կեցեր էին՝ այն արդար վրէժը, զոր
Պամպէրկի եպիսկոպոսին առջևը յանձն առեր
էին հանելու Նդիսարեթի թշնամիներէն: Մաս-
նաւոր տեղ մը առանձնացած՝ պէտք եղած ո-
րոշման վրայ սկսան մտածել. «Հիմա պէտք է,
ըսաւ Ռոտոլի իշխանը, մեր երդմանը վրայ հաս-
տատուն կենալ, զոր մեր ազնուական իշխանին
և Նդիսարեթ տիրուհւոյն համար ըրինք. ապա
թէ ոչ՝ կը վախեամ որ չըլլայ թէ դժոխոց յաւի-
տենաական կրակը զմեզ այրէ»: Ամենքն ալ իմա-
ցան անոր խօսակցութեան նպատակը. վասն զի

այն ժամանակը ամենէն քաջ պատերազմողներն անգամ չէին ամբնար իրենց ամեն գործերնուն առաջնորդ բռնել հանդերձեալ կենաց մտածութիւնը, և անանկով իրենց այս աշխարհիս վրայ ունեցած պարտքը կը կատարէին: Ուստի որոշեցին ամենքը մէկտեղ որ մէկէն ի մէկ Հենրիկոս իշխանին և անոր եղբօրը մեծ յանդիմանութիւն մը տան, և այս դժուարին պաշտօնը մասնաւոր կերպով չորս ասպետաց յանձնուեցաւ՝ որոնց անունը պատմութիւնը կ'աւանդէ մեզի, և որոնք արժանաւոր են անմուռաց մնալու անմահական փառքով: Ասիս Աարիլայի իշխանը, մեծ մատակարար, որ ամենուն կողմանէ պիտի խօսէր, որովհետեւ ինքն էր ամենէն աւելի ճարտարախօսը և ամենէն աւելի Եղիսաբէթի վրայ սէր ունեցողը: Աարիլայի իշխանին հետ միաբան էին Պերադէդըն Լուտովի իշխանը, Հերպայի Հարդմիկ իշխանը, և Աարիլայի Աթիկէ իշխանը Ռոտովի ազգականը: Մեկալ ասպետք՝ զասոնք իրենց առաջնորդ ունենալով, երիտասարդ իշխանաց քով գնացին, և գտան իրենց մօրը քով: Աարիլայի իշխանը Հենրիկոս դքսին դառնալով, այս հետեւեալ խօսքերն ըսաւ, զորոնք զգուշութեամբ արձանագրուէր են երկրին հին պատմիչներուն գրուածոցը մէջ և ինչուան մեզի հասեր են.

«Տէր իմ, բարեկամներս և բու հպատակներդ որ հիմա հոս են, ինձի աղաչեցին որ իրենց տեղ խօսիմ քեզի հետ: Փրանգոնիոյ մէջ և հոս ի Ղուրինիկիա այնպիսի արհամարհական և անարդական խօսքեր լսեցինք բու վրայդ, որ ամենքնիս ալ ցաւեցանք և ամբըցանք, որ մեր

երկրին և մեր իշխանաց մէջ՝ այսպիսի չարա-
 համբաւութիւն և անհաւատարմութիւն դրա-
 նուի. և այսպիսի ահաւոր և դժնդակ սրատուց
 մոռացութիւն: Ա՛յլ երիտասարդ իշխան, ուրեմն
 ինչ ըրիր, և այսպիսի խորհուրդներ քեզի ո՛վ
 տուաւ. ինչպէս չարասրտութեամբ և արհա-
 մարհանօք մերժեցիր բերդէդ և քաղաքներէդ
 եղբօրդ ամուսինն իբրև մոլորեալ կին մը, յու-
 սահատեալ խեղճ այրին, հռչակաւոր թագա-
 ւորի մը օրիորդը, զոր պէտք էր ընդ հակառակն
 մեծարել ու սիրուիլ. քու անձինդ համբաւոյն
 արհամարհանօքը հիպութեան մէջ թողուցիր
 զնա, և թող տուիր որ իբրև մուրացիկ կին մը
 դռնէ դուռ թափառական ստրախի: Անչդեռ
 եղբայրդ իւր կեանքը վտանգի մէջ կը դնէ առ
 սէրն աստուծոյ, անոր այս փոքրիկ որբերը՝ որ
 պէտք էր սաշտպանէիր և մուլցանէիր հաւա-
 տարիմ պաշտպանի մը սիրով և եռանդեամբ,
 դժնդակ կերպով քեզմէ կը հեռացնես, և
 բռնութեամբ ալ կը ստիպես որ բաժնուին ի-
 րենց մօրմէն, որպէս զի անոր հետ անօթութե-
 նէ չմեռնին. այ անօրէն: Ա՞յս է եղբայրական
 գութդ, այսպէս սորվեցուց քեզի քու առաքի-
 նի եղբայրդ որ չէր ուզեր այս կերպով վարուիլ
 և ոչ իւր ամենէն աւելի յետին հպատակացը
 հետ: Եւ ոչ իսկ անկիրթ գեղացի մը այսպիսի
 բարբարոսութեամբ կը վարուէր իւր եղբօրը
 կամ իրեն նման մէկուն հետ. և դու, դու, որ
 իշխան ես, ասանկ վարուեցար եղբօրդ հետ մինչ-
 դեռ խեղճը օտար երկիր գացեր էր առ սէրն
 աստուծոյ: Ա՛լ ասկէց ետքը ինչպէս պիտի վը-
 տահինք հաւատարմութեանդ և սրատուցդ վը-

րայ: Գիտես, և իբրև ասպետ, կրկին պարտա-
կանես պաշտպանելու այրիններն ու որբերը, իսկ
դու անձամբ կը նախատես եղբորդ որբերն ու
այրին. համարձակ կ'ըսեմ քեզի որ քու այս
գործդ աստուածային վրէժխնդրութեան և ըս-
պառնալեաց պատճառ պիտի ըլլայ քեզի»:

Երբ Սոսիա դքսուհին լսեց այն յանդիմա-
նութիւնները, որով իրաւամբք կը յանդիմա-
նէին իւր սիրելի որդին, սկսաւ դառնապէս
արտասուել: Արիտասարդ դուքսը շփոթած և
լի ամօթով, գլուխը խոնարհեցուց անպատաս-
խան. մեծ մատակարարը նորէն վրայ բերաւ.
«Տէր իմ, ինչո՞ւ կը վախես այսպիսի հիւանդ,
երեսի վրայ ձգուած, յուսահատեալ, անօգնա-
կան, առանց բարեկամի մնացած կնոջ մը, և
ի՞նչ կրնայ ընել քեզի այս սուրբ և առաքինի
տիկինը, թէպէտ և տէր մնացած ըլլար քու բո-
լոր բերդերուդ. և հիմա ի՞նչ պիտի ըսեն մեր
վրայ ուրիշ քաղաքները: Ա՛հ, ի՞նչ ամօթ, կ'ա-
մըչնամ երբ կը մտածեմ, գիտցիր որ զաստուած
անարգեցիր, Գուրինկիոյ բոլոր երկիրը անպա-
տիւ ըրիր, համբաւդ կորսնցուցիր և ոտքի տակ
առիր թէ՛ քու և թէ՛ ազնուական տանդ հռչա-
կը, և եթէ չսպաշխարես ըրած մեղքդ և չհաշ-
տուիս այն բարեպաշտ տիկնոջ հետ, ու չհա-
տուցանես եղբորդ որդւոցը ինչ որ յափշտակե-
ցիր անոնցմէ, շատ կը վախեմ որ աստուծոյ բար-
կութիւնը պիտի թափի բոլոր երկրիս և մեր
գլխուն վրայ»:

Բոլոր ներկայ գանուողներն զարմացան այս
ազնուական ասպետին կարգէ դուրս համար-
ձակ խօսակցութեանը վրայ. սակայն աստուած

միայն կրցաւ այսպիսի երկար ատենէ ի վեր աստուածապաշտութեան և արդարութեան դէմ քարացած սիրտը՝ կակղեցընել: Երիտասարդ իշխանը՝ որ մինչև այն ժամանակը լուռ կեցեր էր, սկսաւ յորդ արտասուել առանց պատասխան մը տալու, յետոյ վրայ բերաւ. « Կը զըզջամ բոլոր սրտովս ըրած գործողութեանս վերայ, և ասկէց ետքը մտիկ պիտի չընեմ ամենևին անոնց՝ որոնք խորհուրդ տուին ինձի այս կերպով վարուելու. հաշտուէ՛ նորէն ինձի հետ ու բարեկամս եղիր. ահա յանձն կ'առնում յօ ժարութեամբ ընելու՝ ինչ որ Եղիսաբեթ քոյրս կը պահանջէ ինձմէ. և իշխանութիւն ալ կուտամ՝ քեզի գործածելու՝ ինչպէս որ կ'ուզես՝ զի ու բոլոր իմ ստացուածներս »: Արիւլայի իշխանը դքսին պատասխանեց. « Լաւ է, այս կերպով միայն կրնանք ազատիլ աստուծոյ բարկութենէն »: Իսկ Հենրիկոս ցած ձայնով այս խօսքերս ըսաւ. « Եթէ Եղիսաբեթ քոյրս բոլոր Վերմանիոյ երկիրը իւր իշխանութեանը տակն ունենար, իրեն բան մը չէր մնար. վասն զի բովանդակ երկիրն աստուծոյ սիրուն համար ուրիշին կը թողուր »:

Արիւլա շուտով մը իւր զինուորակցացը հետ գնաց Եղիսաբեթ դքսուհւոյն պատմելու գործոյն յաջողութիւնը, և միանգամայն իմացընելու իւր փեսին եղբօրն իրեն հետ հաշտուիլ ուզելը, և արդարութեամբ հատուցանել այն ամեն թշուառութիւններն որ հասեր էին իր վերայ: Երբ սկսան խօսիլ այն պայմաններուն վերայ զոր պիտի դնէին Հենրիկոս դքսին, Եղիսաբեթ բարձրաձայն ըսաւ. « Չեմ ուզեր, չէ՛,

ու իւր բերդերը, ոչ քաղաքները, ոչ երկիրներն
 և ոչ բան մը որ կրնայ իմ միտքս ցրուել ու
 շփոթել. սակայն ուրիշ կողմանէ շատ երախ-
 տադէտ պիտի ըլլամ Հենրիկոս իշխանին, իմ
 սիրելի ամուսնոյս եղբօրը, եթէ ուզենայ տալ
 ինձի ընկած դուամարը, զոր կարենամ գործա-
 ծել՝ ինչպէս որ կը փափաքեմ՝ թէ իմ սիրե-
 լոյս և թէ իմ հոգւոյս փրկութեանը հա-
 մար »: Գնացին ասպետները Հենրիկոս դուք-
 սը առին ու Նղիսաբէթին քօլը բերին: Հեն-
 րիկոսի հետն էին նաև իւր մայրը և Գոնրատ
 եղբայրը: Երբ Հենրիկոս տեսաւ ղՆղիսաբէթ,
 աղաչեց անոր որ ներէ իրեն այն ամեն չարեացը
 համար, զոր ըրեր էր իրեն դէմ. և քիչ մը ետ-
 քը դարձաւ անոր ու մեծ ցաւով և զղջմամբ ը-
 տաւ որ ասկէց վերջը իրեն վրայ հաւատարիմ
 և եռանդուն գութ մը պիտի ունենար: Սոփիա
 և Գոնրատ միացուցին իրենց աղաչանքը անոր
 աղաչանացը հետ: Ամենայն պատասխանուոյ տեղ
 Նղիսաբէթ իւր փեսին եղբօրը բազկացը մէջ
 իննալով՝ սկսաւ դառնապէս արտասուել: Երկու
 եղբարքն և Սոփիա դքսուհին խառնեցին իրենց
 արցունքը անոր արցունքին հետ, և քաջ պա-
 տերազմողներն անգամ չկրցան իրենց արցուն-
 քը բռնել երբ տեսան այդ սրտաշարժ տեսա-
 ըանը. յիշելով միանգամայն քաղցր և շնոր-
 հալի իշխանը՝ որ ամենուն սիրելի էր, և զոր
 հիմա կորուսեր էին յաւիտեանս:

Նղիսաբէթի տղոց իրաւունքն ալ ապահով-
 ցաւ, մասնաւորապէս երիտասարդ Հերմոն իշ-
 խանին՝ որ իւր անդրանիկ որդին էր, և օրինա-
 ւոր ժառանգ Գուրինսկիոյ և Հեսի դքսութեանց,

որոնց վրայ իշխելու իրաւունքը իրեն տղայու-
թեան ժամանակը իւր հօրեղբարցը մէջէն ան-
դրանկին պիտի մնար: Այս ամեն կարգաւորու-
թիւններն որոշուելէն ետքը, խաչակիր ասպետ-
ները բաժնուեցան իրենց բերդերն երթալու.
Նղիսաբէթ և իւր տղաքն ալ ճամբայ ելան հե-
տերնին ունենալով Սոփիա դքսուհին իւր կե-
սուրը, և երկու երիտասարդ իշխանները Վարդ-
պուրկ երթալու՝ ուսկից առաջ խայտառակա-
բար մերժուեր էին:

Չէ թէ միայն Պամպերկի եպիսկոպոսն և
Գուրխնկիացի խաչակիրներն էին որ իրենց վրայ
առեր էին այս սուրբ այրւոյն պաշտպանութիւ-
նը, այլ նաև միջին Գերմանիոյ ամենէն աւելի
քաջասիրտ և հռչակաւոր իշխաններէն մէկը՝
Պիւսանկցի Գոնրատը, որ Սէն-Վալի համբա-
ւաւոր վանքին արքայն էր. ասիկայ ամեն ջան-
քը թափեց որ Նղիսաբէթ ձեռք բերէ իւր բո-
լոր իրաւունքը: Այս վանքին տարեգիրներէն
կը տեսնուի որ վանքին արքայն Նղիսաբէթի
հետ մասնաւոր դաշինք մը դրեր է եղեր զինքը
պաշտպանելու այս երկրիս վրայ, որպէս զի ան-
դին ալ անիկայ իրեն բարեխօս ըլլայ առ սո-
տուած:

Ինչպէս սրբուհին Աղիսաբէթ ընդունայն աշխարհէս հրա-
 ժարելով՝ առանձնացաւ ի Ա արդպուրի և սրբոյն Փրանկիս
 կոսի աստիղացւոյն կրօնքին զցեսաք հաղաւ .

Հէնրիկոս դուքսը հաստատուն և հաւատա-
 րիմ կեցաւ իւր խոստամանը վրայ, և այն բովան-
 դակ ժամանակը՝ որ Աղիսաբէթ իր քոյն ան-
 ցուց, ջանաց Հէնրիկոս լի սիրով և եռանդեամբ
 մոռցրնէլ տալ անոր այն նախատինքը՝ որով վըշ-
 տացուցեր էր անոր սիրտը: Աղիսաբէթին կըրկ-
 նապատիկ իր աստիճանին յարմար ամեն պա-
 տիւնները տուաւ. նոյնպէս ազատութիւն՝ որ իւր
 բարեպաշտութիւնն և ողորմաբաշխութիւնը
 շարունակէ: Աղիսաբէթ ալ դարձեալ ձեռք ա-
 ռաւ իւր առջի հոգեւոր կրթութիւնները: Այն
 ժամանակը ընկուց սրբուհւոյն Մարիամու Մազ-
 դաղէնացւոյն հիւրանոցը, զոր սկսեր էր արդէն
 շինել իւր ամուսնոյն կենդանութեան ատեն

Առթա քաղաքին մէջ: Առջինին պէս աղքատաց սիրոյն կը նուիրէր իր բովանդակ կենացն աղօթքէ և մտածութենէ աւելցած բոլոր ժամանակը: Իւր այրիութեանը պատճառաւ չէր կրնար ներկայ գտնուիլ տօնից և հասարակաց հանդէսներուն. կը փախչէր որ և իցէ իշխանաց ընկերութենէ և արքունական ուրախութիւններէ. որոնք Աղիսաբէթի աչքին առջև հարստահարութեան պտուղներ կ'երևէին. անոր համար աւելի լաւ կը սեպէր խոնարհիլ աղքատ ժողովրդեան ու անոր համար աշխատիլ, քան աշխարհիս իշխանաց ուրախութիւնները վայելէ: Այսպիսի կեանք մը, աշխարհասիրաց աչքին առջև այնպէս խիստ կ'երևէր որ կարծես թէ շուտով պիտի բորբոքէր պալատականաց և դրանիկներուն բարկութիւնը, և նաև անարժան ասպետաց արհամարհանքն՝ որոնք արդէն այնչափ դառնութեամբ Աղիսաբէթին մանկութեան և այրիութեան առաջին տարիները լեցուեր էին: Աղիսաբէթի հարստութեանց և հաճոյից դէմ ցրցուցած արհամարհանաց վրէժը խնդրելու համար, զոր ամեն բանէ նախամեծար կը սեպէին, կը յանդիմանէին զանիկայ, և պզտիկութիւն կը սեպէին իրենց անոր քով այցելութեան երթալը կամ հետը խօսիլ. և եթէ դիպուածով ալ հանդիպէին՝ յարմար առիթ մը կը սեպէին զայն զինքը անգոտնելու և նախատելու, բարձր ձայնով յիմար և անմիա կոչելով: Աղիսաբէթ ուրախութեամբ և մեծ համբերութեամբ կը կրէր այս ամեն նախատինքը. և երեսին վրայ կը տեսնուէր հանդարտութիւն և առ աստուած ունեցած մեծ վստա

Հուլիանը . անանկ որ ասպետները չարութեամբ
կը յանդիմանէին զՆիդիսաբեթ իբրև թէ ար-
դէն մոռցած ըլլայ ամուսնոյն մահը , և ինքզին-
քը չար և անարժան ուրախութեանց տուած :
Թշուառք , կ'ըսէ ժամանակակից հեղինակ մը ,
չէին կրնար իմանալ և ըմբռնել այն ուրախու-
թիւնը՝ ուսկից զուրկ են ամենեւին չարերը : Սո-
փիա դքսուհին ալ հաւատաց այս զրպարտու-
թեանց , և յայտնեց իւր հարսին իր զարմանքն
և սրտին դժկամակութիւնը . սակայն Եղիսա-
բեթ ոչ երբէք տակն ու վրայ եղաւ , որովհետև
աստուած՝ որուն համար միայն կ'ապրէր , անոր
հոգւոյն ամենէն ծածուկ գաղտնիքը կը տես-
նէր :

Ուրիշ կողմանէ ալ բարեպաշտ և խնաստուն
մարդիկ , որոնց ծանօթ էր , անոր խոնարհու-
թեանը վրայ կը զարմանային , և իրեն ջատա-
գով ու սրաշտպան կը կենային : Ինչպէս այն Ու-
կոլին ծիրանաւորը , որ ատենօք իշխանուհւոյն
և Փրանկիսկոս աստիզացւոյն մէջ միջնորդ եղաւ ,
և որ հիմա քահանայապետ օծուեր էր Վրի-
գոր Թանուամբ , ասիկայ լսելով Եղիսաբեթի
թշուառութիւններն և երկիւղածութիւնն որ
առ աստուած՝ այլ և այլ նամակներ գրեց անոր ,
որոնցմով առատութեամբ կը թափէր անոր վը-
րայ ամենայն առաքելական միտիթարութիւն-
ներ . և սրբոց օրինակովն և յախտենական կե-
նաց խոստամամբը կը յորդորէր զինքը որպէս զի
հաստատուն մնայ համբերութեան և ժուժկա-
լութեան առիթներուն մէջ . միանգամայն ա-
յրսալքելով որ բոլոր վտահուլութիւնն իւր վրայ
դնէ . վասն զի մինչև իր ետքի շունչը՝ զինքը ձեռ-

քէ պիտի չթողուր. այլ ընդ հակառակն իւր դատերը պէս՝ թէ՛ զինքը և թէ՛ բոլոր անոր ունեցածն իւր մասնաւոր պաշտպանութեանը տակ կ'առնուր: Աոյն ժամանակը արտունու թիւն մըն ալ չնորհեց անոր որ մասնաւոր եկեղեցի մը և գերեզմաննոց մը ունենայ ի Աթա, սրբուհոյն Մարիամու Մագդաղենացոյն՝ իր հիւրանոցին մէջ: Աերջապէս այս գորովալից և արթուն քահանայապետը հրամայեց Մարպուրիցի Գոնրատ վարդապետին՝ որ միշտ ի Գերմանիա առաքելական գահուն իշխանութիւնները կը բանեցընէր, և որ այն ատենը ի Գուրինկիա էր, որ պէս զի մասնաւոր կերպով իրեն վրայ առնուեղիսաբեթ դքսուհոյն հոգևոր պաշտպանութիւնը, և մասնաւոր անոնց ամենուն դէմ որ զինքը կը հալածէին:

Կամ սրբազան պապին այս յորդորանաց պատճառաւ և կամ՝ որ աւելի մեծն է, աստուածային չնորհաց հրաշալի ազդեցութեամբն էր՝ որ իրեն միտքն արթնցուց սաստիկ փափաք մը՝ աւելի կատարեալ կենաց ձեռք զարնելու և մեր ձենալու առ աստուած: Ինքը թէպէտև հրաժարեր էր առաջուրնէ ըստ կարելոյն՝ իւր աստիճանին յարմար ուրախութիւններէն ու ճոխութիւններէն, սակայն այս բաւական չէր անոր եռանդը յագեցընելու, որովհետև դեռ կատարեալ բաժնուած չէր աշխարհիս հոգերէն: Երկայն բարակ մտածելէն ետքը բռնելիք կենաց կերպին վրայ, զոր աստուծոյ հաճոյ ըլլալու համար յանձն պիտի առնուր, և երբ դեռ չէր որոշած ո՞ր վանքին կանոններն իրեն աւելի յարմարադոյն պիտի ըլլային և ո՞ր ան-

յարմար, յանկարծ հռչակաւոր Փրանկիսկոս աստիճացւոյն օրինակը միտքն եկաւ, որուն արդէն դուստրն էր՝ Արրորդականաց կարգէն ըլլալով: Այս մտածմունքէս սիրտը շարժելով, նոյն քաջութիւնը, նոյն սէրն աստուծոյ և նոյն աղքատութիւնն զգաց՝ ինչ որ զգացեր էր երանելին Փրանկիսկոս իրեն սուրբ հայրը. որոշեց մէկէն որ անոր եռանդուն աշակերտացը պէս ամեն ունեցածը թողու, և դռնէ դուռ մուրանալով՝ իւր հանապազորդ հացը ձարէ: Աղիսաբէթ իրեն միտքը Վոնրատ վարդապետին յայտնելով՝ խոնարհութեամբ անկէ հրաման ինդրեց անոր գործադրութեանը: Բայց անիկայ արհամարհանօք մը մերժեց այս մտածութիւնը և սաստիկ յանդիմանելով զանիկայ համոզեց որ իւր սեռին և տկարութեանը այսպիսի կեանք մը չէր յարմարեր: Վքսուհին շատ թախանձեց, և առատ արցունք թափեց անոր առջև. և որովհետև Վոնրատ միշտ դէմ կը կենար, Աղիսաբէթ ալ զանիկայ թողլով բարձրաձայն ըսաւ. «Լաւ է, կը տեսնես որ անանկ բան մը պիտի ընեմ, որ պիտի չկարենաս ինձի արգելուլ »:

Վարդապետը տեսնելով որ չկրնար յաղթելու զանիկայ, ուրիշ կերպ մը բանեցուց մեղմացրնելու անոր եռանդուն փափաքը՝ որ զինքը կը հալէր ու կը մաշէր: Հենրիկոս՝ տէրութեան առժամանակեայ ուղղիչը՝ թէպէտև ներսէն չէր սիրեր զԱղիսաբէթ, սակայն արտաբուստ մեծարանք և սէր կը ցուցրնէր անոր վրայ, զոր խոստացեր էր այլ ցուցրնելու իւր եղբօրն ոսկերացը քով: Աղիսաբէթ ալ տեսնելով զքսին

իրեն վրայ ցուցած գութը, տարւոյ մը չափ անոր ընտանեացը հետ կենալէն ետքը, աղաչեց Հենրիկոս դքսին որ իրեն առանձին բնակարան մը տայ, յորում կատարելապէս ինքզինքը աստուծոյ նուիրելով, անդադար բարեպաշտութեան և ողորմածութեան հրահանգաց պարապի: Հենրիկոս իւր մօրն ու եղբօրը խորհրդովը Մարպուրկ քաղաքն իր շրջակայ գեղերով տուաւ Նդիսաբեթին, որ լի երախտագիտութեամբ շնորհակալ եղաւ իւր ամուսնոյն եղբօրը և կեսուրոջը, վրայ բերելով թէ անարժան էր ինքը այսչափ պատուոյ: Բայց իշխանը խտտացաւ անոր թէ անկէ զատ իրեն հինգ հարիւր արծրթէ դրամ պիտի զրկէր իւր առջի բնակութեան ծախքին համար: Գոնրատ վարդապետը կ'երեւի թէ այս կարգաւորութեան չհաւնեցաւ, որովհետեւ քահանայապետին նամակ գրեց ըսելով որ իւր կամացը գէմ էր դրքսուհւոյն հայրենիքը դառնալը. սակայն բացարձակապէս ալ գէմ չկեցաւ: Այս իրեն յարմար առիթ սեպելով Նդիսաբեթ ելաւ Գուրին կիսայէն ու իր հողւոր հօրը քով այն քաղաքը գնաց՝ ուր իր անունն այնչափ անկէ ետքը պիտի հռչակուէր:

Մարպուրկ հասնելով, քաղքին ժողովուրդը այնչափ փութաջան երեցաւ իւր նորահաս տիրուհւոյն պատիւ մատուցանելու, որ իւր խնարհութիւնը խիստ շատ վիրաւորուեցաւ, ուստի մէկէն քաշուեցաւ Վերտա ըսուած պղտիկ գեղը, որ քաղքէն քիչ հեռու լահն գետին զուարճալի ամանցը վրայ շինուած էր: Հոն հասնելով՝ երեսի վրայ ձգուած և կիսակործան

Հիւղ մը գտնելով՝ զայն իրեն բնակութեան տեղ ընտրեց, վասն զի չէր ուզեր և ոչ պզտի կերպով մը ծանրանալու դեղին աղքատ և թըշուառ բնակչացը վրայ: Կնքզինքը դրսի օդէն պատտպարելու համար՝ սանդուղի մը կամ վառարանի մը կամարին տակ պահուրտեցաւ, և տերեւներով ու ճիւղերով մեծ ծակերը կը գոցէր, ուսկից հօն ու արեգակը կրնային զինքը անհանգիստ ընել: Անձամբ կը պատրաստէր քիչ մը թեթեւ կերակուր որչափ որ կրնար, աստուծ մէ գոհանալով: Այս խեղճ բնակութիւնը զինքը ոչ տաքէն և ոչ ալ սաստիկ ցրտէն կը պաշտպանէր, վառարանին ծուխն ալ շատ կրնէր զինքը և աչուրները կը ցուցնէր: Սակայն Եղիաբեթ միշտ զաստուած յիշելով՝ ուրախութեամբ կը կրէր այս ամեննեղութիւններս: Այն միջոցին Մարպուրկի մէջ Կրտսեր Եղբարց վանքին քով փայտէ փոքրիկ տուն մը շինել տրւաւ, որպէս զի ամենուն ցուցնէ որ մայրաքաղքին մէջ բնակող հարուստ իշխանուհի մը չէր, հապա պարզ և համբերող այրի մը, որ ամենայն խոնարհութեամբ աստուծոյ ծառայելու կը պատրաստուէր: Երբ այս իրեն աղքատին հիւղն շինուեցաւ լմնցաւ, շուտով իւր տղոց և հաւատարիմ օրիորդացը հետ հոն գնաց բնակելու:

Սակայն պէտք էր իրեն աւելի որոշ և աւելի կատարեալ կերպով մը հրաժարիլ աշխարհքէս և աւելի ներքին և միանգամայն աւելի յայանի կապ մը ունենալ ընդ աստուծոյ: Երբոր դքսուհոյն խոստովանահայրը թոյլ չէր տար Փրանկիսիեանց կանոնացը հետեւելու, և դռնէ դուռ մուրալու իւր հանապազօրեայ հացը, սրբու-

Տւոյն Պլարայի հաւատաւորաց նման ուղեց գէթ
 աւելի մօտենալ՝ որչափ որ հնարաւոր էր՝ այն
 կեանքին՝ զոր օրինակ մը կը համարէր աւետա-
 րանական կատարելութեանց: Տեսանք որ նոյն
 իսկ իւր ամուսնոյն կենդանութեան ժամանա-
 կը մտեր էր սրբոյն Փրանկիսկոսի Արքեպիսկո-
 սոսնայ կարգը. այն ժամանակն որոշեց տալ այդ
 որդեգրութեանը հանդիսաւոր և հաստատուն
 կերպարանք մը. և թէպէտ մինչև այն ատենը
 Փրանկիսկեանց այս ճիւղը կանոնաւորեալ և
 բացարձակապէս վանական միաբանութիւն մը
 բացած չէր, սակայն ուղեց վանքի մէջ բնակող
 հաւատաւորաց նման հանդիսաւոր կերպով նո-
 րոգել իրեն ողջխոհութեան, հնազանդու-
 թեան և աղքատութեան ուխտերը, զորոնք այն
 չափ անգամ կրկնէր ու կրկնէր էր իւր սրտին
 մէջ: Այսպէս ըստ իրեն կարողութեանը կը ջա-
 նար ուրանալ ամեն երկրաւոր վայելք, միշտ
 մտածելով որ այս կերպով միայն այնչափ ժա-
 մանակ սրբոյն Փրանկիսկոսի միաբանութիւնը
 արժանաւոր եղաւ աստուծոյ մասնաւոր պաշտ-
 պանութեանը և բոլոր աշխարհքիս զարմանա-
 լուն պատճառ: Գոնրատ վարդապետն ալ հա-
 լանեցաւ այս մտածութեանը, միայն իմացուց
 իրեն թէ աղքատութեան ուխտը իրեն արգելք
 պիտի չըլլար ուղածին պէս գործածելու այն
 ամեն ստացուածքը՝ որ կամ օժիտէն, և կամ
 Հենրիկոսի իրեն պարգևած երկիրներէն ունե-
 ցեր էր. այլ ընդ հակառակն պիտի գործածէր
 ի սիրովել զաղքատս և հատուցանել այն մէկ
 քանի պարտքերը զոր թողուցեր էր իւր ամու-
 սինը:

Սակայն պէտք էր որ Եղիսաբեթ բոլոր սրբ-
տոմիս Տրաժարէր ոչ միայն երկրաւոր ամեն
մեծութիւններէ, այլ նոյն իսկ ամեն աշխար-
հական օրինաւոր կապերէ: Պիտէր Եղիսաբեթ
որ թէ՛ աշխարհիս վրայ, և թէ՛ իր անձին վրայ
յաղթանակ մը կանգնելու համար, իր կամքէն
աւելի, իրեն պաշտպան սրբոյն Փրանկիսկոսի
օրինակէն աւելի, և ուրիշ ամեն բանէ վեր աս-
տուածային գերագոյն շնորհք մը հարկաւոր
էր. և այն շնորհքը սովորականէ վեր եռանդով
մը խնդրեց յաստուծոյ կրօնաւորական զգեստը
հագնելէն շատ օր առաջ: Եղիսաբեթ կը պատ-
մէր իւր Խղանդրուտա բարեկամին թէ անդա-
դար կը խնդրէր աստուծմէ որ իրեն իրեք բան
շնորհէ. նախ՝ ամենայն երկրաւոր վայելքնե-
րէ կատարեալ զզուանք մը և ուրացութիւն.
Երկրորդ՝ քաջութիւն մը՝ որով կարենայ մարդ-
կանց բամբասանքը և նախատինքը բանի տեղ
չգնել. և երրորդ՝ այն սաստիկ սէրը չափաւո-
րել, որով կը սիրէր իւր տղաքը: Երկար ժա-
մանակ այս դիտմամբ աղօթելէն ետքը, օր
մը եկաւ վերջի աստիճանի ուրախութեամբ գը-
տաւ իւր ընկերակիցքը, և անոնց ըսաւ. «Լսեց
աստուած իմ խնդրուածս, ահաւասիկ այս ան-
ցաւոր աշխարհին ամենայն հարստութիւնն և
ամենայն ստացուածքը՝ զորոնք երբեմն կը սի-
րէի, հիմա իմ աչքիս առջևը ուրիշ բան չեն՝
բայց եթէ տիղմ: Իսկ մարդկանց բամբասանքը
և նախատինքը կ'արհամարհեմ և ատելու-
թեամբ կ'անգոսնեմ, ու անոր համար շատ եր-
ջանիկ եմ: Իմ փոքրիկ տղաքս, իմ գրկացս սի-
րելի տղաքը, զորոնք այնչափ կը սիրէի, և գորո-

վալից կը համբուրէի, հիմա ինծի օտարի պէս կ'երևնան, և վկայ է ինձ աստուած, որ անոր կը նուիրեմ և անոր կը յանձնեմ զանոնք. իւր կամքն ըլլայ յամենայնի. բան մը չեմ սիրեր և ոչ արարած մը, միայն իմ ստեղծողս և արարիչս կը սիրեմ» :

Այս դիւցազնական սիրով բորբոքած, Եղիսաբէթ յարմար ժամանակ սեպեց իւր ուխտերը կատարելու և այն զգեստը հագնելու որ արդէն նուիրական եղեր էր սրբոյն Փրանկիսկոսի և սրբուհւոյն Գլարայի փառաւոր օրինակներովը : « Թէ որ կարենայի, կ'ըսէր, սրբուհի Գլարայի զգեստէն աւելի աղքատ և խեղճ ըզգեստ մը գտնել, յօժարութեամբ կ'առնէի, վասն զի դեռ անարժան եմ մտնելու բոլորովին անոր սուրբ կարգին մէջ. բայց ափսոս որ չեմ կրնար գտնել » : Այս զգեստառութեան հանդէսն ուղեց իրեն կրօնաւորաց պարգևած մատրան մէջ կատարել աւագ ուրբաթ օրը : Այն օրն՝ յորում Քրիստոս ամեն բանէ մերկացեալ մեր սիրուն համար, մերկ գամուեցաւ խաչափայտին վրայ, և յորում խորաններն ալ իրեն նման մերկացած՝ կը յիշեցընէին հաւատացելոյ՝ գերագոյն զօհին յիշատակը. այս օրս Եղիսաբէթ ալ կ'ուզէր մերկանալ յամենայնէ, և խզել խորտակել վերջին կապերը որոնք կը կապէին զնա երկրիս հետ, որպէս զի աւելի թեթեւ թռչի իւր հոգւոյն փեսին ետևէն աղքատութեան և ողորմածութեան ճամբով : Հասաւ վերջապէս այն նուիրական օրն. Եղիսաբէթ ալ եկաւ իւր տղոցը, բարեկամացն և բազմաթիւ Փրանկիսկեան կրօնաւորաց առջև մերկ

խորանին քարին վրայ ձեռքերը դնելու և երգութենանալու՝ հրաժարելու իւր յատուկ կամքէն, ազգականներէն, տղոցմէն, բարեկամներէն, աշխարհիս ուրախութիւններէն և ճոխութիւններէն: Մինչդեռ Գոնրատ վարդապետը պատարագ կը մատուցանէր, Հէս գաւառին կրօնաւոր կրտսեր Եղբարց առաջնորդը՝ որ իբրև իւր գուստրը սեպեր էր զՆիդիսաբեթ և հոգևոր բարեկամը, անոր մագները կտրեց ու մթնագոյն պատմուճան մը հագցուց, և մէջքը այն չուանը կապեց որ որոշեալ նշանակ մըն էր սրբոյն Փրանկիսկոսի կարգին. հագաւ զգետար, և մինչև իւր մահուան օրը բոկոտն քալեց: Այն ատենէն ուզենալով ոչնչացընել իւր անցեալ մեծութեան և փառաց նշանները, դնել տուաւ իւր գործածած կնքոյն վրայ բոկոտն Փրանկիսկեանի մը գեմքը:

Կիւտա՝ իւր պատուոյ օրիորդն ալ, որ իւր մանկութեան հաւատարիմ և անբաժանելի բարեկամն էր, չուզեց այնպիսի կեանք մը վարել որ իւր սիրելի տիրուհւոյն կեանքէն տարբեր ըլլայ: Ուստի Երրորդականաց զգետար հագաւ և ողջախոհութեան ուխտը հանդիսաւոր կերպով նորոգեց, զոր քանի մը տարի առաջ Լուդովիկոս դքսին կենդանութեան ժամանակն ըրեր էր: Այս քաղցր կենաց և մտածութեանց միութիւնը, Եղիսաբեթի մխիթարութիւն մը կը բերէր, որ շուտով սլիտի վերնար: Սկսաւ այն ատենէն իւր տղաքը հեռացընել իրմէ, վասն զինքզինքը կը յանդիմանէր այնչափ եռանդեամբ զանոնք սիրելուն համար: Հերման՝ անդրանիկ որդին և հօրը երկիրներուն ժառանգը, որ հա-

զիւ թէ վեց Եօթը տարուան էր, Արիւղպուրի բերդը տարուեցաւ, աղէկ և ապահով սրաշտպանութեան տակ հոն մնալու մինչև ժամանակ մը՝ որ կարենայ տէրութեան սանձը ձեռք առնուլ, որ ան ատեն իւր հօրեղբօրը ձեռքով կը կառավարուէր: Հաւանական է թէ նոյն տեղը բնակած ըլլայ Սոփիա օրիորդը, որ արդէն նըշանուէր էր Պրապանի երիտասարդ դքսին հետ: Եղիսաբէթին երկրորդ դուստրը Սոփիա՝ արքայարանը դարձաւ, ու հաւատաւոր եղաւ. և հոն անցուց իւր կենացը մնացած մասը: Անոնցմէ ամենէն աւելի կրտսերագոյնը Աերդրուտա, որ հազիւ թէ երկու տարուան էր, որովհետև հօրը վախճանելէն վերջը ծնաւ, Ալդէնպէրկի հաւատաւորաց վանքը ղրկուեցաւ Վէյլար գետին ափունքը. ամենքը զարմացան որ այս պրկտիկ իշխանուհին այսպիսի աղքատ տուն և դեռ նոր հիմնուած հիւղի մը մէջ դրուեցաւ: Խըստիւ յանդիմանեցին զԵղիսաբէթ այս բանիս համար. սակայն անիկայ պատասխանեց որ այսպէս յարմարցուցեր էին իւր ամուսնոյն հետ, վերջին ողջոյնը տալու ժամանակնին. նոյն իսկ մանկան ծննդենէն առաջ աստուած մեղի ազդեց որ այս վանքը ընտրենք, վասն զի կ'ուզէ որ իմ դուստրս այս սուրբ տանս թէ՛ ժամանակաւոր և թէ՛ հոգևոր յառաջադիմութեանը հաղորդ ըլլայ:

Ահաւասիկ Եղիսաբէթի զոհը կատարուած. ալ հրաժարելու բան մը չէր մնացեր. ամեն բան մեռած էր անոր համար այս աշխարհիս մէջ. և իր քսան ու երկու տարուան հասակին Պօղոս առաքելոյն պէս կրնար ըսել. «Ա՛պրիմ, սա-

կայն էս չեմ որ կ'ապրիմ, այլ Յիսուս Բրիտանո
որ կ'ապրի ինձի հետ » :

Աշխարհք և այս աշխարհիս իշխանը սատա-
նան որ իրենց ատելութեամբը զինքը միշտ հա-
լածեցին, պիտի նորոգէին սաստկութեամբ ի-
րենց պատերազմները ու իրենց նախատինքը,
Ժամանակին մեծամեծներն ու իմաստուններն
ամէնը մէկ բերան կ'արհամարհէին Քրիստոսի
այս հարսն ու զինքը յիմար կը սեպէին. « Ի՞նչ
պէս կարելի է, կ'ըսէին, որ այսպիսի երիտա-
սարդ իշխանուհի մը երեսի վրայ ձգելով այն-
չափ սարտքերը՝ զորոնք հարկ է որ կատարէ, և
այնչափ օրինաւոր վայելքները, ու այսպիսի նոր
օրինակ կենաց կերպ մը ընտրէ, ու այդչափ ա-
ւելորդ ցաւեր ու վշտեր իր վրայ առնու » : Իսկ
մենք պէտք չէ որ այս կերպով մտածենք երբոր
այս քրիստոնեայ դիւցազն իշխանուհոյն յաղ-
թանակը կը տեսնենք. ու թէ որ այսչափ տկար
ենք որ չենք կրնար իրեն հետևող կամ նմանող
ըլլալ, գէթ այնչափ ալ կոյր չըլլանք որ չկարե-
նանք տեսնել ու զարմանալ անոր առաքինու-
թեանցը վրայ. այլ ընդհակառակն խոնարհինք
մեծարանօք այն աստուածային սիրոյն առջև՝ որ
Յիսուսի խօսքերուն կատարեալ հնազանդեցաւ.
անոր որ կ'ըսէ, թէ Ա՛վ որ ինձի կու գայ ու
չատէր իր հայրը, մայրը, կիներ, տղաքը, եղբայր-
ներն ու քոյրերը ու ինքզինքն ալ, անիկայ չկը-
նար իմ աշակերտս ըլլալ :

Նդիսաբեթին աղքատ կեանքը, և իրեն ցուցած խոնարհու-
թիւնն ու գթութիւնն առ ամենայն մարդիկ.

Նդիսաբեթ մինակ զաստուած իւր ընկեր ու-
նենալով՝ ուզեց որ այն կամաւոր աղքատու-
թիւնը՝ զոր յանձն առեր էր՝ ըստ կարելոյն
կատարեալ և ճշմարիտ ըլլայ. ուստի որոշեց որ
ամենայն ինչ իր տնակին փայտին ու հողին հա-
ւասարի՝ այն ողորմելի խրճրթին զոր իւր բնա-
կութիւնն ըրեր էր: Ուստի հրաժարեցաւ այն
ամեն եկամուտներէն՝ զորոնք Պոնրատ վարդա-
պետը ստիպեր էր զՆդիսաբեթ որ պահէ ի սիր-
տումն աղքատաց և ուրիշ բարեպաշտ գործոց
համար: Սակայն Նդիսաբեթ չկարենալով իւր
խոստովանահօրէն հրաման առնուլ իր հանա-
պազօրեայ հացը մուրալու, որոշեց որ իր ձեռաց
գործովն իր ապրուստը հոգայ, և այս բանիս
համար՝ ուրիշ բան չէր կրնար ընել բայց եթէ

մանեւ, բուրդ միայն գիտէր մանեւ, բամպակը
 չէր գիտեր: Ալլէհնպէրկի: Բարայարանէն բուրդ
 բերել կու տար մանեւլու համար և հաւատաւու
 րաց կը զըկէր. անոնք ալ անոր աշխատութեան
 փոխարէն արժէքը կը զըկէին. շատ անգամ ա-
 նոր արժէքէն ալ վար ստակ կը զըկէին: Եղի-
 սաբէթ ընդհակառակն կարգէ դուրս խիղճով
 կը ջանար իւր գործը կատարել: Օր մը որ կան-
 խիկ ընդունել էր քիչ մը բուրդի ստակը զոր
 պիտի մանէր, Գոնրատ վարդապետը լուր զըկեց
 դքսուհւոյն որ Մարպուրկէն իրեն հետ Ազնակ
 երթայ. Եղիսաբէթ տեսնելով որ չէր կրնար
 ամբողջացընել իւր գործը, Բարայարանը զըկեց
 այն մնացած քիչ մը բուրդը՝ զոր դեռ չէր մա-
 նած, քանի մը դրամ ալ վրան դնելով, վախնա-
 լով որ չըլլայ թէ մեղադրեն զինքը արժէքին
 աշխատանքէն աւելի ստակ առած ըլլայ ըսելով:
 Եւ սակայն այնչափ փափաքով և եռանդեամբ
 կ'աշխատէր, որ կարգէ դուրս տկարութիւն-
 ներն ու յաճախակի հիւանդութիւնները քանի
 տեղ չէր դնէր. և մինչև անկողնոյն մէջն ալ
 մանեւէն չէր դադրեր: Դքսուհւոյն բարեկամնե-
 րը ձեռքէն կ'առնէին ըզքը, որպէս զի չաշխա-
 տի. ինքն ալ սարսապ չկենալու համար բուրդը
 կը մաքրէր ու կը պատրաստէր ուրիշ անգա-
 մուան գիւրութեան համար: Իւր աշխատանա-
 ցը խեղճ եկամուտէն ալ մաս մը մէկդի կը դը-
 նէր, եկեղեցւոյն ընծայելու համար, և մնացոր-
 դովը իւր ազգատին կերակուրը կը հողար: Այս
 կերակուրներէն աւելի անհամ և աւելի խեղճ
 կերակուր չէր կրնար ըլլալ. և եթէ համով և
 փափուկ կերակուր մ'ալ տային իրեն, ինքը ա-

աւանց ճաշակելու՝ կ'աճապարէր զանոնք տանել իւր հիւրանոցին աղքատացը: Սակայն ուրիշ կողմանէ ալ չէր արհամարհէր քրիստոնէական խոհմամ կարգերն ու խորհուրդները կերակրել- զինաց համար, և իւր բժշկին կը հարցընէր որ իրեն ճշդիւ ըսէ ժուժկալուժեան կարելի սահմանը: Ասան զի կը վախէր որ չըլլայ թէ ապօրինաւոր տկարուժիւններ վրան գան ու զինքը անյարմար ընեն աստուծոյ ծառայելու, որուն օր մը համար պիտի տար իր գործոցը համար: Եւ յիրաւի ստեպ կը հիւանդանար, և կերակրոյ տեղ շատ անգամ պարզ ջրոյ մէջ եփուած և առանց աղի բանջարեղէններ կ'ուտէր, զորոնք անձամբ կը պատրաստէր իրեն ձեռքէն եկածին չափ: Եւ երբ այսպէս իւր փոքրիկ տընտեսուժեան աշխատանացը կը զբաղէր, միշտ իւր միտքն ու աչքերն առ աստուած կը վերցընէր, թէ՛ աղօթքով և թէ՛ ջերմեռանդուժեամբ, և յաճախ երբոր մինակ իւր վառարանին քով կ'ըլլար, ուր կ'եփէր իւր չափաւոր կերակուրը, կամ տաքնալու ժամանակը, այնպէս մտածուժեանց մէջ կ'ընկղմէր՝ որ յաճախ ածուխի կըտորներ և կայծակներ կ'իյնային անոր զգեստուցը վրայ, և կ'այրէին առանց իրեն խմանալուն, թէպէտև անոր ընկերակիցքը սենեակը մանելով այրած նիւթերուն հոտէն և մուխէն կը խղզուէին:

Նղիսաբեժին զգեստներն ալ կերակուրին համաձայն էին. հաստ չուխայէ կոշտ զգեստ մը հագեր էր, զոր միայն աղքատք և գեղացիք կը գործածէին. այն ալ պատրուած իսկ թեւերը խառնափնդոր կարկրտաններով

կարուած էր. մէջքն ալ հաստ չուան մը կապած էր. վրայի վերարկուն ալ նոյն նիւթէն էր, բայց շատ կարճ ըլլալով հասակին՝ ուրիշ նիւթով մ'երկնցուց զայն: Ամեն տեղէ՛ ուր որ կը գտնէր այլ և այլ գոյներով չուխայի կոտորներ՝ կը ժողովէր. ու կը պահէր, և ետքը իւր յատուկ ձեռքովը զգեստին այրած և պատըռտած տեղուանքը անոնցմով որչափ որ կրնար կը կարկըտէր, որովհետեւ լաւ կարել ալ չէր գիտեր: Եւ չէր ալ քաշուեր այս զգեստով դուրս ելնելու, որով ալ աւելի կը հաստատէր չար և անպիտան մարդկանց կարծիքը, որոնք զինքը յիմար կը կանչէին. բայց կը գտնուէին նաև բարեպաշտ անձինք որ մեծ համարմունք ունէին Եղիսաբէթին վրայ, և երկրորդ սրբուհի Վլարա զանիկայ կը կարծէին: Գքսուհին անդադար կը մերկանար իւր հասարակ զգեստները՝ աղքատաց տալու համար, և հազիւ թէ հաղնելու զգեստ կը պահէր իրեն. անոր համար յաճախ ձմեռւան սաստիկ ցրտերուն կը ստիպուէր իւր փոքրիկ վառարանին քովը կենալ, կամ իւր անկողնոյն մէջ երկու վերմակով կը ծածկուէր. թէպէտ և շատ անգամ ալ բաց կը մնար, ու այս խօսքերը կ'ըսէր. «Ահաւասիկ իբրև թէ իմ դագաղիս մէջ պառկեր եմ». և այս ամեն նեղութիւններս Եղիսաբէթին համար նորանոր ուրախութեանց աղբիւրներ էին:

Այս իր ամենայն զրկմանց մէջ Եղիսաբէթ ոչ իւր բնաւորութեան ուրախութիւնն, և ոչ ալ ընդհանուր և կարգէ դուրս քաղցրութիւնը կը կորսնցընէր, որ զինքը երեւելի ըրեր էին: Ի՞նչ մանկութեան հասակէն ի վեր միշտ նախամե-

ծար սեպեր էր աղքատաց և թշուառաց ընկե-
 րութիւնը և կարգէ դուրս զանոնք կը սիրէր. և
 հիմա իւր առանձնութեանը մէջ չէ թէ միայն
 նոյն գորովալից և քաղցր սէրը իւր պատուոյ օ-
 րիորդաց կը ցուցնէր՝ որոնք ուզեցին դքսուհոյն
 հետ մէկտեղ կենալ, այլ նաև այն աղախիննե-
 րուն որ Գոնրատ վարդապետը իրեն ծառայու-
 թեանը որոշէր էր: Աշխանուհին խնդրէր էր ա-
 նոնցմէ որ ոչ ոք՝ որչափ ալ նուաստ աստիճանի
 ըլլայ՝ իրեն պատուոյ կամ մեծարանաց անուն
 մը չտայ, այլ միայն մկրտութեան պարզ ա-
 նուամբը Եղիսաբէթ կոչէ զինքը. և անոնց հետ
 այնպէս կը վարուէր որ կարծես թէ իւր հաւա-
 սարն կամ անոնցմէ ալ ստորինն ըլլար: Եղիսա-
 բէթ կը ջանար աւելի անոնց ծառայել՝ քան
 թէ անոնցմէ ծառայութիւն ընդունիլ: Այս
 թագաւորաց դուստրը՝ կ'ախորժէր լուալ և մաք-
 րել փոխանակ անոնց իւր խոհանոցին անօթ-
 ներն և գործիները. և որպէս զի կարենայ ամե-
 նայն ազատութեամբ այսպիսի գործոց զբաղիլ,
 որ նուաստ և արհամարհ է մարդկանց առջև,
 սակայն ազնուացած աստուծոյ առջև գերագոյն
 խոնարհութեամբ մը, յարմար միջոց կը գտնէր
 աղախինները իւր քովէն հեռացնելու, անոնց
 արտաքին ծառայութիւն մը յանձնելով. երբ-
 որ տուն կը գառնային աղախինները կը տես-
 նէին որ ամեն բան իրենց տիրուհին ըրեր լմըն-
 ցուցեր էր: Իւր կերակուրը անոնց հետ պատ-
 րաստելէն վերջը, ինչպէս որ տեսանք, կ'ուզէր
 որ իրեն հետ կերակուր ուտեն իր քովը նըս-
 տած, և շատ անգամ այն պնակէն ուսկից որ
 ինքը կ'ուտէր: Անոնցմէ մէկը՝ Երմանկարտ ա-

նուամբ, որ այս ամենը մանրամասն պատմեց եկեղեցական դատաւորաց, զարմացած իշխանուհւոյ մը այսչափ խոնարհութեանը վրայ՝ որ ժամանակաւ այնչափ զօրաւոր էր, օր մը կ'ըսէ անոր. «Յիրաւի, տիկին, մեծ արդիւնք կը ստանաս մեզի հետ բռնած կերպովդ. սակայն կը մոռնաս որ ասանկով զմեզ մեծ վտանգի մէջ կը ձգես, վասն զի կը հպարտանանք՝ երբոր քու սեղանդ և քու քովդ նստած կերակուր կ'ուտենք»։ Արուն իշխանուհին պատասխանեց. «Արովհետեւ ատանկ է, պէտք է որ դաս նստիս իմ ծնկանս վրայ»։ և շուտով առաւ զիս իւր բազկացը մէջ, և նստեցուց ծնկուրներուն վրայ։

Եղիսաբեթ իր համբերութիւնն ու սէրը ամեն բանի մէջ կը ցուցնէր։ Ար և իցէ բանի վերայ ոչ կը բարկանար և ոչ ալ կը դժկամակէր, երկայն բարակ կը խօսակցէր իւր ընկերակցացը հետ. այն երկնային քաղցրութիւնը և իւր սրբտին ուրախութիւնը կը զեղուր այս ընտանի խօսակցութեանց մէջ, որոնք շատ օգտակար էին ներկայ գտնուողներուն և լսողներուն վերելութեանը համար։ Բայց չէր ուզէր որ իւր առջևը թեթև և ընդունայն խօսակցութիւններ ըլլուէին, կամ թէ բարկութեամբ և անհամբերութեամբ զուրցուած. զորոնք միշտ կ'ընդհատէր ու կը ջանար այնպիսի խօսակցութիւնները խափանել. «Շատ լաւ, կ'ըսէր, ուրեմն հիմա ուր է աստուած»։ և յանցաւորները շնորհքով և քաղցրութեամբ կը յանդիմանէր։

Այսպիսի կեանք մը, որ դրսուանց այնչափ դժնդակ և այնչափ նուաստացուցիչ է, սակայն այնչափ փառաւոր է աստուծոյ առջև, և այն-

չափ արդիւնաւոր այնպիսւոյն համար որ ինք-
զինքը բոլորովին անոր տուեր է Եղիսաբեթի
պէս, որ իր հոգւոյն վրկութեանը խնամքէն
վերջը, իւր երկրաւոր կենաց առաջին և մինակ
չա՛հն էր իրեն աղքատ և վշտացեալ եղբարց
սիրտումը: Ամենայն ինչ արհամարհելէն և առ
տուժոյնու իրելէն ետքը, որպէս զի աւելի ապա-
հով կերպով գտնէ զՅիսուս յերկինս, Եղիսա-
բեթ չէր կրնար երեսի վրայ ձգել անոր նեղու-
թեան մէջ եղող անդամները՝ որ ցրուեալ տա-
րածեալ էին յերկրի: Բաւական չի սեպելով
իւր ժառանգութեան իրաւունքը աղքատաց
թողուլը՝ իրեն բան մըն ալ չէր պահած՝ որով
կարենայ հոգալ իւր կենաց առաջին պիտոյքը,
անոր համար ստիպուեր էր իւր ուղղիչը սանձ
մը դնել անոր չափէ դուրս հոգեւոր շուայլու-
թեանը. պէտք էր իրեն նաև, որ դեռ կտրիճ՝
երիտասարդութեան հասակին մէջն էր, ընկե-
րանալ յամենայնի աղքատաց թշուառութեան
ցը, անձամբ լուալով և մաքրելով անոնց թէ-
հոգւոյն և թէ մարմնոյն վէրքերը: Հաղիւ թէ
Մարպուրկ հասեր էր, իւր առաջին խնամքն ե-
ղաւ հիւանդանոց մը շինել տալ, զոր նուիրեց
ի պատիւ յիշատակի սրբոյն Փրանկիսկոսի առ-
սիղացւոյն, Գրիգոր Թ պապին հրամանաւը:
Այս քահանայապետը որ սրբոց կարգը անցու-
ցեր էր այն սերովրէանման մարդը, յարմար ա-
ռիթ սեպեց՝ անոր մարմնոյն փոխադրութեանը
ժամանակ՝ զրկել այն սրբոյն թագաւորազուն
և քաջասիրտ նմանողին խեղճ և աղքատին վե-
րարկուէն զատ՝ զոր առաջ զրկեր էր, ուրիշ ալ
աւելի պատուական պարգև մը. որ էր սրբոյն

արեանը մէկ քանի կաթիլներէն որ անոր կողէն ելեր էին, երկնքէն աստուածային սպեայ տպաւորութիւնը ընդունելու ժամանակը: Եղիսաբէթ այս նուիրական պարզւելը նոյն սիրովն ընդունեցաւ՝ որով քահանայապետն չնորհեր էր իրեն իբրև նոր առհաւատչեայ մը անոր դաշնակցութեանը և ունեցած սիրոյն որ առ Քրիստոս: Եղիսաբէթ չէր կրնար աւելի մեծարել և պատուել այս սուրբ նշխարքը, քան թէ դնելով զայն մարդկային հիգութեանց ապաստանին մէջ, որոնց նուիրեր էր իւր մնացած կեանքը: Երբոր հիւանդանոցին շինութիւնը լմնցաւ, բազմաթիւ աղքատ հիւանդներ և խեղեր որչափ որ գտաւ հոն դրաւ: Յետոյ ամեն օր հետն առած իւր երկու հաւատարիմ բարեկամներն և քոյրերն ի Քրիստոս, Աիւտա և Իզանդրուտա, հոն կ'երթար, և երկար ժամերով անոնց վերքերը կը լուար ու կը մաքրէր, և անոնց սահմանեալ դեղերը կը մատակարարէր. և ամեն բանէ աւելի կը մխիթարէր զանոնք անուշ ու սիրալիր խրատներով: Եղիսաբէթ կը ջանար իւրաքանչիւր ախտացելոյն թէ՛ հոգևորական և թէ՛ մարմնաւոր հիւանդութեանց ծանրութիւնն և տեսակը իմանալ: Այ միայն կը մխիթարէր աղքատները, հապա նաև անոնց աղախինը կ'ըլլար. և որ և իցէ գործ ոչ դարչելի ոչ անարգ և ոչ անպիտան կ'երևնար իր աչքին, վասն զի անոնցմէ ամեն մէկը իրեն համար մէյմէկ կենդանի պատկերներ էին իւր հոգևոր երկնաւոր փեսային: Այն հիւանդները որ դժկամակութիւն մը կամ արհամարհանք կը պատճառէին դիմացինին, ամենէն առաջ անոնք իւր գթու-

Թեան և խնամոց նպատակ կ'ըլլային և կ'ընդունէին անոր Թագաւորական ձեռքերէն ամենէն աւելի անարգ և ցած խնամքը. շատ հեղբօղիներն անգամ կը փախչէին այդ զզուելի հիւանդներէն, մինչդեռ Եղիսաբէթ զանոնք գգուանօք կը սիրէր, և քաղցր ընտանուԹեամբ անոնց վէրքերն ու սոսկալի սպիները կը համբուրէր:

Ոչ որ ի մարդկանէ երբէք այսպիսի հրաշալի յաղթանակ մը կանգնած է զգայուԹեանց դիմամարտուԹեանը վրայ, և այսպիսի կերպով միացուած եռանդն և յարատեուԹիւնը աստուածային սիրոյն հրահանգացը մէջ: Ամենքը կը զարմանային երբ կը տեսնէին այն կեանքը զոր կամաւ ընտրէր էր Թագաւորի օրիորդ մը որ հազիւ քսանուերկու տարուան կար. և որուն նմանը և ոչ իսկ սրբոց վարուցը մէջ կը տեսնուէր: Օր մը՝ գբսուհւոյն եկեղեցի երթալու ժամանակը, Թշուառ և աղքատ մուրացկան մը ձամբուն վրայ սրտահեցաւ, զոր իւր տունը տարաւ և շուտով մը անոր ձեռքերն ու ոտքերն լուաց: Սակայն այն անգամ այս բանս այնպիսի զզուանք մը բերաւ Եղիսաբէթին՝ որ դող եկաւ վրան, բայց շուտով ինքզինքը յաղթելու համար՝ ըսաւ իր մարմնոյն. « Ո՛հ, գարշելի և անպիտան սարկ, այս բանս զքեզ կը գանեցընէ. բայց գիտցիր որ այս ջուրը սուրբ ըմպելիք մըն է » . և այս խօսքերն ըսելով խմեց այն ջուրը զոր գործածէր էր աղքատին ոտքերը լուալու. յետոյ ըսաւ. « Ո՛վ աստուած իմ, երբոր խաչիդ վրայ գամուեր էիր, ինչպէս խմեցիր այն քացախով լեղին, և ես ոչ երբէք արժանի եմ այս

պիսի ազնիւ ըմպելիքի մը . օգնէ՛ ինծի որ լաւագոյն ըլլամ » :

Բորոտք՝ որ աւելի կերպով մը զգուելի սեպուեր են մարդուս աչքին՝ իրենց հիւանդութեան տարափոխիկ ըլլալուն պատճառաւ, Եղիսաբեթ զանոնք աւելի կը սիրէր և աւելի կը խնամէր, կը լուար ու կը համբուրէր անոնց վերքերը . վարագոյրներ և ուրիշ պատուական նիւթեր կը կտրերտէր, որպէս զի կարենայ աղքատներուն մարմինը սրբել և փածտել երբ բազմիկէն կ'ենէին : Եղիսաբեթ անձամբ կը պատրաստէր անոնց անկողինը, կը պառկեցընէր և կը ծածկէր կըցածին չափ : « Ո՛հ, որչափ երջանիկ ենք, ըսաւ օր մը իւր աղախնեայցը, որ կըրնանք լուալ և հագուեցընել այսպէս մեր տէր Յիսուս Քրիստոսը » : Որուն անոնցմէ մէկը պատասխանեց . « Կարելի է, տիկին, որ քեզի հաճոյ անցնի այս քու բռնած ձամբադ . բայց չեմ գիտեր թէ այս կեանքը արդեօք ամենուն ալ կրնայ յարմարիլ » : Գոնրատ վարդապետը տեսնելով որ Եղիսաբեթին առ հիւանդս ցուցած ողորմութիւնն ու գութը չափազանց էր, արգիլեց զինքը որ ոչ դպչի և ոչ ալ պագնէ բորոտներուն և ուրիշ հիւանդաց վերքերը . վասն զի կը վախէր որ չըլլայ թէ անոնց ախտերն իրեն պըշտրկին : Բայց այս զգուշութիւնը իր նպատակին հասաւ, որովհետեւ վերջի աստիճանի տրտմելով այդ արգելքին համար, և սրտին տազնապը և գութը սաստկանալով՝ զինքը անկողին ձգեցին :

Չէ թէ միայն իւր եղբարցը մարմնոյ ցաւերուն այս եռանդուն Քրիստոսի աշակերտը իր

գութն ու բարերարութիւնները կը ցուցնէր, այլ և ամենեւին աչքէն չէր ելլէր ոչ անոնց հոգւոյն առողջութիւնը և ոչ ալ հողէտրական դեղերը: Խղճիւ կը հսկէր որ աղքատները կարելի եղածին չափ մկրտել տան իրենց սրտիքը, և ախտաժէտք խոստովանին ու ընդունին վերջի խորհուրդները, չէ թէ մահուան ժամանակնին՝ հապա հիւանդանոց մտնելուն պէս: Թէ պէտե իւր օրինակը պէտք էր որ մեծ ազդեցութիւն ընէր իւր խօսակցութեանցը, սակայն Եղիսաբէթի յաճախ դէմ կը կենային այնպիսիներ՝ որոնք աղքատութեամբ անոր վշտերովը դառնացեր էին և կամ երկար ատեն եկեղեցւոյ մատուցած օգնութիւններէն հեռու՝ թըշուառաբար գաղջութեան մէջ կը գտնուէին: Սը մը կոյր հիւանդ մը հիւանդանոց եկաւ, և խնդրեց որ զինքն ընդունին, նոյն ատեն Եղիսաբէթ ալ դրան առջև գտնուելով Պոնրատ վարդապետին հետ՝ դքսուհին աղքատին խեղճութիւնը տեսնելով՝ յանձն առաւ ուրախութեամբ որ այդ կոյրն ընդունին, բայց այս պայմանաւ որ նախ պիտի սկսէր անոր ներքին հիւանդութիւնը բժշկել ապաշխարութեան ատենին մօտէնալով խոստովանութեամբ: Բայց կոյրը ցաւէն և այս յորդորանքներէն նեղանալով, սկսաւ երդուրննալ և հայհոյել՝ այն բաները աւելորդապաշտութիւն սեպելով: Եղիսաբէթ բարկացած՝ խստիւ յանդիմանեց զնա, անանկ որ շուտով զղջումի եկաւ ու Պոնրատ վարդապետին առջև ծնկան վրայ գալով՝ բարեպաշտութեամբ խոստովանեցաւ:

Պքսուհին բաւական չէր սեպեր իւր ողորմա-

Ծուծիւնն միայն հիւանդանոցին մէջ գործածել որ իւր սիրական բնակարանն էր, հապա իւր աղախնեայցը հետ Մարպուրկի աղքատաց տնակներն և անոր շրջակայքը եղող գիւղերը այց կ'ելնէր, և նոյն ատենը տանել կու տար հիւանդանոց միս, հաց, ալիւր և ուրիշ նիւթեր, զորոնք անձամբ կը բաժնէր աղքատաց. սրտաշարժ կերպով կը մտնէր անոնց տխուր և սգալի բնակարանաց մէջ և զգուշութեամբ կը դիտէր անոնց զգեստներն և անկողինները, որպէս զի կարենայ հոգալ անոնց պիտոյքը: Աքսուհին վաճառել կու տար ի ծածուկ իւր քովը մնացած ակունքն, մատանիները, դիպակէ քողերն և ամենայն երկրաւոր զարդերը. և այն ստակով աղքատաց օգնութեան կը հասնէր, և հոն ալ փոյթ ունէր ամենէն աւելի ընտանի ծառայութիւններն ընել անոնց, և կը ջանար ամենէն դոյզն փափաքնին ալ կատարել: Չմեռնային ցուրտ և սառած օր մը, խեղճ հիւանդ մը ձուկ ուտելու փափաք ունեցաւ. Աղիսաբէթ ալ մէկէն մերձակայ աղբիւրը գնաց, խնդրելով օգնութիւն աստուածային նախախնամութենէն. «Տէր Յիսուս Քրիստոս, ըսաւ, եթէ կ'ուզես՝ ձուկ տուր ինձի այսօր որ այդ աղքատին տանիմ»: Յետոյ աղբիւրէն ջուր առնելով՝ մեծ ձուկ մը գտաւ, և կարգէ դուրս ուրախութեամբ աճապարեց աղքատին տանիլ:

Երբոր իւր բարի գործոցը մէջ այնպիսի աղքատներու կը հանդիպէր՝ որոնց հիգութիւնը, տկարութիւնը կամ ցաւերը մասնաւոր գութ մը կ'ազդէին, կամ իրենց բարեպաշտութեամբը՝ աւելի նուիրական կերևնային աչքին առ-

ջեր, Եղիսաբէթ զանոնք բերել կու տար չէ թէ միայն իւր հիւանդանոցը՝ հասկա նաև իւր յատուկ բնակարանը. կը ջանար անոնց ծառայութիւն մը ընել, և իւր սեղանը նստեցընել կու տար: Պոնրատ վարդապետն այս բանին համար սաստիկ յանդիմանեց զԵղիսաբէթ. իսկ դքսուհին սատասխանեց անոր. « Ո՛հ, չէ, սիրելի տէրս, չէ. զանոնք ինձի թող, և յիշէ՛ իմ անցեալ կեանքս՝ որ զբաղէր էի աշխարհիս հարբստութիւններովը. հիմա պէտք է ինձի որ շուկեմ՝ ըրած սխալանքներս, պէտք է որ կեանքս անցընեմ խոնարհաց հետ. և որովհետև անոնց ընկերութիւնը բազմաթիւ չնորհներ կը սարգւէ ինձի՝ թող ուրեմն որ վայելեմ »:

Յետոյ աղքատ, հօրէն ու մօրմէն որբ մնացած տղայ մը տեսաւ, որ խեղ էր ի ծննդէնէ, միականի և հիւանդ, իրեն որդեգրեց և զգուշութեամբ խնամեց: Այս երեսի վրայ ձգուած խեղճ արարածս Եղիսաբէթին քով մօրմէն աւելի գութ և խնամք գտաւ, վասն զի դքսուհին հիւանդին քով ամբողջ գիշերներ կ'անցընէր, և ամենէն աւելի նողկալի և աղտեղի ծառայութիւններ կ'ընէր, զանիկայ սիրելով և մխիթարելով գորովալից խօսքերով: Մանուկը վախճանեցաւ, և Եղիսաբէթ անոր տեղը շուտով ուրիշ աղջիկ մ'առաւ, որ բորոտութեամբ պրժգալի կերպարանք մ'առեր էր, անանկ որ հիւանդանոցին մէջ ոչ որ կը համարձակէր մտնել և ոչ ալ անոր երեսը նայիլ: Իսկ Եղիսաբէթ ընդ հակառակին այն վայրկեանէն որ հիւանդ բորոտը տեսաւ, անոր քովն եկաւ բարեպաշտ մեծարանքով, կարծես թէ ինքն Քրիստոսը:

տոնն էր, որ իրեն երեցած ըլլար՝ ցաւոց այս քո-
ղին տակ. իշխանուհին մէկէն ծնկան վրայ դա-
լով բորոտին առջև՝ անոր մուճակներն ու գուր-
պաները հանեց, թէպէտե տղան դէմ կը կե-
նար: Յետոյ անոր վէրքերը լուաց և մաքրեց և
սահմանեալ դեղերը մատակարարեց. թէ՛ ոտ-
քին և թէ՛ ձեռքին եղունգները կտրեց. և այն-
պիսի սիրով և բարութեամբ խնամեց՝ որ շու-
տով թշուառ բորոտին վիճակը լաւագոյն եղաւ:
Վերջը իւր տունը բերել տուաւ այն բորոտը, և
և սկսաւ անձամբ յարդարել անոր անկողինը.
երկար ժամեր կ'անցընէր անոր քովը, յորս կը
ջանար խեղճ՝ բորոտին հետ խաղալով թէ՛ ցա-
ւերն և թէ՛ թշուառութիւնը մոռցընել տալ,
և սիրովէլ զանիկայ քաղցր և սիրալիւր խօսքե-
րով: Սակայն Գոնրատ վարդապետն իւր խոս-
տովանորդոյն այն բռնած ընթացքն իմանա-
լով՝ հեռացուց անկից աղքատ բորոտը, վախե-
լով որ չըլլայ թէ՛ անոր տարափոխիկ ախտն ստա-
նայ: Եղիսաբէթին այս չափազանց եռանդը ընկ-
ձելու համար այնպիսի խիստ ապաշխարանք մը
դրաւ վրան՝ որ յետոյ սարսք սեպեց քահանա-
յապետին յայտնել իւր զղջումը: Իսկ Եղիսա-
բէթ՝ որուն անխոնջ եռանդը բան մը չկար
որ կարենար լքուցանել, շուտով իւր քովն ա-
ռաւ ուրիշ տղայ մ'ալ, որուն հիւանդութիւնը
բորոտութենէն աւելի նողկալի և աղտեղի էր.
զոր անտարբեր կը խնամէր. և այնպիսի ճարտա-
րութեամբ և փորձառութեամբ անոր հետ կը
վարուէր, զոր միայն այս սրբազան դիտութիւ-
նը իրեն կրնար թելադրել. դբտուհին այն բո-
րոտը իւր քովը պահեց մինչև անոր մահը: Այս

պէս բորոտներն Եղիսաբէթին սիրոյն և գորովա-
նացը նպատակ եղեր էին միշտ, որոնցմէ ուրիշ-
ներն ընդհակառակն կը փախչին, գիտնալով որ
մարդկանց ամեն հիւանդութիւններէն աւելի
ասիկայ է որ մարդուս կեանքը շուտ շուտ կը
կարճեցնէ: Վերմանիոյ Փրանսկիսկեանց առաջ-
նորդը՝ Եղբայր Վերարտ, որ Պոնրատ վարդա-
պետէն ետքը դքսուհւոյն բարեպաշտ և մտե-
րիմ մտածմանցը խորհրդակիցն էր, օր մը գա-
լով Եղիսաբէթին այցելութեան, դքսուհին եր-
կայն բարակ անոր հետ սուրբ աղքատութեան
վրայ խօսելէն ետքը, աղաղակեց. « Ո՛հ, հայր
իմ, այն՝ որ բոլոր սրտովս կը փափաքէի՝ ուրիշ
բան չէր բայց եթէ ինձի հետ յամենայնի իբ-
րև հասարակ բորոտի մը պէս ամենքը վարուին.
կ'ուզէի որ ինձի ալ ընեն ինչ որ կ'ընեն այս
աղքատ և թշուառ մարդկանց. ինձի ալ յար-
դէ և խոտէ փոքրիկ հիւղ մը տան և դրան առ-
ջև լաթ մը կախեն և դանձանակ մը դնեն, որ-
պէս զի ճամբորդներն քիչ մը ողորմութիւն ձը-
գեն »: Այս խօսքերուն վրայ այլայլութիւն մը
եկաւ վրան. և խելքը միտքը երկինքը վերանա-
լով՝ սկսաւ երկնայնոց հետ սրբազան երգեր եր-
գել՝ զոր մեծաւորն ալ որ իւր բազկացը մէջ
բռներ էր զանիկայ՝ լսեց. յետոյ խելքը գլուխն
եկաւ: Թոյլ տրուի մեզի որ սրբուհւոյն Եղիսա-
բէթի այս խօսքը բացատրելու համար բերենք
հոս մեր պատմութեանը մէջ քանի մը մանրա-
պատում պարագաներ թէ ինչ կերպով բորոտ-
ներն և թշուառները ուղղափառ դարբերուն մէջ
կը նայուէին:

Քրիստոնէութեան առջի դարբերուն մէջ՝ Ե-

կեղեցին այնպիսի միտիթարութիւններ կը շնորհէր մարմնաւոր հիւանդութեանց՝ զոր հաւատք և աստուածապաշտութիւն միայն կրնային ընծայել քրիստոնէից. այսինքն թէ չկարենալով նիւթական դեղերով այս հիւանդութեանց առջևը առնուլ, այն խեղճ՝ արարածոց բարոյապէս սրբութեան պատիւ մը կ'ընծայէին, անանկ որ այն միջոցին բորոտը նուիրական բան մը սեպուեր էր եկեղեցւոյ և հաւատացելոց առջև, պարզ և աստուծոյ և մասնաւոր նշան մը աստուածային սիրոյ : Նոյն ատենուան պատմութեանց մէջ կը կարդանք թէ Գուլիէլմոս աշխարհակալին ժամանակակից կտրիճ իշխաններէն մէկը կրօնաւոր ըլլալով, խոնարհութեամբ խնդրեց յաստուծոյ՝ իբրև առանձին շնորհք մը՝ որ անբժշկելի բորոտութեամբ զինքը հիւանդացրնէ, որպէս զի անանկով կարենայ իր մեղքերը քաւել. և աստուած ալ մտիկ ըրաւ իրեն աղաչանքին ու զրկեց : Արբ արդար և ողորմած աստուծոյ բարձր բազուկը կը զարնէր քրիստոնէի մը, այնպիսի կերպով որ մարդուս խելքը չհասնիր, այն վայրկենէն քրիստոնէին հիւանդութիւնը մեծարանաց նիւթ մը կ'ըլլար ուրիշ հաւատացելոց առջև : Բորոտները ստիպուեր էին իրենց հիւանդութեանցը համար ամենէն զատուիլ և հեռանալ. բայց իրենց եղբարցը սէրն ու աղօթքը իրենցմէ ամենեւին չէր բաժնուեր. ու երբ նոյն հիւանդութեամբ ախտացեալ մը կը ստիպուէին իրենց մէջէն դուրս հանել՝ կարգէ դուրս սրտաշարժ աղօթքներ կ'ընէին անոնց վրայ : Հիւանդը մէջտեղ բերել կու տային, ու իրեն առջևը ննջեցելոց պա-

տարագ մը մատուցանելէն ետքը՝ կ'օրհնէին այն ամեն կահ կարասիքը զոր պիտի գործածէր իր առանձնու թեանը ժամանակ. ու հոն ներկայ եղողներն ամենքն ալ իրեն ողորմութիւն տալէն ետքը, քահանաները իրենց հետն առած բոլոր հաւատացելոց բազմութիւնը՝ կը տանէին զինքը մասնաւոր տնակի մը մէջ ու զայն իրեն բնակութիւն կը սահմանէին: Այս տնակին վերայ քահանայն գերեզմանի հող կը ցանէր ու կ'ըսէր. « Այսպէս մեռեալդ աշխարհի՛ կենդանի լիցիս առ աստուած ». ու ետքը միսիթարական խօսքերով կը յիշեցընէր իրեն արքայութեան փառքը և անանց ուրախութիւնը. և եթէ առ այժմն բաժնուեր է ի հաւատացելոց, այլ անոնց աղօթքը միշտ իրեն հետն է: Փայտէ խաչ մը անոր տնակին դրանը առջև տնկելէն ու գանձանակ մ'այլ կախելէն ետքը, անցնող դարձողէն ողորմութիւն ընդունելու համար, ամենքն ալ կ'ելլէին կ'երթային: Միայն զատկի օրերը բորոտները կրնային Քրիստոսի պէս ելլել իրենց հիւղերէն դուրս ու քանի մ'օր քաղաքաց և գեղերու մէջ ժուռ գալ, որպէս զի քրիստոնէից ուրախութեանցը մասնակից ըլլան:

Սուրբ եկեղեցւոյ միտքը շատ լաւ հասկըցեր էին իր հարազատ որդիքը. անոր համար ամենէն աւելի քաղցր ու միսիթարական անունները կու տային բորոտներուն, կը կոչէին զիրենք աստուծոյ ձիւսակներ, աստուծոյ սիրած սղախներ, բարի մարդիկներ: Ա՛խորժէին մըտքերնին բերել թէ Հողին սուրբ իբրև բորոտ մը նկարագրեր է զՅիսուս Քրիստոս. « Համարեցաք զնա իբրև զբորոտ », երբոր սրբուհի Մա-

րիամ Մագդաղէնացի եկաւ օծելու անոր ոտ-
 քերը. նմանապէս կը յիշէին թէ իրեն սիրա-
 կան անձանց նշան ընտրեր էր բորոտ Ղազարո-
 սը. և թէ ինքն ալ շատ անգամ նոյն կերպա-
 րանքով երեցեր էր երկրիս վրայ եղած սրբոցը:
 Ասկէ զատ Երուսաղէմ եղած պանդխտու-
 թեանց և խաչակրութիւններու պատճառաւ՝
 բորոտութիւնը տարածուեր էր Եւրոպայի մէջ.
 և այս ծագումը նուիրական յատկութիւն մը
 տուեր էր այն հիւանդութեան: Արպէտաց կար-
 գը սրբոյն Ղազարու անուամբը հաստատուեր
 էր Երուսաղէմ, որոց զբաղմունքն էր զբորոտ-
 ները խնամել. և իրենց գլխաւորը բորոտ մըն
 էր. նոյն վախճանաւ նաև նոյն քաղաքին մէջ
 կանանց ընկերութիւն մ'ալ հաստատուեր էր
 սրբոյն Յովհաննու Ողորմածին հիւրանոցին մէջ:
 Երբոր Լինգանի Հուգոն եպիսկոպոսը սուրբ
 պատարագ կը մատուցանէր՝ խաղաղութեան ող-
 ջոյնն ամենէն առաջ բորոտներուն կու տար. և
 երբ իւր ատենագպիրը կը յիշեցընէր իրեն թէ
 սուրբն Մարտինոս բորոտները կը բժշկէր անոնց
 հետ գրկախառնելով, պատասխան տուաւ ե-
 պիսկոպոսը. « Այո՛, սրբոյն Մարտինոսի համ-
 բոյրը բորոտներու մարմինը կը բժշկէր. իսկ
 զիս, բորոտներուն համբոյրն է որ կը բժշկէ իմ
 հոգիս »: Թագաւորաց և երկրաւոր իշխանաց
 մէջ միայն Եղիսաբէթ չէր որ կը մեծարէր զՔս
 բորոտներու վրայ. այլ նաև ուրիշ անուանի և
 զօրաւոր իշխաններ ալ իրենց արքունական թա-
 գին պարտք մը սեպեր էին այս բանս: Գաղղիոյ
 Թագաւորը Ռոպերդ՝ յաճախ այցելութիւն կ'ը-
 նէր անոնց հիւանդանոցներուն: Սուրբն Լուգո-

վիկոս եղբայրական գութ և սէր կը ցուցնէր
 անոնց. պահոց օրերը զանոնք տեսնելու կ'եր-
 թար ու կը համբուրէր անոնց վէրքերը: Նոյնը
 կ'ընէր նաև Հենրիկոս Գ. Մնգղիոյ Թագաւորը:
 Ֆիանտրացի Սիպիլ կոմսուհին, որ իրեն Թէո-
 դորիկ ամուսնոյն հետ 1156ին Նրուսաղէմ գա-
 ցեր էր, երբոր կոմսը անհաւատից դէմ պատե-
 րազմի գացեր էր, ինքը սրբոյն Յովհաննու Ո-
 ղորմածին հիւրանոցին մէջ բորոտները կը խնա-
 մէր: Օր մը երբոր այս Թշուառներուն վէրքերը
 կը լուար, ինքն ալ Նղիսաբէթի պէս այն անա-
 խորժ գործոյն զգուանքն խմացաւ. բայց մէկէն ի
 մէկ ինքզինքը պատժելու համար խմեց այն գոր-
 ծածած ջուրը: Եւ երբ իւր ամուսինը Պաղես-
 տինէն ելաւ գնաց, ինքը հրաման ուզեց իրմէ
 որ հոն մնայ, որպէս զի մնացած կեանքը բորոտ-
 ներու ծառայութեանը նուիրէ. ու իր եղբայրն
 ալ, որ Նրուսաղէմի Թագաւոր էր՝ իր կողմանէ
 նոյն աղաչանքն ըրաւ իր քրոջը համար. կոմսը
 երկար ստեն դէմ կեցաւ ու չհամոզուեցաւ
 բաժնուիլ իր կնոջմէն, մինչև որ իրեն աներծա-
 դէն՝ իբրև ի վարձ իրեն զօհին՝ գերագոյն նըշ-
 խարք մ'ընդունեցաւ Յիսուսի Փրկչին արեան
 մէկ կաթիլը, զոր ժողովեց Յովսէփ արեմա-
 Թացին զինքը խաչէն վար առնելու ժամանակ.
 ու դարձաւ միայնակ իւր հայրենիքը հեան ու
 նենալով այն նուիրական գանձը, զոր դրաւ
 Պրուժ քաղաքին մէջ, և բարեպաշտ ժողովուր-
 դը մեծ զարմանքով և յարգութեամբ լեց թէ
 ինչպէս իրենց կոմսը վաճառեր էր Քրիստոսի և
 աղքատաց՝ իւր կինը, և փոխանակ անոր՝ իրենց
 աստուծոյն արիւնը բերեր էր:

Բայց ամենէն աւելի միջին դարուն սուրբերը գերագոյն եռանդն և սէր յայտնեցին բորոտաց: Սրբուհի Աատարինէ սենացւոյն ձեռքերը բորոտեցան խեղճ և սառաւ բորոտ կին մը ինսամելով, զոր ուզեց անձամբ թաղել, և երբ ամեն բան լնացուց, մէկէն ի մէկ իւր ձեռքերը ճեփ ճերմակ դարձան նոր ծնած տղու մը ձեռքերու նման, և սայծառ լոյս մը ծագեցաւ այն գարշելի և նողակալի տեղերէն: Սուրբն Փրանկիսկոս աստիզացի և սրբուհի Գլարա իւր աղնուական և հաւատարիմ ընկերակիցը և ուրիշ սուրբեր մեծ հաճոյք կը զգային բորոտներու խոնարհ ծառայութիւններ մատուցանելէն, և յաճախ անոնց աղաչանքովը՝ բորոտները կատարելապէս մէկէն ի մէկ կը բժշկուէին:

Այս փառաւոր ընկերութեան մէջ Եղիսաբեթ արդէն իւր բնակութիւնը ընտրեր էր, իւր սրտին աննկուն բերամմբքը առ աստուած, զոր միշտ կը տեսնէր այս աղքատաց վրայ: Բայց ըստ սպասելով որ կարենայ ճաշակել անոնց հետ երկնային յաւիտենական ուրախութիւնները բան մը չէր բաւեր երկրիս վրայ որ կարենար հանդարտել այն իրեն գթալիր եռանդն, որ իւր սիրտը անհանգիստ կ'ընէր, և ոչ ալ բժշկել իւր հոգին որ ցաւոց մէջ էր քանի որ իւր եղբարցը թշուառութիւնները կը տեսնէր:

Ինչպէս սրբուհին Եղիսաբէթ չուզեց նորէն իւր հօրն ար-
քունիքը դառնալ, որպէս զի աւելի ապահով կերպով կա-
րենայ մտնել յերկինս :

Երբոր Հունգարիոյ Թագաւորը, այս խեղճ
հիւանդապահ Եղիսաբէթին հարուստ և զօրա-
ւոր հայրը, իմացաւ հունգարացի պանդուխտ-
ներէն, որոնք Էս-Լա-Շաբէլ քաղաքը և Հռե-
նոս գետին ափունքը եղող ուրիշ ուխտատեղի-
ները կ'երթային, Թէ Եղիսաբէթ իւր դուստրը
երեսի վրայ ձգուէր, խեղճ և աղքատ վիճակի
մէջ կը գտնուէր, լսելով միանգամայն Թէ որ-
չափ տժգոհ էին իրենք՝ որ իրենց իշխանուհին
այսպէս անսպասել և անարքունիք կ'ապրէր ու
ղորմելի աղքատութեան մէջ ընկղմած, վերջի
աստիճանի վշտացաւ, և սիրտն այնչափ տակն
ու վրայ եղաւ որ սկսաւ դառնապէս արտասուել :
Վերջը իւր խորհրդականացը գանգատեցաւ այն

նախատանայ համար, զոր կը ցուցնէին իւր
 դատերը, և որոշեց պատգամաւոր մը զըզկէ՛լ որ
 իւր քովը բերեն Նիզիսաբէթ, և այս պաշ-
 տօնը Պանֆի կոմսին յանձնեց: Դեսպանը գը-
 նաց ի Գուրինկիա բազմաթիւ ասպետաց և պաշ-
 տօնակալաց հետ. նախ եկաւ ի Աարդպուրկ՝ որ-
 պէս զի Հենրիկոս իշխանին հետ տեսութիւն
 ընէ, և տեղեկութիւն ուզէ դքսուհւոյն վիճա-
 կին վրայօք: Ան ալ պատասխան տուաւ պատ-
 գամաւորին. «Քոյրս բոլորովին յիմարեր է, բո-
 լոր աշխարհք գիտէ, դուն ալ հիմա աչքովդ
 պիտի տեսնես» . յետոյ դեսպանին պատմեց
 թէ ինչ կերպով Նիզիսաբէթ առանձնացած ի
 Մարպուրկ՝ կարգէ դուրս գործողութիւններ
 կ'ընէր, մինակ ապրելով մուրացկանաց և բորո-
 տաց հետ. և ուրիշ ասոնց նման դէպքերը տեղն
 ի տեղը պատմեց: Աս ալ ըսելով թէ Նիզիսաբէ-
 թին աղքատութիւնը բոլորովին կամաւոր էր,
 և թէ իր կողմանէ երաշխաւորութիւն տուեր
 էր որ կարենայ ստանալ ինչ որ կը փափաքի:
 Կոմսը շատ զարմացած, ճամբայ ելաւ Մար-
 պուրկ երթալու, ուր հասնելով՝ հարցուց պան-
 դոկապետին՝ որուն քովը իջեաներ էր, թէ ինչ
 պէտք էր մտածել այն կնոջ համար որ Նիզիսա-
 բէթ կը կոչուէր, և Հունդարիայէն այն երկիրը
 եկեր էր. ինչո՞ւ համար խեղճութեամբ կ'ապ-
 րէր, և ինչո՞ւ թողուցեր էր իւր ամուսնոյն գեր-
 դաստանին իշխանները. և թէ այս բանիս ար-
 դեօք մէկ սրտածառ մը կա՞ր, որով դքսուհին կը
 ստիպուէր անարքունիք, անպատիւ և այսպէ՛ս
 աղքատօրէն ապրիլ: Պանդոկապետը պատաս-
 խան տուաւ. «Խիտ բարեպաշտ և լի առաքի-

նութեամբ տիկին մըն է. և անանկ հարուստ՝
 որ անկէ աւելի չկրնար մէկը փափաքիլ. վասն
 զի այս քաղաքն և բոլոր շրջակայքը՝ որ պզտիկ
 բան մը չէ, իրեն են: Աթէ ինքն ուզած ըլլար
 ամուսնանալ՝ շատ իշխաններ կրնար գտնել և
 նոնց հետ պսակուելու. բայց իւր մեծ խոնարհ
 հուծեանը համար կ'ուզէ այս կերպով ապրիլ.
 ոչ երբէք քաղքին տներուն մէջ կ'ուզէ բնակիլ,
 որպէս զի հիւանդանոցին աւելի մօտ ըլլայ, զոր
 ինքնին շինել տուեր է ի պիտիումն աղքատաց.
 Երկրաւոր ամենայն ստացուածք և ճոխութիւն
 իր աչքին զիմաց բան մը չեն երեւիր: Աստուած
 այս բարեպաշտ և սուրբ տիկինը զրկելով մեզի
 մեծ շնորհք պարգևեց. որոնք որ իրեն կ'երթան՝
 իրենց փրկութեանը համար մեծ օգուտ կը քա
 ղեն. ամենեւին իւր ողորմութեան գործերէն
 չգաղբիր. ամենաքաղցր է, լի գթութեամբ և
 մաքուր, բայց ամեն բանէ աւելի խոնարհ: Այս
 սր պանդոկապետին հետ գնաց Նիզիսաբէթ
 գտնելու. նախ պանդոկապետը ներս մտնելով՝
 դքսուհոյն ըսաւ. «Տիկին, ահա բարեկամներդ
 եկան որ զքեզ կը փնտռեն, և կարծեմ թէ կը
 փափաքին քեզի հետ խօսելու»: Պատգամա
 ւորն անոր ետեւէն տնակին մէջ մտնելով, և
 տեսնելով իւր թագաւորին դուստրը որ բուրդ
 մանելու զբաղէր էր, այնչափ զարմացաւ այն
 տեսարանին որ երեսը խաչ հանեց, և դառնա
 պէս սկսաւ արտասուել: Յետոյ աղաղակեց. «Ո՛վ
 տեսեր է թագաւորի մը դուստր որ բուրդ կը
 մանէ»: Վերջէն քովը նստաւ և անոր ըսաւ, թէ
 ինչպէս իւր թագաւոր հայրը զրկէր էր զինքը
 ի Ռուբինկիա, որպէս զի Նիզիսաբէթ իշխանու

Տին փնտուէ և ծնած երկիրը նորէն դարձնէ :
 Խոստացաւ նաև դքսուհւոյն թէ շատ պատիւ
 պիտի մատուցանեն իրեն ի Հունդարիա, և թա-
 գաւորը միշտ իւր սիրելի զուստըը պիտի սեպէ
 զինքը : Սակայն Եղիսաբէթ մերժեց այս ամեն
 աղաչանքները, ու ըսաւ. « Զիս ո՞վ կը կարծես.
 աղքատ մեղաւոր մըն եմ որ ոչ երբէք ինչպէս
 որ պէտք է հնազանդեր եմ աստուծոյս օրի-
 նացը » : « Ո՞վ գրեզ այս ողորմելի վիճակին հա-
 սուց » . կոմսը Եղիսաբէթին հարցուց : « Ոչ որ,
 պատասխանեց դքսուհին . միայն իմ երկնաւոր
 Հօրս հարուստ և ազնուական Որդին, որ ինծի
 ցրցուց իւր օրինակովն արհամարհել հարստու-
 թիւնը և աղքատութիւնը սիրել ամեն երկրա-
 ւոր թագաւորութիւններէն վեր » : Ս. յն ատեն
 պատմեց իւր բոլոր կեանքը այրիութենէն սկը-
 սեալ, և բոլոր իւր մտածութիւնները՝ ապագայ
 կենացը համար . ապահովցրնելով զանիկայ որ
 բնաւ մէկու մը վրայ դանդատ չունէր և բան մը
 չէր պակսեր իրեն, և կատարելապէս երջանիկ
 էր այն հիւղին մէջ : Սակայն կոմսը կը ստիպէր
 զինքն ըսելով. « Ե՛կ ինծի հետ, ազնուական
 թագուհի, ե՛կ երթանք սիրելի հօրդ քով, ե՛կ
 առնելու անոր արքունիքը և քու ժառանգու-
 թիւնդ » : « Ար յուսամ, պատասխանեց դքսու-
 հին, որ արդէն ստացեր եմ իմ Հօրս ժառան-
 գութիւնը, այսինքն՝ մեր սիրելի տիրոջ Յիսու-
 սի Քրիստոսի յաւիտենական գթութիւնը » :
 Պատգամաւորը շատ աղաչեց որ այսպիսի ար-
 համարհական և իւր աստիճանին անյարմար և
 անպատիւ կեանք մ'անցրնելով՝ իւր թագաւոր
 հօրը տհաճութեան պատճառ չըլլայ, և ոչ ալ

տրտմեցրնէ զինքը չընդունելով իւր հրաւերը :
 Եղիսաբէթ սատասխանեց կոմսին . « Ըսէ՛ իմ
 թագաւոր հօրս որ ես աւելի երջանիկ եմ այս
 արհամարհ կենացս մէջ, քան թէ ինքն իւր
 արքայական ճոխութեանցը մէջ . և փոխանակ
 տրտմութեան՝ պէտք է որ ուրախանայ, վասն
 զի արդէն աղջիկ մ'ունի երկնից և երկրի գե-
 րագոյն թագաւորին ծառայութեանը մէջ : Աշ-
 խարհիս մէջ, վըայ բերաւ Եղիսաբէթ կոմսին,
 աղօթքէն զատ ուրիշ բան չեմ ուզեր իրմէ . ըսէ՛
 իրեն որ ինձի համար աղօթէ, և աղօթք ընել
 տայ, և ես ալ իրեն համար կ'աղօթեմ, որչափ
 որ ապրիմ » :

Կոմսը տեսնելով որ բոլոր ջանքը պարապը
 գնաց, լի տրտմութեամբ և սաստիկ ցաւով հրաւ-
 ժարեցաւ Եղիսաբէթէն . իսկ Հունգարիոյ
 թագաւորաց դուստրը ընդհակառակն կարգէ
 դուրս երջանիկ՝ ըոքը նորէն ձեռքն առաւ, ու
 սկսաւ միւսանգամ բուրդ մանել, որպէս զի ա-
 վելի որոշակի հաստատէ եկեղեցւոյ կողմանէ
 նուիրական գերագոյն խօսքերն անոնց՝ որ իրեն
 պէս հրաժարեր են ամեն բանէ Քրիստոսի հա-
 մար . « Արհամարհեր եմ երկրաւոր թագաւո-
 րութիւն, ամենայն ճոխութիւն և փառաւորու-
 թիւն աշխարհի՝ իմ տիրոջ Յիսուսի Քրիստո-
 սի սիրոյն համար . տեսայ զՔրիստոս, զանիկայ
 սիրեցի, անոր ապաւինեցայ և զանիկայ ամեն
 բանէ աւելի վեր սեպեցի » :

Ինչպէս սրբուհին Եղիսարեթ աղքատաց բաժնեց իւր
ամենայն օժիտը.

Որչափ որ ալ համոզուած ըլլար Հենրիկոս
իշխանն իւր հարսին յիմարութեանը վրայ, սա-
կայն հարկ սեպեց կատարելու այն խոստմունք-
ները, զոր անոր խոստացեր էր. մէկալ կողմա-
նէ ալ քահանայապետին երկիւղը, որ Եղիսա-
րեթին պաշտպանութիւնը իւր վրայ առեր էր,
և Գոնրատ վարդապետին ազդեցութիւնը՝ որ
այնչափ մեծ էր իրեն վրայ, որչափ որ էր Լու-
դովիկոս եղբօրը վրայ, ասոնք մեծապէս կը
վախցընէին զինքը հաւատարիմ մնալու իր խոստ-
մանը վրայ: Սուտի զրկեց իշխանուհւոյն հինգ
հարիւր արծրթէ դրամ, որ իրեն խոստացեր էր
Վարդապետիկէն դեռ չմեկնած, որպէս զի ի գործ
դնէ իւր նոր բնակութեանը մէջին սորոգութեան
ծախքին համար: Այս հարստութեան առա-

տուժիւնը յարմար առիթ երեցաւ ողորմաբաշխ իշխանուհւոյն կատարելու համար այն խորհուրդը՝ զոր երկար ատենէ ի վեր կը մտածէր. այս ինքն կատարելապէս իւր վրայէն ձգէ ամենայն ստացուածոց բեռը, որոնց ժառանգութիւնը ստիպուէր էր իր վրայ պահել, թէպէտև առանց վայելելու անոնց պտուղը: Աւստի ժողովեց այն ամեն ստացուածքն որ իրեն օժիտն էին, և զորոնք ստիպուէր էր Հենրիկոս իրեն դարձնել, և որոնց բոլոր գումարն եղաւ երկու հազար արծրթէ դահեկան, որ այն ատենուան համար շատ բան էր: «Այսպէս կ'ուզէր, կ'ըսէ իրեն վարքը գրող բարեպաշտ պատմագիր մը, իրեն հարստութեանցը մարդկային կենաց սակաւատևութեանը համեմատ դիրք մը տալ, որ կարենայ աւելի ապահով կերպով առաջնորդել զինքը յաւիտենական կենաց անշարժ երջանկութեանը»: Աճառել տուաւ ամեն ակունքը և այն ամեն զարդերը, որ դեռ իրեն քովը մնացեր էին. և զորոնք իւր ծնողքը տուէր էին իրեն Հունգարիայէն երթալու ատեն. որոնց մէջ կային ոսկիէ և արծրթէ անօթներ, ոսկիէ բանուած դիպակներ, և ծանր արժէք ունեցող ակունքներով զարդարուած այլ և այլ նիւթեր: Այս վաճառմանէն առաջ եկած ամեն ստակը՝ բաժնուեցաւ իրեն ձեռքովն աղքատներուն այլ և այլ անգամ. բայց այնպիսի առատութեամբ որ սկսան զինքը նախատել շատերը որոնք որ պէտք չունէին իրեն օգնութեանը. համարձակ կերպով կը նախատէին զինքը իբրև շոքոյ, վատնող և յիմար կին մը: Բայց ինքը ամենևին չէր շարժեր այս խօսքերէն, մանաւանդ կը համա-

րէր թէ այսպէս արժան կերպով կը վաստակէր իւր հողւոյն յաւիտենական փրկութիւնը: Աստուծոյ նուիրելով իրեն կորստական հարստութիւնը: Երբոր ընդունեցաւ այս հինգ հարիւր արծըթէ դահեկանները, զոր Հենրիկոս դուքսը իրեն զրկէր էր, միտքը դրաւ մէկէն ի մէկ բաժնել զայն աղքատաց մէկ անգամով մի և նոյն օրուան մէջ. անոր համար ամեն տեղ Մարպուրկի շրջակայքը ինչուան քսան և հինգ մղոն տեղ իմացընել տուաւ որ սահմանեալ օրը Վէրտա գեղին մօտ դաշտին մէջ ժողովին ամեն աղքատները, այն գեղը յորում ինքն ալ անցուցեր էր իրեն կամաւոր աղքատութեան առաջին տարիները: Արոշեալ օրը հրապարակին մէջ տեմնուեցան հազարաւոր մուրացիկք, կոյրեր, հաշմեր, խեղեր, տկարներ և աղքատներ երկու սեռէ. և անոնցմէ զատ բազմութիւ ժողովուրդ որ կը ցանկային ներկայ գտնուիլ այն նոր տեսարանին: Այս բազմութեան կարգով կանոնով և միանգամայն արդարութեամբ բաժնելու համար ողորմութիւնը՝ դքսուհին չափաւոր թուով ասպետներ և զօրաւոր ծառաներ ընտրեց. սատուիրելով անոնց որ իւրաքանչիւր աղքատ իր տեղէն չարժի. վասն զի կը վախէր որ չըլլայ թէ անոնցմէ մէկը յարմար միջոց գրտնելով՝ երկու անգամ ողորմութիւն ընդունի, և անանկով իւր ընկերացը մնաս ընէ: Աւստի իշխանուհին ապրասպրեց թէ ուր այս արգելքին ճնազանդիր, մէկէն ի մէկ անոր մազերը պիտի կտրուին: Օրիորդ մը, Հիլտեկոնտէ անունով, որ նշանաւոր էր իւր գեղեցիկ մազերովը, երբ հեռացաւ այն բազմութենէն որպէս զի

երթայ իւր հիւանդ քոյրը խնամէ, կտրեցին անոր գեղեցիկ մազերը որ ուսոցը վրայ կը ծածանէին՝ Մարպուրի քաղաքին օրիորդաց սովորութեանը համեմատ. օրիորդը տեսնելով իրեն գլխուն եկածը՝ սկսաւ արտասուել և բարձր ձայնով իւր անմեղութիւնը յայանել ամենուն դիմաց։ Այն ատեն առին զինքը դքսուհոյն առջևը բերին, որ անոր գեղեցիկ մազերուն կորուստը շնորհաւորելէն ետքը, հարցուց եթէ արդեօք բնաւ մտքէն անցեր էր լաւագոյն կեանք մը անցնելու. որովհետև ալ անկէց ետքը չէր կրնար պարուց և աշխարհային ուրախութեանց ներկայ գտնուիլ։ « Երկար ատենէ ի վեր, պատասխանեց Հիլտեկոնտէ, ինքզինքս աստուծոյ կրնուիրէի հաւատաւորաց զգեստը հագնելով եթէ ինձի այնչափ դժուարին երեցած ըլլար իմ գեղեցիկ մազերուս զոհը »։ Այս որ լսեց Եղիսաբեթ ի ուրախութեամբ աղաղակեց. « Շատ աւելի երջանիկ եմ որ քու մազերդ կտրել տուի, և այն երջանկութիւնը պիտի չունենայի եթէ իմ որդիս Հոովմայեցւոյ կայսր ընտրուած ըլլար »։ Յետոյ այն խեղճ օրիորդը իւր քոյն առաւ, և անիկայ հնազանդեցաւ այն ազգարարութեանը, զորոյն օրը ակամայ ընդուներ էր. և ինքզինքը նուիրեց ի ծառայութիւն աստուծոյ և աղքատաց՝ դքսուհոյն շինել տուած հիւանդանոցին մէջ։

Ողորմութեան բաժնուիլը շատ կարգաւորեալ առաջ կ'երթար բոլոր այն բազմութեանը մէջ, այն ապահով և հաւատարիմ մարդկանց ձեռքովը՝ որոնք Եղիսաբեթ ընտրեք էր այս պաշտամանս համար։ Ինքն ալ անձամբ ներ-

կայ կը գտնուէր այն հանդիսին, մէկ կարգէն միւս կարգը կ'անցնէր. և ինչպէս Յիսուս Քրիստոս մէջքը լաթ մը կապած ծառայեց իւր աշակերտացը, այնպէս ինքն ալ այն թշուառ աղքատաց կը ծառայէր: Աբսուհին կը թափառէր այս ընդարձակ բազմութեանը մէջ, բոլորովին ուրախ և երջանիկ այն բարեբաստութեան համար, որուն ինքը պատճառ եղեր էր. դէմքը պայծառ և հանդարտ, ուրախութիւնը սրտին մէջ զեղուն, և շրթանցը վրայ քաղցր և սիրալիւր խօսքեր, զորոնք կ'ուղղէր մանաւանդ այն օտար թշուառաց՝ զորոնք առաջին անգամ կը տեսնէր: Աւր կարեկցութեանը հետ քաղցր ուրախութիւն մը կը խառնէր, և երկնային պարզութիւն մը՝ իւր անսահման առատաձեռնութեանը մէջ. ամեն քայլին նոր մխիթարութիւններ կը գտնէր, նորանոր թշուառութեանց համար: Աերջապէս ինքզինքը ստուգիւ այն արքունեաց մէջ կը կարծէր՝ որ մինակ իրեն հաճոյական էր. իրաւքնէ այն օրը իւր գթութեամբը, հոն իւր աղքատ բանակին մէջ իբրև զօրաւոր տիրապետ մը կ'երևէր իւր գանձուցը վրայ. և թէպէտև խեղճ զգեստ մը հագեր էր, սակայն անով ալ նոր զարմանք կը պատճառէր այն աղքատաց շլացեալ աչքերուն զորս կը սփոփէր. երևցաւ լի պայծառութեամբ իբրև արեգակն, և ծածկուած ձեան պէս սպիտակ զգեստներով:

Հինգ հարիւր արծրթէ դրամները դեռ իրիկուն չեղած բոլորն ալ թշուառաց բաժնուեցաւ, և պայծառ լուսինը երկնքին երեսը բարձրանալով, աղքատները ճամբայ ելան իրենց այլ և այլ բնակարաններն երթալու. բայց հի-

ւանդ կամ տկար եղողներէն շատերը չկրցան անմիջապէս մեկնիլ, և որոշեցին հոն հիւանդանոցին այլ և այլ անկիւնները և մօտաւոր շէնքերուն մէջ այն գիշերն անցընել: Աղիտաբեթ տեսաւ զանոնք հիւանդանոցը մտնելու ժամանակ, և միշտ վառուած անսպառ կարեկցութեամբ, շուտ մը ըսաւ իւր աղախնեայցը. «Սմենէն տկարները հոս մնացեր են, քիչ մըն ալ ըան տանք անոնց» . այս խօսքին վրայ իւրաքանչիւր աղքատին վեց վեց դրամ տուաւ, և չուզեց որ այն փոքրիկ տղաքը որ հոն անոնց մէջն էին՝ ուրիշներէն քիչ ստակ ընդունին: Յետոյ շատ մը հայ բերել տալով՝ բոլորն ալ աղքատաց բաժնեց: «Աերջապէս, ըսաւ, կ'ուզեմ այս աղքատ մարդկանց կատարեալ հանդէս մը ընել տալ. ուստի թող կրակ վառեն» : Աղիտաբեթին հրամանները շուտով կատարուեցան. մեծ կրակ մը վառեցին ամեն տեղ ուր որ աղքատք պառկեր էին, և անոնց ձեռուրներն ու ոտուրները լուացին ու օծեցին: Աղքատները տեսնելով որ իրենց հետ այսպէս աղէկ կը վարուին, և այնչափ պատիւ կ'ընեն, սկսան բարձր ձայնով երգել և ուրախանալ: Աղիտաբեթ անոնց երգերուն ձայները լսելով իւր բնակարանէն, գորովալից և փափուկ սիրտը այնչափ տակն ու վրայ եղաւ որ մէկէն ի մէկ աղաղակեց լի ուրախութեամբ. «Աս արդէն իսկ ձեզի ըսեր էի, թէ պէտք է կարելի եղածին չափ երջանիկ ընել զմարդիկ» . և շուտով դուրս ելաւ որպէս զի անոնց ուրախութեանը մասնակից ըլլայ:

Այսպէս գիտցար դու և իմացար, ո՞վ գորովալից սուրբ հոգիդ, այն լի ուրախութեամբ

զուրիչն երջանիկ ընելու գաղտնիքը. դուն որ
 այնչափ խիստ և անգուժ էիր քու մարմնոյդ,
 տեսար վերջապէս այս քաղցր խորհրդոյն կա-
 տարածը: Այն երկրաւոր երջանկութիւնը զոր
 բոլորովին ուրացեր և մերժեր էիր կեանքէդ՝
 գիտցար փնտռել և ձեռք բերել վեհանճն յա-
 րատեութեամբ աղքատ եղբարցդ համար: Ահ,
 որչափ երջանիկ ենք քանի որ կը մտածենք թէ
 յերկինս՝ ուր հիմա կը քաղէս այդ եռանդուն
 գթութեանդ յաւիտենական վարձքը, հող ալ
 դարձեալ հաւատարիմ՝ ես այն խնամքին որով
 լեցուեր էր սիրտդ այս երկրիս վրայ եղած ա-
 տենդ. և որչափ մխիթարութիւն է մեզի գիտ-
 նալը թէ այն աղքատները՝ որ իրենց տրամու-
 թեանը և երկրաւոր կարօտութեանը մէջ մեզի
 կը դիմեն, չես մոռնար զանոնք քու անսպառ
 գթութեամբդ, մանաւանդ թէ կ'աւելցրնես
 զօրութիւնդ և եռանդդ, որպէս զի հաղորդը
 նես զանոնք ալ քու երջանիկ անմահութեանդ:

ԻԷ

Ինչպէս սրբուհին Աղիսաբէթ կը սորվէր Գոնրատ վարդապետէն ամեն բանի մէջ խորտակել իւր կամբը .

Արնայ մէկը կարծել թէ ալ բան մը չէր պակսեր սրբուհւոյն Աղիսաբէթի՝ հասնելու այն նպատակին զոր քաջութեամբ յանձն առեր էր, այսինքն սիրելու զաստուած և իր եղբարքը աստուծոյ համար, ու բոլորովին արհամարհել զաշխարհ և անոր ամեն վայելքը: Աւ սակայն քրիստոնէական կատարելութեան այս հրաշալի ճամբուն մէջ թերևս ունէր վախնալու արգելքներ և դժուարագոյն յաղթութիւններ. բաւական չէր յաղթել աշխարհին և ինչ որ կրնար զինքը աշխարհքին հետ կապել. այլ պէտք էր յաղթել նաև անձին՝ մարդկային տկարութեան դիւրակործան մարմնոյն մէջ, այսինքն յաղթել իր կամքին: Այս կամքը՝ որչափ ալ սուրբ, որչափ ալ լի փափաքով երկնից, և բոլոր

րովին որոշեալ յերկրաւորաց ըլլար, բայց բանի մը մէջ պէտք էր որ իրեն յատուկ ուժովը չբարձրանար, հասպա խոնարհէր աստուածային կամաց ամեն մէկ շնամանը համեմատ, ցորենով լեցուն հասկի մը նման, ինչուան որ երկնաւոր հնձողը ժողովէ երկնից շտեմարանաց մէջ:

Գոնրատ վարդապետը, որուն մասնաւոր կերպով յանձներ էր սրբազան քահանայապետը այս պատուական հոգւոյն կառավարութեան ինամբը, լաւ ճանչնալով անոր առ աստուած ունեցած սիրոյն անչափութիւնը, ուղեց աւետարանական կատարելութեան գերագոյն աստիճանին հասցընել զինքն այնպիսի ճամբով մը որ անշուշտ անախորժ պիտի երեւայ մեր օրերուն շատ քրիստոնէից սովորութեանն ու բարուցը. բայց այն սքանչելի պարզութեան դարերուն մէջ՝ ոչ գանգատի և ոչ ալ զուարճանալու պատճառ կ'ըլլար, երբ սորվէր էին բոլորովին ուրանալ ինքզինքնին՝ աստուծոյ հաճոյանալու համար: Սակայն և ոչ արդարացընել կ'ուզէնք ինչ որ պիտի պատմենք Գոնրատին բռնած կերպին վրայ՝ իրեն հռչակաւոր ապաշխարողին հետ. կարգէ դուրս եռանդը որուն Եղիսաբէթ զոհ եղաւ, քրիստոնէական չափաւորութեան սահմանէն զինքը դուրս հանեց. բայց մենք առանց ուղելու յանդգնութեամբ դատել այսպիսի անձ մը, բաւական կը սեպենք տեղն ի տեղ նշանակել այս ազնուական իշխանութեան առ իւր վարդապետն ունեցած կոյր հնազանդութիւնը, փափաքելով խոնարհեցընել գլուխը աստուածային լուսոյն տակ, և հետեւել անոր որ մեզի համար հնազանդ եղաւ մինչև ի մահ:

Ուրեմն Գոնրատ վարդապետը միտքը դրած ըլլալով նուաճել Եղիսաբէթի սրտին մէջի մարդկանց հաճոյանալուն միակ սկզբունքը՝ զոր թերեւս կը նկատէր անոր վրայ, սկսաւ խորտակել անոր կամքը ամենէն աւելի օրինաւոր և սրտին մէջի արմատացած բաներուն մէջ, մանաւանդ ողորմութեան վերաբերեալ: Սանձ մը դրաւ՝ որ խիտ դժնդակ էր դքսուհւոյն սրտին, այն առատաձեռնութեանը՝ որուն այնչափ պայծառ օրինակները յիշեցինք վերը, արգիլելով անոր որ ս և է աղքատի չկարենայ մէկ դահեկանէն աւելի ողորմութիւն տալ: Եղիսաբէթ այլ և այլ հնարներով ջանաց՝ առանց ամենևին անոր անհնազանդ դտնուելու՝ այս արգելքին մտիկ չընել. ուստի պղնձէ դահեկանի տեղ արծըթէ դահեկաններ ձուլել տալով, որոնց ամեն մէկուն արժէքը՝ վեց դահեկանէ աւելի էր, սկսաւ հասարակ դահեկանի պէս զանոնք աղքատաց բաժնել: Բայց երբ աղքատները, որոնք իրեն կարգէ դուրս առատաձեռնութեանը վարժեր էին, սկսան դանդատիլ իւր այսչափ խնայողութեանը վրայ՝ Եղիսաբէթ ըսաւ անոնց. «Ինձի արգիլուած է որ ամեն մէկ անգամուն չկարենամ մէկ դահեկանէն աւելի տալ ձեզի, բայց արգիլուած չէ կրկին տալ որչափ անգամ որ ինձի դառնալու ըլլաք»: Աղքատները մտիկ ըրին իրեն այս խորհրդոյն, ու մէկ անգամ մը իրմէն ողորմութիւն առնելէն ետքը, կը դառնային նորէն հիւանդանոցին մէկալ կողմանէ ու կու գային կրկին անգամ ողորմութիւն ուզելու, որոնց միշտ կու տար դքսուհին, առանց անգամ մ'այլ ժխտելու: Գոնրատ երբոր այս

բանս իմացաւ, փոխանակ անոր սրտին առաքի-
նութեանը վրայ զարմանալով՝ խստիւ յանդի-
մանեց զինքը, և ինչուան ապտակ ալ զարկաւ
անոր երեսին: Եղիտաբեթ համբերեց ուրախու-
թեամբ այս նախատանացը, վասն զի շատ ատե-
նէ ի վեր կը փափաքէր հաղորդ ըլլալ յամենայ-
նի այն նախատանաց զոր ընդունելը էր իւր աս-
տուածային փրկիչը դեռ իրեն համար չմեռած:
Պոնրատ արգիլեց զինքը որ ինչ և իցէ պատ-
րուակաւ չկարենայ ստակ տալ մէկուն. միայն
հաց բաժնելու հրաման տուաւ. բայց Եղիտա-
բեթ ասոր մէջ ալ չափը չպահելով՝ արգիլուե-
ցաւ հացի կտորուանք միայն տալու և ոչ երբէք
ամբողջ հաց: Վերջապէս որ և իցէ ողորմու-
թիւն արգիլեց, միայն իր վրայ թողլով հիւան-
դաց հոգը, անոր մէջ ալ խստիւ արգիլելը էր
որ իրեն սիրական բորոտներուն չկարենայ ամե-
նեին մօտենալ, ու երբ կը տեսնէր թէ Եղիտա-
բեթ իր հրամաններէն կը պակսէր, չէր քա-
շուէր խիստ հարուածներ տալու անոր:

Արնանք գուշակել Եղիտաբեթի սրտին ցա-
ւը՝ տեսնելով ինքզինքը զրկուած այն ազատու-
թենէն որ իրեն համար այնչափ պատուական
էր և հարկաւոր, և իրեն դէմ բարձրացած այն
պիսի արգելք մը՝ որով պիտի չկարենար օգնել
թշուառաց և հիւանդաց: Սակայն առանց դան-
գատելու՝ հնազանդեցաւ իրեն հոգևոր հօրը
հրամաններուն. վասն զի հաստատուն միտքը
դրելը էր թէ իրեն համար ամենէն աւելի մեծ
առաքինութիւնը՝ էր ամեն բանի մէջ անոր
հնազանդիլ՝ որ երեսփոխան էր աստուածային
կամաց: Երբոր զինքը կանչելու ըլլար՝ ճամբուն

հեռաւորութիւնը բան մը չէր երևեր իրեն աչքին, և սակայն Գոնրատ այնպիսի կերպով հետը կը վարուէր՝ որ ամենեին ոչ Եղիսաբէթի սրտին, ոչ երիտասարդութեանը և ոչ ալ աստիճանին կը յարմարէր. բայց Գոնրատ միտքը դրեր էր փշալից և դժուար ճամբով առաջնորդել իրեն ի փրկութիւն, որպէս զի յաւիտենական դատաւորին առջևը վարձքով լեցուն կարենայ երևնալ: « Այսպէս կը վարուէր իրեն հետ այրն աստուծոյ, կ'ըսէ Քաղղիացի մատենագիր մը, անոր կամքը կոտրելու համար. և որ բոլոր սէրը աստուծոյ վրայ դնելով՝ միտքը չըրէ ամենեին իրեն անցեալ փառքը: Ամեն բանի մէջ արագ էր ի հնազանդիլ, և հաստատուն ի համբերել, և անանկով ազնուացաւ իւր հնազանդութեան յաղթանակը »: Այս հնազանդութիւնը մի և նոյն յօժարամտութեամբ կը կատարէր թէ՛ ծանր և թէ՛ թեթեւ բաներու մէջ: Սը մը ճամբայ ելեր էր այցելութեան երթալու Ճգնաւորի մը որ Մարպուրի քաղաքին մօտերը կը բնակէր. Գոնրատ մարդ զրկեց պատու իրելով որ շուտով մը ետ դառնայ: Եղիսաբէթ մէկէն նոյն վայրկենին ետ դարձաւ, և ժպտելով մը իրեն այս հրամանը բերողին ըսաւ. « Թէ որ խելք ունինք, պէտք է որ խղունջի նման ըլլանք, որ անձրևի ատեն իր պատենին մէջ կը քաշուի. հնազանդինք ուրեմն, ու մեր ճամբէն ետ դառնանք »:

Իր հոգևոր հօրմէն շատ կը վախէր, որովհետև զանհիկայ աստուծոյ տեղ դրեր էր, ու շատ անգամ կ'ըսէր իրեն հետը եղողներուն. « Եթէ այսչափ կը վախեմ մահկանացու մարդէ մը,

ո՛րչափ աւելի պէտք է դողամ աստուծոյ առջևը՝
 որ տէր է և դատաւոր ամենայն մարդկան » :
 Բայց հոգեւոր վախ մ'էր այս , բոլորովին յանձ-
 նած ըլլալով իր կամքը Պոնրատին ձեռքը , որ
 աղքատ էր և ամենայն մարդկային մեծութե-
 նէ զուրկ . ինչպէս ինքն ալ կ'ուզէր ըլլալ , ու
 շատ անգամ կ'ըսէր . « Աւելի անոր համար ընտ-
 րեցի աղքատ քոյրերու կեանքը , վասն զի ամե-
 նէն արհամարհուած է . և եթէ կարենայի գրտ
 նել աւելի անարգը՝ զայն պիտի ընտրէի : Արը-
 նայի հնազանդութեան ուխտ ընել եպիսկոպո-
 սի մը կամ հարուստ վանահօր մը առջև , բայց
 նախամեծար ընտրեցի Պոնրատ վարդապետը որ
 աղքատ մուրացիկ մըն է , որպէս զի այս աշխար-
 հիս մէջ մէկու մը ապաւինելու յոյս չունե-
 նանք » : Պոնրատ ալ իր ունեցած իշխանութիւ-
 նը խտտիւ կը բանեցընէր . օր մը Ալգէնպէրիկի
 վանքը դացած ըլլալով , ուր արդէն Աղիսաբե-
 թի Պերգրուտա ազջիկը դրուէր էր , Պոնրատ
 ուզեց զինքն ալ նոյն վանքը դնել . ուստի Մար-
 պուրի քաղաքը մարդ զրկեց որ զինքը գանեն
 ու իրեն բերեն , որպէս զի կարենայ իւր մտա-
 ծութիւնը հազորդել իրեն : Աղիսաբեթ մէկէն
 ի մէկ հնազանդեցաւ հրամանին . վանքին կու-
 սանքը Պոնրատէն հրաման խնդրեցին որ թող
 տայ Աղիսաբեթի մտնելու իրենց վանքը որպէս
 զի տեսնեն զանիկայ : Պոնրատ ուզելով փորձել
 անոր հնազանդութիւնը , ու գիտնալով թէ
 վանքին մէջ մտնող արք և կանայք բանադրան-
 քի տակ կ'իյնան՝ ըսաւ . « Թող մտնէ թէ որ
 կ'ուզէ » . այս խօսքս Աղիսաբեթ հրաման մը
 կարծելով վանքը մտաւ . Պոնրատ մէկէն հա-

նել տուաւ զինքը, ու յիշեցընելով այն ուխտը
 զոր ըրեր էր ամեն բանի մէջ իրեն հնազանդե-
 լու, իրեն հետը եղող կրօնաւորին հրամայեց
 որ երկայն ու հաստ դաւազանով մը ծեծէ զԱ-
 ղիսաբէթ, ինչուան որ ինքը Աղորմեա ինձ աս-
 տուած սաղմոսը լմնցընէ: Աքսուհին առանց
 գանգատելու և գերազանց հպատակութեամբ
 իր թեթև յանցանացը համար այս անարդ պա-
 տիժն ընդունեցաւ, և քիչ ատենէն ետքը իրեն
 հետը եղող Արմանկարտա օրիորդին ըսաւ .
 « Ահաք է որ համբերութեամբ կրենք այսպիսի
 պատիժներ. վասն զի մենք գետերուն մէջի ե-
 ղեգներուն նման ենք. երբոր գետը կը բարձրա-
 նայ՝ եղէգը կը խոնարհի ու կը ծռի, և ջուրը
 զայն կոխելով՝ անոր վրայէն կը վազէ առանց
 խորտակելու. յետոյ կը շտկուի և կը բարձրա-
 նայ իւր ամենայն զօրութեամբը, ու նորէն կը
 վայելէ իւր նոր կեանքը: Մենք ալ երբեմն պէտք
 է դէպի երկիր խոնարհինք, և յետոյ շուտով
 մը շտկուինք և բարձրանանք ուրախութեամբ
 և վստահութեամբ »:

Աւրիշ անգամ մըն ալ, թէ որ արժան է հա-
 լատալ աւանդութեան մը, Գոնրատ Յիսուսի
 Քրիստոսի չարչարանաց վրայ քարոզ տուաւ,
 որպէս զի Աղիսաբէթ քարոզին ներկայ գտնուե-
 լով՝ կարենայ ստանալ այն ներողութիւնը որ
 քահանայապետը շնորհեր էր անոնց ամենուն
 որ մտիկ կ'ընէին իւր առաքելոյն: Իսկ դքսու-
 հին զբաղած ըլլալով երկու նոր հասած հի-
 ւանդներուն խնամքին՝ չկրցաւ երթալ քարոզը
 մտիկ ընել: Երբոր քարոզը լմնցաւ՝ Գոնրատ
 կանչեց զԱղիսաբէթ ու հարցուց թէ ո՞ր գնա-

ցեր էր, որ չեկաւ ու իրեն քարոզին մտիկ չը-
րաւ. և ժամանակ չթողլով որ պատասխանէ,
ուժով մը զարկաւ անոր՝ ըսելով. « Ահա՛ քեզի,
որպէս զի սորվիս ուրիշ անգամ գալու երբոր
զքեզ կանչելու ըլլամ »: Խոնարհ և համբերող
իշխանուհին այս խստութեան փոխարէն՝ ծի-
ծաղեցաւ քթին տակէն և ուզեց ինքրդինքը
արդարացընել. սակայն Պոնրատ նորէն այնպէս
մը զարկաւ՝ որ արիւն ելաւ: Այն ատեն Եղի-
սաբեթ աչքերը դէպի երկինք վերցուց, և բա-
ւական ատեն այնպէս կենալէն ետքն ըսաւ.
« Աստուած իմ, շնորհակալ եմ որ զիս ընտրե-
ցիր այս բանիս համար »: Իւր ծառայութեանը
մէջ եղող մարդիկն եկան զինքը միտթարելու,
և տեսնելով արիւնը որ անոր զգեստուցը վրայէն
վար կը վազէր, հարցուցին իրեն թէ ինչպէս
կրցաւ համբերել այնչափ հարուածներուն: Ե-
ղիսաբեթ պատասխանեց ժպտելով մը. « Համ-
բերութեամբ կրելուս պատճառաւ՝ աստուած
թող տուաւ ինձի որ տեսնեմ՝ զՔրիստոս իւր
հրեշտակացը մէջ. վասն զի վարդապետին հա-
րուածները զիս մինչև երրորդ երկինքը զրկե-
ցին »: Երբ Պոնրատ լսեց այս խօսքերը, աղա-
ղակեց. « Անանկ է նէ միշտ պիտի զգժամ զԵ-
ղիսաբեթ մինչև իններորդ երկինքը չզրկելուս
համար »:

Մենք առջի ըսածնիս նորէն կը կրկնենք. այ-
սինքն թէ պէտք չէ որ մեր ժամանակին գաղա-
փարներովը դատենք նոյն ժամանակուան հո-
գևորական կենաց կերպը և քրիստոնէական սո-
վորութիւնները, որոնք և ոչ եկեղեցւոյ ամեն
դարերուն մէջ նոյնը են: Բայց և ոչ արհամար-

հէլ և անդոսնել պէտք է այն բարեպաշտ և անկեղծ հողինները, որոնք անմահական յաղթանակներ կը կանգնեն ողորմութեամբ, խոնարհութեամբ, և անձին ուրացութեամբ, և անանկով կը ստանան մաքուր, անմեղ և սուրբ փառք մը:

Մինչդեռ գերագոյն դատաւորը՝ կը կշռէր իւր յաւիտենական կշռոյն մէջ իր պաշտօնէին խտութիւնը, և խոնարհ հարսին անյաղթելի համբերութիւնը, չար մարդիկ ալ առիթ մը կը փնտռէին իրենց սրտին չարութիւնը յայտնելու, և խեղճ՝ Աղիսաբէթին նոր զոհ մը կ'աւելցնէին այն զոհերուն վրայ զոր կը նուիրէր արդէն իւր երկնաւոր փեսային: Ասոնք զինքը շուայլ և յիմար համբաւելէն ետքը՝ ուզեցին կտորել իր անունը անմիտ կարծիքներով Քոնրատ վարդապետին հետ ունեցած այնպիսի սերտ մտերմութեանը պատճառաւ: Համարձակ ալ կ'ըսէին թէ այն քահանայն մոլորեցուցեր է Նուդովիկոս դքսին այրի կինը, և առեր իրեն երկիրը տարեր էր զանիկայ, որպէս զի անոր հետ վայելէ անոր օժիտը և ունեցած հարստութիւնները: Աքսուհւոյն երիտասարդութիւնը, որ ինչպէս ըսինք, հազիւ քսան և երկու տարուան էր Վարպուրի առանձնանալու ժամանակը, կըրնար սրտաճառ ըլլալ այս ամբաստանութեանց. և ահա սարգ ասոր համար հաւատաց այն գէշ մարդկանց Աղիսաբէթի հաւատարիմ պաշտպանը՝ Վարիլայի տէրը, որ Վարպուրի գալով մօտեցաւ իրեն մեծարանօք ու ըսաւ. «Թոյլ տուր ինձի, տիկին, որ համարձակութեամբ և միանգամայն մեծարանօք խօսիմ քեզի հետ»: Աղի-

սարեթ խոնարհութեամբ պատասխանեց թէ կ'ուզէր անոր մտիկ ընել. « Ա՛ղաչեմ, ըսաւ, սիրելի տիկին, որ հսկես և զգուշանաս քու անուանդ և համբաւիդ. որովհետեւ Գոնրատ վարդապետին հետ ունեցած ընտանութեանդ և մտերմութեանդ համար զիտցած ըլլաս որ շատ գայթակղութեան առիթ տուեր ես անկիրթ և ուամիկ մարդկանց »: Աղխաբեթ աշուրներն երկինք վերցրնելով և առանց դէմքին վրայ պղծ տի շփոթութիւն մը յայտնելու՝ պատասխանեց. « Օրհնեալ ըլլայ յամենայնի մեր ամենաբաղդը տէրը Յիսուս Քրիստոս, իմ միակ բարեկամս, որ կը խոնարհի և արժանաւոր կերպով կ'ընդունի ձեռքէս այս աղքատին նուէրը. անոր սիրոյն համար և ինքզինքս անոր տալուն համար իբրև իւր աղախինը, հրաժարեցայ իմ ազնուատոհմութենէս, արհամարհեցի հարստութիւններս և ինչքս, փձացուցի գեղեցկութիւնս և երբիտասարդութիւնս. թող տուի հայրս, հայրենիքս, տղաքս, աշխարհիս ամենայն միտիթարութիւնները, և յանձն առի աղքատութիւն ու մուրացկան եղայ, որպէս զի իմ հանապազօրեայ հացս ճարեմ: Ուրիշ բան չպահեցի ինծի, բայց միայն իմ պատիւս և կանացի համբաւս: Բայց ահա զայս ալ կը խնդրեն ինծմէ, ինչպէս որ կը տեսնեմ, և կու տամ բոլորով սրտիւ, որովհետեւ արժանի կը սեպէ ընդունիլ իբրև մասնաւոր զոհ մը իմ բարի համբաւս. և զիս հաճոյական երեցրնել իւր աչքին առջև խայտառակութեամբ. այո՛, յանձն կ'առնում ապրիլ իբրև պատիւը կորսնցուցած կին մը: Բայց իմ սիրելի փրկիչս, խեղճ տղաքս որ անմեղ են, պահէ՛

զանոնք յամենայն ամօթոյ . որպէս զի չըլլայ որ անոնց ալ իմ պատճառաւս մնաս մը հասնի » : Բայց միւս կողմանէ ալ ուզելով ապահովեցնել իւր հին բարեկամին միտքը , վրայ բերաւ . « Գոնէ դու , տէր իշխանն և մատակարար , դու գոնէ վրաս այտպիսի չար կարծիք մի ունենար . տես մէյմը վիրաւորեալ ուսերս » . ու այս ըսելով՝ ցրցուց իշխանին այն հարուածոց նշաններն զոր ընդուներ էր Գոնրատէն : « Ահաւասիկ , շարունակեց դքսուհին , այս սուրբ քահանային իմ վրաս ունեցած բորբոքեալ սէրը , և թէ ինչպէս կը բորբոքէ զիս առ սէրն աստուծոյ » : « Հրաշալի միաւորութիւն մը , կ'ըսէ իրեն վարքը գրողներէն մէկը , խոնարհութեան , համբերութեան և բարեպաշտ խոհականութեան , որ շնորհակալ ըլլալով աստուծոյ՝ այնպիսի վատահամբաւութեան մը համար որուն արժանի չէր , իր ընկերոջը սրտէն կը հեռացընէր ամեն գայթակղութիւն » :

Սակայն չէ թէ միայն արտաքին և մարմնական խստութիւններուն մէջ կը ցուցընէր Գոնրատ իւր իշխանութիւնը , այլ կը ջանար խորտակել և մահացընել նաև անոր սիրտը , արմատաքի խլելով անկէ որ և իցէ սէր կամ մարդկային մտածութիւն , որպէս զի բոլորովին լեցուի աստուածային սիրով և մտածութեամբ : Իւր անցեալ կենաց ամեն զուարճութիւններէն՝ Եղիսաբեթ հին և քաղցր սուրբութիւն մը պահեր էր . որ էր իր երիտասարդութեանը բարեկամներուն հետ կենակցիլը , որոնք իբրև պատուոյ օրիորդք հաղորդ եղեր էին իրեն իշխանական մեծութեանը . ու իրեն հետ միատեղ

կերեր էին թշուառութեան հացը երբ որ Աարդ-
պուրկէն վաւրնտուեցաւ . որոնք անբաժան ընկե-
րակիցք էին անոր կրօնաւորական կենացը ա-
մեն կամաւոր զրկումներուն , ու աստուածապաշ-
տութեան հրահանգաց ապաշխարութեան և
որ և իցէ ուրիշ բարի գործերուն : Արնար ըւ-
լալ որ այս գորովալից և ընտանեկան սէրը՝ այս-
չափ մահացումանց և փորձանաց դառնութիւ-
նը անուշցընէր . և այն սիրտը որ ինչպէս տե-
սանք , բոլորովին վառուեր էր սիրով , իրենք քաղցր
և բարեպաշտ մխիթարութիւնը կը գտնէր ի-
րեն հետը եղողներուն կենակցութեանը մէջ :
Այս յետին մխիթարութիւնն ալ ուզեց Վոն-
րատ իրմէ վերցընել , վախնալով որ չըլլայ թէ
դքսուհոյն սրտին մէջ անցեալ փառացը վրայ
յիշատակ մը կամ ցաւ մը արթննայ : Վոնրատ
արդէն հեռացուցեր էր դքսուհոյն հին տանը
ամեն ծառայողներն , որ դեռ քովը մնացեր էին .
և անոնց մեկնած ժամանակն Աղիսաբէթ կար-
գէ դուրս տալնապ և սաստիկ ցաւ զգացեր էր :
Յետոյ կարգը եկաւ իւր երկու բարեկամացը .
նախ Ազանդրուտան հեռացուց , որ Աղիսաբէ-
թի ամենէն աւելի սիրական բարեկամն էր ,
ուսկից ծածուկ բան մը չէր պահեր , և որուն
միշտ յայտներ էր իւր սրտին դաղտնի խոր-
հուրդները , թէ՛ աշխարհէն քաշուելէն առաջ
և թէ՛ ետքը : « Սակայն պէտք եղաւ , կը պատ-
մէ այս հաւատարիմ Ազանդրուտա բարեկա-
մուհին , որ ինծմէ ալ բաժնուի , ինծմէ՝ որ ա-
մենէն աւելի կը սիրէր , և որ այնչափ արցուն-
քով ու հառաչանօք հաղիւ կրցաւ բաժնուիլ » :
Վերջը կարգը Աիւտային եկաւ , որ հինգ տա-

բուան հասակէն իր մանկութեան ընկերակիցն եղեր էր, և զոր կարգէ դուրս սիրով կը սիրէր. և որուն բաժնուէլու ատենը դառնապէս հառաչանօք արտասուէց խեղճ Եղիսաբէթը: «Իրեն անանկ երեցաւ, կ'ըսէ բարեպաշտ պատմագիր մը որուն խօսքերը կ'ախորժինք հոս տեղը բերել, թէ իր սիրտը երկուք բաժնուէցաւ. և այս ցաւը ինչուան իւր մահը սրտին մէջ մնաց: Հաւատարիմ սրտեր դիւրաւ կրնան հասկընալ այն ցաւին մեծութիւնը. վասն զի աշխարհիս վրայ երկու զիրար սիրող սրտերու իրարմէ բաժնուէլու ցաւէն աւելի ուրիշ սաստիկ ցաւ չկայ: — Ա՛վ սիրելի սրբուհի Եղիսաբէթ, կը յիշեցընեմ քեզի այն բաժանմանը, և այն դառն ցաւին համար՝ զոր զգացիր երբ ամենէն աւելի սիրական բարեկամներէդ բաժնուէցար, շնորհք խնդրէ ինձի համար, որ ճանչնամ թէ ի՞նչ գէշ բան ըրի ամեն անգամ որ մեղօք բաժնուէցայ իմ աստուծոմէս »:

Այսպէս Եղիսաբէթ բոլորովին ինքզինքը զոհելով աստուծոյ համար, միայնութեան միութարութիւնն ալ չկրցաւ ունենալ. վասն զի Գոնրատ իրեն սիրական ընկերներուն տեղ, ուրիշ երկու կանայք դրաւ քովը, որոնք անոնցմէ բոլորովին տարբեր էին: Ասոնցմէ մէկը հասարակ մարդու մը աղջիկ էր, և որ դքսուհոյն պէս Եղիսաբէթ կը կոչուէր. և թէպէտ ջերմեռանդ, բայց այնպէս անկիրթ և բիրտ և անանկ տգեղ՝ որ տղաքը երեսը նայելու ատեննին վախերնէն կը դողային: Իսկ մէկաւն ալ այրի կին մըն էր, պառաւ, խուլ, և անանկ գէշ բնաւորութեան տէր՝ որ ամեն օր գիշեր ցորեկ

կը բարկանար: Եղիսաբէթ կատարեալ հա-
զանդութեամբ աստուծոյ սիրոյն համար սիրով
համբերեց այս փոփոխութեանը. և փափաքե-
լով խոնարհութեան և համբերութեան մէջ
առաջ երթալ, կը կենակցէր անոնց հետ, համ-
բերելով անոնց անկրթութեանը և անիրաւ բար-
կութեանը: Իսկ անոնք ընդհակառակն օր քան
զօր ալ աւելի կը խստացնէին իրենց անճոռնի
վարմունքը: Երբ Եղիսաբէթ ապաշխարութեան
համար սիրով յանձն կ'առնուր այն տնական
ծառայութիւնները՝ զորոնք կատարելը իրենց
պարտքն էր, անոնք աւելի դժուարին ծառայու-
թիւն մը կը դնէին իրեն վրայ. կամ երբ խո-
հանոցին կրակին քովը կեցած, իշխանուհին
բոլորովին հոգևոր մտածմունքներու զբաղած՝
անհոգ կ'ըլլար կրակին վրայ դրուած անհամ-
կերակուրներուն նայելու, և անոնք երբ անոնց
այրելուն հօտը կ'առնուին, բնաւ չէին վախնար
զինքը դառնապէս յանդիմանելէն, մինչև երե-
սին ալ կը զարնէին որ և ոչ ապուր մը կրնար
եփել. կը չէխէին զինքը որ երբէք չէր կրցեր
մտածել իր անցեալ փառացը մէջ, թէ ատեն
պիտի դայ յորում պիտի ստիպուի կերակուրի
ծառայութիւններն ալ ընելու:

Այս կանայքը ամեն անգամ անդ թութեամբ
զինքը Գոնրատի կ'ամբաստանէին, երբ կը տես-
նէին թէ անոր արգելքին մտիկ չընելով՝ աղքա-
տաց ողորմութիւն կը բաժնէր. Գոնրատ ալ
ասոր համար խստիւ կը յանդիմանէր զինքը ու
կը սպառժէր. իսկ Եղիսաբէթ ամեն բանի սի-
րով կը համբերէր, վասն զի մէյմը միտքը դրէր
էր որ անոր առաջնորդութեամբը շուտով և ա-

պահով կերպով պիտի կարենար ժառանգել յաւիտենական հայրենիքը: Այնչափ էր իր խոնարհութիւնը որ երբ իր հին և սիրելի ընկերակիցքը երբեմն իրեն այցելութեան կու գային, չէր համարձակեր կերակուր մը դնելու առջնին, և ոչ ալ բարե մը տալու առանց Պոնրատէն հրաման առնելու:

Վերջապէս յետին փորձ մըն ալ պահուեր էր իր գորովագութ սրտին, և ասիկայ պիտի ըլլար իրեն համար յետին յաղթանակի առիթ մը: Տեսանք թէ ինչպէս բաժնուեցաւ իր զաւկրներէն, որոնց համար այնպիսի սէր մը ունէր, զոր աստուածային սիրով միայն կրցեր էր նուաճել: Սակայն կ'երևնայ թէ այս բաժանումը բոլորովին և կատարեալ կերպով եղած չէր, վասն զի չկրնալով մայրական սիրոյն յաղթել, կը ստիպուէր երբեմն երբեմն իր զաւկրներէն մէկը բերել տալու, և սիրելով ու համբուրելով իր մայրական կարօտն առնլու: Բայց քիչ ատենէն վախցաւ որ չըլլայ թէ իր սրտին մէջ երկու տարբեր սէր գտնուելով, արդէլք ըլլան իրեն սովորական աղօթիցը. վախցաւ որ չըլլայ թէ աստուծոյ զատ զուրիշ մը սիրէ. ուստի կամ Պոնրատին յորդորանօքը և կամ իր կողմանէ, այս երկրաւոր երջանկութեան յետին մնացորդն ալ իրմէ հեռացուց:

Վքսուհւոյն այսչափ աստուածային սիրոյն համար ըրած յաղթանակները, անկարելի էր որ երկար ատեն անձանօթ մնային. որոնք ոչ միայն երկնից մէջ իրեն անմահական վարձ մը կը պատրաստէին, հասպանաւ երկրիս վրայ մարդիկ ալ կը պատրաստուէին վերջապէս մեծա-

րելու հաւատոյ և սիրոյ այս գերահրաշ գիւ-
 ցաղն. վարձատրելու այն զաւկընէրը զորոնք ին-
 քը աստուծոյ սիրոյն համար երեսի վրայ ձգեր
 էր: Վասն զի քանի մը տարիէն ետքը Վաղղիոյ
 Լուդովիկոս Թագաւորին արքունիքը Վերմանա-
 ցի երիտասարդ իշխան մը երեցաւ՝ որ տանն և
 ութ տարուան էր, ու Թագուհւոյն սեղանին
 վրայ կը ծառայէր. այն Վաղղիոյ Թագուհւոյն՝
 որ միջին դարու ասպետներուն համար՝ կանա-
 ցի գեղեցկութեան և ազնուականութեան գա-
 ղափար մը սեպուեր էր. և այս Թագուհին էր
 Վասդիլիոյ Պլանշ իշխանուհին: Արքունեաց
 մէջ եղողները զարմանքով կը ցուցնէին այն
 երիտասարդ իշխանը որ սրբուհւոյն Եղիսաբե-
 Թի որդին էր. և զոր Պլանշ Թագուհին յա-
 ճախ կը գրկէր մեծարանօք, անոր երիտասարդ
 ճակտին վրայ փնտուելով այն համբուրի նշան-
 ները՝ որոնցմով համբուրեր էր զինքը իր մայրը:
 Այսպէս սուրբի մը մայրը կը սպասուէր սրբու-
 հւոյ մը որդի. այն գորովալից և բարեպաշտ
 համբոյրներուն մէջ կարծես Թէ իրարու կը
 հանդիպէին Վաղղիոյ սուրբ Լուդովիկոս Թա-
 գաւորին և Հունգարիոյ սրբուհւոյն Եղիսաբե-
 Թի սրտերը:

ԽԸ,

Ինչպէս աստուած յայտնեց իր մեծ կարողութիւնն ու ողորմութիւնը սրբուհւոյն Աղիսաբէթի միջնորդութեամբը, և անոր ազօթիցը հրաշալի զօրութեամբը.

Ար մօտենար կամաց կամաց այն ժամանակը յորում Աղիսաբէթ իր կարճատև կենաց անմահական վարձքը պիտի ընդունէր յաստուծոյ. բայց աստուած դեռ զինքը չկանչած ու իրեն փառացը հաղորդ չըրած, ուզեց անոր կենդանութեան ատենէն փառաւորել զինքը երկնաւոր փառաց լուսովն այն մարդիկներուն առջև՝ որոնք զինքը հալածեցին և բամբասեցին. ուզեց այն տկար կնոջ ձեռքովը՝ որ այնպէս կրցեր էր ինքրզինքը նուաճել, գերադոյն զօրութիւն մը տալ որով կարենայ յաղթել և արմատաբի խլել իր եղբայրքը սրտէն այն ամեն թշուառութիւնները որ հեռանանք են մեղաց: Պիտի տեսնենք ասկէ ետքը որ չէ թէ միայն զթութեամբ, ա-

ուատաձեռնու թեամբ, աշխատանքով և եռանդեամբ խեղճերուն թշուառութիւնը պիտի սիրովէ այն աստուածային սէրը որ բանէ մը չյաղթուիր, այլ նաև իրեն այնպիսի ուժ մը պիտի պարգևէ՝ որ բերնէն ելած մէկ խօսքով կամ մէկ աղօթքովը պիտի ցրուէ ու պիտի հեռացնէ այն նեղութիւնները՝ զորոնք առաջ կը ջանար թեթևեցնել: Ասկէ ետքը երբ ջերմեռանդութեան կամ սիրոյ պատճառաւ իր խեղճ տնակէն դուրս կ'ելլէ չէ թէ միայն իր եռանդը ցուցնելու համար պիտի ըլլայ, այլ յաճախ իր գերահրաշ զօրութիւնը՝ զոր աստուած կը շնորհէ անոնց՝ զորս ընտրեր է ի սկզբանէ. և այն նորանոր բարեբարութիւնները, պիտի ըլլան մեզի համար իր սրբութեանը գերազոյն և վերջին վրկայութիւնները:

Օր չէր անցներ որ Նղիսաբէթ չերթար իւր հիւանդանոցին մէջ եղող խեղճ հիւանդացնայցելութիւն մ'ընելու. և անոնց սահմանած օգնութիւնը և կերակուրը կը տանէր: Առաւօտ մը հիւանդանոց մտնելու ժամանակ տեսաւ դրան սեմին վրայ անշարժ պառկած հաշմ և խեղերիտասարդ պատանի մը, որ համբ և խուլ էր, որուն բոլոր անդամները ծռեր էին դժնդակ հիւանդութեամբ, անանկ որ չէր կրնար քալել, այլ անասնոյ մը պէս իւր ոտքերուն և ձեռքերուն վրայ կը սողար: Իւր մայրը, որ այսպիսի որդի մը ունենալուն վրայ կ'ամբնար, հոն բերեր էր զանիկայ, և դրան սեմին վրայ թողուցեր. յուսալով որ բարի դքսուհին կ'ողորմի անոր: Յիրաւի Նղիսաբէթ երբ տեսաւ այն խեղճ պատանին՝ գորովանօք մը նայեցաւ անոր, և կար-

գէ դուրս ցաւ զգաց. ու դէպի անոր ծռելով՝
 այս խօսքերս ըսաւ. « Ըսէ՛ ինձի, սիրելի որդեակ,
 ո՞ւր են քու ծնողքդ որ զքեզ հոս բերին » . տը-
 ղան խուլ ըլլալով չկրցաւ անոր խօսքերը լսել.
 դքսուհին նորէն կրկնեց իւր խօսքը անուշ ձայ-
 նով մը և զանիկայ փայփայելով. « Ի՞նչ ցաւ ու-
 նիս, ըսէ՛ ինձի. չէս ուզեր ինձի հետ խօսիլ » :
 Տղան անոր երեսը նայեցաւ, բայց պատասխան
 մը չտուաւ : Եղիսաբեթ չգիտնալով որ անիկայ
 համը է, կարծեց թէ այսահար մըն է, և իւր
 գթութիւնը սաստկանալով հետզհետէ, բարձր
 ձայնով անոր ըսաւ. « Յանուն Յիսուսի Քրիս-
 տոսի, կը հրամայեմ քեզի և անոր՝ որ քու մէջդ
 է, ինձի պատասխան տալու, և ըսելու թէ ուս-
 կից կու գաս » : Մէկէն պատանին շիփ շիտակ
 ոտքի վրայ կայնեցաւ անոր առջևը, լեզուն բա-
 ցուեցաւ, և ասանկ պատասխան տուաւ Եղիսա-
 բեթին. « Մայրս զիս հոս բերաւ » . և յետոյ
 պատմեց անոր թէ մինչև այն ատեն երբէք ոչ
 լսեր էր և ոչ խօսեր. այլ անանկ՝ ինչպէս որ զին-
 քը կը տեսնէր՝ հաշմ և խեղ ծներ էր : « Բայց
 հիմա, ըսաւ իւր անդամներն երկնցընելով ե-
 տեէ ետե, ահա աստուած ինձի շարժմունք,
 խօսք և լսելիք շնորհեց. որով այնպիսի խօսքեր
 կը խօսիմ որ ոչ երբէք մէկէ մը լսեր կամ սոր-
 վեր եմ » : Յետոյ սկսաւ արտասուել և աստու-
 ծոյ շնորհակալ ըլլալ. « Զաստուած չի ճանչ-
 նար, ըսաւ դքսուհւոյն, և բոլոր զգայարանքս
 մեռեր էին. չի գիտեր թէ մարդ ի՞նչ է. սա-
 կայն հիմա կ'իմանամ, որ անասնոյ մը պէս չեմ,
 հիմա կրնամ խօսիլ աստուծոյ վրայ : Օրհնեալ
 ըլլայ բերնիդ այն հարցմունքը, որով ընդունե-

ցար յաստուծոյ այն շնորհքը՝ որ չմեռնիմ անանկ՝ ինչպէս որ մինչև հիմա ասլրեր էի » : Եղիտաբեթ երբոր ըսեց այս խօսքերը՝ որ այնպէս գեղեցիկ կերպով կը յայտնէին հոգւոյ մը առաջին զգացմունքները՝ յայտնի իմացաւ թէ աստուած հրաշալի կերպով գործեր էր զայն իւր միջնորդութեամբը : Սակայն բոլորովին շփոթած և զարհուրած այս ահաւոր խորհրդոյն վրայ, շուտով ծնկան վրայ եկաւ, և խառնեց իւր առատ արցունքը պատանւոյն արցունքին հետ զոր բժշկեր էր : Այս շնորհքին համար աստուծոյ շնորհակալ ըլլալէն ետքը՝ անոր ըտաւ. « Եւտով ետ դարձիր քու ծնողացդ քով. և մի ըսեր ինչ որ պատահեցաւ քեզի. մանաւանդ իմ վրաս մարդու մը հետ մի խօսիր. մի այն ըսէ թէ աստուած օգնեց. և զգուշացիր գիշեր ցորեկ ամենայն մահուչափ մեղքէ՝ ապա թէ ոչ նորէն կրնաս իյնալ քու առաջին հիւանդութեանդ մէջ. միշտ յիշէ՛ ինչ որ կրեցիր մինչև հիմա, և աստուծոյ աղօթէ. ինձի համար, ինչպէս որ ես ալ միշտ քեզի համար պիտի աղօթեմ » : Մէկէն աներևոյթ եղաւ, կարծես թէ ուզելով այս անակնկալ փառքէն փախչիլ. պատանւոյն մայրն ալ վրայ հասաւ, բոլորովին զարհուրած և շփոթած իր որդին ոտքի վրայ և լեզուն բացուած տեսնելով. « Ահգուդ ո՞վ բացաւ », հարցուց անոր. « Քաղցրաբարոյ տիկին մը, պատասխանեց տղան, մթնադոյն զգեստներ հագած, հրամայելով յանուն Յիսուսի Քրիստոսի. որ խօսիմ իրեն հետ և ես խօսք գտայ անոր պատասխան տալու » : Ան ատեն մայրը սկըտաւ դէպի այն կողմը վազել ուսկից Եղիտաբեթ

գացեր էր, և հեռուանց տեսնելով որ կը փախչէր, ճանչցաւ զնա և ամեն տեղ հրատարակեց այս հրաշքը:

Այսպէս թէպէտեւ Աղիսաբէթ կը ջանար ինքզինքը ծածկելու, սակայն ինչուան հեռաւոր տեղուանք տարածուեցաւ իրեն ձեռքով յայտնուած աստուծոյ ամենակարողութիւնը. ան ատեն ամեն թշուառները և ցաւոց մէջ եղողները սկսան իրեն աղաչանքներ զրկել: Աղիսաբէթ իր գթած սրտովը՝ չէր կրնար մերժել այն խեղճերուն աղաչանքը՝ որ իրմէ օգնութիւն կը խնդրէին. բայց մէկալ կողմանէ այն մեծաւմեծ հրաշները զոր աստուած իրեն ձեռքովը կ'ընէր, ինքզինքը ալ աւելի կը խոնարհեցընէր, որով ալ աւելի հաճոյական կ'ըլլար աստուծոյ առջև: Սր մը հիւանդին մէկն իրեն եկաւ որ զինքը բժշկէ յանուն սրբոյն Յովհաննու աւետարանչին, որուն մասնաւոր ջերմեռանդութիւն ունէր Աղիսաբէթ: Անոր համար աղօթք ընելէն ետքը՝ հիւանդը զգալով թէ իր խնդրած բժշկութիւնն ընդունեցաւ, մէկէն ի մէկ ծընկան վրայ եկաւ Աղիսաբէթին առջև իրեն չնոր հակալ ըլլալու համար. բայց սրբուհին ինքնալ գետին խոնարհելով անոր քով՝ սկսաւ գոհանալ յաստուծոյ որ իրեն սիրական առաքելոյն՝ սրբոյն Յովհաննու աղաչանացը մտիկ ըրեր էր. և սակայն, ինչպէս այս գէպքը աւանդող պատմագիրը կ'ըսէ, իր աղօթքը ընդունել էր աստուած սրբոյն Յովհաննու մտղթանացը հետ:

Աւրիշ անգամ մ'ալ, ձեռօք և ոտիւք հաշմամարդ մը անոր աղաղակեց. «Ա՛յլ փայլուն արեգակն սայծառութեան կանանց մէջ, թէն հարց-

սրիւն քաղքէն եմ, ուր քու ամուսինդ կը հանդ-
չի, անոր հողւոյն սիրոյն համար հասիր ինծի
յօզնութիւն, և բժշկէ զիս» : Երբ Եղիսաբէթ
լսեց իւր ամուսնոյն անունը, սիրտը տակն ու
վրայ եղաւ, վասն զի անոր քաղցր և սուրբ յի-
շատակը միտքն եկաւ. կեցաւ հոն ու կարգէ
դուրս գորովով մը անոր նայեցաւ որ զինքը կը
կանչէր. և նոյն վայրկենին դքսուհւոյն այս
մէկ նայելովը, խեղճ՝ հաշմը բժշկուեցաւ, և
սկսաւ աստուծոյ շնորհակալ ըլլալ :

Քիչ մը ետքը, երբ ճամբայ ելեր էր Ալզէն-
պուրկի վանքն երթալու՝ խեղճ՝ մարդ մը հե-
ռուէն կանչեց զԵղիսաբէթ ու ըսաւ. « Ահաւա
սիկ տասուերկու տարիէն ի վեր չար ոգի մը
կը տիրէ վրաս, թոյլ տուր որ մէյմը դպչիմ՝ ըզ-
գեստիդ քղանցիցը՝ որ հեռանայ ինծմէ չար
այսը » : Եղիսաբէթ շուտով ետ դարձաւ, և
ծնկան վրայ գալով հաշմին քով ճամբուն վրայ՝
զանիկայ համբուրեց, օրհնելով յանուն Յիսու-
սի Քրիստոսի, և վաղվաղակի դիւահարը բժըշ-
կուեցաւ :

Ուրիշ օր մ'ալ իրեն հիւանդանոցին համար
անձամբ շինել տուած իւր եկեղեցին գնացեր
էր կէս օրուան մօտ. դիտմամբ այս ժամն ընտրեր
էր Եղիսաբէթ իրեն շրջագայութեանը. վասն
զի այն ատեն կերակուր ուտելու համար կը հե-
ռանային ամեն հաւատացեալք, որով ինքը կը
նար ազատ համարձակ իւր բարեպաշտական
գործոց և աղօթիցը ետեւէն ըլլալ : Հոնտեղը
կոյր մը տեսաւ որ խարխափելով միայնակ կը
քալէր եկեղեցւոյն չորս կողմը. աչուրները բաց
էին, ամենուն աչքին սիւս, սակայն բիբերը սար-

պուեր ու չորցեր էին. շուտով անոր մօտեցաւ
 և հարցուց թէ հոն ինչ կ'ընէր մինակ, և ինչ
 բանի համար կը թափառէր եկեղեցւոյն մէջ.
 կոյրը պատասխանեց. «Ա՛յ ուզէի երթալ այն սի-
 րելի և քաղցրաբարոյ տիկնոջ, որ կը մխիթարէ
 զթշուառները, խնդրելու իրմէն որ օգնէ ինծի
 յանուն աստուծոյ. բայց նախ եկայ աղօթքը
 ներու այս եկեղեցւոյն մէջ, և չորս կողմը կը
 պտըտիմ իմանալու համար թէ որչափ մեծ և
 լայն է. որովհետեւ դժբաղդաբար աչքովս չեմ
 կրնար տեսնել» : «Ա՛յ ուզէս տեսնել այս եկեղե-
 ցին» , ըսաւ անոր գթալից Նղիսաբեթը. «Եթէ
 աստուած կ'ուզէ, պատասխանեց կոյրը, շատ
 կը փափաքիմ զայն տեսնելու. սակայն ի ծնէ
 աչքիս լոյսը կորուսեր եմ, երբէք չեմ տեսած
 արեգահան լոյսը» : Յետոյ սկսաւ կոյրը դքսու-
 հւոյն պատմել իւր ամեն խեղճութիւնն. «Շատ
 կը փափաքէի, ըսաւ, որ ուրիշներու նման կա-
 րենայի աշխատիլ. վասն զի հիմա, թէ ինծի և
 թէ ուրիշներուն բանի մը չեմ գար. ամենէն
 կարճ ժամերը՝ ինծի շատ երկայն կ'երևին : Եր-
 բոր ուրիշի մը քով կը գտնուիմ, որ պայծառ
 աչուրներով կը տեսնէ ամեն բան, չեմ կրնար
 ազատ պահել զիս նախանձու մեղքէն. եթէ ա-
 ռանձին մնալու ըլլամ կ'արտասուեմ թշուա-
 ռութեանս վրայ» : «Բու աղէկութեանդ հա-
 մար, պատասխանեց Նղիսաբեթ, աստուած քե-
 զի զրկեր է այս թշուառութիւնը. վասն զի ե-
 թէ աչուրներդ բաց ըլլային, թերևս անկարգ-
 ճամբաներու ետեւէն երթայիր ու այն ատեն հի-
 մակուրնէն աւելի մեղք գործէիր» : «Ո՛չ, ո՛չ,
 վրայ բերաւ կոյրը, մանաւանդ թէ շատ պիտի

զգուշանայի մեղք ընելէն, և ինքզինքս դժուարին աշխատանաց տալով՝ կարենայի ամենօրեայ կերակուրս իմ ճակտիս քրտինքովը ճարել. որով այս օրուան տխուր մտածմունքներս ալ չէի ունենար» : Եղիսաբէթին սիրտը չգիմանալով՝ ըսաւ աղքատին. « Աստուծոյ աղօթէ որ աչուրներուդ լոյս շնորհէ, ես ալ ահա քեզի հետ կ'աղօթեմ» : Այս խօսքին վրայ, կոյրը յայտնի իմացաւ որ սուրբ դքսուհի Եղիսաբէթին հետ կը խօսէր, և անոր առջևը գետնի վրայ խնալով աղաղակեց. « Ո՛վ ազնուատոհմ և շնորհալից տիկին, կ'աղաչեմ գթա՛ վրաս» . իսկ սրբուհին նորէն ապսպրեց անոր որ աստուծոյ աղօթք ընէ կատարեալ հաւատքով և յուսով. ու ինքը ծնկան վրայ գալով կոյրէն քիչ մը հեռու սկսաւ եռանդեամբ աղօթք մատուցանելաւ աստուած : Մէկէն աստուած շնորհեց կոյրին աչաց լոյսը, և գեղեցիկ բիբերով զարդարեց անոր պարսպ աչքին խողովները : Յետոյ հաշմը ոտք ելաւ. բոլորտիբը նայեցաւ, և աճապարեց երթալ առ Եղիսաբէթ, զոր գտնելով՝ « Տիկին, ըսաւ, փառաւորեալ է աստուած, վասն զի անոր շնորհքովը ամեն բան լաւ և պայծառ կը տեսնեմ. քու խօսքերդ ալ իրաւ ելան» : Սակայն բարեպաշտ իշխանուհին որ միշտ իրեն վերջին վախճանը կը մտածէր՝ ըսաւ անոր. « Հիմայ որ ալ պայծառ կը տեսնես՝ ետեւէ եղիւր ծառայելու աստուծոյ, և հեռանալու կրցածիդ չափ որ և իցէ մեղքէ, աշխատէ և բարի մարդ եղիւր, խոնարհ և հաւատարիմ յամենայնի» :

Աստուծոյ խոնարհ աղախնոյն աղօթքը, եթէ այնչափ զօրաւոր էր որ կրնար դարման մատու-

յանել մարմնոյ ցաւերուն, հապա որչափ աւելի զօրաւոր պիտի ըլլար նաև հոգիները բժշկելու համար: — Անպահ գաւառին Աերդրուտա տի կինը, որ շրջակայքը տիրող ազնուատոհմ ասպետի մը կինն էր, օր մը այցելութեան գալով դքսուհւոյն, իրեն հետ բերեր էր նաև Պերդոլտ որդին: Ասիկայ տանն ու չորս տարուան կտրիճ պատանեակ մ'էր, որ փառաւորապէս հազուած և զարդարուած ըլլալով՝ կարծես թէ շատ կ'ախորժէր հարուստ, սքանչելի և սակաւագիւտ զգեստներ հագնելու: Եղիսաբեթ երկայն բարակ անոր մօրը հետ խօսելէն ետքը, դարձաւ պատանեկինն ու ըսաւ. « Սիրելի որդեակ, ինձի այնպէս կ'երևի, որ շատ աշխարհօրէն և շուայլութեամբ հազուեր և աշխարհիս հետ մեծ սիրով կապուեր ես: Ի՞նչ բանի համար չես մտածեր քու ստեղծողիդ ծառայել, որով աւելի հանդիստ պիտի ըլլաս թէ՛ հոգւով և թէ՛ մարմնով: Ըսէ ինձի, սիրելի որդեակ, կը կարծես թէ քու և իմ տէրս այսպէս հազուեր էր, երբ խոնարհութեամբ աշխարհ եկաւ իւր արիւնը թափելու մեզի համար »: Պատասխանեց պատանեակը դքսուհւոյն. « Ո՛վ տիկին, կ'աղաչեմ որ ինձի համար աղօթես առ աստուած, որպէս զի ինձի իրեն ծառայելու չնորհք պարգևէ »: « Կ'ուզէս յիրաւի, պատասխանեց իշխանուհին, որ քեզի համար աղօթեմ »: — « Այո՛, կ'աղաչեմ »: — « Այն ատեն պէտք է որ պատրաստես ինքզինքդ՝ ընդունելու այս չնորհքը որուն կը փափաքիս. ես ալ յօժարութեամբ պիտի աղօթեմ քեզի համար, ուստի միատեղ եկեղեցի երթանք, և ինդրենք յաստուծոյ որ քեզի շը-

նորհրատայ» : Պատանեակը դժբուհւոյն հետ
 շուտով եկեղեցի գնաց . և մօրը հետ խորանին
 առջև ծռեցաւ քիչ հեռու այն տեղէն ուր Ե-
 ղիսաբեթ կ'աղօթէր : Աղօթքնին բաւական ժա-
 մանակ տուէն ետքը , պատանեակն բարձր
 ձայնով աղաղակեց . « Ո՛վ սիրելի տիկին , դադ-
 րէ՛ ալ աղօթելէն » : Բայց Եղիսաբեթ միշտ կը
 շարունակէր իւր եռանդուն աղօթքը . այն ա-
 տէն Պերդոլտ աւելի բարձրաձայն սկսաւ կան-
 չել . « Դադրէ՛ , տիկին , դադրէ՛ աղօթելէն . վասն
 զի ա՛լ չեմ կրնար դիմանալ , բոլոր մարմնս բոր
 բորուեր է » : Յիրաւի այնպիսի մեծ ջերմութիւն
 մը վրան եկաւ որ մարմնէն շոգի կ'ելլէր : Իւր
 մայրը և իշխանուհւոյն երկու աղախնայքը եր-
 բոր լեցին պատանեակին կանչելը , դէպի իրեն
 վազեցին և անոր զգեստները քրտնքի մէջ թաթ-
 խուած գտան . մարմնոյն մորթն ալ այնչափ տաք-
 ցեր էր՝ որ հազիւ կրնային ձեռք մօտեցնել :
 Իսկ Եղիսաբեթ աղօթելէն չէր դադրեր , մին-
 չև որ պատանին յուսահատեալ ըսաւ իրեն .
 « Յանուն Յիսուսի Քրիստոսի , կ'երդուրնցնեմ
 զքեզ , որ ա՛լ չաղօթես . վասն զի մաշեցայ ներ-
 քին կրակով , հիմա սիրտս պիտի խորտակի » :
 Այն ատէն Եղիսաբեթ դադրեցաւ աղօթելէն ,
 և Պերդոլտ սկսաւ կամաց կամաց պաղիլ . սա-
 կայն աստուածային սիրոյն կրակը մէյմ՝ որ Ե-
 ղիսաբեթի եռանդուն աղօթքովը երիտասար-
 դին սիրտն իջաւ , չկրցաւ ալ մարիլ , որով քիչ
 ետքը Պերդոլտ սրբոյն Փրանկիսկոսի կարգը
 մտաւ :

Այսպիսի օրինակներ յորդորեցին զԵղիսա-
 բեթ աւելի եռանդեամբ աղօթելու ցաւոց մէջ

Էղող բազմաթիւ անձանց համար, որոնք կը դի-
 մէին դքսուհոյն զօրաւոր միջնորդութեանը,
 և Նղիսաբէթ կը կատարէր բարեպաշտ խոնար-
 հութեամբ անոնց ամենուն փափաքը: Նըխտա-
 սարդ Պերդոլտին օրինակովը շատերը լուսաւո-
 ըուած, և հանդարտած անոր աղօթքին զօրու-
 թեամբը, եկեղեցական վիճակն ընդունեցան:
 Այն քաղցրալից և բարերար ազդեցութիւնը
 կը տարածուէր նաև այս կենաց սահմաններէն
 դուրս, և այս զօրաւոր օգնութեան արդիւնքը
 յայտնապէս կը տեսնէին անդին այն հոգիներ-
 րը, որ դեռ չէին քաւած իրենց ամենայն մեղ-
 քը: Գիշեր մը Նղիսաբէթ երազին մէջ տեսաւ
 իւր մայրը զԱերդրուտա թագուհին, որ շատ
 տարի առաջ վատութեամբ սպաննուեր էր. և
 դքսուհոյն առջևը ծնկան վրայ դալով՝ բարձր
 ձայնով ըսաւ. « Սիրելի դուստր, և սիրեցեալդ
 յաստուծոյ, կ'աղաչեմ որ ինձի համար ալ ա-
 ղօթես. յիշէ՛ այն ցաւը, որով զքեզ ծնայ, և
 դժամ իմ հիմնական կրած թշուառութեանս
 վրայ, խնդրելով աստուծոյ որ համառօտէ զա-
 նոնք, և մեղքերուս պատիժ սեպէ այն նախա-
 տական և ամօթալի մահը զոր կրեցի անմեղու-
 թեամբ: Գուն եթէ ուզես կրնաս աս խնդիրքս
 կատարել, որովհետև լի ես չնորհօք »: Նղիսա-
 բէթ լալով արթնցաւ ելաւ իւր անկողինէն և
 սկսաւ վաղվաղակի աղօթք մատուցանել աս-
 տուծոյ: Եռանդեամբ աղօթք ընելէն վերջը իւր
 մօրը հոգւոյն համար՝ դարձեալ պառկեցաւ ու
 քնացաւ: Մայրը նորէն երեցաւ իրեն ու ըսաւ.
 « Օրհնեալ ըլլայ այն ժամը և այն օրը, յորում
 զքեզ ծնայ. որովհետև քու աղօթքիդ զօրու-

Թեամբն ազատեցայ այս տեղէս, և վաղը յաւիտենական երջանկու թեան մէջ պիտի մտնեմ: Սակայն միշտ աղօթէ անոնց ամենուն համար զորոնք կը սիրես. վասն զի կը մխիթարէ աստուած զայն՝ որ իւր թշուառութեան ատեն քեզի կը դիմէ »: Աղիսաբեթ դարձեալ արթընցաւ, և սիրտը լի ուրախութեամբ այս տեսիլքիս վրայ՝ բերկրութեան արցունք թափեց: Յետոյ յոգնած նորէն պառկեցաւ, և այնպէս խորունկ քուն եղաւ, որ մօտակայ եկեղեցւոյն՝ ուր սովորութիւն ըրեր էր երթալու, առաւօտեան ժամերգութեան զանգակը չսեց. երկրորդ զանգակին արթըննալով՝ շուտով գնաց խոստովանելու իւր ծուլութիւնը, և խոստովանահօրմէն խնդրեց որ այս բանիս համար մասնաւոր ապաշխարանք մ'ալ դնէ իրեն վրայ:

Աղիսաբեթի ձայնը եթէ այնչափ զօրաւոր և ազդու էր երկնային գթութիւնն ընդունելու, զօրաւոր էր նաև երբեմն արդար դատաստան կտրելու համար: Իւր մէկ ձամբորդութեանը մէջ, ինքը որ աղքատաց դայեակ կը կոչուէր, ձամբուն վրայ աղքատ կին մը տեսաւ՝ որ տղաբերքի ցաւոց մէջ կը տառապէր. շուտով զանիկայ իւր հիւանդանոցը ղրկեց, և հոն հարկաւոր եղած խնամքը մատոյց թշուառին. կնքամայր ալ եղաւ այն ծնած մանկանը և զանիկայ իւր քաղցր անուամբը Աղիսաբեթ կոչեց: Ամեն օր մօրը այցելութեան կ'երթար, կ'օրհնէր զնա և հարկաւոր եղած ամեն օգնութիւն անոր կը մատուցանէր: Պրեթէ ամիս մը զանիկայ իւր հիւանդանոցին մէջ սպահեց. ետքը երբ կատարեալ առողջացաւ՝ արձրկեց զայն իր տունը:

ապրուստէն զատ տալով անոր նաև տասուերկու դահեկան, պատմութեան մը և իւր ոտքին կօշիկները. անկէ զատ նորածին մանուկը մուշտակի մը մէջ պատել տուաւ, զոր իւր հետն եղողներէն մէկէն առեր էր: Բայց այս անշնորհք և ապերախտ մայրը, փոխանակ Եղիսաբեթի այսչափ առատաձեռնութեանը և բարերարութեանը երախտագէտ ըլլալու, ընդ հակառակն նոյն իրիկունը դքսուհիէն հրաժեշտի ողջոյն խնդրեց, և առաւօտուն կանուխ ամուսնոյն հետ փախաւ գնաց իւր մանուկը հիւանդանոցը ձգելով: Իսկ Եղիսաբեթ, որ գիշեր ցորեկ միշտ իւր սիրելի աղքատներուն վրայ կը մտածէր, առաւօտը կանուխ եկեղեցի մտնելու ժամանակ իւր աղախնայցը մէկուն ըսաւ. « Քսակիս մէջ մէկ քանի դահեկան ունիմ, որ կրնայ օգտակար ըլլալ նորածին մանկան և իր թշուառ մօրը մխիթարութեան համար. ուստի ան ու իրեն տար ». աղախինը ետ դարձաւ, ըսելով թէ կինը գնացեր էր իւր մանուկը հիւանդանոցին մէջ թողլով: « Շուտ ըրէ, ըսաւ ազնիւ Եղիսաբեթը ծառային, գնա՛ մանուկը ինծի բեր, որպէս զի չըլլայ թէ երեսի վրայ մնայ »: Սակայն ուղեց որ արդարութեան ձեռքով՝ ասոր ճարը տեսնէ. ուստի դատաւորին մարդ զրկեց որ ճամբայներուն վրայ զինուորներ դնէ որպէս զի այդ ապերախտ մայրը բռնեն և իրեն բերեն. բայց զինուորները չկարենալով գտնել՝ ետ դարձան. այն ատեն դքսուհին սկսաւ եռանդեամբ աղօթք մատուցանել առ աստուած: Իւր աղախիններէն մէկը, որ կը վախէր Գոնրատի խրատութենէն՝ երբոր իմանալու ըլլար եղածը, ը-

սաւ իւր տիրութեան որ աղօթք ընէ, որպէս զի աստուած յայտնէ այն աստուածային մայրը: Եղիսաբէթ ալ ըսաւ թէ «Ուրիշ բան չեմ խընդրեր աստուծոյ, միայն թէ իւր կամքը կատարուի յամենայնի»: Քիչ ետքը թէ՛ երիկը և թէ՛ կինը հասան, ու դքսութեան ոտքն իննալով՝ իրենց յանցանացը համար թողութիւն ինդրեցին. ու խոստովանեցան թէ աներեւոյթ զօրութեամբ արգիլուեցան ճամբուն վրայ, և չկրցան իրենց ճամբան առաջ տանիլ, որով ստիպուեցան նորէն իրենց առջի տեղը դառնալ: Ոչ որ տարակուսեցաւ թէ այս բանս դքսութեան աղօթքովն եղեր էր. մէկէն առին յանցաւոր և աստուածային մօրը ձեռքէն ինչ որ առաջ տուեր էին, որպէս զի ուրիշ արժանաւորագոյն աղքատաց բաշխեն. իսկ Եղիսաբէթ որուն սրտին վըրայ գթութիւնը և աստուածաբաշխութիւնը շուտ մը դարձեալ զօրացաւ, նորէն այն աղքատ կնոջը դարձուց թէ՛ կօշիկն և թէ՛ մուշտակը՝ նորածին մանուկը պատելու համար:

Սակայն այսչափ յայտնի նշաններով ալ, որոնցմով աղէկ կը տեսնուէր թէ որչափ զօրաւոր է աստուծոյ քով իր բարեխօսութեամբը, իր կարգէ դուրս խոնարհութեամբն Եղիսաբէթ երբեմն այնպիսի անվստահութիւն կ'ունենար իր անձին վրայ՝ որ կարծես թէ կը տարակուսէր աստուծոյ ողորմութեանը վրայ: Ինքն ալ կ'ունենար երբեմն յուսահատական և սրխուր վայրկեաններ, ինչպէս որ կ'իմանան իրենց մահկանացու կենացը մէջ՝ երկնաւոր ճամբուն վրայ ամենէն յառաջագէմ հոգիները. այն ատեն իր սիրտը որ միշտ վառ էր աստուածային

սիրով, կը համարձակէր տարակուսիլ թէ արդեօք պիտի կարենա՞ր գտնել յաստուած այն սէրը որ համեմատ ըլլար իրեն աստուծոյ վրայ ունեցած սիրոյն: Իւր առաջին խոստովանահայրը՝ Րոտինկէր վարդապետը, օր մը իրեն այցելութեան եկած ըլլալով, Եղիսաբէթ իրեն հետ լահն գետին ասիանցը վրայ շրջագայութեան ելաւ, հետը ունենալով իւր երեք աղախինները: Իր հին բարեկամին հետ ըրած խօսակցութեանը մէջ, որ անշուշտ Գոնրատին պէս խիստ չէր, ըսաւ իրեն. « Բան մը կայ որ զիս ամեն բանէ աւելի կը չարչարէ, հայր սուրբ. քիչ մը կը տարակուսիմ ստեղծողիս իմ վրաս ունեցած սիրոյն վրայ. չէ թէ անոր համար որ լի է բարութեամբ և միշտ առատ իւր սիրովը, հապա իմ այնչափ անարժանութեանցս համար, որ զիս իրմէ կը հեռացընեն, թէպէտև իրեն սիրովը բորբոքուեր եմ»: « Հոն վախնալու բան չկայ, պատասխանեց քահանայն դքսուհւոյն՝ վասն զի աստուածային բարութիւնը այնչափ մեծ է, որ անհնարին է տարակուսիլը թէ աստուած չիրեր զանոնք ամենքը՝ որ զինքը կը սիրեն, և թէ միայն անոնցմէ կը սիրուի »: « Ի՞նչպէս ուրեմն, վրայ բերաւ Եղիսաբէթ, թոյլ կու տայ որ տըրտմութիւնը կամ սրտի լքումը զիս իրմէ հեռացընէ քիչ մը ատենուան համար. որուն հետ միշտ և ամեն ժամանակ կ'ուզէի միացած ըլլալ »: Կրօնաւորը պատասխանեց իշխանուհւոյն, որ անիկայ չէ թէ երեսի վրայ ձգուած անձի մը նշանակ է, հապա նախամեծար սեպուած սրբտի. և թէ անոնք են ապահով միջոցներ սէրն աճեցընելու համար: Յետոյ անոր գեղեցիկ ծառ

մը ցուցնելով, որ գետին գիմացի կողմի աման-
ցը վրայ կը բարձրանար, ըսաւ թէ « Աւելի գի-
րին է որ այս ծառը ինքիրմէ փոխադրուի գե-
տին այս ամանցը վրայ՝ (ուր կը քալէին) քան
թէ աստուած իր արարածներէն վար մնայ ա-
նոնց վրայ ունեցած սիրովը » : Հազիւ թէ այս
խօսքերը զուրցեց, ներկայ գտնուողները զար-
մանքով տեսան որ այն ծառը, որուն վրայ կը
խօսէր, գետէն անցաւ և գիմացի կողմի աման-
ցը վրայ անկուեցաւ : Այս աստուածային սիրոյ
հրաշալի տեսարանին մէջ Եղիսաբէթ ճանչցաւ
կատարեալ կերպով անոր զօրաւոր ու յաւի-
տենազան ճշմարտութիւնը՝ որ ըսէր էր իւր ա-
շակերտացը . « Եթէ միայն մանանխոյ հասի
չափ հաւատք ունենայիք, ու ըսէիք այդ թղե-
նւոյն՝ թէ ելիր քու տեղէդ և ծովուն մէջ տըն-
կուէ, ձեզի պիտի հնազանդէր » : Մէկէն դըք-
սուհին Բոտինկէր վարդապետին ոտքն ինկաւ
իւր թերահաւատութեան մեղքը խոստովանե-
լու և իրմէ ներումն խնդրելու համար :

Եղիսաբէթ իր աղօթիցը այն աննկուն զօ-
րութիւնը տալու համար՝ սովորութիւն ըրէր էր
այն գերագոյն կարողութեան հանապազօր կրք-
թութեանը ետեւէ ըլլալ . և թէպէտ իրեն ժա-
մանակին մեծ մասը ողորմութեան գործերու
կը նուիրէր, բայց կը գտնէր նաև երկայն ժա-
մեր ալ աղօթից և մտածութեանց պարասպե-
լու : Մարթայի պէս եռանդուն խնամքով Յի-
սուսի Քրիստոսի աղքատները հոգալէն ետքը,
Մարիամին պէս կու գար կը նստէր իր տիրոջը
ոտքին քով, բոլորովին ընկղմելու իր շնորհացը
և ողորմութեանց մտածութեանը մէջ . « Կեր-

դուրննամ առաջի աստուծոյ - կը գրէր իր խըստակրօն խոստովանահայրը առ քահանայապետն Հռովմայ - որ հազիւ երբէք տեսեր եմ կնիկ մարդ մը որ Եղիսաբէթի նման մտածականի ետեւէ ըլլայ»։ Շատ անգամ իշխանուհին, ձեռքերն ամփոփած, աչքերը և սիրտը դէպի երկինքը վերուցած այնպէս երկայն ժամեր աղօթք կը մատուցանէր առ աստուած. և յաճախ գիշերուան մէկ մասը եկեղեցեաց մէջ կ'անցընէր, թէպէտ Գոնրատ կ'արդելուր զայս, որովհետեւ երբէք չէր ուզեր որ Եղիսաբէթ ինքզինքը զրկէ հարկաւոր եղած հանգստութենէ։ Եւ որովհետեւ դքսուհին միշտ առանձին և ազատ չէր գտնուեր Մարպուրի քաղաքին եկեղեցիներուն մէջ, այն պատճառաւ կ'ախորժէր իւր աղօթքը մատուցանելու դաշտերուն մէջ և երկնից կամարին տակ, այնպիսի տեղ մը՝ որուն իւրաքանչիւր կտորը կը յիշեցընէր իրեն արարչին մեծութիւնը և փառքը։ Կը պատմուի թէ երբոր բացօթեաց աղօթք կ'ընէր և անձրև կու գար և բոլոր գետինը կը թրջէր, ինքը միայն չոր կը մնար։ Շատ կ'ախորժէր երթալ ու առանձին գեղեցիկ աղբիւրի մը քով քաշուիլ ու նստիլ, որ սքանչելի անտառի մը մէջ՝ քարաժայռ լերան մը ստորոտէն կը բղխէր քաղքէն քիչ հեռու, և Մարպուրիէն երկու մղոն անդին։ Հոն տանող ճամբան դժուարին և վտանգալից էր, անոր համար քարայատակ մաքուր ճամբայ մը շինել տուաւ, և այն պայծառ աղբիւրակին քով փոքրիկ մատուռ մը կանգնեց։ Քիչ ատենէն այն դաշտային և առանձին տեղը Եղիսաբէթի աղբիւր կոչուեցաւ և մինչև այս օրս

այնպէս կը կոչուի: Ամենէն աւելի գէշ օրերն ալ իրեն արգելք չէին ըլլար իւր սիրելի բնակարանն երթալու. ճամբան միշտ կ'աղօթէր. իւր աղբիւրէն մինչև Մարպուրի հազիւ Հայր մեր մը կրնար զրուցել. այնչափ իւր աղօթքը խառն և լի էր խորհրդածութեամբ:

Օրինակ առնելու բարեպաշտութեամբ և ճշգրտութեամբ ներկայ կը դռնուէր ամենայն ատուածային պաշտամանց: Աստուծոյ ու սուրբերուն համար լի գորովով և սիրաբուխ մեծարանք մը ունէր. անոնց վարուց պատմութիւնը բարեպաշտութեամբ մտիկ կ'ընէր, խղճի մտօք տօնախմբութիւնները կը կատարէր, և նշխարացը յարգանօք պաշտօն կը մատուցանէր, ու կը պատուէր մոմեր վառելով և խունկ ծխել տալով անոնց առջևը: Սուրբ Յովհաննէս աւետարանչէն ետքը, որ իւր մասնաւոր բարեկամն էր, սրբուհի Մարիամ Մագդաղենացոյն կարգէ դուրս սէր ունէր. իսկ սուրբ կոյսն Մարիամ իւր առանձին և եռանդուն յարգութեանը միակ նպատակն էր, միշտ իւր վրայ կը կրէր երկնից թագուհոյն չորս պատկերները, զոր պահեց մինչև իւր մահը, և յետոյ ժառանգութիւն ձգեց իւր Սոփիա անդրանիկ դստերը: Բայց միւս կողմանէ չէր ալ ուզեր շատ պատիւ ընծայելու այս արտաքին բարեպաշտական նշանացը, և միանգամայն լուս դիտէր զանազանէլ անոնց նիւթական յարգը որ կրնայ ըլլալ մտերիմ և մաքուր զգացմանց մէջ, ինչպէս որ սուրբ հաւատքը կը ցուցնէ: Երբ օր մը վանքի մը այցելութեան գնացեր էր, և կրօնաւորները Եղիսաբէթի չորս կողմը ժողվուած՝ գրեթէ

քսան ու չորս հոգի, կը ցուցնէին իրեն մեծ ուրախութեամբ իրենց եկեղեցին զարդարող ոսկեզօծ հարուստ փորուածները, Եղիսաբեթ պատասխանեց անոնց. «Նիտակն ըսելով, այն ստակը զոր ծախեցիք այս փորուածներուն, լաւագոյն ըրած կ'ըլլայիք եթէ գործածած ըլլայիք ձեզի զգեստ շինելու և ձեր կերակրոյն տալու, քան թէ այս պատերը զարդարելու. վասն զի այդ փորուածներուն այդչափ սէր կապելէն ետքը՝ պէտք է որ զանոնք ձեր սրտին մէջ կրէք»։ Նքսուհին նոյն խստութիւնը կը բանեցնէր նաև իրեն համար. երբ օր մը իրեն առջևը գեղեցիկ պատկեր մը գովելով՝ կը ստիպէին զինքը որ գնէ, անոնց պատասխանեց. «Այս պիտի պատկերի մը երբէք հարկաւորութիւն չունիմ, վասն զի այն գեղեցիկ պատկերը սրտիս մէջ կը կրեմ»։ Նոյն կարծիքն ունէր նաև իւր հոշակաւոր ժամանակակցաց մէկը, թէպէտև բնաւորութեամբ իրմէ տարբեր, Սիմոն Մոնֆորի կոմսը. որուն համար սուրբն Լուդովիկոս զարմանքով կը պատմէր ժոէնպիլի, թէ երբ եկան իրեն իմացընելու որ գայ տեսնէ Քրիստոսի մարմինը, ճշմարիտ մարմին և արիւն դարձած քահանային ձեռքը, որուն վրայ շատ զարմացեր էին, կոմսը պատասխանեց անոնց. «Գրնացէք դուք որ կը տարակուսիք. վասն զի ես կատարեալ կերպով և առանց տարակուսելու կը հաւատամ, և ահա այս հաւտալուս համար կը յուսամ երկինքը հրեշտակներէն աւելի սրտակ մը ընդունիլ, որ զինքը դէմ յանդիման կը տեսնէն»։

Մատարակոյս աստուծոյ պատկերը Եղիսա-

բեթի սրտին մէջ խորունկ կերպով տպաւորուեր և միշտ ներկայ էր իրեն սիրոյն առջևը, ուստի կարօտութիւն ալ չունէր այն օգնութիւններուն զոր սուրբ եկեղեցին գթալիւ սիրով կը մատուցանէ իւր հասարակ որդւոցը: Միշտ իրեն միտքը աստուածային գերագոյն խորհրդոցը մէջ կը յափշտակուէր ու կը պտտտէր. աչքին առջևէն կ'անհետանային այն անկատար սպտկերները, զորոնք մարդկային երևակայութիւնը հնարեր է զհաւատքը ալ աւելի բորբոքելու համար: Որչափ աւելի կը մտնէնար իր կարճատև կենաց վախճանին, այնչափ աւելի իր աղօթքները զմայլման և յափրշտակութեան կերպարանք կ'առնուին, որ կարծես թէ իրեն քաղցր ճամբայ մը կը բանային յաւիտենական կեանք անցնելու: Ամեն օր, ու օրուան մէջ երկայն ժամեր կը թողուր այս կերպով ցաւոց և տառապանաց աշխարհքը, որպէս զի առաջուրնէ երկնային ուրախութեանց ճաշակն առնու: Անթիւ են իրեն եղած յայտնութիւնները և տեսիլները. և թէպէտ ինքը ամեն ջանքը կ'ընէր այս աստուածային շնորհքները չյայտնելու, սակայն չէր ալ կրնար բոլորովին ծածուկ պահել անոնցմէ որ ամեն օր իրեն հետն էին. ասկէ զատ իր ուրախութիւնն և երախտագիտութիւնն ալ շատ անգամ զինքը կը մատնէին: Հրեշտակները սովորական միջնորդներ էին իրեն ու աստուծոյ մէջ. և չէ թէ միայն երկնային խրատներ և լուրեր իրեն կու տային, այլ և շատ անգամ կու գային զինքը մխիթարելու իր նեղութեան ու փորձութեան ատեն: Անգամ մ'ալ Նղիսաբեթ իր բոլին հիւանդ և աղ-

քատ կնիկ մ' առեր էր, ու ամեն հոգ ու խնամք անոր վրայ կը ցուցնէր. այս կինը առողջութիւնը գտնելէն ետքը առաւօտ մը կանուխ տընէն ելաւ փախաւ, հետը տանելով իւր բարերարին ամեն զգեստները, այնպէս որ հագնելու ուրիշ զգեստ չունենալով՝ ստիպուեցաւ Եղիսաբէթ մերկ անկողնոյն մէջ կենալ. և փոխանակ գանդատելու կամ բարկանալու, բաւական սեպեց այս խօսքս ըսելը. « Սիրելի փրկիչս, շնորհակալ եմ որ զիս այսպէս քեզի նմանող ըրիր. վասն զի աշխարհք եկար մերկ, և ամեն բանէ զրկուած, և այնպէս դամուեցար խաչին վրայ»: Եւ ահա յանկարծ հրեշտակ մ'երեւցաւ իրեն ուրիշ անգամուան պէս, երբ անձամբ աղքատաց բաժներ էր իւր բոլոր զգեստները, և գեղեցիկ ու սքանչելի զգեստ մը ձեռքը բռնած՝ դքսուհւոյն տուաւ ըսելով. « Այս անգամ քեզի պսակ չբերի, որովհետեւ աստուած իր փառքովը կ'ուզէ շուտով պսակել զքեզ »:

Շատ անգամ ալ իւր հոգւոյն երկնային փեսայն, իւր կենաց միակ տէրն ինքն Քս կ'երևէր իրեն դէմ յանդիման, հետն ունենալով շատ մը սուրբեր. կը սփոփէր զանիկայ իւր քաղցր խօսքերովը, և կը զօրացնէր իւր ներկայութեամբը: Այս աստուածային խօսակցութիւնները լմրնալէն ետքը, Գոնրատին ըսածին համեմատ դքսուհին հրաշալի պայծառութեամբ մը լուսաւորուած, աստուածային փառաց լուսաւոր ծագումը կը տեսնուէր անոր երեսին վրայ. և գեղեցիկ բիբերէն՝ արևուն ճառագայթներուն նման փայլուն նայուածներ կը շողային: Անոնք միայն որ մահու չափ մեղք չունէին, կրնային ա-

Նոր երեսը նայիլ առանց շանալու . և եթէ այս զմայլմունքները երկար ժամանակ տևէին, Նդիսաբեթ մեծ ուժ կ'առնուր, անանկ որ ալ կերակուր ուտելու պէտք չէր ունենար: Հոգւոյն սնունդը կը բաւէր նաև մարմնաւոր կենացը համար . և բովանդակ օրը կ'անցընէր անով՝ որուն հետ որ կապուեր էր իր սիրովը: Աւրիշ բանով չէր կրնար իր նոյն ատենուան վիճակն մէկու մը յայտնել բայց եթէ Սուրբ գրոց այն երկնային խօսքերն ըսելով. Հոգիս նաշեցաւ, երբ իմ սիրեցիս ինձի ձեռ խօսեցաւ:

Այսպէս իրաւ պիտի ելլէր այն մարգարէական դուշակութիւնը, որով ընտրեք էր մանկութեանը ժամանակ՝ իրեն պաշտպան, բարեկամ և օրինակ՝ այն երանելի աւետարանիչը, որ ընդունել էր սիրոյ մասնաւոր պարգևը, և Փրկչին սրտին վրայ հանգչելով՝ տեսեր էր երկնից ամենայն դաղտնիքը: Աստի աստուածային ուրախութիւն մը տարածուեցաւ իւր բովանդակ կենացը վրայ . և որ և իցէ ձախորդութիւն կամ փորձութիւն չէին կրնար խռովել այն իրեն ունեցած քաղցրութիւնը և հանդարտութիւնը. ոչ երբէք տեսան զՆդիսաբեթ շիթած կամ բարկացած, այլ ընդ հակառակն անդադար կրկնապատկելու հետ էր իր ուրախութիւնը ձախորդութեան ժամանակ: Այլ որ իրեն կուգար ամենեւին անոր երեսին վրայ ցաւի կամ հիւանդութեան նշան մը չէր տեսներ, և սակայն միշտ կ'արտասուէր . և այն սուրբ արցունքի պարգևը զոր ընդունել էր օրօրոցէն, այնչափ աւելի կ'առատանար որչափ որ մահը կը մօտենար, և որչափ աւելի երջանիկ սեպէր ինք-

զինքը , այնչափ աւելի կ'արտասուէր . բայց ար-
ցունքները հանդարտ և գաղտնի աղբիւրի մը
սկէս կը վազէին , առանց ամենւին գէմքին վրայ
նշան մը ձգելու և կամ գեղեցկութեանը վնաս
մը բերելու : Մանաւանդ թէ ան աւելի գեղեց-
կութիւն մը կը շնորհէին անոր կերպարանացը .
վասն զի արցունքը վերջին եռանդ մը կրնար սե-
պուիլ իր սրտին համար . և ինչպէս երբեմն ցա-
ւոց արտասուքը , զոր մարդկային սէրը կամ
գփնդակ հարածանքները կը վազցընէին իր աչ-
քէն , այսպէս ալ գերբնական ուրախութեան
արցունքը զոր իր կենաց բաժակին մէջ կը թա-
փէր , կաթիլ կաթիլ կը ժողվուէին իր երկնային
փեսային ձեռքով , և կ'ըլլային մէյմէկ մարդա-
րիտ այն յաւիտենական սրակին՝ որ իրեն սա-
հուեր էր երկնից մէջ :

Սրբուհւոյն Աղիսաբէթի մասը .

Հազիւ երկու տարի անցեր էր՝ քանի որ Աղիսաբէթ սրբոյն Փրանկիսկոսի կրօնից զգեստին հետ հազեր ու աւեր էր երկնային զօրութիւն մը՝ արհամարհելու քաջութիւն ամեն երկրաւոր վայելք, և դիմելու յերկինս փշալից ճամբով մը: Աստուած ալ բաւական սեպելով անոր ճգնութիւնները՝ հրամայեց որ մահկանացու և վաղանցուկ Թագաւորութենէն փոխուելով՝ գայ մտնէ հրեշտակաց անմահ և անանց բնակարանը: Երգ երգոցին աստուածային փեսայն, իմացուց իւր սիրելւոյն Թէ բովանդակ կենաց տխուր ու տրտում ձմեռն ալ անցեր էր իր ամենայն փոթորիկներովը, և գարնանային յաւտենական արշալոյսը պիտի ծագէր իրեն համար: 1231 տարւոյն վերջը, յորում սրբոյն Փրանկիսկոսի կրօնքը՝ հռչակաւոր և լի փառօք

զուրք Սնտոն Բատուացին երկնից նուիրեց,
 Բորդոզալի և Խաալիոյ պատիւը, նոյնպէս ամե-
 նակարողն աստուած փափաքելով իւր սրբոց
 բանակը շատցընել, նոր զոհ մը կը փնտրուէր, ու
 կը կըտրէր գեղեցիկ և սակաւագիւտ ծաղիկ
 մը: Գիշեր մը երբ Եղիսաբէթ կէս մը աղօթ-
 քով և կէս մը քունով կ'անցընէր, յանկարծ
 Քրիստոս սքանչելի կերպով լուսաւորուած ե-
 րեցաւ իրեն ու անուշ ձայնով մ'ըսաւ. «Ն'կ
 Եղիսաբէթ, սիրելի և գորովալից հարս. եկ
 ինձի հետ այն տապանակին մէջ որ ի յաւիտե-
 նից քեզի համար պատրաստեցի. հիմա գքեզ
 հոն պիտի տանիմ»: Երբ դքսուհին արթնցաւ
 այս զմայլմունքէն, բոլորովին ուրախ զուարթ
 իւր մերձակայ ազատութեանը վրայ, աճապա-
 րեց պատրաստուիլ այն երջանիկ ճամբորդու-
 թեանը, և կարգաւորեց յուղարկաւորութեանը
 և թաղմանը համար պէտք եղած բաները. և
 վերջին անգամ մը բոլոր իւր հիւանդանոցին և
 աղքատաց այցելութեան երթալով՝ օրհնեց զա-
 նոնք կարգէ դուրս ուրախութեամբ: Գոնրատ
 վարդապետն ալ գրեթէ նոյն ժամանակը բա-
 ւական ծանրկեկ հիւանդացեր էր, և սաստիկ
 ցաւերով կը տանջուէր. մարդ զրկեց ու իմա-
 ցուց իր հնազանդ խոստովանորդւոյն՝ իր տկա-
 րութիւնը, որ շուտով մը աճապարեց ու Գոն-
 րատին քովը եկաւ: Գոնրատ շատ սիրով ընդու-
 նեցաւ զդքսուհին և ան ալ փոխարէն շատ ցաւ
 զգաց՝ զինքը այս վիճակին մէջ գտնելուն հա-
 մար: Գոնրատ վերջէն վրայ բերաւ ըսելով. «Ի՞նչ
 պիտի ընես, սիրելի դուստր, երբ մեռնելու ըլ-
 լամ. ի՞նչ կերպով պիտի կառավարես կեանքդ.

նիլ պաշտպանն պիտի ըլլայ քեզի չարերուն դէմ :
 և նիլ քեզի պիտի առաջնորդէ առ աստուած » :
 « Հարցմունքդ ընդունայն է , ըսաւ դքսուհին ,
 որովհետեւ ես քեզմէ առաջ պիտի մեռնիմ , հա-
 լատան ինձի , և քեզմէ զատ ուրիշ պաշտպանի
 պէտք պիտի չունենամ » :

Այս խօսակցութենէս չորս օր ետքը Եղիսա-
 բեթ սկսաւ զգալ իր մահաբեր հիւանդութեան
 սկիզբը , որ պիտի սպառէր իր երկրաւոր կենաց
 շունչը և որ պիտի առաջնորդէր ու տանէր զինքը
 ճշմարիտ և ի յաւիտեանական կեանս : Աւտի իշ-
 խանուհին ստիպուեցաւ անկողին մանելու . գրե-
 թէ տասնուչորս օր ցաւ կրեց սաստիկ ջերմով ,
 բայց միշտ ուրախ զուարթ՝ անդադար աղօթք
 կը մատուցանէր առ աստուած : Տասնուչորս օ-
 րէն ետքը , օր մը երբ սենեկին պատին կողմը
 դարձեր էր , ու կարծես թէ կը քնանար , ա-
 ղախիններէն մէկը՝ որ իրեն պէս Եղիսաբեթ-
 կը կոչուէր և որ անոր անկողնոյն քովը նստեր
 էր , լսեց քաղցր և ներդաշնակ ձայն մը՝ որ հի-
 ւանդին շրթունքներէն կ'ելլէր . քիչ մը ետքը
 դքսուհին դիրքը փոխեց , և դառնալով դէպի
 ընկերօջը՝ ըսաւ . « Ո՛ւր ես , սիրելիս » : « Ահա
 հոս եմ , պատասխանեց աղախինը . «՛հ , տիկին ,
 գիտէս թէ ի՞նչ սքանչելի կերպով կ'երգէիր » :
 « Ի՞նչ , ըսաւ Եղիսաբեթ , դուն ալ բան մը լսե-
 ցիր » : Երբ՝ այն՝ պատասխանեց ընկերը , հի-
 ւանդն իր խօսքը առաջ տարաւ . « Փոքրիկ , գե-
 ղեցիկ թուշուն մը եկաւ հանգչեցաւ իմ և պա-
 տին մէջ տեղը , և այնպէս անուշ ու ներդաշ-
 նակ ձայնով սկսաւ երգել , որ ուրախացուց
 սիրտս ու հոգիս , և զիս ալ գրգռեց իրեն հետ

երգելու . և յայտնեց ինձի որ չորս օրէն պիտի մեռնիմ » : « Անշուշտ , կը յաւելու հոս հին պատմագիր մը , պահապան հրեշտակն էր , որ փոքրիկ թռչնոց կերպարանքով եկաւ աւետելու իրեն յաւիտենական ուրախութիւնը » : Այն աւտենէն ի վեր՝ ալ քիչ ժամանակ ունենալով իւր աչքին առջևը՝ պատրաստուելու համար իր վերջի պատերազմին , չուզեց քովը ոչ աշխարհական անձ մը , և ոչ ալ այն աղնուական տիկնայքը , որոնք սովորութիւն ունէին իրեն այցելութեան դալու : Հրաժարեցաւ անոնցմէ , վերջին անգամ մը օրհնելով զամենքը որ կու գային սովորաբար զինքը տեսնելու : Քովը պահեց՝ բաց ի իւր աղախիններէն՝ մէկ բանի կուսանք որ իրեն հետ մասնաւոր սիրով մը կապուեր էին . նմանապէս իր խոստովանահայրը և այն փոքրիկ աղքատը՝ զոր երիտասարդ բորոտին տեղ կը պաշտ պաներ ու կը խնամէր՝ որ Քոնրատ իրմէ հեռացուցեր էր : Երբ հարցուցին Եղիսաբէթին՝ թէ ինչ բանի համար այսպէս կը հրաժարէր ամենէն , պատասխանեց անոնց . « Արուհեակ միայն աստուծոյ հետ կ'ուզեմ կենալ և մտածել իմ դատաստանիս ահաւոր օրուանը վրայ , և իմ ամենակարող ու անաչառ դատաւորիս վրայ » : Յետոյ սկսաւ արտասուելով աղօթել և աստուծոյ ողորմութիւնը խնդրել :

Աիրակի օրը , որ սուրբ Մարտինոսի ութօրէից հսկման իրիկունն էր (18 նոյեմբեր 1231) , առաւօտեան ժամերգութենէն ետքը , խոստովանանք եղաւ Քոնրատին՝ որ բաւական վրայ դրեր էր : Ժամանակակից ձեռագիր մը կ'ըսէ թէ Եղիսաբէթ ձեռքը սրտին վրայ տարաւ ,

և որչափ որ կրցաւ զայն յայտնեց. բայց բան մը չունէր իւր սրտին մէջ որուն վրայ խիղճը անհանգիստ ըլլար, և ոչ ամենաթեթեւ յանցանք մը կրնար գտնել, զոր անկեղծ զղջմամբ հազար անգամ խոստովանած չըլլար: Երբ խոստովանանքը լմրնցաւ, Գոնրատ հարցուց Եղիսաբեթի իւր վերջին կամքը իր կահ կարասեացը նկատմամբ: «Շատ կը զարմանամ, պատասխանեց Եղիսաբեթ, որ ինծի այսպիսի հարցմունք մը կ'ընես. վասն զի լաւ գիտես թէ երբ հնազանդութեան ուխտը ըրի, ամեն ունեցածէս հրաժարեցայ. նոյն իսկ իմ կամքէս, տղոցմէս, և աշխարհային ամեն զուարճութիւններէն. և ուրիշ բան չպահեցի քովս, բայց միայն ինչ որ հարկաւոր էր քու հրամանիդ համեմատ հոգևոր պարտքերս կատարելու և ողորմութիւն ընելու համար. շատ կը փափաքէի որ քու հրամանովդ հրաժարէի ամեն բանէ, և փոքրիկ խցի մը մէջ ապրէի այն ամենօրեայ հացովը՝ որ ուրիշ աղքատներն կը մուրան ու հաղիւ կը գրտնեն: Երկար ատենէ ի վեր իմն չէին ինչ ստացուածք որ հոս կը տեսնէիք ու իմն կը կարծէիք որ ըլլային. անոնք ամենն ալ աղքատաց ստացուածք կը սեպուէին: Ուստի անոնց բաժնէ ինչ որ կը ձգեմ, բաց ի այն աղքատին և ամեն օր գործածած պատմուճանէս, որով կ'ուզեմ որ զիս թաղեն. կտակս չեմ գրեր, որովհետեւ Քրիստոսէ զատ ուրիշ ժառանգ մը չունիմ»: Բայց երբ իր ընկերներէն մէկը շատ աղաչեց որ իրեն յիշատակ մը ձգէ, տուաւ անոր իր հօրը սրբոյն Փրանկիսկոսի այն խեղճ վերարկուն զոր սրբազան քահանայապետն իրեն զրկեր էր:

« Ահա քեզ կը ձգեմ այս վերարկուս, ըսաւ ընկերոջը, որ թէպէտ պատրուած, կարկառուն ու խեղճ է, սակայն սրատուականագոյն է քան զամենայն մարգարիտս: Ամեն անգամ որ կ'ուզէի մասնաւոր շնորհք մը խնդրել իմ սիրելի Յիսուսէս՝ ու աղօթքի կը կենայի այս պատմութեան վրաս առած, միշտ կը հաճէր կատարել խնդրուածքս իր անսահման գթութեամբը»: Ետքը խնդրեց որ զինքը այն հիւանդանոցին եկեղեցւոյն մէջ թաղեն զոր ինքը շիներ ու նուիրեր էր ի պատիւ և յանուն սրբոյն Փրանկիսկոսի:

Գոնրատին հետ երկար ատեն տեսնուելէն և անոր սուրբ պատարագին ներկայ ըլլալէն ետքը, առաւօտեան դէմ մատուցին իրեն սուրբ խորհուրդները՝ որոնց անհամբերութեամբ կը սպասէր: Ո՞վ կրնայ մակարեղել և գուշակել թէ ինչ անկեղծ գորովով, որպիսի մաքրութեամբ սրտի, եռանդուն փափաքով և երկնային ուրախութեամբ ընդունեցաւ զսուրբ հաղորդութիւնն. անշուշտ այն միայն գիտէ որ հաճեցաւ իրեն առաջնորդ և թոշակ ըլլալ այն վերջի ճամբորդութեանը մէջ. բայց որչափ որ դրսէն ալ կը տեսնուէր, բաւական էր յայտնելու ներկայ գտնուողներուն այն աստուածային շնորհաց առատութիւնը որով լեցուեր էր սիրտը: Վերջին օծումն ընդունելէն ու հաղորդուելէն ետքը, երկար ատեն լուռ և անշարժ կեցաւ նոյն օրը ինչուան երեկոյեան ժամերգութեան ատեն, բողբոլին ընկղմած մտածութեանց մէջ, և զմայլմամբ յափշտակուած այն կենաց արեամբը զոր վերջին անգամ երկրիս վրայ կը ճաշակէր:

Ետքը յանկարծ իր շրթունքը բացուեցան, ու
 շատ մը բարեւապատ և եռանդուն խօսքեր խօ-
 սեցաւ. իր լեզուն որ մինչև այն ատեն սակաւա-
 խօս էր, աղբիւրի պէս սկսաւ լուսաւոր խօսքեր
 վազցընել բերնէն. բայց այնպիսի խոհեմու-
 թեամբ և կշռելով, որ այնչափ խօսած խօսքե-
 րուն մէջ և ոչ ընդունայն խօսք մը կը գտնուէր.
 Հապա ինչ որ լսեր էր քարոզիչներէն, կամ ըն-
 տիր գրքեր կարդալէն, կամ իր զմայլմանց մէջ
 զգացած, բոլորն ալ միտքը կու գային, զորոնք
 մեռնելէն առաջ իր հեան եղողներուն կը հա-
 ղորդէր: Պիտութեան և ճարտասանութեան
 անծանօթ գետ մը յանկարծ բղխեց իր սրտէն՝
 երբոր երկինք թռչելու կը պատրաստուէր: Միտ-
 քը բերելով սուրբ գրոց պատմութիւնները, և
 անոնց մէջէն ալ այն դէպքն ընտրեց որ յարմա-
 րագոյն էր իրեն նման սիրողի մը սրտին. ու սկը-
 սաւ Ղազարու յարութեան պատմութիւնը պատ-
 մել. երևակայելով Քրիստոսի այն այցելութիւ-
 նը զոր ըրաւ անոր երջանիկ քերոյր Մարթայի
 և Մարիամու, հաճելով ցաւակից ըլլալ անոնց
 ցաւոցը, և երթալ մէկտեղ մինչև իրենց եղբօ-
 րը գերեզմանն ու ցուցընել իր գորովալից և ան-
 կեղծ ցաւը, անոնց արտասուաց հետ խառնե-
 լով իր աստուածային արտասուքը: Հոս կենա-
 լով Նղիսաբէթ սկսաւ խորունկ կերպով մտա-
 ծել թէ՛ Քրիստոսի Ղազարու համար, թէ՛ Ն-
 բուսաղէմ քաղաքին համար և թէ՛ խաչին վը-
 րայ թափած արտասուացը վրայ. և ետքը այն-
 պէս սաստիկ և եռանդուն կերպով խօսեցաւ՝
 որ հոն եղողներուն սիրտը տակն ու վրայ ըլլա-
 լով՝ սկսան լալ. հոգեվարքը տեսնելով որ կու

լան, և ուզելով անոնց անուշ մխիթարութիւն մը տալ, կրկնեց այն խօսքերը զոր Քրիստոս մեռնելու երթալու ժամանակ ըսաւ. «Նրուսաղէմի աղջիկներ, մի լայք իմ վրաս, այլ մանաւանդ լայէք ձեր վրայ»: Իր գլխուց սրտովն երկինք երթալու ժամանակն ալ դեռ անոնց վրայ կը մտածէր, զորոնք սիրեց երկրիս վրայ. կ'ուզէր սիրտիւն անոնց ցաւը գորովագութ ու մխիթարական խօսքերով, ու անդադար զիրենք իր բարեկամներն ու սիրելիները կը կոչէր: Այս ամեն խօսքերէն ետքը լուեց Նղիսաբէթ, խոնարհեցուց իր գլուխն ու երկար ատեն լուռ կեցաւ:

Քիչ մը ժամանակ անցնելէն ետքը, առանց շրթունքները բացուելու, կարգէ դուրս քաղցր և դաշնակաւոր ձայն մը սկսաւ լսուիլ իր բերնէն. երբ իրեն հարցուցին թէ ի՞նչ էր այն ձայնը, պատասխանեց. «Ձի լուեցիք անոնց ձայնը որ ինձի հետ կ'երգէին. ես ալ կըրցածիս չափ ջանացի երգել անոնց հետ»: Իր վարքը գրողներէն մէկը կը զուրցէ, թէ «Անտարակոյս կը խառնէր իր քաղցր ձայնը երկնաւոր զօրաց յաղթական և հաճոյական երգերուն հետ, որոնք կը սպասէին անձկանօք հոգեվարքին իրենց հետ միանալուն: Կ'երգէր աստուծոյ փառքը հրեշտակաց հետ»: Կարգէ դուրս ուրախութեամբ և եռանդուն ջերմեռանդութեամբ արևը մտնելէն ետքը մինչև երկրորդ օրուան արշալոյսը այս պէս կեցաւ: Յաղթութեանը ժամանակ իրաւամբ կ'ուրախանար բոլորովին վերջացած պատերազմներուն, և իւր փառաւոր պսակին վրայ: Դեռ կէս գիշեր չեղած իր բարեկամներուն ըսաւ. «Ի՞նչ պիտի ընենք եթէ մեր թշնամին՝

սատանան երևնալու ըլլայ » . ու քիչ մը ատե-
 նէն Ետքը բարձր և որոշ ձայնով աղաղակեց .
 « Փախիր , չար , փախիր . ես արդէն քեզմէ հրա-
 ժարեր եմ » . ու մէկէն ի մէկ վրայ բերաւ . « Հի-
 մա որ սատանան գնաց՝ աստուծոյ և իր որդւոյն
 վրայ խօսինք . մի՛ ձանձրանաք որովհետեւ երկար
 պիտի չխօսիմ » : Կէս գիշերուան ատեն այնպէս
 իրեն երեսը փայլեցաւ որ հազիւ կրնային նա-
 յիլ . ու առտուան դէմ երբ առաջին անգամ
 աբաղաղի ձայնը լսուեցաւ , ըսաւ . « Ահա այն
 ժամը յորում Կոյսն Մարիամ ծնաւ զՅմ . խօ-
 սինք ուրեմն աստուծոյ ու մանուկ Յիսուսին վը-
 րայ , վասն զի այս ժամուս ծնաւ և դրուեցաւ
 մերին մէջ . ահա այն ժամը յորում եկաւ զաշ-
 խարհս փրկելու , զիս ալ պիտի փրկէ . ահա այն
 ժամը յորում մեռելոց յարութիւն տուաւ ու
 կապուած հոգիները խալըսեց , զիս ալ պիտի
 խալըսէ այս խեղճ՝ աշխարհէս » : Իր ուրախու-
 թիւնն և երջանկութիւնը ամեն վայրկեան կը
 շատնար . « Տկար եմ , կ'ըսէր , բայց ամենեւին
 ցաւ մը չունիմ . կարծես թէ ամենեւին հիւան-
 դացած չեմ Զձեզ ամենքնիդ աստուծոյ կը
 յանձնեմ » : Բոլորովին հոգւով սրբով լեցուած ,
 քիչ մը ժամանակ ևս խօսեցաւ այնպիսի աս-
 տուածային սիրոյ խօսքեր որոնք ափսոս որ մե-
 զի հասան : Վերջապէս ըսաւ . « Ո՛վ Մարիամ ,
 հասիր ինձի յօգնութիւն Եկաւ ահա այն
 վայրկեանը յորում աստուած կը կոչէ ի հար-
 սանիս իր բարեկամները . . . փեսայն փնտռելու
 կու գայ իր հարսը » : Ետքը ցած ձայնով մը իրեն
 քովը եղողներուն մրմնջեց իր յետին երկրաւոր
 մրմունջը . « Դ՛ու , լուռ կեցէք » : Ու զայս ըսե-

լով խոնարհեցուց գլուխը, իբրև անուշ քնոյ մէջ, ու յաղթական փառօք աւանդեց Յիսուսին ձեռքը մաքրափայլ հողին, որ թուա հրեշտակաց և սրբոց մէջ, որոնք իրեն ընդ առաջ եկեր էին, և ան խոնարհ բնակարանին մէջ ուր իրեն մահկանացու նշխարքը գրուեր էր. ու օգին մէջ լսուեցաւ երկնային զօրաց ձայներ որոնք այսպէս կ'երգէին Աղիսաբեթին բերնէն. « Երկրաւոր քագաւորութիւնը արհամարհեցի, Յիսուսի ֆրիստոսի իմ տիրոջս սիրոյն համար, գոր տեսայ, սիրեցի և որոշն հաշտացի »: Այսպէս ահա երջանիկ մահուամբ կատարեց սրբուհին Աղիսաբեթ իւր մահկանացու 24 տարուան ընթացքը. 1231ին նոյեմբեր 19:

Արքուհայն Եղիսաբեթի Թաղումը .

Աստուծոյ ընտրելոց փառքը մարդկային փառքէն շատ տարբերութիւն ունի . վասն զի մարդկայինը երկրիս վրայ կը սկսի . իսկ Աստուծոյ փառքը յերկինս անոնց մահուամբը : Կարծես թէ աստուած իւր հայրական խնամքովը , ուզեր էր դնել անոնց խոնարհութիւնը՝ միշտ այս աշխարհիս նախատանայ և մոռացութեանցը տակ , մինչև որ անոնց մահկանացու նշխարները նպատակ ըլլան իրենց ապագայ մեծարանացը : Ուստի հազիւ թէ Եղիսաբեթի հոգին թուեր ու գնացեր էր փնտռելու երկնից երջանիկ ու հարուստ հանգիստը , իր մարմինն այն աստիճանի պատուոյ նպատակ եղաւ , որ բնաւ իւր բովանդակ կենացը մէջ չէր ընդունած : Այն խեղճ և նորահաս այրին որ այնչափ երկար ատեն հալածուեցաւ , արհամարհուեցաւ և բամբասուե-

ցաւ երկրիս վրայ, հիմա պիտի տեսնենք որ բոլոր հաւատացելոց մտածմանը նիւթ պիտի ըլլայ ու պիտի շարժէ ամենայն ուղղափառ հոգիքը, եկեղեցւոյ գերագոյն քահանայապետէն սկսեալ մինչև Պերմանիոյ բարեպաշտ և խոնարհ գեղջուկը:

Մեռնելուն պէս իւր հաւատարիմ աղախնեայքը և ուրիշ բարեպաշտ տիկնայք լուացին և Թաղեցին անոր մարմինը մեծաւ յարգութեամբ. և իբրև պատանք՝ այն խեղճ և պատրուտած պատմուճանը փաթտեցին որով կը փափաքէր որ Թաղուէր և որ իրեն մէկ հատիկ զարդարանքն էր: Այն նուիրական մարմինը Փրանկիսկեան կրօնաւորներով, շատ մը եկեղեցականներով, բազմաթիւ ժողովրդով, խորին ու տխուր երգերով և ամենուն արցունքովը տարուեցաւ սրբոյն Փրանկիսկոսի հիւանդանոցին մատուռը, որ իւր փառաց առաջին հանդիսարանը պիտի ըլլար, ինչպէս որ եղեր էր իւր անցեալ դիւցազնական պատերազմաց՝ աստուծոյ և իր աղքատաց սիրոյն համար: Այս այն մատուռն էր, յորում Եղիսաբէթ սովորութիւն ըրեր էր աղօթելու, և ինքզինքը տալու այլ և այլ բարեպաշտական հրահանգաց:

Վքսուհւոյն մահուան հռչակը շուտով տարածուելով, շրջակայ գտնուող ամենայն քահանայք և կրօնաւորք մէկէն հոն դիմեցին, մանաւանդ կիստերսեան կարգին կրօնաւորները և խուռն ամբօխ մը հաւատացելոց, Թէ՛ հարուստ և Թէ՛ աղքատ, մատուցանելու անոր իրենց վերջին պարտքը. ան՝ որ այնպէս երիտասարդ պիտի քաղէր իր վաստակոց պտուղը: Շատ մը

Յերմեոսանդն անձինք քաջալերուած ժողովըր-
դեան սաստիկ եռանդէն, որ յաճախ ստոյգ
համբաւոյ ճշմարիտ գուշակութիւն մ'է, և կար
ծես թէ առաջուց զգալով այն պատիւները ու
րովք եկեղեցին պիտի պատուէր անոր պատուա
կան նշխարքը, մտածեցին հանդերձեալ սրբու
հոյն նշխարաց մասունքն ունենալ քովերնին։
Աւստի Եղիսաբէթի դագաղին վրայ վազելով՝
ուննք զգեստէն կտորներ փրցուցին առին, ու
մանք ալ մնաղերէն և եղունգներէն կրտրեցին։
Բայց մէկալ կողմէն ալ չէին պակսեր իրենց
սրտին զգացած մեծ ցաւը յայտնելու. ամենուն
աչքէն արցունք կը վազէր, և ամեն տեղէ հա
ռաչանք և ողբ կը լսուէր, թէ՛ հիւանդներէ և
թէ՛ աղքատներէ, որոնց համար իւր գորովալից
ինամբքը ալ պիտի դադրէր. ասոնք ամենքն ալ
բաղմութեամբ կը վազէին վերջին անգամ մը
տեսնելու իրենց բարերարը. ամենքը միատեղ
կ'արտասուէին, իբրև թէ անոնցմէ ամեն մէկը
իւր մայրը կորուսած ըլլար։ Բայց ինչպէս կա
րելի է նկարագրել անոնց ամենուն վիշտը, ցաւն
և յուսահատութիւնը, որոնք կորուսին իրմով
ապաւէն կամ օրինակ մը։ Ամենէն աւելի Փրանս
կիսկեան կրօնաւորները, որ զինքը թէ՛ իբրև
քոյր մը ունէին՝ միաբանութեան զգեստով և
կանոններով, և թէ՛ իբրև մայր մը իր հաստա
տուն և զօրաւոր պաշտպանութեամբ, կարգէ
դուրս ցաւով կ'արտասուէին իր կորուստը։ «Երբ
կը մտածեմ, կ'ըսէ անոնցմէ մէկը՝ որ մեզի ա
ւանդեց իրենց երկնային բարեկամին վարուց
պատմութիւնը, երբ կը մտածեմ, աւելի ար
տասուել կ'ուզեմ քան թէ գրել»։

Ժողովրդեան եռանդն և սէրը ստիպելով հրա ման առաւ որ սիրեցեալ սրբուհւոյն մարմինը ամբողջ չորս օր եկեղեցւոյն մէջ դրուի, հաւատացելոց բազմութեան առջևը, որոնք բարեպաշտ և տխուր երգեր կ'երգէին: Սրբուհւոյն երեսը բաց էր, և քաղցր և սրտաշարժ տեսարան մը կ'ընծայէր անոնց որ կը փափաքէին զինքը տեսնելու. իր ծաղիկ հասակին գեղեցկութիւնը, և մարմնոյն փափուկ վառ դոյնը՝ պայծառ կը տեսնուէր անոր անթարչամ այտիցը վրայ: Ափակին տեսիլը այնպէս անապական էր՝ որ կարծես թէ տակաւին կենդանի էր: «Մահուրնէն առաջ, կ'ըսէ իւր պատմագիրներէն մէկը, գէմբը ճիշդ անոնց կը նմանէր, որոնք իրենց կեանքը դառնութեան և ցաւոց մէջ անցուցեր են. իսկ հոգին աւանդելէն ետքը, կերպարանքն այնպէս մաքուր, այնպէս եռանդուն և գեղեցիկ կ'երևէր, որ անկարելի էր առանց զարմանքի նկատել. և կարծես թէ մահը՝ որ զուրիշները բոլորովին կ'եղծանէ՝ հոս ընդհակառակն ջանացեր էր դարմանելու ոչ միայն Աղիսաբեթի վրայ եկած ժամանակին և ծերութեան աւերակները, այլ նաև թշուառութեան և խրատակրօնութեան. ինչպէս թէ շնորհքը որ մինչև այն ատեն բորբոքեր էր իր հոգին, ուզեց բորբոքել նաև մարմինը: Այսպէս թէ մահուան խաւարին և շուքին մէջ անմահական գեղեցկութիւն մը կը փայլէր անոր վրայ, և կամ նոյն իսկ շնորհքը առաջուց տարածեր էր իւր ճառագայթները այնպիսի մարմնոց մը վրայ՝ զոր օր մը պիտի ծածկէր լուսով և սպայծառութեամբ»:

Այս սքանչելի և գեղեցիկ աւանդութիւնը

որ կը հաւատարմացընէ թէ Եղիսաբէթի բնական գեղեցկութիւնը հաստատուած և շատցած ըլլայ հողին աւանդելէն ետքը, հաւատարմութեամբ եկեր է այն անծանօթ արուեստագիտէն՝ որ քանդակեց դքսուհւոյն վարուց գլխաւոր դէպքերը Մարպուրի քաղքին եկեղեցւոյն խորաններուն վրայ, և նկարագրեց զինքը դագաղի վրայ դրուած, շատ աւելի գեղեցիկ մահուան քնոյ մէջ, քան թէ ուրիշ դէպքերու:

Այ միայն աչքը կը զուարճանար այն ցաւալից և տխուր վայրկենին, երիտասարդ հանգուցելոյն այն փափուկ և նուիրական մարմնոյն վրայ նայելով, հապա նաև քաղցր և սքանչելի անուշահոտութիւն մը կը բուրէր իբրև անուշ նշան մը շնորհաց և աստուածային առաքինութեանց՝ որոնց աւանդապահն եղեր էր: Բարեպաշտ անձինք կրնային այն ատեն յիշել Սողոմոն խմատունին խօսքերը, որ կ'ըսէ թէ արդարոց յիշատակը զարմանալի անուշահոտութիւն մըն է: «Ս. յսպիտի սքանչելի բուրմունք մը, կ'ըսէ այն մատենագիրը զոր վերը յիշեցինք, մեծապէս օգտակար եղաւ ի միտթարեւ զաղքատս և բոլոր ժողովուրդը՝ որ տրամեր էին Եղիսաբէթի մահուանը վրայ: Ս. յս երկնային հօտը քաղցրութեամբ կը զուարճացընէր զիրենք, և կը դադրեցընէր միանգամայն տխրութեան ցաւերն և արտասուքը, մտածելով որ սրբուհին թէպէտ մեռեր էր, բայց կենդանութեան ժամանակէն աւելի գթած մայր մը պիտի ըլլար աղքատաց, ապահով ապաստան վշտացելոց, և իւր աղօթից նուիրական անուշահոտութիւնը անդադար բարձրանալով մինչև յաթոն աստուածային»

մեծ վայելք ութեան, ամեն ատեն պիտի տարածէր իւր ուժը և զօրութիւնը անոնց ամենուն վրայ որ իրեն կը դիմէին իրենց պիտոյիցը մէջ»:

Մահուընէն չորս օր ետքը, յուղարկաւորութիւնը մեծ հանդիսով կատարուեցաւ: Անոր մաքուր և պատուական մարմինը նեղ դագաղի մը մէջ դրուելով, այն հարուստ և փայլուն գոհարը, խոնարհ քարի մը տակ ծածկուեցաւ իւր հիւանդանոցին մատրանը մէջ, առաջի բազմութիւ աբբայից և կրօնաւորաց մօտակայ վանքերու, և անթիւ բազմութեան՝ զոր կրօնաւորաց խոհական ջանքը միայն կրցաւ կանոնաւորել և կարգադրել: Քրիստոնէից ցաւը սաստիկ եղաւ. ցաւ մը որ անշուշտ իրենց սիրոյն ամենէն աւելի պայծառ նուէրն էր զոր կ'ընծայէին այն վայրկէնին հանդուցեալ սրբուհւոյն որ սիրով կ'ընդունէր: Սակայն անոնց առատ արտասուաց և հառաչանացը հետ կը խառնուէր նոյն ատեն սրբուհւոյն աւելի արժանաւոր և առատ զգացմանց բղխում մը. վասն զի ամենքը յերկինս կը բարձրացընէին եռանդուն դոհութեան ձայներ և աղաղակներ, ուրիշ բանի համար չէ՛ բայց եթէ ընդունած ըլլալուն համար յաստուծոյ իրենց այսպիսի փառաւոր և եղական օրինակ մը:

Բայց աստուած իւր սիրելւոյն ուրիշ աւելի քաղցր և սրտաշարժ նուէր մը պահէր էր: Նախընթաց իրիկունը, երբոր մահուան շարականներ և աղօթքներ կը մատուցուէին, Աեդդերի աբբասուհին որ եկեր էր ներկայ գտնուելու տիտուր հանդիսին, յանկարծ երգի անուշ ձայներ լսեց դրսէն. զարմացած դուրս ելաւ, հետն

առնելով ուրիշ շատ մը մարդիկ, որպէս զի եղած բանին վրայ տարակոյս մը չունենայ. եկեղեցւոյն տանիքին վրայ՝ Թէպէտե ձմեռ ատեն, լեցուն անձանօթ Թռչուններ տեսաւ որ ներդաշնակ և քաղցր կերպով կ'երգէին. կարծես Թէ կը փափաքէին իրենք ալ իրենց գիտցած կերպովը տօնախմբելու այս փառաւոր յուզարկաւորութիւնը: Ոմանք կ'ըսէն Թէ աստուծմէ զրկուած հրեշտակներ էին, որպէս զի ընկերանալով սիրեցեալ սրբուհւոյն հոգւոյն հետ յերկինս՝ ետքը միւսանդամ դառնան անոր մարմինը պատուելու երկնային ձայներով, երգերով և ուրախութեամբ: « Այս փոքրիկ Թռչունքը, կ'ըսէ սուրբն Բոնաւենդուրա, վկայ եղան դքքսուհւոյն մաքրութեանը իրենց լեզուովը խօսելով անոր Թաղման Ժամանակը, և երգեցին ներդաշնակ և սքանչելի եղանակով անոր գերեզմանին վրայ: Անիկայ որ խօսեցաւ իշու մը բերնով առ ի յանդիմանել մարդարէին յիմարութիւնն, ալ աւելի աղէկ կ'ընար խօսիլ Թռչնոց բերնով սրբուհւոյ մը անմեղութիւնը հռչակելու համար »:

Սրբուհւոյն Եղիսարեթի գործած հրաշները, և Գոնրատ
գբսին զինքը սրբացընելու համար ըրած ջանքը.

Քիչ ատենէն յայտնեց աստուած Եղիսարե-
թի հրաշալի զօրութիւնն և փառքը, որ իր բո-
լոր մահկանացու կեանքը խոնարհութեամբ ան-
ցուցեր էր. և փոխանակ այն աննկուն սիրոյն՝
որով նախամեծար համարեր էր երկրիս վրայ
Թշուառութիւնն և արհամարհութիւնն, և
միանգամայն իբրև առհաւատչեայ իրեն յաղ-
թութեանը, իրեն պիտի յանձնէր երկնաւոր
Ճոխութեան գանձարանը:

Իր յուզարկաւորութեան երկրորդ օրը Աիս-
տերսեանց կարգէն կրօնաւոր մը ծնկան վրայ
եկած խոնարհեցաւ անոր գերեզմանին քով,
իրմէ օգնութիւն խնդրելու համար: Քառա-
սուն տարիէն աւելի էր որ այս խեղճը ներքին
ցաւով մը ու սրտի ծածուկ վէրքով մը կը հա-

էր ու կը մաշէր. և անկարելի եղեր էր մարդկային հնարքով մը դարմանը գտնել. բայց կատարեալ հաւատքով անոր դիմելէն ետքը՝ որ եռանդուն միսիթարիչ էր ամենայն վշտացելոց, մէկէն ի մէկ զգաց ունեցած վիշտերուն փարատիլը, և երդմամբ վկայութիւն տուաւ Պոնրատ վարդապետին և Մարտուրիկի ժողովրդապետին առջև: Ասիկայ եղաւ՝ իր բարեխօսութեամբը կատարուած՝ առաջին հրաշալի բժշկութիւնը: Այն գորովալից և սիրական սիրտը որ իր կենդանութեանը ժամանակ այնչափ գութ ցուցեր էր խեղճերուն վրայ, մեռնելէն ետքն ալ իր առաջին բարեխօսութեանը նիւթ ուղեց առնուլ այն ներքին ցաւերէն մէկը՝ որ մարդկային բժշկութեամբ չէն կրնար իրենց դարմանը գտնել:

Քիչ ատենէն ետքը իրեն գերեզմանին ազնուատոհմ և բարձրաստիճան եկեղեցական մ'այցելութեան եկաւ: Պատմութիւնը մեզի չաւանդեր իր անունը, միայն կ'ըսէ թէ բողբոջին ինքզինքը անկարգութեանց տուեր էր՝ որ իր աստիճանին սրբութեանը չլայելէն զատ՝ շատ դժնդակ կ'երևէին: Շատ անգամ յաղթուած ի խղճէ և յամօթոյ, ապաշխարութեան ատեանը դիմեր էր, բայց անօգուտ. որովհետև մեղանչելէն ետ չէր կենար, և իր կրկին անգամ մեղք գործելը աւելի գայթակղական ու ցաւալից կերպով կ'ըլլուէր. այլ ի վերայ այս ամենայնի միշտ կը պատերազմէր իր յկարութեանը հետ: — Օր մը, ինչպէս որ ըսինք, բողբոջին աղտեղացած, եկաւ ու թ խնդրելու սուրբ և մաքուր Եղիսաբէթի գերեզմանին քով. աղօթքի կեցաւ ու իր պաշտպանութիւնն ու բարեխօ-

սութիւնը խնդրեց աչուրներէն արտասուաց գետեր վաղցրնելով. և այնպէս երկար ատեն կեցաւ առանց դադրելու աղօթելէն, մինչև որ համոզուեցաւ թէ իր աղաչանքն ընդունելի եղաւ աստուծոյ, և հաճեցաւ աստուած լսելու Եղիսաբէթի բարեխօսութեանը. հոգևոր ուժ մը զգաց իր սրտին խորերէն, որ գերազոյն էր որ և իցէ ախտի զօրութեանէ. և այն վայրկենէն, ինչպէս որ ինքն ալ յայտնեց Պոնրատի խոստովանելովը, մարմնոյ խայթը այնպէս մեղմացաւ, որ միայն թեթև փորձութիւններ կը զգար, որոնց դիւրութեամբ ալ կը յաղթէր:

Ուրիշ նեղեալ և ցաւալից անձինք, որ կ'ընկճուէին մեղաց լուծին տակ, կու գային թօթափելու այն լուծը այս սուրբ տիկնոջ նշխարացը քով, որ կենդանութեանն ատեն կրցաւ այնպիսի ազնուական կերպով զանոնք խորտակել: Կը յիշատակուին մասնաւորապէս շատ անձինք որ կը դիմէին առ Եղիսաբէթ իրենց տկարութեանը դարման մը գտնելու համար, և կը բժշկուէին. այնպիսի մարդիկ՝ որոց համար հպարտութեան, ազահոյութեան, ատելութեան, նախանձու և բարկութեան մեղքերը սովորական բան մը դարձեր էին: Եւ անշուշտ իրենց մեղաց ծառայութեանէն ազատելու համար, միայն անոր հաւատարիմ առաջնորդութեանը կրնային վստահանալ՝ որ միշտ ինքզինքը ամենէն վար կը դասէր. անոր որ իւր անձը և ամենայն ինչքը աստուծոյ աղքատացը բաշխեր էր և բոլոր կեանքը սիրելով ու ներելով անցուցեր էր:

Ոչ միայն բարոյական ցաւերն Եղիսաբէթի ձեռք զօրաւոր բժշկութիւն կը գտնէին, այլ և

նիւթական տկարութիւններն և ցաւերը, զոր մեծ խնամքով և քաջութեամբ կը սփոփէր իր բովանդակ կենացը մէջ. և թէպէտև հիմն կորուսին իրմով երկրիս վրայէն այն սիրալիւր հոգերը զոր առատահոս կը թափէր անոնց վրայ, սակայն երկնքէն կ'ընդունէին միշտ նորանոր բժշկութիւններ, այնպէս որ անկէց ետքը սրբբուհին իրենց համար երկնային բժիշկ մ'եղեր էր: Արտաշարժ պատմութիւն մը լաւ կը ցուցնէ թէ ինչպէս շուտով յայտնեց սրբբուհին իր այս բարեբար զօրութիւնը, և ինչպէս իւր հոգին՝ որ լի էր փառօք, հաւատարիմ եղաւ այն քաղցր ընտանութեանն որ առ խոնարհս և առ աղքատս, որ արդէն այնչափ գեղեցկութիւն սփռեր էր այս երկրիս վրայ անոնց հետ ունեցած վերաբերութեամբը: Քենհարցալիւնի վանքը, յորում կը հանգչէր իր նախնեացը քով Աուդովիկոս դուքսը, հոն աշխատաւոր եղբայր մը կար, որ ջաղացական էր: Աարգէ դուրս բարեպաշտ և միանգամայն խստակրօն բնաւորութիւն մ'ունէր, և ուրիշ ճգնութիւններէ զատ՝ մարմնոյն վրայէն երկրթէ զգեստ մ'ալ կը հագնէր, որպէս զի աւելի լաւ կերպով զանիկայ նուաճէ: Աքսութիւն իւր սովորական այցելութեանցը մէջ զոր կ'ընէր արբայարանին, աղօթելու համար իւր սիրելի փեսին գերեզմանին վրայ, մասնաւոր մտադրութիւն ըրեր էր այն աղքատ եղբօրը, և առանձին սէր մ'ունէր անոր վարուց սրբութեանը համար: Օր մը, երբ իւր սիրելւոյն շիրիմը կ'երթար, անոր պատահելով հետը ընտանեբար խօսեցաւ. և խոստումն ուզեց որ միշտ մէջերնին միաբանութիւն մը և

հողեօր եղբայրութիւն մը ըլլայ: Արուն հաստատութեանը համար դքսուհին անոր ձեռքը իր ձեռացը մէջ առաւ, թէպէտեւ խոնարհ կրօնաւորը չուզէց, ամբնալով այնպիսի հռչակաւոր տիկնոջ ձեռացը դպչելու: Քիչ ետքը երբոր զբաղած իւր արուեստին մէկ գործին նորոգելու հետ էր՝ յանկարծ ջաղացքին մէկ թւեր ձեռքին վրայ ինկաւ ու բազուկը ջախջախեց: Արդէ դուրս դժնդակ ցաւ մը զգաց, բայց առանց ամենեւին դանդաատելու համբերութեամբ սպասեց, որ աստուած հաճի ու զինքը բժշկէ: Այլեմբերի տասնուիննին գիշերը, երբ ակնուատոհմ սրբուհին Եղիսաբեթ աստուծոյ կրնուիրէր իւր նախասահմանեալ հոգին, աշխատաւոր եղբայրը կը հսկէր ու կ'աղօթէր արբայարանին եկեղեցւոյն մէջ, անդադար հառաչելով թւին պատճառած սաստիկ ցաւէն:

Յանկարծ դքսուհին երեցաւ իրեն արքունական զգեստով զարդարուած և կարգէ դուրս լուսով պայծառացած. խօսեցաւ խեղճ աշխատաւորին հետ իր սովորական քաղցրութեամբը. «Ի՞նչ կ'ընես, աղնիւ եղբայրս, այդ ի՞նչպէս եղաւ»: Թէպէտեւ զարհուրեցաւ ու շացաւ այն աստուածային լուսոյն պայծառութենէն, սակայն մէկէն ճանցցաւ զդքսուհին ու ըսաւ իրեն. «Այս ի՞նչ է, տիկին, դուն որ ընդհանրապէս խեղճ և աղքատին զգեստ կը հագնէիր, այսօր այս փառաւոր և սքանչելի զգեստներն ուսկից գտար»: «Ա՛հ, պատասխանեց իշխանուհին, որովհետեւ հիմա վիճակս փոխեցի»: Աս ըսելով բռնեց աշխատաւորին աջ ձեռքն իր ձեռացը

մէջ և բժշկեց, նոյն ձեռքը զոր ուրիշ ատեն տուեր էր ի նշան եղբայրութեան և զոր ջաղացքը խորտակեր էր: Աշխատաւոր եղբայրը կարգէ դուրս ցաւ զգաց, երբ Եղիսաբէթ իր թիւին վիրաւորեալ մնասին դպաւ. արթնցաւ իբրև յերազոյ, և տեսաւ իր ձեռքը և բազուկը կատարելապէս բժշկուած: Շուտով շնորհակալ եղաւ աստուծոյ և այն հողեւոր քրոջը որ երկինքը մտնելուն պէս՝ ամենէն առաջ զինքը մտածեր էր:

Բայց շատ աւելի ուրիշ մեծ հրաշներ եղան Եղիսաբէթի շիրմին քով յուղարկաւորութեան առաջին օրերէն սկսելով: Խեղճ մարդիկ որ ունէին կերպ կերպ և մեծ ախտեր կամ տկարութիւններ, ինչպէս են խլութիւն, կաղութիւն, կուրութիւն, յիմարութիւն, բորոտութիւն, անդամալուծութիւն և այլն, դեռ զանիկայ կենդանի կարծելով, հեռու տեղերէ կու գային իր գթութիւնն և ողորմութիւնը խնդրելու. և յիրաւի բոլորովին բժշկուած՝ յետ աղօթելու այն մատրան մէջ՝ ուր կը հանգչէր իշխանուհւոյն սուրբ մարմինը՝ կելէին իրենց երկիրը կը դառնային: Վասնաւոր կերպով կը յիշատաւ կեն ժամանակակից պատմագիրներ Եղիսաբէթի բարեխօսութեամբն եղած հաստատուն և ստոյգ բժշկութիւններ: Մենք մէկը միայն պիտի յիշենք որ երդմամբ պատմուեցաւ առաքելական դատաւորներուն, և որ գաղափար մը կրնայ ըլլալ ուրիշ բժշկութեանց ալ: Մարտիրոսի Հէնրիկոս անունով քառասուն տարուան մարդու մը բաւական ատենէ ի վեր աչքերը տկարացած ըլլալով, քալելու ժամանակ

շատ անգամ չէր կրնար զանազանել ցորենի դաշտերը շիտակ ճամբէն, ու կը շփոթէր. ուրուն համար ընկերները շատ կը ծիծաղէին վրանն. Ետքէն բողբոջին կուրցաւ, և ստիպուեցաւ իրեն առաջնորդ մը բռնելու՝ որով ամեն ուզած տեղը կարենայ երթալ: Աւստի աղաչեց անոր որ զինքը Եղիսաբէթին շիրմին քով տանի. գնաց հոն, ուխտ քրաւ, և երկու մում ընծայեց սրբուհւոյն: Քահանայապետին գործակալները հարցուցին այս թշուառին թէ ինչպիսի խօսքեր և ոճեր կը գործածէր սրբուհւոյն աղօթելու ժամանակը: Կոյրը այս հետեւեալ խօսքերս քաւ անոնց. « Սիրելի սրբուհի Եղիսաբէթ, բժշկէ աչքերս. միշտ հաւատարիմ ծառայող պիտի ըլլամ, և ամեն տարի երկու դրամ պիտի տամ քու հիւանդանոցիդ »: Մէկէն աչքը առաջինէն աւելի պայծառ բացուեցաւ: Այս եղաւ սրբոյն մահուանը տասնըհինգերորդ օրը:

Որչափ որ Եղիսաբէթի հրաշից համբաւը տարածուեցաւ Մարազըկ քաղքին շրջակայքը, այնչափ աւելի շատցաւ տեսակ տեսակ թշուառաց թիւը, որ խնդրելու կու գային իրենց այլ և այլ ախտից բժշկութիւն: Աստուածային ուղորմութիւնն և գթութիւնը պարապ չէր հաներ քրիստոնէայ ժողովրդեան հաւատքը. և միշտ կը կատարէր ուղածնին որ կ'աղօթէին կամ իրենց պաշտօրան կը բռնէին զԵղիսաբէթ: — Այ միայն Մայանախի և Գրէւի մերձակայ քաղաքներէն կը գիտէին այլ և այլ ախտաժէտք և նեղեալ անձինք, հապանաւ հեռաւոր գաւառներէն ալ, ինչպէս Գողոնխայէն, Պրեմայէն,

Մահտէպուրկէն, և այլն: Անոնք որ մխիթարութիւն և բժշկութիւն գտնելով Եղիսաբէթի բարեխօսութեամբը՝ ետ կը դառնային, շուտով տեղերնին ուրիշները կու գային, որպէս զի իրենք ալ բժշկութիւն գտնեն, և անոնք ալ ետ կը դառնային, հռչակելով աստուծոյ զօրաւոր ողորմութիւնն անոնց ամենուն որ ճամբուն վերայ կը հանդիպէին: «Նոյն ատենն ես ալ հոն էի, կ'ըսէ Աեսար կրօնաւորը, և կենացս մէջ երբէք չէի տեսած այնչափ բազմութիւն որ այն ատեն ի Մարպուրկ և անոր շրջակայքն եղող քաղաքաց մէջ կը գտնուէր. հազիւ հազ կրնար մէկը ճամբայ մը բանալ եկեղեցի մտնելու կամ անկէց ելնելու համար»:

Գոնրատ վարդապետը միշտ ուշադիր այն պայծառ և փառաւոր արդեանցն որոց պատճառաւ կերպով մը կրնար իրաւամբ իրեն սեպել Եղիսաբէթի փառաց մէկ մասը, փութաց իմացընելու Գրիգոր Թ քահանայապետին այն հրաշները որով աստուած կը փառաւորէր հանդուցեալ դքսուհւոյն շիրիմը, և ժողովրդեան մեծարանքը՝ որ միշտ աճելու վրայ էր. առաջարկեց քահանայապետին որ հաստատէ և հանդիսական կերպով մ'ալ յայտնէ ընդհանուր հաւատացելոց Եղիսաբէթի սրբութիւնը: Այս մեծ քահանայապետը, թէպէտ և իննսուն տարուան, սակայն սիրտը դեռ երիտասարդ սիրով և խնամօք աստուծոյ և եկեղեցւոյն պատուովը, պատիւ ունեցեր էր արդէն սրբոց կարգը դասելու զսուրբն Փրանկիսկոս աստիզացին, և որ նոյն տարին յերկնաւոր փառս ընդունէր էր իւր հռչակաւոր աշակերտը, զսուրբն Անտոն Բա-

տուացի, Գոնրատի առաջարկուածեանը փութով
 և սիրով, միանգամայն առաքելական խոհակա-
 նութեամբ պատասխանեց. « Խնացանք զբաժ-
 նամակովդ, սիրելի որդեակիմ՝ Գոնրատ, քաղցր
 ուրախութեան արցունքով թէ ինչպէս անիկայ՝
 որուն կարողութիւնն անսահման է, օրհնեց
 իրեն անմահ յիշատակաց արժանաւոր Եղի-
 սաբեթ աղախինը, որ կենդանութեան ժամա-
 նակը մեր սիրելի դուստրն էր ի Քրիստոս Յի-
 սուս և Գուրինկիոյ դքսուհի. և թէ ինչպէս
 զանիկայ որ բնութեամբ տկար և դիւրաբեկ
 էր, զօրացուց և հաստատեց շնորհաց պարգևով
 իր աստուածային անուան պաշտամանը մէջ, և
 թէ ինչպէս յերկինս սրբոց կարգը դասելէն
 ետքը, յայտնեց հրաշալի և փառաւոր նշաննե-
 րով այն երանութիւնն որ իրեն շնորհուեր էր» :
 Սակայն քահանայապետը յիշելով թէ ինչ որ
 կը փայլի ոսկի չէ, և ուզելով վերցընել կաս-
 կածոտ մարդիկներուն ամենայն տարակոյսը,
 հրամայեց Մայանսի արքեպիսկոպոսին, Էպեր-
 պախի արքային և Գոնրատ վարդապետին՝ հա-
 սարակաց և հանդիսաւոր վկայութիւններ ժող-
 վելու, ինչ որ դքսուհոյն կենացը մէջ հաճոյա-
 կան եղան աստուծոյ և մարդկան. նոյնպէս այն
 հրաշներն որ դքսուհոյն մահունէն ետքը հան-
 դիպեցան : Յետ այս այլ և այլ վկայութիւննե-
 րը դրի վրայ առնելէն ու կնքելէն՝ Հռովմ զըր-
 կեն հաւատարիմ պատգամաւորաց ձեռքով
 Նոյնպէս որոշեց թէ ինչ կարգ և կանոն պիտի
 բռնեն վկայից բնութեանը ժամանակ. վերջա-
 պէս այնպիսի խնամքով և մանրամասն կերպով
 որ յայտնի կը ցուցնէ թէ որպիսի խնաստուն

խոհականութեամբ քննութեան կ'առնուէր այս ամենանբբին նիւթը:

Սիժիբուա Մայանսի արքեպիսկոպոսը, այն վիճակին՝ յորում շինուէր էր Մարպուրկ քաղաքն և Եղիսաբէթի շիրխմը, վերջի աստիճանի զարմայած այն աստուածային բարութեանը վրայ որ պայծառ կերպով կը տեսնուէր իւր հօտին մէջ, Վոնրատ վարդապետին աղաչանքովը, և յայտնութենէ մը ետքը որ տեսլեան մը մէջ ունեցաւ, շուտով Մարպուրկ գնաց և սրբոյն Լաւրենտեայ տօնախմբութեանն օրը (10 օգոստոս 1232) հանդիսաւոր կերպով երկու խորան օժեց որ հաւատացեալք շինէր էին ի պատիւ Եղիսաբէթի, նոյն եկեղեցւոյն մէջ ուր թաղուէր էր: Անթիւ բազմութիւն մը հոն ժողովուէր էին՝ ոչ միայն հանդիսին ներկայ գրանուելու համար, այլ նաև Վոնրատ վարդապետին քարոզը լսելու որ պիտի խօսէր ի պատիւ իւր համբաւաւոր աշակերտուհւոյն: Քարոզելու ատենը յանկարծ Վոնրատի միտքը եկաւ որ անկէ աւելի յարմար առիթ չկար քահանայապետին կամքը կատարելու. շուտով առանց երկար ժամանակ մտածելու, պատուիրեց անոնց ամենուն որոնք բժշկութիւն գտեր էին կամ երկնային պարզ և մը դքսուհւոյն բարեխօսութեամբը, որ երկրորդ առաւօտուն ժամերգութեան ատենը իրենց վկայիցը հետ Մայանսի արքեպիսկոպոսին և ուրիշ եկեղեցականաց ընդ առաջ ելլեն, որոնք եկեր էին ներկայ գտնուելու խորաններուն օժմանը հանդիսին: Որոշեալ ժամուն բազմութիւ անձինք եկան ու վկայեցին թէ այլ և այլ չնորհքներ ընդունէր են յա-

տուժոյ Աղիսաբէթի բարեխօսութեամբը: Աբբեպիսկոպոսը ստիպուած ըլլալով շուտով տուն դառնալու իւր խիստ կարևոր գործերուն պատճառաւ, բաւական սեպեց գրի վրայ առնուլ ամենէն աւելի գլխաւոր և ստոյգ դէպքերը. բայց չկրցաւ զանոնք կնքել, ինչպէս նաև ուրիշ եկեղեցականներն ալ, վասն զի հետերնին չէին առած իրենց կնիքը: Գոնրատ վարդապետը բառաւ բառ օրինակեց այս ամեն վկայութիւնները, և ինքն ալ իր կողմանէ ուրիշ շատ մը վկայութիւններ ժողովեց, սակայն միշտ երգմամբ: Յետոյ բոլորն ալ կարդալէն ետքը Մայնասի արբեպիսկոպոսին և Ապերսպախի արքային առջև, որոնք փոխելու բան մը չգտան, քահանայապետին զրկեց, վրան համառօտութիւն մ'ալ աւելցնելով Աղիսաբէթի վարուցը որչափ որ յիշեց: Այս պատուական յիշատակարանը մեզի ալ հասեր է, որ ամենէն հին աղբիւրն է, ուսկից կրնանք քաղել սրբոյն պատմութիւնը:

Այս Գոնրատ վարդապետէն աւանդուած հրաշից առաջին թուարկութիւնը, կը բովանդակէ այն մանրամասն պատմութիւնները շուտ և գերբնական կերպով եղած երեսունըօթը բժշկութիւններուն որ գրի վրայ առնելով քահանայապետին հրամանին համեմատ տեղն ի տեղը կը յիշէր այն դէպքերուն մէջ յիշատակուած տեղերը, թիւր և անձինքը, նոյն իսկ աղօթից ձևերը զոր գործածեր էին: Այս աւանդութիւններուն մեծ մասը գոնէ մեր աչքին առջևը շատ սրտաշարժ են. կը տեսնենք աստաժէտք և թշուառք, առ Աղիսաբէթ գիմելով անոր հետ միշտ այն գորովալիւր և ընտանի լեզուո-

վը կը խօսէին զոր դքսուհւոյն կարգէ դուրս
քաղցրութեանն և խոնարհութեանը պատճա-
ռաւ համարձակեր էին իր կենդանութեան ժա-
մանակը բանեցընել: «Ո՛վ սիրելի սրբուհիդ Ե-
ղիսաբէթ, կ'ըսէին անոր, բժշկէ ոտքս, միշտ
քու եռանդուն ծառայդ պիտի ըլլամ: ...» Եւ
կամ այսպէս. «Սրբուհի տիկին և դքսուհիդ
Եղիսաբէթ, քեզի կը յանձնեմ իմ խեղճ
դուստրս»: – «Ո՛վ երանութիւց Եղիսաբէթ, կը
կանչէր խեղճ մայր մը իւր նոր մեռած տղուն
մարմինը թաղելու ատեն, ինչո՞ւ ուրեմն այսպէս
կորուսի որդեակս, հասիր ինձի օգնութեան,
կենդանացու զանիկայ»: Քիչ մը ետքը տղուն
բազկերակը սկսաւ զարնել, և կենդանացաւ. և
յետ երկար ժամանակ խօսելու ջանալէն՝ կէս
գիշերուան մօտ այս խօսքս ըսաւ. «Ո՛ւր եմ սի-
րելի», որովհետեւ դեռ իւր մայրը չէր ձանչնար:

Ուրիշ թշուառ մայր մը, որուն դուստրը գրե-
թէ հինգ տարիէն ի վեր դժնդակ և ցաւալից
ախտերով կը չարչարուէր, և ուրիշ ցաւերէն
զատ սոսկալի ուռեցք մ'ունէր թէ՛ կունըկին և
թէ՛ կուրծքին վրայ, զանիկայ Եղիսաբէթին շի-
րիմը տարաւ, և իրեն հետ երկու օր հոն կեցաւ
աղօթք մատուցանելով առ աստուած, որպէս
զի բժշկէ իր աղջիկը: Երկու օրէն ետքը տես-
նելով որ իւր աղօթքը ընդունելի չեղաւ աստու-
ծոյ, սկսաւ գանգատիլ բարձր ձայնով սրբուհ-
ւոյն դէմ ըսելով. «Որովհետեւ խնդիրս չկատա-
րեցիր, անոր համար բոլոր աշխարհքը ետ պի-
տի դարձընեմ որ չգան քու գերեզմանիդ քով»: Այսպէս կարգէ դուրս բարկացած՝ Մարպութ-
կէն ելաւ գնաց. բայց միջոն ու կէս ձամբայ ը-

նելէն ետքը, իր աղջկանը ցաւերն և աղաղակներն ստիպեցին զինքը ԱռաստօրՖ գեղը աղբիւրի մը քով կենալու: Յաւագար օրիորդը քիչ մը ստեն քնացաւ, և արթննալուն պէս մօրը պատմեց որ դեղեցիկ տիկին մը տեսեր է եղեր, որուն կերպարանքը պայծառ և փայլուն էր, փափուկ ու ճերմակ ձեռուրները մեղմով մարմնոյս ամենէն աւելի ցաւալի և վիրաւորեալ մասերուն վրայ դնելէն ետքը, ըսաւ. ելիր ու քալէ: « Ա՛յ մայր իմ, կանչեց օրիորդը, ահա աղատեցայ մարմնոյս ամեն ցաւերէն » . և այս ըսելով միատեղ Աղիաաբեթին գերեզմանը վազեցին շնորհակալ ըլլալու իրեն, և հոն թողուցին այն պատուարակն որով զհիւանդը բերեր էին:

Արիտասարդ մը որուն ոտքերն անդամալուծութեամբ բռնուեր էին, և անկէ զատ դժընդակ ցաւով կը ցաւէր կոնրկին ոսկորը, կառքով ինքզինքը դքսուհոյն շիրիմն ուզեց որ տանին, և հոն կոնրկին վրայ եղած ցաւը բոլորովին բժշկուեցաւ: Ախտաժէտ Երիտասարդը իւր բնակարանը դառնալու ժամանակ ըսաւ. « Սըրբուհիդ Աղիաաբեթ, մէյմ'ալ քովդ պիտի չգամ, մինչև որ ողորմիս ինձի և ոտուրներս բժշկուես որ կարենամ երթալ »: Քիչ մ'ատենէն ետքը ամենայն սրբոյ տօնին օրը, իմանալով որ կատարելապէս բժշկուեր էր, իր խոստմունքը կատարեց:

Կարծեմ շատ մեծ ցաւով պիտի դադրինք այս հրաշներս պատմելէն որ այն ժամանակին բարուց և հաւատոց պատուականագոյն վկայութիւններն են, որոնց բովանդակութիւնը՝ 1233

տարւոյն սկիզբները հազիւ ըմնալով՝ կրցան
 Հռովմ զրկել. ասոր ուշ զրկուելուն պատճառը
 չենք գիտեր: Գեռ քանի որ Հռովմ չէին հա-
 սած այս վկայութիւններն, Գոնրատ վախճա-
 նեցաւ, զո՛հ ըլլալով հաւատոց վրայ ունեցած
 իւր եռանդեանը: Այն համարձակութիւնն՝ ո-
 ըրով կը հալածէր և կ'ամբաստանէր զիշխաններն
 ու մեծամեծները, երբ անոնց բռնած ճամբան
 իրեն աչքին կասկածելի կ'երևնար, երկար ա-
 տենէ ի վեր իրեն դէմ կը գրգռէր անոնց ատե-
 լութիւնն և ահաւոր թշնամութիւնը, որ օր օ-
 րուան վրայ կ'աճէր իր կարգէ դուրս խստու-
 թեամբն և թերևս մէկ քանի վճռոց անարդա-
 րութեանը պատճառաւ ալ: 1233 յուլիսի 30ին
 երբ Գոնրատ Մայանսէն Մարպուրկ կը դառ-
 նար, յանկարծ Գաբէլ գեղին մօտ Սային կոմ-
 սին (զոր Գոնրատ իբրև հերետիկոս կ'ամբաս-
 տանէր) ասպետներէն և հպատակներէն շատե-
 ըր անոր բոլորտիբը պաշարելով, վրան գիմեցին
 ու սպաննեցին զինքը: Մարդասպաններն միայն
 զԳոնրատ կ'ուզէին սպաննել, առանց դպչելու
 անոր հետ եղող ճամբուն ընկերին, որ էր Փրան-
 կիսկեան Ժէռարտ անուամբ կրօնաւոր մը, որ
 այնպիսի սաստիկ բռնութեամբ և միանգամայն
 զօրութեամբ գրկեց իւր վարդապետին մարմի-
 նը, որ ստիպուեցան մարդասպանները զինքն ալ
 Գոնրատին հետ սպաննել: Գոնրատի, իւր բա-
 րեկամին և ուրիշ տասուերկու քահանայից և
 աշխարհիկ անձանց մարմինները, որոնք զո՛հ ե-
 ղան այն օրերը հերետիկոսաց կատաղութեանը՝
 Ժողովրդեան սրտին մեծ ցաւովը փոխադրուե-
 ցան ի Մարպուրկ: Գոնրատ նոյն մատրանը մէջ

Թաղուեցաւ ուր Թաղուեր էր սրբուհի դքսուհին իւր դուստրն ի Յիսուս Քրիստոս:

Գոնրատ որ այնչափ հաւատարմութեամբ հսկեր էր Եղիսաբեթի մահունէն էտքը ստացած փառացը վրայ, ինչպէս անոր փրկութեանը՝ կենդանութեանը ժամանակ, իր մահուամբը մեծ արգելք եղաւ անոր սրբացուցմանը, որուն հաւատացեալք այնչափ փափաքով ու յուսով կը սպասէին: Անոր ժողոված վկայութիւններն երեսի վրայ ձգուեցան և կամ մոռցուեցան. որով ժողովողեան և ուրիշներուն վրայ տեսնուած այն առջի եռանդը, սկսաւ կամաց կամաց պաղիլ: Բայց աստուած չուշացաւ իւր խոնարհ աղախնոյն փառացը նոր պաշտպան մը երևան հանելու այնպիսի տեղէ մը՝ ուր կարծես թէ անկարելի էր յուսալը:

Եղիսաբեթի ամուսնոյն լուրովիկոս դքսին երկու եղբայրներէն մէկը՝ Հենրիկն էր որ կը կառավարէր դքսութիւնները Հերման որդւոյն պառիկութեանը համար: Իսկ միւսը Գոնրատ՝ բոլորովին ինքզինքը երիտասարդական հասակին անսանձ կրիցը տուեր էր: ԱՅՅԻն, Մայանսի արքեպիսկոպոսին Բենհարցարիւնի արքային վրայ դրած ապաշխարանքին համար, (այն արքային որ Գուրինկիոյ տանը պաշտպանն էր), Գոնրատ իշխանն այնչափ զայրացաւ եպիսկոպոսին դէմ որ ժողովքի մը ատեն Լըֆուրդ քաղքին մէջ վազեց անոր վրայ, մաղերէն բռնեց ու գետինը զարկաւ. ու սրով ալ պիտի մեռցրնէր եթէ ծառաները չարգիլէին: Բայց այս անգութ գազանութեամբ ալ գոհ չըլլալով, սկսաւ Մայանսի արքեպիսկոպոսական աթոռին ստա-

ցուածքը աւրըշտըկէլ. ուրիշ տեղերէն զատ պաշարեց նաև Ծրխցլար քաղաքը, զոր պաշարմամբ առնելով, իրեն եղած նախատանացը վրէժը խնդրելու համար բոլոր քաղաքը իր եկեղեցիներովը վանքերովը և շատ մը ժողովրդով այրեց:

Ետքէն գնաց առանձնացաւ իւր Գեհնպերկ բերդը ի Աթա. ուր աստուծոյ հզօր աջը պիտի շարժէր իրեն սիրտը: Սր մը անառակ աղջիկ մը տեսաւ որ մեծ խեղճութեան մէջ ինկած գէպի իրեն կը մօտենար և ողորմութիւն կը խնդրէր: Երբ դուքսը սաստիկ յանդիմանեց այն աղջկանը բռնած գէշ ճամբան, ան ալ պատասխան տուաւ ըսելով որ միայն խեղճութիւնն էր որ զինքը կը ստիպէր այնպիսի աղտեղի արուեստի մը ձեռք զարնել. և այնպիսի սրտաշարժ նկարագիր մ'ըրաւ այս բանիս՝ որ դքսին սիրտը տակն ու վրայ ըլլալով՝ խոստացաւ անոր հոգալու անկէց ետքը իր ամենայն պիտոյքը՝ եթէ հրաժարի իւր անօրէն և զզուելի գործէն: Այս գէպքը այնպիսի ազդեցութիւն մը տպաւորեց դքսին սրտին, որ հետեւեալ բովանդակ գիշերը կարգէ դուրս տագնապի մը մէջ անցուց, մտածելով թէ ինքն որչափ աւելի յանցաւոր էր քան զայն թշուառ աղջիկը զոր նախատեր էր, և զոր աղքատութիւնը միայն զինքը այնպիսի կեանք մը վարելու գրգռեր էր մինչդեռ ինքը հարուստ և զօրաւոր՝ այնպիսի վատութեամբ կը գործածէր աստուծոյ իրեն շնորհած ամենայն պարգևները: Երկրորդ առաւօտը, դուքսն իւր միտքը հաղորդեց նաև իր բռնութեան և զինակիր եղբարց շատերուն, և զարմանքով իմացաւ որ անոնք ալ մի և նոյն մը-

տածութեամբ տակն ու վրայ եղեր էին. շուտով ճանչցան այս ներքին և համաձայն ազդեցութիւնն իբրև երկնից ազդարարութիւն մը. և որոշեցին որ ապաշխարեն ու իրենց առջի կեանքէն հրաժարին: Ասի մօտաւոր ուխտի մը գնացին բոպիկ ոտքով ի Ալլատէնպախ և հոնկէ ի Հոովմ, որպէս զի ընդունին քահանայապետէն իրենց մեղաց արձակումը:

Հոովմ հասնելով (1233), դուքսը սկսաւ ամենէն աւելի սաստիկ ապաշխարութեան և եռանդուն աստուածաբաշտութեան ետևէ իյնալ: Ամեն օր իր սեղանին վրայ քսանուչորս աղքատ ունէր, որոնց անձամբ կը ծառայէր: Քահանայապետն արձակում տուաւ պայմանաւ որ հաշտուին ասի Մայանախ արքեպիսկոպոսին և անոնց ամենուն հետ որոց չարութիւնն բրեր էր. նոյնպէս վանք մը շինէ և անոր եկամուտ մը կապէ փոխանակ անոնց որ այրել տուեր էր. հրապարակաւ իր յանցանքը խոստովանելով թողութիւն ուզէ ամենէն Զրիցլար քաղքին աւերակացը վրայ, և վերջապէս կրօնաւորական կենաց մէջ մտնէ: Մինչդեռ դուքսը այս կերպով մէկ կողմէն առ աստուած կը մերձենար մէկալ կողմէն միշտ կը յիշէր իր խոնարհ և սրբուհի հարսը, զոր հալածեր և արհամարհեր էր: Միտքը դրաւ որ սրբուհւոյն դէմ ըրած յանցանքը քաւելու համար, աշխատի ամենայն ջանքով անոր փառքը տարածելու. և քահանայապետին հետ ըրած խօսակցութիւններն իրեն առիթ եղան մանրամասն պատմելու անոր դքսուհւոյն վարուց սրբութիւնը, և խնդրելու անկէ սրբոց կարգը դասելու զանիկայ:

Գերմանիա դառնալուն պէս (1234), փութաց կատարելու քահանայապետէն դրած իրեն սպաշխարանաց ամեն սրայմանները: Առաջ Յրիցլար քաղաքը դնաց, ուր ապաւիներ էին մենաստանին աւերակացը տակ անոնք ամենքը որ քաղքին բնակչաց կոտորածէն ազատեր էին. երեսի վրայ խնալով աղաչեց զանոնք որ աստուծոյ սիրուն համար իր անոնց դէմ ըրած չարեացը ներեն: Ետքէն ձեռքը խարազան մ'առած՝ բոպիկ ոտքով թափօրի ելաւ. և եկեղեցւոյն դրանն առջև ծնկան վրայ դալով, երկնցուց խարազանը հոն կեցող բազմութեանը աղաչելով որ սով որ կ'ուղէ առնու զայն և իրեն զարնէ. պառաւ կին մը միայն հնազանդեցաւ ու քանի մը անդամ զարկաւ, որուն սիրով համբերեց: Ետքը եկեղեցին ու վանքը նորէն շինել տուաւ, ու անկէց Այնախ քաղաքն երթալով, հոն իր եղբօրը Հենրիկի հետ Քարոզիչ Եղբարց համար վանք մը շինել տուաւ ու սրբոյն Յովհաննու աւետարանչին նուիրեց, ի յիշատակ Եղիսաբէթի, որպէս զի քաւէ իր յանցանքը, երբ զինքը անդթութեամբ չարչարեց ու Վարդպուրկ քաղաքէն դուրս վաճառեց:

Անկէ ետքը Գոնրատ վարդապետին նման սկըսաւ ամեն ջանքը գործածել Եղիսաբէթի փառքը ծաւալելու համար. ու ստէպ կը խնդրէր Հռովմայ քահանայապետէն, որպէս զի հանդիսական կերպով հաստատէ իր հարսին սրբութիւնը, և այն բազմութիւ հրաշքները, զոր կ'ընէր աստուած անոր բարեխօսութեամբը, շուտով ստուգէ: Քահանայապետը մտիկ ըրաւ անոր աղաչանացը, և մասնաւոր կոնդակով մը պա-

տուիրեց քանի մը եպիսկոպոսաց որ Եղիսաբե-
թի ընծայուած հրաշքները նորէն քննութեան
առնուն: Ար հրամայէր դարձեալ Մայանսի ար-
քեպիսկոպոսին որ Գոնրատ վարդապետին ձեռ-
քովն եղած քննութեանց վաւերականները ի-
րեն ղրկեն. իսկ եթէ անկարելի ըլլայ զանոնք
գտնելը, գրի վրայ առնուն թէ՛ նոյն և թէ ու-
րիշ վկայից խօսքերը, ու հինգ ամսուան մէջ իր
ձեռքը հասցընեն: Եպիսկոպոսներն ալ հնազան
դելով քահանայապետին հրամանացը, բոլոր
չրժակայ գաւառներուն մէջ հրատարակեցին ա-
նոր կոնդակը, մասնաւոր օր մը որոշելով, յո-
րում ամենքը պիտի ժողվուէին ի Մարպուրկ
որոնք Եղիսաբեթի բարեխօսութեամբը հրաշք
մը կամ բժշկութիւն մը գտեր էին: Որոշեալ
օրը եպիսկոպոսները, և ուրիշ այլ և այլ եկե-
ղեցականք եկան ի Մարպուրկ, և տեսան որ հոն
ժողվուեր էին հազարաւոր անձինք Եւրոպայի
ամեն կողմերէն, որոնք երդամամբ վկայեցին ի-
րենց տեսած հրաշքերը, ու եպիսկոպոսներն ալ
քննութեան առին անոնց ամեն խօսքերը:

Այս անգամուան ներկայ գտնուող վկայից
անուանքը անծանօթ են մեզի, բաց ի դքսուհ-
ւոյն չորս աղախիններէն, որոնք էին. Աիւտա,
որ Եղիսաբեթի հետ մասնաւոր սիրով կապուեր
էր անոր հինգ տարուան հասակէն ի վեր. Ի-
զանդրուտա, իւր խորհրդակիցը և ընտրելա-
գոյն բարեկամը. Եղիսաբեթ և Իրմանկարտ՝ որ
դքսուհւոյն ծառայեր էին անոր Մարպուրկ
բնակած ժամանակը. ասոնք չորսն ալ եկան
պատմեցին ինչ որ գիտէին իրենց տիրուհւոյն
վարուցը վրայ: Այս մեծայարգ դէպքերը բո-

լորն ալ մեզի հասան, և մեր պատմութեան մէջ առաջ բերած սրտաշարժ և ընտանի դէպքերը այս աւանդութիւններէն առնուեր են: Աւրիշ վկայից մէջ բերած դէպքերը ընդհանրապէս Եղիսաբէթի բարեխօսութեամբ ընդունուած հրահներուն վրայ հաստատուեր էին. և այն բազմաթիւ սքանչելեաց մէջ նշանելու արժանաւոր են շատ մեռելոց յարութիւն առնելը: Հարիւր քսան ու ինն վկայութիւնք միայն յարժանի դատուելով՝ ժողվեցին, գրի վրայ առին և Հիլտէշայմ քաղքին եպիսկոպոսին և ուրիշ եկեղեցականաց և արքայից կնքովը կնքեցին Հրոովմ զրկելու համար: Պուխի Բեռնարդոս արքայն, Քարոզիչ Եղբարցմէ Մեծն Սողոմոն, և Տևտոնեան կարգէն Գոնրատ կրօնաւորը, որ առաջ իշխան էր և հանդուցելոյն ազգական, որոշուեցան որ քահանայապետին տանին անոնց գրի վրայ առած ամբողջ քննութիւնը. նոյնպէս այն քննութիւնն որ երեք տարի առաջ ըրեր էր Գոնրատ վարդապետը: Այս անձինքը, բազմաթիւ եպիսկոպոսաց, արքայից, իշխանաց, իշխանուհեաց և ազնուատոհմ պարոններու նամակներ ալ կը տանէին, որոնք խոնարհութեամբ կ'աղաչէին բոլոր հաւատացելոց գթած հայրը, որպէս զի վաւերացնէ նաև երկրիս վրայ անոր մեծարանքը՝ որ արդէն յերկինս հրեշտակներէ կը փառաւորուէր. չթողուլ երկնային սիրոյն կենդանի բոցը որ մթըննայ արհամարհանաց ամպերով և հեղձանի հերետիկոսաց դանդաչանօքը:

Սրբուհւոյն Եղիսաբեթի սրբացուցումը, և իրեն նուիրական
նշխարաց Վերմանիոյ մէջ տարածուելը.

1235ին գարնան օրերը, երբ քահանայապետը Բերուճիա քաղաքը գնացեր էր, ուր Եօթը տարի առաջ սրբոց կարգը անցուցեր էր ըզսուրբն Փրանկիսկոս աստիղացին, Վոնրատ վարդապետն ուրիշ պատգամաւորաց հետ եկաւ զինքը աղաչելու որ դասաւորէ յերկինս իրեն սերովբէանման հօրը քով այս խոնարհ դքսուհին որ Վերմանիոյ մէջ իւր անդրանիկ դուստրն էր և աշակերտներէն ամենէն եռանդունը: Անոնց այն քաղաքը հասնելուն լուրը մեծ ազդեցութիւն ըրաւ թէ՛ եկեղեցականաց և թէ՛ Ժողովրդեան վրայ: Քահանայապետն սպատգամաւորաց նամակները բացաւ ծիրանաւորաց, Հռովմայ արքունեաց գլխաւոր եկեղեցականաց և բազմաթիւ քահանայից դիմացը, որ Ժողովուեր էին

այն նամակները լսելու: Հաղորդեց անոնց [Թրդ-
 Թին մէջի գտնուած ամեն մանրամասն դէպ-
 քերը Եղիսաբեթի վարուցը վրայ, և այն հրա-
 շից որոնք իրեն կ'ընծայուէին: Մեծապէս զար-
 մացան և տակն ու վրայ եղան, և սկսան արտա-
 սուէլ երբ լսեցին անոր այնչափ խոնարհու[Թիւ-
 նը և սէրը աղքատաց և աղքատու[Թեան հա-
 մար, և անոր բարեխօսու[Թեամբ եղած այնչափ
 հրաշները: Սակայն քահանայապետն մեծ խրու-
 տու[Թին բանեցուց այն հրաշներուն քննու-
 [Թեան ժամանակը. և ամեն տարակոյս փարա-
 տելու համար, պէտք եղած խնամքը ու ար[Թ-
 նու[Թիւնը ի գործ դրաւ. և որչափ խիստ եղաւ
 քննու[Թիւնը, այնչափ աւելի պայծառ յայտ-
 նուեցաւ իրեն սրբու[Թիւնը, և [Թէ ինչպէս աւ-
 տուած ազատեր էր զԵղիսաբեթ երկրաւորնե-
 ղու[Թեանց մրրիկներէն ու ալիքներէն, և յա-
 վիտենական հանգստեան նաւահանգիստը հա-
 սուցեր: Ժողովքի մը մէջ յորում կրնախաղաւ
 հէր Հռոմնայ քահանայապետը, և որուն ներ-
 կայ էին Անտիոքայ և Երուսաղէմի պատրիար-
 գունքը և բազմա[Թիւ ծիրանաւորք, Եղիսաբե-
 Թի սրբու[Թիւնը յայտնող գրուածները կար-
 դացուեցան, ու ամենը միաձայն վկայեցին [Թէ
 պէտք է երկրիս վրայի ծանուցեալ սրբոց հետ
 դասակարգել նաև այն երջանիկ անունը որ ար-
 դէն դրոշմուէր էր երկնից դպրու[Թեան մէջ,
 ինչպէս որ յայտնապէս ցուցեր էր աստուած:
 Երբ նոյն գրուածքը կարդացին նաև Ժողովը-
 դեան առջևը, այնչափ շարժեցաւ անոնց ջերմե-
 ուանդու[Թիւնը և զարմանքը որ ամենքը միաբան
 սկսան աղաղակել. «Սրբոց կարգը անցուր զին-

քր, հայր սուրբ, սրբոց կարգը անցուր առանց շատ ժամանակ անցընելու»։ Քահանայապետն ալ հաւանեցաւ վերջապէս. բայց հանդիսին աւելի փառաւորութիւն մը տալու համար, որոշեց որ Հոգեգալստեան օրը կատարուի (26 մայիս 1235)։

Գոնրատ դքսին եռանդը կրկնապատկեցաւ տեսնելով իւր ջանքին յաջողութիւնը. իր վրան առաւ ամենայն հարկաւոր պատրաստութիւնները տեսնել այս սքանչելի և մեծ հանդիսին համար։ Վերջապէս տօնախմբութեան օրն ալ եկաւ. քահանայապետը հետն առած բազմաթիւ պատրիարքունք, ծիրանաւորք, եկեղեցականք, և հազարաւոր հաւատացեալք՝ թափօրով Բերուճիա Գոմինիկեանց վանքը դնաց. փողեր և ուրիշ նուագարաններ հռչակեցին այն փառաւոր հանդէսը. ամենքն ալ քահանայապետէն սկսեալ մինչև յետին ուսմիկը, ձեռքերնին մոմ բռներ էին, զոր դուքսը իւր ծախքովը բաշխեր էր։ Թափօրն եկեղեցին հասնելով, ամեն արարողութիւն կատարուելէն ետքը, սարկաւազ ծիրանաւորը որ քահանայապետին քովն էր, բարձր ձայնով կարդաց Նղիսաբեթի հրաշից և վարուցը համառօտ պատմութիւնը. ժողովրդեան ծափահարութեան և սրբազան ուրախութեան արտասուաց չափ չկար, որ բարեպաշտ քրիստոնէից աչուրներէն հեղեղի պէս կը հոսէր. եռանդունք, երջանիկք և իրենք իրենցմէ դուրս ելեր էին այսպիսի խանդակած և զօրաւոր բարեկամ մը յերկինս ունենալուն համար։ Քահանայապետն ապրսպրեց որ աղօթք ընեն, ինչպէս որ ինքն ալ պիտի աղօթէր որպէս

զի աստուած իրեն թող չտայ որ սխալի այն մեծ
 գործոյն մէջ: Բոլոր ժողովուրդը ծնկան վրայ
 եկաւ, և այս դիտաւորութեամբ աղօթք մա-
 տուցանելէն ետքը, քահանայապետը ե՛կ, սուրբ
 Հովի շարականը հնչեցուց, զոր բոլոր հոն ներ-
 կայ գանուողները երգեցին: Երբոր երգը լմն-
 ցաւ, սարկաւազ ծիրանաւորը, որ քահանայա-
 պետին աջ կողմն էր, լատիներէն բարձրաձայն
 ըսաւ. *Ենկաւս վրայ եկէք*. և մէկէն թէ՛ քա-
 հանայապետը և թէ՛ ժողովուրդը ծնկան վրայ
 դարով՝ սկսան ցած ձայնով աղօթել քիչ մը
 ժամանակ: Յետոյ ձախ կողմը եղող սարկաւազ
 ծիրանաւորն՝ ելէք ըսաւ: Այն ատեն քահա-
 նայապետը նստելով իւր գահին վրայ, հայրա-
 պետական խոյրը գլուխը, սրբացուց զՆշխա-
 բէթ այս խօսքերովս. «Ի պատիւ ամենակարող
 Աստուծոյն Հօր և Որդւոյ և Հոգւոյն սրբոյ, և
 ի փառաւորութիւն ուղղափառ հաւատոյ, և
 յաճումն քրիստոնէական կրօնից, նոյն ամենա-
 կարող աստուծոյն իշխանութեամբը, և երա-
 նելի առաքելոցն Պետրոսի և Պօղոսի, և մեր իշ-
 խանութեամբն ու մեր եղբարց խորհրդակցու-
 թեամբը կը սահմանենք և կ'որոշենք՝ թէ՛ բա-
 րեյիշատակն Նշխաբէթ Գուրինկիոյ դքսուհին
 Սուրբ է և պէտք է որ արձանագրուի Սրբոց
 յիշատակարանաց մէջ. ուստի կ'արձանագրենք
 զինքը հոն և կը հրամայենք որ նաև ընդհանուր
 եկեղեցին անոր տօնախմբութիւնն ու պաշտօնը
 հանդիսաւոր կերպով կատարէ ամեն տարի ա-
 նոր մահուան օրը, զեկտեմբերի 13ին: Գար-
 ձեալ նոյն իշխանութեամբ կը շնորհենք մէկ
 տարուան և քառասուն օրուան ներողութիւն

այն ամենայն հաւատացելոց որոնք ճշմարտապէս ապաշխարելով կը խոստովանին ու յայց կ'երևեն Ազդիսաբեթի շիրմին » :

Քահանայապետն այս վերջին խօսքերս լմնցնելուն պէս, մէկէն երգիծներն և ամեն զանգակները սկսան հնչել: Քահանայապետն ալ խոյրը գլխէն հանելով՝ շնորհակալութեան Զքեզ Աստուած գովաբանեսք երգն սկսաւ երգել, զոր բոլոր ժողովուրդը միաբան երգեցին ջերմեռանդն և անուշ ձայնով: Յետոյ բարձր ձայնով սարկաւագ ծիրանաւորն կանչեց. « Բարեխօսե մագի համար, ով սրբունիդ Եղիսաբէթ, ալէքոշիա »: Քահանայապետն այն ատեն բերնուց ըսաւ այն աղօթքը զոր ի պատիւ նոր սրբոյն շարագրեր էր: Աերջը սարկաւագ ծիրանաւորն խոստովանիմ առաջի Աստուծոյ աղօթքը ըսաւ, անմիջապէս առաքելոց անունէն ետքը դնելով Ազդիսաբեթի անունը. քահանայապետն ալ տուաւ սովորական օրհնութիւնն և արձակումը, յիշելով զԱզդիսաբեթ այն տեղը ուր խօսած էր սրբոց արդեանցը և աղօթիցը վրայ: Ետևով հանդիսաւոր ձայնաւոր պատարագը կատարուեցաւ, ու վերաբերութեան ժամանակը դատաւոր ծիրանաւորներէն երեքը ետևէ ետև խորհրդաւոր նուէրներն ընծայեցին. մում, հաց, գինի և երկու տատրակ իբրև նշանակ ներանձնական և հոգևորական կենաց. երկու աղանի՛ ի նշան գործունեայ կենաց, տակայն մաքուր սուրբ և հաւատարիմ, և փոքրիկ թռչնոց վանդակ մը զորոնք թողուցին թռչել ազատ դէպ ի երկինք ի նշան սուրբ հոգւոց առ աստուած թռչելուն:

Բերուճիա քաղքին Գոմինիկեան վանքին մէջ, ուր այս հանդիսաւոր արարողութիւնը կատարուեցաւ, մէկէն ի պատիւ նոր սրբոյն խորան մը կանգնեցին. որուն սրբազան քահանայապետը երեսուն տարուան ներողութիւն հաստատեց անոնց համար որ հոն կ'աղօթեն: Հոն եղաւ առաջին սրբավայրը ուր երանուհւոյն Եղիտաբէթի պաշտօնը մեծահանդէս կատարուեցաւ. և այն օրէն սկսեալ նոյն վանքին կրօնաւորքը միշտ մեծարեցին և փառաւորեցին մեծ հանդիսով անոր տօնախմբութեան օրը, իրեն պատուոյն համար յօրինուած շարականներն երգելով նոյն ներդաշնակ եղանակներով, ինչպէս որ իրենց հօրը սրբոյն Գոմինիկոսի տօնախմբութեան օրը կը կատարէին:

Այս տօնախմբութեանս աւելի արտաքին փառաւորութիւն մը տալու համար, Գոնրատ դուքսը իւր սեղանը հրաւիրեց երեք հարիւր կրօնաւորք, և շրջակայքն եղող խիստ շատ վանքերու, անապատականներու՝ հաց, գինի, ձուկ և կթեղէն զրկեց, մանաւանդ Քլարեան կուսանաց, որոնց նոր սուրբը կարծես թէ մասնաւոր պաշտպան պիտի ըլլար յերկինս, ինչպէս որ իրենց նախանձորդը եղեր էր երկրիս վրայ: Ասկէ զատ հազարաւոր աղքատաց և անոնց ամենուն՝ որոնք իրմէ ողորմութիւն կը խնդրէին անխտիր առատ օգնութիւններ զրկեց, միս, հաց, գինի և ստակ. ոչ եթէ իր յատուկ անուամբը, հասպատեւոնեան ասպետաց կարգին անուամբը, և մասնաւորապէս ի պատիւ անոր՝ որ ամենայն աղքատաց այնչափ առատաձեռն եղեր էր: Անտարակոյս սյս էր զանիկայ պա-

տուելու լաւագոյն միջոցը և աւելի հաճոյականն անոր գորովալից խնամոցը: Արնանք գուշակել թէ որչափ մեծ եղած պիտի ըլլայ այն աղքատ մուրացիկներուն ուրախութիւնը, որոնց ազնուատոհմ և սուրբ օտարականին համբաւը այսպիսի անկարծելի և բարերար կերպով մը յայտնուեցաւ: Գոնրատ դքսին այս առատաձեռնութիւնը այնչափ հաճոյ երեցաւ քահանայապետին, որ զանիկայ իւր սեղանը հրաւիրեց և իր քովը բազմեցուց, որ մեծ պատիւ մ'էր, և փառաւոր հացկերոյթ մ'ալ տուաւ անոր հետ եղողներուն: Երբ Գոնրատ հրաժեշտի ողջոյնը տուաւ Վերմանիա դառնալու համար, քահանայապետն անոր խնդրած ամենայն շնորհքները պարգևեց, որ էին յանուն բազմութիւ խնդրողաց, որ երկար ատենէ ի վեր փափաքանօք կը ցանկային: Յետոյ օրհնեց զԳոնրատ, և համբուրեց զնա շատ արտասուօք:

Նոյն տարւոյն յունիսի Աին, քահանայապետը սրբացուցման կոնդակը հրատարակեց, որ մէկէն զրկուեցաւ իշխանաց և եկեղեցւոյ ամենայն եպիսկոպոսաց, և շուտով Վերմանիա հասնելով՝ մեծ եռանդեամբ ընդունուեցաւ ժողովըրդէն: Ա'երեւայ թէ նախ Լըֆուրդ քաղքին մէջ հրատարակուեցաւ, ուր տասն օր հանդիսաւոր տօնախմբութիւն մը կատարուեցաւ. և այն օրերուն մէջ աղքատաց շատ շատ ողորմութիւն տրուեցաւ: Մայանսի արքեպիսկոպոսը՝ շուտով սրբոյն մարմնոյն փոխադրութեան օրը որոշեց և մինչև առաջիկայ դարունը թողուց, որպէս զի եպիսկոպոսաց և Վերմանիոյ հաւատացելոյ ժամանակ տրուի Մարպուրկ երթա-

լու և Հանդիսին ներկայ գտնուելու համար :
 1236 մայիսի առաջին օրը այս բանիս համար
 որոշուեցաւ . որ երբ մտեցաւ՝ Մարպուրկ փոք-
 ըրիկ քաղաքն և անոր շրջակայքը գտնուող քա-
 ղաքները հաւատացելոց բազմութեամբ լեցուե-
 ցան , ամենայն աստիճանի մարդիկնէրով : Եթէ
 հաւատալու ըլլանք ժամանակակից պատմա-
 գրաց , տասուերկու հարիւր հազար քրիստո-
 նեայք ժողովուեցան հաւատով և եռանդեամբ՝
 խոնարհ Եղիսաբէթի շիրմին քով : Արծես թէ
 ամենայն ազգէ և ամենայն լեզուէ մարդ հոն
 կար : Բազմութիւ ուխտաւորներ , արք և կանայք ,
 հոն եկեր էին ի Գաղղիոյ և ի Բոհէմիոյ և սրբ-
 բոյն հայրենիքէն ի հեռաւոր Հունգարիոյ : Ի-
 րենք ալ զարմացան իրենց անթիւ բազմութեա-
 նը վրայ երբ Մարպուրկ հասան . և կ'ըսէին թէ
 շատ դարերէ ի վեր այնչափ բազմութիւն չէին
 տեսած , ինչպէս հիմա զսրբուհին Եղիսաբէթ
 և իւր մարմինը պատուելու համար եկեր էին :
 Գուրինկիոյ արքունական բոլոր դերդաստանը
 բնականաբար հոն ժողովուեր էր : Սոփիա դքս-
 սուհին , Հենրիկ և Գոնրատ իշխանները կարգէ
 դուրս ուրախութեամբ լեցուեցան որ կրցան
 այսպիսի հանդիսաւոր կերպով քաւել իրենց
 յանցանքը , թէպէտև նա ազնուաբար ներողա-
 միտ եղեր էր անոնց անիրաւութեանցը : Հոն
 էին իր չորս փոքրիկ որդիքը բազմութիւ իշխան-
 ներու պարոններու , քահանայից , կրօնաւորաց
 և եկեղեցականաց հետ : Անոնց մէջը նշանաւոր-
 ներն էին բաց ի Մայանսի արքեպիսկոպոսէն՝
 որ նախագահ էր հանդիսին , Գոլոնխայի , Գրէ-
 լի , և Պրեմի արքեպիսկոպոսները : Նաև Համ-

պուրկի, Հալպէրշտատի, Մէրսեպուրկի, Պամպերկի, Վորանի, Շքիբի, Բատերպոռնի և Հիլտէշայմի եպիսկոպոսները: Վերջապէս Փրեդերիկոս Բ. կայսրն ալ, որ իւր զօրութեանն և փառացր ծայրը հասեր էր, քահանայապետին հետ հաշտուած, և դեռ նոր ամուսնացած Անգղիոյ Իզապէլ հրաշագեղ օրիորդին հետ, ալ մէկդի դրաւ իւր ամենայն զբաղմունքները և զինուորական արշաւանքը. և զիջանելով այն բերմանը որ գրգռելով ի Մարպուրկ կը տանէր իր հպատակներէն խիստ շատերը, եկաւ հրապարակապատուելու զանիկայ՝ որ ինքզինքը աստուծոյ ընծայելու համար՝ չէր ուզած իւր ձեռքը:

Տեսոնեան ասպետներն լսելով կայսեր հոն հասնիլը, կարծեցին որ պիտի չկարենան անոր առջև սրբոյն մարմինը հողէն հանել. ուստի որոշեցին որ սահմանեալ օրէն քանի մ'որ առաջ կատարեն հանդէսը: Երեք օր առաջ Ուլխի առաջնորդը եօթը կրօնաւորներով գիշերանց եկեղեցին մտաւ ուր Եղիսաբեթի մարմինը կը հանգչէր, և ամենայն դռները ինսամբով փակելէն ետքը, գերեզմանին փոսը զգուշութեամբ բացին. և հազիւ թէ շիրմին վրայի քարը վեր առին, գեղեցիկ և սքանչելի անուշահոտութիւն մը բուրեց անոր պատուական նշխարներէն: Արօնաւորք վերջի աստիճանի զարմացան աստուածային սիրոյն այս առհաւատչեային վրայ, մանաւանդ զի լաւ գիտէին որ առանց անուշահոտութեան թաղեր էին զԵղիսաբեթ: Այս պատուական և սուրբ մարմինն ամբողջ գտան, առանց ասպականութեան կամ փճանալու նշան մը ունենալու, թէպէտ և հինգ տարի կար որ

հողին մէջն էր. դեռ ձեռուրները խաչաձև բռներ էր կուրծքին վրայ: Մէկմէկու կ'ըսէին թէ անտարակոյս այս փառիուկ և պատուական մարմինն ապականութեան կամ դարշէլի մահուան հոտ չէր հոտեր, որովհետև կենդանութեանը ժամանակ արհամարհներ էր ամենայն աղտոզութիւն և դարշութիւն առ ի սփոփել զաղքատս: Յետոյ դադարէն դուրս հանեցին, ծիրանեգոյն պատմուձանով մը փաթտեցին, և կապարէ սնտուկի մը մէջ դնելով՝ դարձեալ նոյն փոսին մէջ իջուցին առանց դոցելու, որպէս զի առանց շատ դժուարութեան կարենան հանդիսին օրը դուրս հանել:

Աերջապէս մայիսի Աին առաւօտը կանուխ, խուռն բազմութիւնը եկեղեցոյն շրջակայքը ժողվուեցաւ, անանկ որ կայսրն իրեն որոշեալ տեղն երթալու համար, շատ մեծ դժուարութիւն կրցաւ խուռն ամբօխը ճեղքել ու անցնիլ: Կարգէ դուրս խոնարհ և եռանդուն ջերմեռանդութիւն մը կ'երևէր իր վրայ. բոկոտն էր և մթնագոյն զգեստ մը հագած, ինչպէս որ էր ժամանակաւ փառաւորեալ սրբուհի Աղիսաբէթը, զոր կը մեծարէր. իսկ գլուխն արքունական սրահ գրեր էր: Չորս կողմը իշխանք և տէրութեան կայսրընտիրները կեցեր էին. անոնք ալ նմանապէս իրենց սրահը գլուխնին, ինչպէս նաև եպիսկոպոսներն և աբբաներն ալ իրենց խոյրերովը: Այս հանդիսաւոր թափօրը սկսաւ դէպ ի սրբուհի Աղիսաբէթին գերեզմանը առաջ շարժիլ: « Այն ատենը, կ'ըսէ պատմիչներէն մէկը, սրբուհին Աղիսաբէթ իր երկրիս վերայ ունեցած ամեն նեղութեան և խոնարհու-

Թեան հատուցումն ընդունեցաւ փառօք և պա-
տուով » : Այսորն ուզեց ամենէն առաջ իջնալ
փոսին մէջ, և վերջընել անոր մարմինը ծած-
կող քարը . նոյն սուրբ և երկնային անուշահո-
տու թիւնը որ արդէն զարմացուցեր էր զկրօնա-
ւորս, մէկէն տարածուեցաւ բոլոր հոն եղողնե-
րուն վրայ, ու անոնց բարեպաշտու թեան եռան-
դուն զգացմունքը ակ աւելի աճեցուց : Եպիս-
կոպոսներն փափաքեցան անձամբ հանել փո-
սէն այն սուրբ և նուիրական մարմինը : Այսորն
ալ իրենց օգնեց . եռանդեամբ համբուրեց ա-
նոր մարմինը ամփոփող սնտուկը, ու անոնց հետ
վեր վերուց : Եպիսկոպոսաց կնքովը կնքուելէն
ետքը հանդիսով իրենց ու կայսեր ձեռքովը,
նուագարանաց ձայներով բերուեցաւ մինչև այն
տեղը զոր պատրաստեր էին զինքը ժողովրդեան
տեսութեանը զնելու համար :

Եռանդուն անհամբերութիւն մը կը բորբո-
քէր հազարաւոր հաւատացեւոց սիրտը, որ կը
փափաքէին տեսնել մէյմբ անոր սուրբ նշխար-
քը, մօտենալ՝ դարչիլ ու դիւրութեամբ համ-
բուրել : « Ա՛վ երջանիկ երկիր, կ'ըսէին, որ հան-
գիտ եղաւ այսպիսի սուրբ մարմնոյ մը և պահա-
պան գանձու մը . ո՛վ երջանիկ ժամանակ, յո-
րում այսպիսի գանձ մը յայտնուեցաւ » : — Երբ
թափօրը ժողովրդեան մէջ հասաւ, երբ տեսան
այն պատուական մարմինը զոր կայսրը, իշխան-
ներն ու եպիսկոպոսունք իրենց ուսոցը վրայ կը
կրէին, երբ անոր մարմինէն բուրած անուշա-
հոտութիւնն առին, իրենց սրտին եռանդանն ակ-
շափ չմնաց . սկսան ամենքը մէկ բերան աղաղա-
կել : « Ա՛վ նուիրական մարմին, որ այնչափ պա-

տիւ գտար աստուծոյ քով, ու այնչափ զօրու-
 թիւն ի բժշկել զմարդիկ, ո՞վ կրնար չառնու-
 անուշահոտութիւնդ ու քեզի չդիմել: Թող հե-
 րեփկոսները դողան ու նենգաւոր հրեաները
 սարսափին. Ազղիսաբէթի հաւատքը զանոնք ա-
 մենքն ալ տակն ու վրայ ըրաւ: Մնիկայ զոր յի-
 մար կը կարծէին, ահա իւր յիմարութեամբն
 ամբօջուց երկրաւոր իմաստութիւնը. հրեշ-
 տակք մեծարեցին անոր գերեզմանը, և ահա-
 ւասիկ բոլոր ժողովուրդը հոն կը վազէ. մեծ իշ-
 խաններ և նոյն իսկ Հռովմայեցոց կայսրը կը
 խոնարհի անոր այցելութեան կու գայ: Տեսէք
 աստուածային մեծվայելութեան ողորմութիւ-
 նը. անիկայ որ կենդանութեան ատեն կ'արհա-
 մարհէր զփառս աշխարհի, ու մեծերուն ընկե-
 րութենէն կը փախէր, ահա հիմա կը մեծա-
 րուի քահանայապետէն ու կայսրէն: Մնիկայ որ
 միշտ յետին տեղն ընտրեց, գետնի վրայ նստաւ
 ու հողերուն վրայ քնացաւ, ահա հիմա արքու-
 նական ձեռքեր զինքը կը տանին ու կը փառա-
 ւորեն: Եւ յիրաւի, վասն զի աղքատ եղաւ ու
 ամեն ունեցածը ծախեց, որպէս զի արքայու-
 թեան անդիւտ մարգարիտը գնէ »:

Արքուհոյն մարմինը ժողովրդէն մեծարուե-
 լու համար՝ մէջտեղը դնելով, հանդիսաւոր պաշ-
 տօն մատուցին ի պատիւ նորա. ու անոր համար
 յատուկ ձայնաւոր պատարագը Մայանսի ար-
 քեպիսկոսոսն մատոյց: Աերաբերութեան ժա-
 մանակ կայսրը մօտեցաւ դադաղին ու ոսկեղէն
 պսակ մը Ազղիսաբէթի գլխուն վրայ դնելով՝ ը-
 սաւ. « Արովհետեւ չկրցայ կենդանութեանդ ա-
 տեն պսակել զքեզ իբրև իմ կայսրուհիս, գէթ

կ'ուղեմ այսօր պսակել անմահ թագուհի երկնից արքայութեանը մէջ»։ Ոսկիէ բաժակ մըն ալ ընծայեց զոր իւր խնջոյից ատեն կը գործածէր, յորում ետքէն սրբուհւոյն գանկը ամփոփուեցաւ։ Ետքը կայսրն անձամբ հօն բերաւ երիտասարդ Հերմոն դուքսը, որ սրբուհւոյն զաւակն էր. կայսրուհին ալ երկու երիտասարդ իշխանուհիքը զՍուրիա և զԱերդրուտա։ Սուրիա դքսուհին և իր Հենրիկ ու Գոնրատ որդիքն ալ նոյնպէս մօտեցան անոր փառաւորեալ նշխարացը, զոր առաջ այնչափ անգամ արհամարհեր էին, և հօն երկար ատեն աղօթելով՝ հարուստ ընծաներ պարզւեցին։ Ազնուականներն ու ժողովուրդը խուռն բազմութեամբ կը դիմէին այն խորանն՝ ուր Եղիսաբէթի մարմնոյն սնտուկը դրուեր էր, ու իրենց ընծաներն առատաբար անոր կը նուիրէին։ Աարգէ դուրս եղաւ այս ընծաներն իրենց շատութեամբն և հարստութեամբը. բարեպաշտ հաւատացելոց եռանդը գոհ չէր ըլլար զարդարելով և գեղեցկացրնելով այն ծաղկազարդ հրաշից մահիձը՝ ուր կը ննջէր սրբուհին Եղիսաբէթ։ Աանայք իրենց մատանինները, կուրծքին վրայի զարդերն ու ամեն տեսակ ակունքներն անոր կու տային, ուրիշներն ալ սկիհներ, ճաշոցներ, պատարագի զգեստներ կը նուիրէին այն մեծ և գեղեցիկ եկեղեցւոյն զոր կը փափաքէին շուտով մը կառուցանել ի պատիւ նորա, որպէս զի իրեն պատշաճ փառքովը հանգչի հօն, և աւելի շուտով կատարէ իրեն բարեխօսութեանն ապաւինող հաւատացելոց աղաչանքը։

Սակայն նոր նշան մը հիացուց հասարակաց

մեծարանքն, և ցրցուց աստուծոյ խնամոց մեծութիւնն ի փառս սրբոյն: Երկրորդ առաւօտը սրբուհւոյն մարմնոյն սնտուկը բանալով՝ որ եպիսկոպոսաց կնքովը կնքուէր էր, ողողուած գտան զայն կարգէ, դուրս ազնիւ և ընտիր իւղով, որ էն պատուական նարդոսի նման անուշահոտութիւն մը կը բուրէր: Այս իւղը շիթառ շիթ սրբոյն ոսկորներէն կը կաթէր իբրև բարեբար ցօղ երկնից. և երբ կը ժողվէին այս կաթիլներն կամ կը սրբէին, անզգալի կերպով ուրիշ կաթիլներ կը յաջորդէին անոնց տեղը. կարծես թէ շողոյ պէս անոր ոսկորներէն կը ծաւալէր այս իւղը: Այս տեսարանիս թէ՛ եկեղեցականք և թէ՛ հաւատացեալք նոր երախտագիտութիւն մը իմացան առ աստուած որ հեղինակն էր այնչափ և այնպիսի սքանչելեաց, և նոր զարմանք մ'աւելցուցին անոր վրայ որ նըպատակ եղեր էր այն հրաշներուն. և այն ազդեցութեամբն որ հաստատուն հաւատքէ մը առաջ կու գայ, մէկէն հասկըցան այս խորհրդաւոր երևոյթին իմաստը: «Ո՛վ գեղեցիկ և պատուական նշան, ազաղակեցին, արժանի անոր և համաձայն մեր ամենուս աղօթքին: Այս ոսկորներն որ դործածուեցան և խորտակուեցան այնչափ բարեպաշտ կըթութեամբք և մահացուցմամբք՝ քաղցր անուշահոտութիւն մը կը բուրեն, իբրև թէ խորտակած ըլլային այն ալասպատդրը յորում կ'ամփոփուէր սրբուհւոյն Մագդաղենացոյ պատուական բալասանը: Իւր մարմինը քաղցր և սուրբ իւղ մը կ'արտահոսէ, որովհետև իր բոլոր կենացը մէջ ուրիշ բանի ետևէ չէր՝ բայց եթէ առ ի սփոփել զաղ-

քատս և բարի գործեր ընել, և ինչպէս որ իւզը որ և իցէ հեղուկներու հետ խառնուելով՝ անոնցմէ վեր կը կենայ, այսպէս ալ գթութիւնը քան զամեն նմանները կը գերազանցէ աստուծոյ դատաստանաց առջևը: Աւելի ոտքէն կ'ելլէ իւզը, որովհետև շատ անգամ աղքատաց հիւղերը կ'երթար, և ուր թշուառ մը տեսնէր՝ կը ջանար փութիել զնա: Այս սիրելի սրբուհին Եղիսաբէթ իբրև գեղեցիկ և պարարտ ձիթենի մը ծաղկեալ և անուշահոտ առաքինութիւն, ընդունեցաւ ի պարգև իբրև իւղ լուսաւորելու՝ մնուցանելու և բժշկելու: Որչափ ախտացեալք, որչափ տկար և թշուառ մարդիկ բժշկեց իր ողորմութեամբը և իւր սրբութեան օրինակովը՝ որչափ հազարաւոր աղքատներ մնուց և յագեցուց իր բերնին հացովը, որչափ առատաձեռնութեամբ լուսաւորեց բովանդակ եկեղեցին: Յիրաւի ուրեմն այս փափուկ հեղուկը, այս անուշահոտ իւզը կը յայտնէ անոր սրբութիւնն որ գիտցաւ մաքրել այսպիսի սուրբ պայծառութեամբ, բժշկել այսչափ քաղցրութեամբ, սրնուցանել այսչափ առատաձեռնութեամբ և իր բովանդակ կենացը մէջ ամեն տեղ ծաւալել այսպիսի քաղցրահոտութիւն մը »:

Այն պատուական իւզը՝ ժողովուրդը բարեպաշտ խնամքով և միանգամայն կարգէ դուրս եռանդեամբ ժողվեց. որուն գործածութեամբը շատ բժշկութիւններ եղան ծանր ախտերու և վտանգալից վերքերու:

Այնչափ երկնային նպաստներ զոր եկեղեցւոյ գերագոյն քահանայապետը իր հաւանութեամբը հաստատեց, և այնքան պատիւներն

որ այսպիսի հանդիսաւոր և փառաւոր կերպով նոր սրբութեան համար սահմանուեցան, ալ աւելի աճեցուցին հաւատացելոց թիւն և եռանդը, որ կու գային խնդրելու անոր գերեզմանէն կամ սնունդ մը իրենց աստուածապաշտութեանը, և կամ դեղ մը իրենց ցաւոցը: Իր փառքը շուտով ծաւալեցաւ բոլոր քրիստոնեայ աշխարհին մէջ, և բազմաթիւ ուխտաւորներ անդադար Մարպուրկ կը յաճախէին, ինչպէս Եւրոպիոյ ամեն քաղաքներէն կը դիմեն ի շիրիմ սրբոյ առաքելոյն Յակովբայ Ամսպոստելայ:

Այն գորովալից հաւատոց արդիւնքն եղան բազմաթիւ հրաշներ որ կը գրգռէին այնպիսի երկար և դժուարին ճամբաներ կտրել տալու այնչափ թշուառ հաւատացելոց: Անոնց ամենուն մէջէն, որոնք սրբոց վարքն ու ժամանակագիրք մեզի մանրամասն աւանդեցին, կ'ուզէնք երկուքը միայն մէջ բերել, որոնք շատ սրբտաշարժ մեզի կ'երևին և կը ցուցնեն թէ որ աստիճանի սրբութեան Եղիսաբէթի ընծայուած հաւատքը և սէրը, շուտով տարածուեցաւ և արմատացու մինչև ի հեռաւոր գաւառս:

Անտարակոյս Եղիսաբէթի պաշտօնն ամեն տեղէ աւելի ի Հունգարիա պիտի փառաւորուէր ուր արդէն ծներ էր ալ և բնականապէս իր սուրբ վարուց պատմութիւնն և սրբացումն համբաւը սաստիկ և եռանդուն զարմանք և ուրախութիւն պիտի պատճառէր այն երկրին՝ որուն ինքը մասնաւոր կերպով կը վերաբերէր: Արդ այն ժամանակները Հունգարիոյ Արան քաղաքին մէջ երկու յարգելի և բարեպաշտ ամուսինք կային, որոց մէկ հատիկ դուստրը տը-

դայութեան մատղաշ հասակին մէջ վախճանեցաւ : Տղուն հայրն ու մայրը կարգէ դուրս ցաւ զգացին անոր մահուանը վրայ . և շատ արտասուեւէն և հառաչեւէն ետքը քնացան : սակայն չկարենալով անոր յիշատակն իրենց սրտին մէջ խղզել՝ գիշերուան մէկ մասը մէկմէկու հետ իրենց ցաւոցը վրայ խօսեցան : Տղուն մայրը նորէն քիչ մը քուն ըլլալով՝ տեսիլք մը տեսաւ որ իրեն ազդեց շուտով տանիլ իր մեռեալ դասեր մարմինն ի շիրիմ՝ սրբուհւոյն Աղիսաբէթի ի Գերմանիա : Արթնալով վտահացաւ յատուած և ըսաւ իր ամուսնոյն . « Ձթաղէնք աղջիկնիս , այլ փութանք տանինք զնա հաւատքով սրբուհւոյն Աղիսաբէթի շիրիմը զոր աստուած կը փառաւորէ այսչափ հրաշիւք , որպէս զի իր բարեխօսութեան զօրութեամբը ողջըննայ » . և մուսինն համոզուեցաւ իր կնոջ եղած ազդեցութեանը : Արկրորդ առաւօտը երբ ամենքը կը սպասէին տղուն մեռեալ մարմնոյն թաղման տըխուր հանդէսը տեսնելու , անոր հայրը և մայրը շատ զարմացուցին զիրենք երբ փոխանակ թաղելու՝ կողովի մը մէջ գրին , և այնպէս ճամբայ ելան Աղիսաբէթի շիրիմն երթալու , առանց ուշ դնելու հոն ներկայ եղողներուն խօսքերուն : Արեւուն օր ճամբորդութիւն ըրին՝ արցունքով , հոգերով և շատ դժուարութեամբ . բայց այն օրերը լմրննալէն ետքը , աստուած գթաց իրենց հաւատոց և ցաւոցը վրայ , և անալով սրբուհւոյն Աղիսաբէթի արդեանցը , զրկեց տղուն անմեղ հոգին իւր անկենդանի մարմնոյն մէջ և կենդանացուց զնա : Թէպէտև իրենց ուրախութիւնն անսահման եղաւ , սակայն ծնողքը չու

զէցին անկատար թողուլ իրենց երկար պան-
դրխտութիւնն առ սրբուհին Աղիսաբէթ. ուս-
տի իրենց յարուցեալ դուստրն առին ու մինչև
Մարտուրի տարին: Հոն իրենց շնորհակալու-
թիւնը մատուցանելէն ետքը, նորէն Հունգա-
րիա դարձան վայելու իրենց անկարծելի ուրա-
խութիւնը: Ժամանակ անցնելէն ետքը՝ այս աղ-
ջիկն ընկերացած Հունգարիոյ թագաւորի մը
հարսնացու աղջըկան մը հետ Վերմանիա գնաց:
Ռադիզպոն հասնելով՝ հարսնացուն կին եղաւ
Պառիերայի դքսին. իսկ ինքը՝ Վոմինիկեանց վան-
քը մտնելով՝ անոնց արքայուհին եղաւ, և մեծ
սրբութեամբ կ'անցընէր իր կենաց օրերը՝ երբ
Թէոդորիկ գրեց իր պատմութիւնը:

Եւրոպիոյ միւս ծայրը յԱնգղիա, նոյն ատեն
ները ազնուատոհմ տիկին մը կար, որ յետ քը-
սան տարի իւր ամուսնոյն հետ ապրելէն, առանց
անկէ զաւակ մը ունենալու կորսնցուց զայն, որ
մեծ ցաւ պատճառեց իրեն: Իւր այրիութիւնը
և առանձնութիւնը սփոփելու համար, մթնա-
գոյն զգեստ մը հագաւ, մազերը կտրեց և եր-
կոտասան աղքատ տղաք իրեն որդեգրեց. զա-
նոնք իր տանը մէջ բնակեցընելով, անոնց կե-
րակուրը կը հոգար, կը հագուեցընէր զանոնք,
կը լուար և կը ծառայէր իր յատուկ ձեռքովը:
Ուր որ իրեն աղքատ մը կամ խեղճ մարդ մը
պատահէր՝ շատ կ'ախորժէր և կը սիրէր անոր
ողորմութիւն մը տալ աստուծոյ և սրբուհոյն
Աղիսաբէթի սիրուն համար. վասն զի շատ ան-
գամ լսեր էր Աղիսաբէթի համբաւը, անոր
համար աշխարհիս մէջ ամեն բանէն աւելի, և
աստուծոյ ուրիշ ամեն սուրբերէն վեր զանիկայ

կը սիրէր: Անոր յիշատակը միայն ոչ երբէք սրբ-
տէն կը հեռանար, և գիշեր ու ցորեկ չէր դադ-
րեր անոր երջանիկ կենացը վրայ մտածելէն:

Այսպէս ուրեմն ապրելով այս ազնուա-
տոհմ և բարեպաշտ տիկինն ալ վախճանեցաւ,
և երբ ամենուն կարգէ դուրս ցաւ մը պատճա-
ռեց անոր մահուան լուրը, խոստովանահայրը
անոր վրայ լացողներուն ըսաւ թէ զանիկայ սրբ-
բուհւոյն Աղիսաբէթի շիրիմը պէտք է տանիլ,
որովհետեւ արդէն կենդանութեանը ժամանակ
ուխտ ըրեր է եղեր երթալու: Հնազանդեցան
խորհրդոյն. ծովն և ընդարձակ երկիրներ կրտ-
րելով և եօթը շաբաթ ճամբորդութիւն ընե-
լով, անոր մարմնոյն հետ Մարագուրկ հասան:
Մեծ եռանդեամբ սրբուհւոյն դիմելէն ետքը,
բարեպաշտ տիկնոջ մարմինն յանկարծ կենդա-
նացաւ ու այս խօսքս ըսաւ. « Ո՛հ, ինչպէս եր-
ջանիկ եմ. սրբուհւոյն Աղիսաբէթի բազկացը
մէջ հանգչեցայ »: Իր բարեկամներն ուղեցին
զանիկայ նորէն Անգղիա դարձնել. իսկ ինքը
չուղեց հեռանալ իւր երկնաւոր բարեկամին
նուիրական տեղերէն. տասնըհինգ տարի ապ-
րեցաւ բոլորովին սուրբ կեանք մը վարելով, իւր
խոստովանահօրէն զատ ամենեւին ուրիշ մարդու
մը հետ չխօսեցաւ: Օր մը երբ քահանայն իրեն
հարցուց թէ ինչ բանի համար լուռ կը կենար,
պատասխանեց անոր. « Արբոր կը քնանայի Ա-
ղիսաբէթի բազկացը մէջ, այնչափ մեծ էր ու-
րախութիւնս, որ ալ ուրիշ մտածմունք մը չու-
նէի, բայց միայն թէ ինչպէս պիտի կարենամ
ձեռք ձգել այն յաւիտենական երջանկութիւ-
նը »:

Սրբուհւոյն Եղիսաբեթի մարմինը գրեթէ երեք դար լի այսպիսի քաղցր և սրտաշարժ յիշատակօք մնաց այն սքանչելի և փառաւոր եկեղեցւոյն մէջ, միշտ Տեօննեան կարգին ասպետացր պաշտպանութեանը տակ, որոնք միշտ խաչակիրք էին վասն հաւատոյ: Միայն սիրտը, իւր ամենէն աւելի ազնուական մասը, Քամպրէի եպիսկոպոսը խնդրեց և ընդունեցաւ. և մեծ հանդիսով փոխադրեց իր եպիսկոպոսական քաղաքը, և մայր եկեղեցւոյն մէջ խորանի մը վրայ գրաւ: Ոչ պատմութիւնն և ոչ աւանդութիւնը կը յիշատակեն թէ ինչ պատճառաւ արդեօք Պերմանիոյ հաւատացեալքը յանձն առին զրկուիլ այնպիսի պատուական գանձէ մը, զրկելով զայն օտար և հեռու երկիր մը: Բայց ո՞վ չնկատեր հոս նախախնամութեան խորհրդաւոր կարգաւորութիւնն որ կ'ուզէր որ այս գորովալից և մաքուր սիրտն երթայ սպասէ ի Քամպրէ իրեն յարմար և իւր խոնարհութեան և ողորմածութեան արժանաւոր սրտի մը, և առաստուած ունեցած եռանդուն սիրովը. — Ֆենելոնի սրտին:

Այսպէս Եղիսաբեթի պաշտօնը բոլոր քրիստոնեայ աշխարհին մէջ ծաւալեցաւ. և մինչդեռ մէկ կողմէն հազարաւոր ուխտաւորներ կը մեծարէին անոր շիրիմը, միւս կողմէն բազմութիւ եկեղեցիներ կը շինուէին հեռու տեղեր, ամենն ալ իւր յիշատակին և անուանը նուիրուած. ամեն տեղ և մասնաւորապէս Վրէլ, Սզրազպուրի, Վասսէլ, Ուինչսդըր, Բրակա. և բոլոր Պելճիային մէջ վանքեր, հիւանդանոցներ, բնական և բարոյական հիւանդութեանց

ապաստաններ շինուեցան, միշտ իրենց առաջ նորդ և պաշտպան ունենալով զԱղիսաբեթ:

Մէն-Ապլի արքայն՝ Աղիսաբեթի խոստմունքը յիշելով, որ իւր պատրանացը ժամանակն ըրեր էր, ըլլալու միշտ իր փաստաբանն առատուած, չտարակուսեցաւ թէ երկինքը երկրէս աւելի հաւատարմութեամբ պիտի կատարէր իրեն խոստմունքը. և անոր յիշատակին խորան մը նուիրեց, և մատուռ մը կանգնեց իր վանքին ներքին գաւթիքներուն մէկուն մէջ: Հունգարիա, որ սրբոյն հայրենիքն էր, Գասդոյ քաղաքին մէջ մեծապայծառ եկեղեցի մը կառուցին ի պատիւ նորա. Գուրինկիոյ երկրէն բազմաթիւ Գերմանացիք այն ատենները Վերին Հունգարիոյ այս քաղաքը գնացին. և սուրբ դքսուհոյն համար ունեցած ջերմեռանդութիւննին բնական կապ մ'եղաւ իրենց նոր և հին հայրենեացը: Ստեփանոս Ե թագաւորը, Աղիսաբեթի քեռորդին, եռանդեամբ օգնեց այն շէնքին կառուցմանը համար, որ քիչ ատենէն ամենէն աւելի գեղեցիկ ճարտարապետական շէնքն եղաւ բոլոր տէրութեան մէջ. և իր յաջորդացը մէջ ամենէն աւելի համբաւաւորը՝ հնգետասաներորդ դարուն մէջ, Մատաթիա Գորվին, հարստացուց և գեղեցկացուց զայն սքանչելի և փառահեղ ամպհովանիով մը:

Սրբազան քահանայապետին հաւանութեամբը սրբուհոյն տօնախմբութեան օրը մեծ թափօրով և մասնաւոր խնամքով տօնուեցաւ բոլոր եկեղեցւոյն մէջ և ուրիշ մէկ քանի տեղուանք: Հիտէշայմի վիճակը մասնաւանդ շատ հուշակաւոր եղաւ իւր այն փառաւոր հանդիսովը՝ որով

այն գեղեցիկ օրը տօնախմբեց, և նմանապէս երգոց ներդաշնակութեամբը որ կը հնչէին Եղիսաբէթի պատուոյն համար գեղեցիկ մայր եկեղեցւոյն մէջ, որ Բարեմոյն Լուգովիկոսի սկալածե վարդէնւոյն շրջակայքը ի պատիւ Մարիամու շինուած էր: Իննուկէնաթիոս Վ. դեռ հազիւ քահանայապետական ասթուռն ելած, մէկ տարուան և քառասուն օրուան ներողութիւն շնորհեց անոնց ամենուն՝ որ այց պիտի ելնէին Մարպուրկի եկեղեցւոյն և Եղիսաբէթի գերեզմանին՝ աւագ շաբթուն իրեք վերջի օրերուն մէջ: Քսէստոս Վ. յիսուն տարուան և նոյնչափ քառասնորդաց ներողութիւն շնորհեց ամենայն հաւատացելոց որ ապաշխարելով և խոստովանանք ըլլալով՝ այց ելնեն սրբոյն Փրանկիսկոսի կարգին եկեղեցիներուն ի պատիւ Եղիսաբէթի իր տօնախմբութեան օրը: Նոյն օրը՝ մինչև այս օրս կայ ի Հռովմ հարիւր տարուան համար ներողութիւն եօթը մայր եկեղեցիներուն երկուքին մէջ, այսինքն ի Սուրբ-Խաչ Երուսաղէմի, և ի Սրբուհի-Մարիամ Հրեշտակաց եկեղեցին. բաց անկէ լիակատար ներողութիւն Երրորդականաց եկեղեցւոյն մէջ, որ կը կոչուի սուրբ Կողմնա և Ղամիանոս՝ Հռովմայ հրապարակին մէջ: Վերջապէս նաև եկեղեցական պաշտամանց մէջ ալ՝ յորում պայծառապէս կը փայլի բրիտանական բանաստեղծութիւնը, ի պատիւ Եղիսաբէթի նուիրած կը տեսնենք ընտիր շարականներ, երգեր, զանազան աղօթքներ, և այլն, և այլն. մանաւանդ կրօնաւորաց, ինչպէս Ս. Փրանկիսկոսի, Ս. Ղովնիկոսի, Ախտերսեանց և Պրեմոնտրեանց կարգերն իրեն համար իւրաքանչիւրը մէյմէկ պաշտօն հաստատեցին:

Այս, աներկիր լուր մենք ալ կը գոչենք, սուրբք
 և սրբութիւն աստուծոյ, որպիսի փառք նման են
 ձեր փառացը. կամ ո՞ր մարդկեղէն յիշատակն
 այնչափ սիրուած, պահպանուած և նուիրական
 եղած է ինչպէս ձերը: Սակայն դուք չփնտուե-
 ցիք մարդկային փառքը, այլ զայն արհամար-
 հելը ձեր մեծագոյն պարծանքը սեպեցիք. ու
 ձեռք ձգեցիք այդ անմահ փառքը, երբ զայն
 ստբերնուդ տակն առնելու քաջութիւնն ունե-
 ցաք: Աշխարհակալք, օրէնսդիրք, մեծ մատե-
 նագիրք, հանձարաւոր մարդիկ, կամ բոլորու-
 վին մոռցուած են և կամ քիչ մը ատեն միայն
 յիշատակուած մարդուս ընդարձակածաւալ
 մտացը մէջ. իսկ դուք ընդհակառակն, ո՞վ եր-
 ջանիկ որդիք երկրի զոր կը փառաւորէք և երկ-
 նից զոր լի կ'ընէք ձեզմով, ծանօթ և սիրելի էք
 դուք ամեն քրիստոնէի. վասն զի դուք էք ա-
 նոնց պաշտպանը, մտերիմը, կենաց պահապանն
 և փարատիչն անոնց տրամութեանը. և ինչպէս
 անանց է սուրբ եկեղեցին, այսպէս ալ ձեր
 փառքը: Ամեն տարուան գէթ մէկ օրը նուի-
 րուած է ձեր յիշատակին. և այն օրը աշխար-
 հիս ամեն կողմերը, հազարաւոր քրիստոնէայք
 մէկզմէկ կը բարեւեն և իրարու կը բարեմաղ-
 թեն միայն անոր համար՝ որ ձեր անունը կրելու
 բարեբաղդութիւնն ունին. այն անունը զոր ա-
 մեն եկեղեցեաց մէջ բիւրաւոր ձայնք անմեղաց,
 սուրբ և մաքուր կուսանաց, քահանայից և սար-
 կաւագաց կ'օրհնեն, կը գովեն ու կը փառաբա-
 նեն. միով բանիւ սրբազան քահանայապետէն
 սկսեալ ինչուան յետին աղքատիկ ճգնաւորն
 իրեն խրճիթին մէջ նստած՝ անզուգական ներ-

գաշնակու թեամբ մը կը միացընեն ու կը խառ-
 նեն իրենց ձայնը հրեշտակաց սրբասացու թեան
 հետ: Ուրեմն իրաւունք ունինք մենք ալ, սուրբք
 և սրբուհիք աստուծոյ, գոչելու զարմացմամբ
 թէ որո՞նք փառքը հաւասար է արդեօք ձեր
 փառացը:

Սրբուհւոյն Աղիսաբէթի որդւոցը, ծնողացն ու իր ցեղէն
 եղած սրբոցը վըսց մեկ երկու խօսք.

Անշուշտ կը ներենն ընթերցողք Աղիսաբէթի
 տղոց վիճակին վըայ հոս համառօտ տեղեկու-
 թիւն մը տալու, նաև այն գլխաւոր անձանց՝ որ
 նշանաւոր եղան իր պատուական կենաց պատ-
 մութեանը մէջ:

Ատեւ, ետև այս աշխարհէս հրաժարողնե-
 րուն կարգին հետևելով, նախ կը գտնենք Ան-
 դրէաս թագաւորը, սրբուհւոյն Աղիսաբէթի
 հայրը, որ երբ իւր գատերը մահուան գուժը
 լսեց, կարգէ գուրս և խոր արտմութեան մէջ
 ընկղմեցաւ. և այն արտմութեան գլխաւոր պատ-
 ճառն էր իրեն չկարենայն ըստ արժանւոյն մե-
 ծարել և պատուել իր գատերն առաքինութիւ-
 նը, և դիւրաւ յանձն առնուլը թողուլ զնա հի-
 գութեան և արհամարհանաց մէջ: Սակայն ու-

նեցաւ այն բարեբաղդութիւնն և մխիթարութիւնը տեսնելու իւր աղջըկանը սրբութիւնը ծանուցեալ յեկեղեցւոյ, և սուրբ հրատարակեալ բոլոր քրիստոնեայ աշխարհին մէջ. բայց ափսոս որ անոր սրբացուցման հանդիսէն քիչ ետքը ինքն Անդրէաս թագաւորն ալ վախճանեցաւ:

Նոյնպէս Եղիսաբեթի Սոփիա կեսուրը 1238ին մեռաւ, Եղիսաբեթի մարմնոյն հանդիսաւոր փոխադրութենէն երկու տարի վերջը, որուն յարգը այնչափ ատեն չկրցաւ ձանձնալ. Ա. յգէնախ Սրբուհւոյն-Կատարինեայ վանքին մէջ, զոր իւր ամուսինը Հերմոն դուքսը շինելը էր՝ զինքը թաղեցին:

Սրբուհւոյն առաքինութեանցը ամենէն աւելի եռանդուն զարմացողն ու ախոյեանը՝ Գոնըրատ իր ամուսնոյն եղբայրը, նոյնպէս շատ չապրեցաւ անոր դէմ՝ ըրած նախատանացը գեղեցիկ հատուցումն ընելէն ետքը: Իր բարեպաշտութեամբը, քաջութեամբն և պարկեշտութեամբը Տևտոնեան կարգին առաջնորդն անուանեցաւ, որուն արդէն ընկեր գրուելը էր, ապաշխարութեան համար: Իր զօրութեանն և հարստութեան մէկ մեծ մասը այն եկեղեցւոյն կառուցմանը նուիրեց, որ մինչև այսօր Մարպուրկ Եղիսաբեթի անունը կը կրէ ի յիշատակ հիմնադրին: Անշուշտ ի մօտոյ հսկելու համար այն ընդարձակ շէնքին շինութեանը, կամ թերևս աւելի սէր մը ձգելով այն տեղերուն՝ զորոնք իր հարսը սրբացուցելը, Մարպուրկ քաղաքը ուղեց ընտրել գլխաւոր բնակութեան տեղի այն կարգին որուն գլխաւորն էր. և նոյն

տեղը մեծ պալատ մը շինել տուաւ, որուն աւերակները մինչև ցայսօր կը տեսնուին: Հետի մէջ երկար ատեն կենալը իրեն արգելք չեղաւ Քրուսիա երթալու, նախագահ բազմելու Տետոնեան կարգին նոր յառաջադիմութեանը, և հեթանոսաց դէմ պատերազմելու: Ատրըճութեամբ ու մեծ խելքով պատերազմեցաւ Պոնրատ. երկնցուց ու մեծցուց իր կարգին կալուածները, և ընդունեցաւ քահանայապետէն այն գաւառին իշխանութիւնը, որ ատեն անցնելէն ետքը ասպետաց կարգին փառացը տեսարան պիտի ըլլար: Բայց չմեռած ուզեց նորէն Հռովմ դառնալ, ուր հասնելով ծանր հիւանդացաւ: Եւ նոյն միջոցը անանկ գերազանց սրբտի սրբութիւն մը ստացաւ՝ որ չէր կրնար հանդուրժել աչքին առջև տեսնելու մէկը որ մահացու մեղքի մէջ ըլլար. որով իրեն ծառայողները ստիպուած էին ամեն մեղքէ հեռու կենալու: Իր խոստովանահայրն Ախտերսեանց կարգէն Հակէնի աբբայն էր: Սր մը երբ այս պատուական քահանայն անոր անկողնոյն քովը կեցեր էր, տեսաւ զինքը որ մտքով բոլորովին երկինքը վերացեր էր. երբ ինքնիրենը եկաւ, քահանայն հարցուց իրեն թէ ինչ տեսեր էր տեսիլքին մէջ. «Յաւիտենական դատաւորին աւտեանը ելած էի, պատասխանեց Պոնրատ, ուր խտաիւ կը քննուէր ապագայ վիճակս. վերջապէս արդարութիւնը սահմանեց որ հինգ տարուան քաւարանի դատապարտուիմ. բայց իմ սիրելի Նղիսաբեթս դատաւորին մօտենալով այն պատուհասէն զիս ազատեց: Ուստի գիտցիր որ այս հիւանդութեամբս մեռնելով յաւի

տենսական փառքը պիտի ժառանգեմ» : Աւ յի-
րաւի մեռաւ, յետ պատուիրելու որ իր մարմի-
նը փոխադրեն ի Մարպութի սրբուհւոյն մարմ-
նոյն քով, այն եկեղեցւոյն մէջ զոր սկսեր էր
շինել ի պատիւ նորա : Վեռ կը տեսնուի իր
գերեզմանը, որուն վրայ նկարագրուած է իր
դէմքը որ խաղաղութեամբ արդարոց քունը կը
ննջէ, ու ձեռքը այն խարազանը զոր Ֆրիցլարի
աւերակաց վրայ ժողովրդեան տուաւ փախաբե-
լով որ զինքը ծեծեն :

Թէպէտև Վոնրատ կատարեալ կերպով քա-
ւեց աստուծոյ և սրբուհւոյն Աղիսաբեթի դէմ
ըրած իր յանցանքը, բայց այնպէս չըրաւ նաև
Հենրիկ Րասպոնը, որ Աղիսաբեթի ամուսնոյն
միւս եղբայրն էր, որուն պատմութիւնը ցաւա-
լից կերպով խառնուած է դքսուհւոյն տղոց վա-
րուցը հետ, ինչպէս որ պիտի տեսնենք : Այս
տղաքը իրենց ամեն գործերուն մէջ միշտ ինք-
զինքնին երախտագէտ կը ցուցնէին առ աս-
տուած, որ արժանի սեպեր էր զիրենք սրբու-
հիէ մը ծնանելու. և իրենք ալ նմանապէս կը
պարծէին մարդկանց առջև այնպիսի փառաւոր
և միանգամայն ազնուական ցեղէ ըլլալուն հա-
մար : Բոլոր հրովարտակաց և ուրիշ պաշտօնա-
կան վկայագրոց մէջ, ամեն անգամ իրենց ազ-
նուական ու իշխանական տիտղոսէն առաջ կը
ստորագրէին սրբի կամ դուստր սրբուհւոյն
Աղիսաբեթի : Անոնցմէ երկուքն, իր երկու յե-
տին օրիորդքն Վոսիան և Աերդրուտան, խա-
ղաղութեամբ կատարեցին իրենց կեանքը այն
տեղւոյն մէջ՝ զոր ընտրած էին իրենք զիրենք
կուսութեամբ աստուծոյ նուիրելու համար :

մէկն ի Պիղձինկէն և միւսը յԱլղէնպերկ, Վէցլար քաղաքին մօտ: Երկուքն ալ արքայապետ Տիեղան իրենց վանքին: Աերդրուտա 1249ին ընտրուեցաւ, և գրեթէ 49 տարի իւր մենաստանը կառավարեց. իր աստուածպաշտութեամբն ու առատաձեռնութեամբն առ աղքատս՝ մօրը արժանաւոր հետևողն եղաւ: Ինչուան հրաշքներ ալ իրեն կ'ընծայէին, և միշտ Երանուհի անունը կու տային. 70 տարուան վախճանեցաւ 1297, օգոստոսի 15: Պաւիերայի Լուդովիկոս կայսեր աղաչանօքը Աղէմէս Զ քահանայապետը ներողութիւն շնորհեց անոնց ամենուն որ հանդիսով կատարեն անոր տօնախմբութեան օրը: Գեռ կը տեսնուի անոր շիրիմը յԱլղէնպերկ, ինչպէս նաև իր սուրբ մօրը մէկ քանի պատուական յիշատակները, զորոնք ժողուեր էր բարեպաշտ խնամքով:

Եղիսաբեթի մէկալ Հերման որդին և Սուփիա երիցագոյն դուստրը բոլորովին տարբեր վիճակ մը ունեցան, և իրենց մօրը պէս մարդկանց անօրէնութեանը զօհ եղան:

Հերման իշխանն տասնութեց տարուան ըլլալուն պէս, մէկէն իւր հանգուցեալ հօրը տէրութեանը բոլոր կալուածները ձեռքն առաւ, որոնք մինչև այն ատեն իր հօրեղջօրը Հենրիկ դքսին ձեռքով կը կառավարուէին (1239): Քիչ ետքը Վաղդիոյ սուրբ Լուդովիկոս Թ թագաւորին այցելութեան գնաց, որ սրբուհոյն Եղիսաբեթի որդի ըլլալուն պատճառաւ՝ շատ պատիւ գտաւ թէ՛ բոլոր ժողովրդէն և թէ՛ Գասդիլիոյ Պլանշ թագուհիէն, որ չափէն աւելի սէր ցցուց վրանս: Վերջը Պրունցուիքի Ութոն

դքսին Հեղինէ աղջըկանը հետ կարգուեցաւ : Ամենայն ինչ երիտասարդ իշխանին սրայծառ ապագայ մը կը խոստանար, բայց ամսոն որ չկրըցաւ վայելէլ, մեռնելով տասն և ութ ծաղիկ հասակին մէջ, ի Գրէօզպուրկ ուր ծնած էր (1241) : Այս կանխահաս մահուան պատճառը կարծուեցաւ որ Աեպախ քաղաքէն Պերթ աւունով կին մը իշխանին անարժան հօրեղբօրը Հենրիկոսի հրապուրանօքը թունաւորած ըլլայ զինքը : Գեռ յետին շունչը չտուած դժբաղդ երիտասարդը փափաքեցաւ որ զինքը ի Մարսուրկ իր երանելի մօրը քով թաղեն . բայց Հենրիկ որ շուտով մը յափշտակեց տիրապետութիւնը, չուզեց և ոչ այդ մսիթարութիւնն իրեն թողուլ և վախնալով որ չըլլայ թէ սուրբ մայրը զինքը յարուցանէ, ինչպէս որ յարուցեր էր այնչափ մեռեալներ, անոր նշխարքը Ռենհարցարիւն դքսերուն գերեզմանատունն փոխադրել տուաւ, ուր դեռ կը տեսնուի գերեզմանին քարը հօրը շիրմին քով :

Աւանկէց ետքը Հենրիկ Րասպոն՝ Գուրինկիոյ տանը ընդարձակ կալուածոցը միակ տէր և օրինաւոր ժառանգ ըլլալով, շուտով առաջնորդեղաւ այն կուսակցութեանը որ օր օրուան վըայ կը զօրանար ի Գերմանիա Փրեդերիկոս Բ կայսեր օգնականութեամբ՝ որ էր ազնուականաց և եկեղեցւոյ իրաւանց դէմ : Լիոնի ժողովքին մէջ Խննովկենտիոս Գ քահանայապետը թագաւորական իշխանութենէ զրկելով զՓրեդերիկոս, անոր յաջորդելու իրաւունքը բնական կերպով Գուրինկիոյ դքսին կ'իյնար : Եւ թէպէտ կրնայ կարծուիլ թէ արքունի թագը ի-

րեն փառասիրութեանը նպատակ եղած ըլլայ, սակայն ինքը բողոքեց իր անկարողութիւնը մէջ բերելով, բայց քահանայապետը յորդորեց որ յօգուտ քրիստոնէութեան յանձն առնու, որով 1246ին Ֆրանքֆորդի ժողովքին մէջ, Հռովմայեցւոյ թագաւոր ընտրուեցաւ և հետեւեալ տարին ալ օծուեցաւ: Յաջողութեամբ պատերազմեցաւ Փրեդերիկոսի ու անոր Գոնրատ որդւոյն դէմ. բայց երկար ատեն չկրցաւ վայելել իր նոր իշխանութիւնը. վասն զի մեռաւ 1248ին. և թէպէտ երեք անգամ ամուսնացաւ, բայց զաւակ մ'ալ չթողուց: Հաւատացեալք իր ցեղին լմնալը իրաւացի պատիժ մը սեպեցին անոնց Նդիսաբեթի դէմ ցուցած անիրաւութեանցը: Դեռ չմեռած խնդրեր էր որ իւր սիրտը Ս. յղէնասի քաղքին Գովինիկեանց վանքը թաղեն, զոր ինքը հիմներ էր ի քաւութիւն Նդիսաբեթի դէմ ըրած յանցանացը:

Իր մահու ընէն ետքը Գուրինկիոյ մէջ երկար և դժնդակ պատերազմներ եղան յաջորդութեան համար: Հէնրիկի հետ Գուրինկիոյ իշխանաց արու ցեղը լմնալով, իր ընդարձակ գաւառները իգական ցեղին մնացին. որով Սոփիա որ սրբուհւոյն Նդիսաբեթի ու Լուդովիկոս դրքսին անդրանիկ աղջիկն էր, Սեծասիրտ կոչուած Հէնրիկոս Բ. Պրապանդի դքսին հետ ամուսնացաւ ու իր հօրը ժառանգութիւնը ձեռք ձգեց թէ՛ յանուն իւր և թէ՛ յանուն իւր որդւոյն Հէնրիկի որ դեռ իրեք տարուան էր. առանց դժուարութեան ընդունելի եղաւ Հես գաւառին մէջ, զոր իմաստութեամբ կառավարեց իւր որդւոյն պզտիկութեանը ատեն: Բայց նոյն ըն-

դուռնելու թիւնը չգտաւ նաև ի Գուրինկիա, ուր Միսնիոյ իշխանը՝ Հենրիկոս Երևելի կոչուածը, իրեն առիթ առնելով Գուրինկիոյ մէջ եղած երկպառակութիւնները, շուտով մը տիրեց Գուրինկիոյ մեծ մասին, և մասնաւոր կերպով Վարդպուրկի բերդին: Սոփիայի օգնութեան եկաւ Պրունզուիքի Ալպերտ քաջ իշխանը որուն դուռ տրը նշանուեցաւ Պրապանդի երիտասարդ Հենրիկ դքսին հետ: Սակայն իրեն քաջութիւններն ալ բաւական չեղան յաղթութիւն մը ձեռք բերելու. որով Հենրիկոս իշխանն տէր մնաց իրեն յափշտակած գաւառներուն: Մենք այս դժնդակ կռուին մանրամասն պարագաներն պիտի չյիշատակենք, այլ բաւական պիտի սեպենք միայն քանի մը դէպքեր պատմելու, որ լաւ կերպով կը ցուցնեն թէ ինչպէս ժողովուրդը մեծարելով իրենց սիրելի սրբուհւոյն յիշատակը, կը պատուէր նաև անոր որդւոցը իրաւունքը բանաստեղծութեան և աւանդութեան ամեն նշաններով:

Ուստի կ'աւանդուի թէ երբ առաջին անգամ մէկմէկու հետ տեսնուեցան Սոփիա և իշխանը, այս ետքինս ինքզինքը պատրաստ ցրցուց հնազանդելու իր հօրեղբօր դատերը. բայց երբ սկսաւ խօսիլ, իւր մարաջախտը՝ զինքը մէկդի առաւ և ըսաւ. «Տէր իմ, ի՞նչ կ'ընես. եթէ կարելի ըլլար որ մէկ ոտքդ յերկինս և միւսը Վարդպուրկի վրայ դրած ըլլայիր, պէտք էր որ երկնքին վրայի ունեցած ոտքդ քաշէիր Վարդպուրկը աւելի հաստատուն կերպով բռնելու համար»: Հենրիկոս համոզուեցաւ և գնաց դըքսուհւոյն իմացընելու այս բանս: «Սիրելի հօր-

էղբօր դուստր, ըսաւ, պէտք է որ մտածեմ այս բաներուս վրայ, և խորհուրդ առնում իմ իշխանակիցներէս»: Այն ատենը Սոփիա արտասուօք հանեց իր աջ ձեռքին ձեռնոցը, և դէպի երկինք նետելով ըսաւ. «Ո՛վ դուդ այս, թշնամի ամենայն արդարութեան, քեզի կը նետեմ իմ ձեռնոցս. տար զայն ամենայն նենգաւոր խորհրդականներուն հետ մէկտեղ»: Ձեռնոցը շուտով օդին մէջ աներևոյթ եղաւ, և ժամանակ անցնելէն ետքը խորհրդականն ալ մեռաւ դժնդակ և գէշ մահուամբ:

Քիչ ետքը 1254ին, երբ երկրորդ անգամ տեսնուեցան, Սոփիա յուսահատած համոզելու փաստիւք իր նախանձորդը, և կամ զօրութեամբ զինքը նուաճելու, կարծեց թէ պիտի կարենայ յաջողցընել իր խորհուրդները եթէ սուրբ կրօնքն իրեն օգնական առնելու ըլլայ. ուստի իրեն հետ բերաւ նաև իւր սուրբ մօրը կողին ոսկրը և պահանջեց որ երդուրննայ այն նուիրեալ նշխարքին վրայ զոր այնչափ ժամանակ մեծարած էր Ռուբինիկիա: Հենրիկոս առանց շփոթութեան երդուրնցաւ. և իւր երդմունքը հաստատեցաւ քսան ասպետաց հաւանութիւնը:

Այդէնտիս քաղաքին բնակիչքը չափէն աւելի քաջութիւն ցրցուցին Սոփիա դքսուհոյն համար, կարծես թէ անանկով կ'ուզէին քաւել իրենց սրբուհի Եղիսաբեթին դէմ ըրած հին ասպերախտութիւնը: Պաշարեցին նաև զՎարդպուրկ, ուր իշխանին զօրաց գունդերն կը կենային. երկու հողաբլուր կառուցին աւելի լաւ կերպով պաշարելու համար բերդը: Բայց Հենրիկոս գիշեր ատեն քաղաքին վրայ հասաւ, և

մատնութեամբ առաւ զայն. սպաննել տուաւ զլիաւոր քաղաքացիներէն շատերը, որոնք Եղիսաբեթի դստերն և թուանը կողմն էին: Եւ զուրիշներն ալ վախցընելու համար, իր ոխերիմներէն էն կատաղին, Վելափետէ անուամբ, անգթութեամբ պատերազմի մեքենայի մը կապելով՝ Վարդպուրկէն վար յԱ. յղէնախ նետել տուաւ: Քաջասիրտ քաղաքացին մինչդեռ օգը կը պատուէր, կ'աղաղակէր. «Ղուրինկիան Պրապանդի որդւոյն չէ»: Աւանդութիւնը կը յաւելու թէ երեք անգամ կրեց այս տանջանքս, միշտ նոյն խօսքերը կրկնելով. «Ղուրինկիան Պրապանդի որդւոյն չվերաբերիր», և մեռաւ երրորդ անգամ խնալուն:

Սովիա շուտով Հեսէն Ա. յղէնախ եկաւ, և շիտակ Սրբոյն-Վեորդայ դուռը գնաց, զոր փակ դտաւ. բնակիչներն ստիպեց որ բանան, երբոր տեսաւ որ պատասխան չէն տար՝ տապար մը առաւ ձեռքը և ամենայն ուժով զարկաւ կաղնեայ փայտէ դրան և ծակեց, որ երկու դար անցնելէն ետքը դեռ կը տեսնուէր:

Վերջապէս 1265ին Պրունզուիքի Ալպերտ դուքսը բոլորովին յաղթուելով՝ գերի ընկաւ իշխանին որդւոյ ձեռքը. որով հարկ եղաւ հաստատուն դաշնադրութիւն մ'ընել: Սովիա ստիպուեցաւ հրաժարելու Ղուրինկիոյ վրայ ունեցած ամենայն պահանջմունքներէն, որով յատուկ մնաց Միսնիոյ գերդաստանին, և ի փոխարէն Հեսի տիրապետութիւնն ինկաւ Հէնրիկոսի և անոր յաջորդացը: Այս երկու գաւառաց բաժանումը մինչև մեր օրերը կար, և հիմակուան Հեսի և Սաքսոնիոյ տոհմերն այս

Երկու հակառակորդ իշխաններէն կ'իջնան, որոնց իրաւունքը այս սրայմաններովս որոշուեցաւ: Սոփիա 1284ին 60 տարուան վախճանեցաւ, բոլոր իւր կեանքը նուիրելով իր երկրին և ընտանեացը յաջողութեանը: Ար հանգչի ի Մարտիրոսի իւր որդւոյն գերեզմանին և իր սուրբ մօրը նուիրեալ եկեղեցւոյն մէջ: Ար տեսնուի նաև անոր արձանը պառկած և աղօթքի կեցած՝ ուղղափառ ժամանակաց սովորութեանը համեմատ. ունենալով քովը այն մանկահասակ որդին, որուն վրայ հսկած էր այնչափ քաջութեամբ և մայրական խնամօք: Գէմքը բոլորովին մաշած է ուխտաւորաց համբոյրներովը, որոնք իրեն մօրը վրայ ունեցած սիրոյ մէկ նշանը իրեն ալ կը ցուցնէին:

Հենրիկոս Ա, Մանուկ կոչուածը, Սոփիային որդին, սրբուհի Եղիսաբէթին թուր և առաջին տիրապետն Հեսի, իբրև անկախ և առանձնական երկիր մը, տիրեց մինչև 1308 մեծ փառօք և ժողովրդեան սիրովը. զոր մասնաւոր կերպով կը պաշտպանէր ընդդէմ յարձակմանց և յախշտակութեանց: Մեռած ատենը 65 տարուան էր, թէպէտ և պզտի տղու կերպարանքով քանդակուէր է այն շիրմին վրայ, որ միանգամայն իրեն մօրն ալ կը ծառայէր: Սոփիայ Հեսի տոհմին այլ և այլ ճիւղերուն ընձիւղն եղաւ, որուն հետ Եւրոպիոյ տիրող իշխանաց շատերը միացան, որպէս զի զԵղիսաբէթն իրենց նախամայր ունենալու պատուոյն արժանի ըլլան:

Եղիսաբէթի որդւոցը և թուանցը վրայ մանրամասն խօսելնէս ետքը, հարկ կը սեպենք քա-

նի մը խօսք ալ ըսել այն սուրբ անձանց վրայ, զոր կը գտնենք այն գերդաստանին մէջ ուսկից ինքը սերեալ էր, և որոնց վրայ իր օրինակը հետեաբար ամենէն աւելի զօրաւոր ազդեցութիւնն ըրած էր: Մայրական ցեղին մէջ, իր մօրաբոյրը սրբուհին Հետովիկ Ահաստանի և Շլեզիոյ դքսուհին՝ իրմէն աւելի ապրեցաւ. և ինչպէս որ այս բարեպաշտ իշխանուհւոյն առաքինութեան համբաւը մեծ ազդեցութիւնն ըրեր էր Աղիսաբեթի վրայ դեռ օրօրոցին մէջ եղած ատենը, հաւանական է կարծելը թէ Հետովիկ դքսուհին շատ աւելցուցեր էր իր եռանդն ու խստակրօնութիւնը քանի որ կը լսէր իր երիտասարդ քեռորդուոյն առաքինութիւնները և անոր երջանիկ կերպով անմահանալը թէ՛ յերկինս և թէ՛ յերկրի: Ա՛րեւի թէ Հետովիկ փութացեր էր ձգելու ինքզինքը անոր փրկարօք հետոցը վրայ, որ (Աղիսաբեթ) արդէն իրմէ առաջ թէպէտև աւելի երիտասարդ, հասեր էր այն նաւահանդիսար, ուր երկուքն ալ միատեղ փառաւորապէս պիտի մտնէին: Աղիսաբեթի մահունէն ետքը սրբուհւոյն գործածած մէկ քողը իրեն ղրկեցին. զոր այնչափ մեծարեց որ ինչուան իր մահուան օրը ուզեց գործածել. և յիշաւի ոչ դք իրմէ աւելի արժանաւոր էր այն խորհրդական զարդը կրելու: Տասուերկու տարուան Հենրիկոս դքսին հետ ամուսնանալով, վեց տղայ ունենալէն վերջը, դեռ երիտասարդ երկուքը մէկտեղ ուխտ ըրին որ անկէ ետքը եղբօր ու քրոջ պէս իրարու հետ ապրին: Ախտերսեան կուսանաց համար մեծ մեհաստան մը շինեց այն տեղը ուր ինքն ընկած էր, մէկ խո

րունկ ճահիճի մը մէջ, ուսկից աստուծոյ հրեշ-
 տակը զինքն աղատեր էր ծառի ճիւղ մը իրեն
 երկնցընելով: Այս մենաստանին աբբասուհի
 ընտրել տուաւ իր կերդրուտա աղջիկը. ամուս-
 նոյն հաւանութեամբը ինքն ալ հոն քաշուե-
 ցաւ ու կուսանի զգեստ հագաւ, առանց ուզելու
 հնազանդութիւն ու աղքատութիւն ուխտելու,
 որպէս զի չըլլայ թէ արգիլուի ողորմութիւն
 ընելէն: Բոլոր կեանքը իւր սուրբ քեռորդւոյն
 խոնարհութեամբն ու կարգէ դուրս ձգնու-
 թիւններովն անցուց: Իրեն փափուկ ու տկար
 մարմնոյն վրայ դրած ապաշխարանքները կար-
 դալու ատեննիս չէնք գիտեր աւելի որ բանին
 վրայ զարմանալ. արդեօք իր կամացը աննկուն
 զօրութեանը եթէ այն հրաշալի օգնութեանը
 զոր աստուած կը սարգէւէր առ ինքն մօտենա-
 լու փափաք ունեցող տկար բնութեանը: Յօժա-
 րութեամբ ամեն բանի մէջ յետին տեղը կը
 փնտրուէր. բոլորովին ընկղմած այն հոգւով ո-
 րով աւետարանին մէջի Քանանուհին փրկուե-
 ցաւ, որ Յիսուսէն կը խնդրէր այն հացի փըշ-
 րանքները որ աստուծոյ որդւոցը սեղանէն կ'ըն-
 նային, ինքը շատ անգամ ուրիշ կերակուր չէր
 ուտեր բայց եթէ այն փշրանքները որ կրօնա-
 ւորաց ու կուսանաց սեղաններէն կ'ընային, ո-
 ըննց ինքը կը ծառայէր: Բայց ամեն բանէ աւե-
 լի արժանաւոր նախանձորդ եղաւ Նղիսաբեթի
 իր ողորմածութեամբն և կարգէ դուրս գթու-
 թեամբը: Իր վարքը գրողներէն մէկը կ'ըսէ թէ
 «Այնչափ գորովագութ էր որ անկարելի էր
 առանց արցունքի ուրիշի արտասուելը տեսնէր,
 կամ այլոց նեղութիւններն ու վիշտը, և ինքը

Հանգիստ կենար:... Իր սեղանը լեցուն էր աղքատներով, որոնց ծնկան վրայ եկած կը ծառայէր:... Շատ անգամ երբ ուրիշները չէին նայեր, կը համբուրէր գետինը՝ ուսկից աղքատներն անցեր էին, մեծարելով անոնցմով զՔրիստոս որ թագաւոր էր փառաց, բայց ուզեց մեզի համար աղքատանալ: Այնչափ եռանդեամբ կը սիրէր աղքատութիւնը ու աղքատները, որ կրօնաւորաց անոնց ողորմութիւն տրւած հացի կտորուանքը կը գնէր անոնցմէ ու համբուրելով կ'ուտէր իբրև հրեշտակաց հաց: Աւրիշ աղքատներէն զատ, տասուիրեք աղքատ ալ կը պահէր ի պատիւ Քրիստոսի ու անոր առաքելոցը, զորոնք միշտ իրեն հետ կը պտըտցընէր, և ուր երթալու ըլլար անոնց աղէկ բնակութեան տեղ կու տար, և կ'ուզէր որ իր առջևը կերակուր ուտեն, ու ինքն անոնց կը ծառայէր: Երբ ինքը կերակուր կ'ուտէր, սեղանին վրայ գտնուած ազնուագոյն կերակուրը անոնց կը զրկէր. և այնչափ գթած էր՝ որ իրեն եկած ամեն ընծայէն աղքատաց մաս կը հանէր, թէպէտ և տանձ մը ըլլար. վասն զի համ չէր առնուր եթէ իրմէ առաջ աղքատները անոր համը չառնուին »:

Չէր ուզէր ամենեւին որ իր հպատակները տուրքի համար նեղութիւն քաշեն. դատաստաններուն մէջ ալ երբ կը տեսնէր թէ դատաւորք խատուութեամբ կը վարուին աղքատաց հետ, անոնց վճիռը փոխել կու տար իր քահանային ձեռքովը զոր միշտ իրեն հետ կը պտըտցընէր: Իր ամուսինն՝ որ իրեն վրայ թէ մեծարանք և թէ սէր ունէր, սրտաշարժ հնարք մը մտածեց

իրեն ցուցնելու այն համակրութիւնը զոր կը զգար անոր ժողովրդեան վրայ ցուցած գթութենէն: Աւստի սպրսպրեց որ երբ Հետվիկ դըքսուհին անցնելու ըլլար հասարակաց բանտերուն առջևէն, դռները բացուին և բանտարկեալք ազատուին առ սէր իշխանուհոյն:

Իր աստուածաբաշտութեան եռանդը անչափ էր. բոլոր իրեն քովը եղած քահանայից մատուցած սպասարագը կը տեսնէր ամեն օր, իւրաքանչիւր սպասարագին առատ արցունք թափելով: Սուրբ Աստուածածնայ կարգէ դուրս ջերմեռանդութիւն ունէր. ոչ երբէք քովէն կը հեռացնէր անոր փոքրիկ սպտիկերն, որուն հետ յաճախ կը խօսակցէր իր սարգմտութեամբ. երբոր հիւանդաց այցելութեան կ'երթար՝ միշտ այն սպտիկերը ձեռքը բռնած էր, և զայն կը գործածէր զանոնք օրհնելու համար, և այս կերպով շատ անգամ ախտ ունեցողները կը բժշկուէին: Իւր ամուսինը վիրաւորուելով և գերի իյնալով իրեն նախանձորդ Գոնրատ դըքսին ձեռքը, մինակ և հետի դնաց գտնելու այն կատաղին և իր յաղթութեամբը հպարտացած թշնամին. և երբ անոր առջևն ելաւ, դուքսը կարծելով որ տեսածը հրեշտակ մ'է, առանց դէմ դնելու խաղաղութի խոստացաւ և ամուսնոյն ազատութիւն տուաւ: Քիչ ետքը կորսնցուց այն սիրական փեսայն, և յետոյ իր Հէնրիկոս որդին ալ, որուն վրայ սաստիկ սէր ունէր, և որ Թաթարաց դէմ սպառնալով թամա նակ սպանուեր էր: Անձամբ կը յորդորէր զորդին որ սուրը ձեռքը քրիստոնէութեան համար մեռնի: Համբերութեամբ և առանց խռո-

վերու կրեց այս երկու կորուստը այն ուժովը, որ գերազոյն սէրը կը շնորհէ: Բայց այս բաժանմանէս քիչ ետքը՝ իր մահն ալ վրայ հասաւ: 1243ին սուրբ Աուսին ծննդեան տօնախորմբութեան օրը, այն կուսանն որ իրեն կը ծառայէր, գեղեցիկ օրիորդաց խումբ մը տեսաւ, որոնք գերբնական պայծառութեամբ կը փայլէին. այցելութեան եկան Հեալիկ դքսուհւոյն, որոնց հետ այսպէս խօսեցաւ մեծ ուրախութեամբ. « Ողջոյն ձեզ, սիրելի սրբուհիք և ընտրելագոյն բարեկամք, Մագդաղէնացի, Աատարինէ, Թեկղ և Որսողա, և դուք ամենքնիդ որ զիս տեսնելու եկեր էք »: Յետոյ սկսան լատիններէն խօսիլ, որով կուսանը ալ չհասկըցաւ խօսածնին: Հոկտեմբեր ամսոյն 15ին զաստուած օրհնելով վերջին շունչը աւանդեց: Բազմաթիւ հրաշներ հաստատեցին Հեալիկ դքսուհւոյն սրբութիւնը, որով 1267ին սրբոց կարգը անցաւ Աղեմէս Գ. քահանայապետին ձեռքովը: Յաջորդ տարին հանդիսով կատարեցին անոր մարմնոյն փոխադրութիւնը. և երբոր հողէն հանեցին՝ ձեռացը մէջ սրբոյ Աուսին պատկերը դտան, զոր այնչափ կը սիրէր իր կենդանութեան ատենը:

Մինչդեռ սրբուհին Հեալիկ՝ Աղիսաբէթի մայրական ցեղը այնչափ կը փառաւորէր, սրբութեան հոյն Աղիսաբէթի ազգեցութիւնը եթէ ոչ պատուականագոյն, սակայն աւելի բազմաթիւ պատուներ առաջ կը բերէր իր հայրական տօնմին մէջ: Հունգարիոյ հռչակաւոր գերդաստանը, որ Աւրոպիոյ թագաւորական ամեն ցեղերէն աւելի ինքը միայն երեք սուրբ թագաւորներու

նէր, սուրբ Ստեփաննոս, սուրբ Էմերիկոս և սուրբ Լատիալա, չորրորդ մին ալ երեցուց զՊէլոյ Ռ, սրբուհի Եղիսաբէթին եղբայրը և յաջորդ իր Անդրէաս հօրը: Արժանաւոր երեցասաս եղբայր ըլլալու այսպիսի համբաւաւոր իշխանուհւոյ մը և հայր ուրիշ երկու սրբուհեաց այն աստուածապաշտութեամբը, քաջութեամբը, հեզութեամբը և համբերութեամբը՝ զոր ցրցուց գրեթէ երեսուն և հինգ տարի իր թագաւորութեանը ժամանակ. և քաջութեամբ յաղթական երեցաւ ընդդէմ Թաթարաց տրւած պատերազմացը մէջ: ԱՉԿին, արքունական հրովարտակով հաստատեց և որոշեց եկեղեցւոյ մը հիմնադրութիւնը ի պատիւ իւր քրոջը. երկու հաւատարիմ անձանց յանձնեց անոր շինութիւնը, Գաւթի և Ֆորգոշի, որ իրեն հետ Գուրինկիա գնացեր էին: Յետոյ անոր օրինակին հետեւելով իրեն պէս սրբոյն Փրանկիսկոսի Երրորդականաց կարգին եղբայր գրուեցաւ, և թաղուեցաւ Փրանկիսկեան կրօնաւորաց եկեղեցւոյն մէջ, զոր կառուցեր էին Արան քաղքին մէջ սրբուհի Եղիսաբէթի պաշտպանութեամբը, թէպէտև ամենքը դէմ կեցան և աղաչեցին որ չթողու թագաւորաց հին գերեզմանատունը:

Սրբուհւոյն Եղիսաբէթի երկրորդ եղբայրը Գոլուման, կարծես թէ առաւել ևս զմայլած էր այն ազնիւ և սակաւագիւտ անուշահոտութեամբն որ կը ծաւալէր իր սուրբ քրոջ կենացը ծաղկէն: Սալմէ անունով Ահհացի իշխանուհւոյ մը հետ ամուսնացաւ, որ հռչակաւոր էր իր կարգէ դուրս գեղեցկութեամբն, որ Գրաւ

գովիոյ իշխանին դուստրն էր, որուն հետ նշանուած էր երեք տարուան հասակէն և միատեղ կրթուած: Իր հարսանեաց առջի օրէն իշխանուհոյն հետ մշտնջենաւոր կուսութեան ուխտ ըրաւ, և հաւատարմութեամբ պահեց: Երբ կալիցիայի երկրին թագաւոր ընտրուեցաւ, շատ լաւ պաշտպանեց ընդդէմ Թագարաց Ահաստանին այն մասը, և մեռաւ փառօք մեծաւ, պատերազմելով անոնց դէմ աստուծոյ և հայրենեաց սիրոյն համար: Իւր թշուառ տիկինը երկու վանք շինեց. մէկը Փրանկիսիկեան կրօնաւորաց, և միւսը Գլարեան կուսանաց: Ինքն ալ հաւատաւոր եղաւ և մտաւ յօժարութեամբ իր շինած վանքը, յորում կեցաւ մինչև իր կենաց վախճանը դիւցազնական առաքինութեանց հրահանգացը մէջ, և միշտ մեծարուած աստուածային գթութեան առանձին շնորհքովը: Իր մահուան օրը (1268), օդին մէջ անուշ ներդաշնակութիւն և գեղեցիկ ձայներ լսուեցան, որոնք այս խօսքերը կ'երգէին. Ծաղկեցու: Անարոնի գառապակը: Հաւատաւոր մը դիտելով անոր երեսին վրայ մեծ ցնծութիւն մը, որ կը ժպտէր ուրախութեամբ՝ ըսաւ իրեն. « Ի՞նչ զարմանալի և հաճոյական բան կը տեսնես, տիկին, որ կրնայ զքեզ այսքան ուրախացընել այս ցաւերուս մէջ »: « Ա՛հ, այո՛, պատասխանեց երանուհին, կը տեսնեմ զսուրբ Այոսը, աստուծոյս մայրը որ զիս չափէ դուրս կը զուարճացընէ »: Աերջին շունչն աւանդելու ատենը, տեսան որ փոքրիկ աստեղ նման բան մը բերնէն ելնելով առ աստուած կը թռչէր, և էր իր սուրբ հոգին:

Բայց Պէլոյ Ռիչմանին օրիորդքը, Եղիսաբէթ գբսուհւոյն եղբօրը դատերբն, բաւական չսէ պէլով իրենց հօրմէն աւելի մօտենալնին սիրով անոր՝ որ իրենց գերդաստանին պատիւն էր, ու գեցին նաև նախանձորդ ըլլալ անոր խտտակրօնութեանն և կենաց սրբութեանը: Անոնցմէ մէկը, զոր եկեղեցին կը մեծարէ, կոչելով երանելի Մարգարիտա Հունդարացի, կը ջանար անգաղար, ինչպէս որ կ'աւանդէ մեզի իր պատմագիրը, հետևելու այն օրինակին զոր թողուցեր էր իր փառաւորեալ հօրաբոյրը, և այս միայն բոլոր իր կեանքը կը սրբացընէր: Գեռ չճնած իբրև քառութեան նուէր մը աստուծոյ նուիրուած էր իր Մարիամ մօրմէն, որ Աստանդ նուպօլսոյ կայսեր դուստրն էր, որպէս զի փոխարէն ընդունի յերկնից քիչ մը մխիթարութի այն սաստիկ վշտացը, զոր Թաթարները կը պատճառէին Հունդարիոյ: Ար ճնունդը նշանաւոր եղաւ անհաւատից դէմ պայծառ յաղթանակաւ մը, և կարծես թէ աստուած ուզեց յայտնապէս ցուցնել թէ ընդունելի եղաւ այն իրենց բրած զոհը: Ար բարեպաշտ ճնողքը, հաւատարիմ իրենց խոտամանը, երէք ու կէս տարուան հասակին զանիկայ Գովինիկեանց վանքը գրին: Աարգէ դուրս իմաստութեամբ և կանխահաս սաստիկ եռանդեամբ աստուերիու տարուան հասակին հաւատաւոր եղաւ, թէպէտև իւր հրեշտակային գեղեցիկութեամբը և ազնուատօհմ ճննդեամբը բազմաթիւ զօրաւոր իշխանք զանիկայ ինդրեցին յամուսնութիւն: Բովանդակ կեանքն հոն անցուց, որ ընդ ամենը քսան և չորս տարի եղաւ: Այս համառօտ ժա-

մանակը դքսուհին խստակրօնութեան, ողորմութեան և աստուածպաշտութեան եռանդուն գործերով անցուց. վերջապէս այն ամեն բանովը որ կրնար մաքուր սրտի մը մէջի աստուծոյ սէրը ուրիշներուն յայտնել: Սուրբ Աոյսը և խաչելութիւնն էին իւր մէկ ճանապարհն որոնցմով կը բարձրանար ու կը հասնէր անոր՝ որ նրպատակն էր իրեն այս ամեն գործոցը: Չէր կրնար սուրբ Աուսին ուրիշ անուն տալ, բայց եթէ կոչելով զինքը Մայր Աստուծոյ և իմ յոյսս: Չորս տարուան հասակին առջի անգամուն խաչ մը տեսաւ, և հաւատաւորաց հարցուց զարմացմամբ. « Ի՞նչ է այս փայտը »: « Այսպիսի փայտի մը վրայ, պատասխանեցին իրեն հաւատաւորք, Որդին Աստուծոյ իւր արիւնը թափեց աշխարհիս փրկութեանը համար »: Այս խօսքերն որ լսեց, դէպ ի խաչը մօտեցաւ և եռանդեամբ համբուրեց: Այն ատենէն ետքը, երբ խաչ մը կը տեսնէր, ծնկան վրայ կու գար երկրպագութիւն ընելու. և քունը չտարած՝ խաչելութիւն մը կը դնէր արտեանանցը վրայ, որպէս զի աչքը բանալուն պէս անկէ զատ ուրիշ բան չտեսնէ: Աստուած պարգևեց իրեն միանգամայն շնորհաց և մարգարէութեան պարգևները, և իշխելու իր հայրենակցաց սրտերուն, առանց ամենեւին վանքէն ելնելու: Այնչափ շնորհք, հաճոյք և ուրախութիւն կը ցուցնէր այն հիւանդաց և աղքատաց վրայ որոնք իրեն այցելութեան կու գային, որ մահու ընէն շատ ետքը, անվայել կամ անհաճոյ բան մը յայտնելու համար, Հունգարացիք կ'ըսէին առակով. « Յայտնի կը տեսնուի թէ Մարգարիտա կուսին

ուղածին պէս չէ » : Քսան և ութ տարուան էր , երբ աստուած յափշտակեց զնա իր գերդաստանէն , հայրենիքէն և կրօնքէն որուն պարծանքն էր , դասելու համար յերկինս սրբուհի Եղիսաբէթին քով :

Իր Գունեկոնտա կամ Գինկա քոյրը , որ 1239ին ամուսնացած էր Լեհաստանի Ամօթխած կոչուած Պոլիոլազ դքսին հետ , յորդորեց իր ամուսինը որ իրեն հետ հանդիսական և մշտնջենաւոր կուսուծիւն ուխտէ . ուխտեցին ու հաւատարմութեամբ քառասուն տարի պահեցին : 1279ին այրի մնալով , ինչպէս նաև իր երրորդ քոյրը Եօլանտ , որ ամուսնացած էր իրեն պէս Լեհաստանի Պօլեսլազ դքսին հետ , երկուքն ալ որոշեցին հաւատաւոր ըլլալու : Բոլոր ունեցածնին առ աղքատս բաշխելէն ետքը՝ վանք մտան , իրենց Սալոմէ հօրաբրօջ հետևող ըլլալու համար , որ Գլարեանց կուսաստանը մտած էր , որուն եռանդեամբ կը դիմէին Ժամանակին այլ և այլ իշխանուհիները : 1292ին Գունեկոնտա վախճանեցաւ մեծ խտակրօնութեան օրինակ ըլլալով , և երկնքէն ընդունելով հրաշից պարգևը : Լեհաստանի բնակիչքն կը մեծարէին զինքը իբրև իրենց երկրին գլխաւոր սուրբը և պաշտպանը , և իր շիրիմը նպատակ եղած էր Սլաւեան ցեղին եռանդուն մեծարանացը , որով աւմեն կողմէն ուխտաւորք հօն կը դիմէին : Ամեն շաբթուան երկուշաբթի օրը՝ իրեն նուիրուած էր : Ինչուան մեղի հասած են այն բարեպաշտ ուխտաւորաց աղօթքները , որոնք պաշտպան կը բռնէին զերանելի Գունեկոնտան , փառաւորեալ սուրբ Կուսին և սրբուհոյն Գլարայի հետ :

Պէքսուհւոյն մահուընէն երեք դար ետքը, այն եռանդը ամենեւին իր նախկին ոյժը դեռ չէր կորուսած. Ահհաստանի Սիկիսմոնտ թագաւորը 1628ին ստիպողական նամակ մը դրեց առ Ուրբանոս Ը քահանայապետը, խնդրելով որ հանդիսաւոր կերպով սրբոց կարգը անցընէ զանկէայ որ այնչափ ատենէ ի վեր իրենց պաշտպան սուրբն եղեր էր: 1690ին Աղէքսանդր Ը քահանայապետը հաստատեց անոր ընծայուած հասարակաց պաշտօնը: Քիչ ետքը, Կղեմէս ԺԱ քահանայապետը ճանչցաւ և ընդունեցաւ զնա իբրև պաշտպան Ահհաստանի և Աիթուանիոյ: Մեր օրերն, իրեն յիշատակը մասնաւոր կերպով կը մեծարուի բարեպաշտ և ուամիկ ժողովրդիներէն, որ կը բնակին Ահհաստանի Քրորոս ձգի լեռանց կողմերն, ուր իշխանուհին երկար ատեն բնակեր էր և շատ վանքեր և եկեղեցիներ շինել տուեր էր: Բազմաթիւ սրտաշարժ աւանդութիւններ կը պատմէ ժողովուրդը իշխանուհւոյն վրայ. և ի Ահհաստան անոր յիշատակը դեռ կը տիրէ հաստատուն կերպով ի սիրտըս ուղղափառաց, ու միայն քանի մը տարիէ ի վեր է որ կրնանք մեռած համարիլ զայն:

Եւ որովհետև Հունդարիոյ այս ցեղը սահմանուած էր ածու մը ըլլալու երկնից համար, այս օրհնեալ տոհմին իշխանուհիներն որոնք Աղիսաբէթի պէս օտար իշխանաց հետ ամուսնացեր էին, թէպէտև իրենցմէ մասնաւոր սրայծառութիւն մը չունին, սակայն սրբուհեաց մայր ըլլալու պարծանքն ստացեր էին: Այսպէս Եօլանտ Աղիսաբէթի քոյրը, ամուսնացած Արակոնի Յակոբ Տիեզերակալ թագաւորին հետ,

Բորղողալի Թագուհւոյն Եղիսաբէթի մեծ մայրն եղաւ. ու Կոստանդինա՝ Անդրէաս Թագաւորին քոյրը՝ մայր եղաւ Բոհէմիոյ Ագնէս իշխանուհւոյն, որուն վրայ տեսանք Թէ ինչ գու վեստով խօսեցաւ սրբազան քահանայապետը: Չուզէց ասիկայ հարս ըլլալ Անգղիոյ ու Հռովմայ Թագաւորաց ու Փրեդերիկոս Բ կայսեր. և քառասունուվեց տարի իր մենաստանին մէջ կենալէն ետքը՝ մէջքը կապեց սրբոյն Փրանկիսկոսի գօտին, ու բոկոտն երթալով սրբուհւոյն Գլարայ ու Եղիսաբէթի հետոցը վրայ, խօնար հուծեան աղքատուծեան ու ողորմածուծեան գերագոյն նշանակներ ցուցնելով, մեռաւ Ագնէս յամի 1283, ու միշտ իբրև սրբուհի մը մեծարուեցաւ Գերմանիոյ ու Բոհէմիոյ մէջ. Թէպէտև սուրբ աթոռն յանձն չառաւ հանդիսապէս սրբոց կարգը դասաւորել զինքը, ինչպէս որ խնդրած էր Կարոլոս Գ կայսրը, որուն կեանքն երկու անգամ խալըսեր էր անոր բարեխօսուծեամբը:

Իսկ Բորղողալի Թագուհւոյն, սրբուհւոյն Եղիսաբէթի համար՝ զրեթէ ամբողջ գիրք մը պէտք է անոր սրտաշարժ ու փառաւորեալ վարուց նկարագիրն ընելու համար. իսկ մենք քանի մը տող կրնանք իրեն նուիրել: Մնաւ 1271ին Արախոնի Պետրոս Թագաւորէն, ու Սիկիլիոյ իշխանուհի Կոստանդինայէն, ու կարծեա Թէ նա խասահմանուած էր երկնային փառաց այն անուամբն որ իրեն տրուեցաւ. վասն զի Թէպէտ սովորուծիւն էր ի Սպանիա որ նորածին իշխանուհեաց իրենց մօրը կամ հանուոյն անունը կուտային, բայց ինքն Եղիսաբէթի անուամբը կու-

չուեցաւ : ԱՅ տարուան էր երբ Բորդոզալի Ղիոնեւսիոս Թագաւորին հետ ամուսնացաւ . բայց փոխանակ իր պաշտպանին պէս գորովալից ու իրեն արժանի փեսայ մը գտնելու , շատ նեղու-
 Թիւն քաշեց անոր գէշ վարմունքէն ու անհա-
 ւատարմութիւններէն . բայց ինքը միշտ հաւա-
 տարիմ կեցաւ քրիստոնեայ հարսի մը պարտու-
 ցը : Աւելցուց իր գորովը ու համբերութիւնը .
 և երբ քանի մը տիկնայք կը մեղադրէին անոր
 չափէ դուրս ներողամտութիւնը , կը պատաս-
 խանէր անոնց . « Արժան է որ Թագաւորին մե-
 ղացը համար ետ կենամ ես ալ համբերու-
 Թեան առաքինութենէն , ու իմ մեղքերս ա-
 լելցընեմ անոր մեղքերուն վրայ : Աւելի լաւ
 կը համարիմ , առնուլ զԱստուած և իւր սիրե-
 ցեալ սուրբերն խորհրդակից ամօթոյս , և կա-
 կըղցընել ամուսնոյս սիրտը իմ քաղցրութիւնս » :
 Եւ այն աստիճանի ներողամտութեան ձեռք
 զարկաւ , որ սկսաւ նոյն իննամօք և զգուշու-
 Թեամբ մեծցընել իւր փեսին անհարազատ տը-
 ղաքն իբրև իրեն յատուկ և հարազատ որդիքը ,
 անոնց հոգւոյն փրկութեանը համար : Սակայն
 իր օրինաւոր անդրանիկ որդին , զայրացած հօրն
 անկարգ վարուցը վրայ , ապստամբեցաւ անկէց .
 Թագաւորը մասնակից համարեցաւ նաև զՆդի-
 տաբէթ այն ապստամբութեանը . անոր համար
 առաւ իրմէ օժիտը և զրկելով զինքը յամենայն
 ստացուածոց՝ փակել տուաւ բերդի մը մէջ :
 Հազիւ Թէ ազատեցաւ այս անարդար գերու-
 Թենէն , սկսաւ ամենայն ջանքով ետևէ ըլլալ
 հաշտեցընելու իւր ամուսինն՝ որդւոյն հետ :
 Բայց տեսնելով Թէ իր բոլոր ջանքերն ընդու-

նայն եղան, ուրիշ հնարքի մը ձեռք զարկաւ, թագաւորին և որդւոյն բանակաց պատերազմի պատրաստուած ժամանակը, ինքը ձի հեծած համարձակ ինքզինքը երկու պատերազմող բանակներուն մէջ ձգեց, բազմաթիւ նետերուն կարկտին տակ, թախանձելով մարդիկները որ դադրին իրենց հարուածներէն: Զօրքերն՝ որոնց սիրտը աւելի զգայուն էր քան իրենց առաջնորդաց սիրտը, տակն ու վրայ եղան կնկան այսպիսի անձնանուիրութիւնը տեսնելով: Աւստի զէնքերնին ձգեցին և այսպէս ստիպեցին զհայր և զորդի որ մէկմէկու հետ հաշտուին: Ժամանակ անցնելէն ետքը, հարկ եղաւ իրեն երկու որդւոցը մէջ միաբանութիւն հաստատել, որոնք դժնդակ պատերազմի մը ձեռք զարկեր էին. յետոյ նոյնպէս հաշտարար եղաւ Սպանիացւոց ինդրանօքը իւր եղբօրն՝ որ Արակոնի թագաւորն էր, և փեսին՝ Գասդիլիոյ թագաւորին մէջ: Այս արդեանցը համար Աղիսաբէթ արժանի եղաւ որ ընդհանուր եկեղեցին իրեն այս փառաւոր անունը շնորհեց, մայր խաղաղութեան և հայրսնեաց զնա կոչելով: Իր ամուսինը մահացու ախտով հիւանդանալով, Աղիսաբէթ ուզեց որ ինքը միայնակ անոր ամենէն աւելի դժուարին ծառայութիւններն ընէ, և իրաւցընէ ինչուան վերջին շունչը իրմէ չրաժնուեցաւ: Յետոյ սըրբոյն Փրանկիսկոսի Արքրորդականաց զգեստը հագաւ, զոր երկար ատենէ ի վեր պահէր էր. նոյնպէս այրիութեանը վերաբերեալ ամենայն բան առաջուց հոգացեր պատրաստեր ու մասնաւոր անտուկի մը մէջ գրեր ու պահէր էր: Աւստի գընաց ի սուրբն Յակոբ Առնպոստելա հանդիստ

մաղթելով իր ամուսնոյն հողւոյն համար, և ի յիշատակ հոն ձգեց այն ականակապ թագը զոր հարս եղած օրը գործածէր էր: Մնացած կեանքը առաքինական կրթութիւններով անցուց. ամեն օր երեսուն աղքատի ծառայելով հիւանդանոցի մը մէջ զոր իր սպալատին մօտ կառուցեր էր ի սպառիւ իւր սուրբ հօրաքրոջը և պաշտպանին, որուն կը ջանար նմանիլ իւր ողորմածութեամբը, խստակրօնութեամբն և հաւատարիմ պահպանութեամբ եկեղեցւոյ արարողութեանց: Շատ կ'ախորժէր ժամերգութիւններ և եկեղեցական երաժշտութիւններ. ուսմեն օր ներկայ կը գտնուէր երկու ձայնաւոր պատարագներու, որոնց առաջինն իւր ամուսնոյն հողւոյն համար էր: Մահուընէն տարի մը առաջ ուզեց դառնալ ի սուրբն Յակոբ Առնպոստելլա, բայց բոկոտն, գեղացիի զգեստով և բոլոր ձամբան իր հացը մուրալով. որպէս զի չըլլայ թէ ժողովրդէն ձանչցուելով՝ անհանգիստ ըլլայ: Վերջապէս 1336ին երբ իր որդին, Բորդոզալի թագաւորը, սպատերազմ հրատարակեց իւր փեսին Գասգիլիոյ թագաւորին դէմ, Եղիսաբեթ միտքը դրաւ՝ առանց իր հասակին նայելու՝ ամեն ջանքը բանեցընել և եօթն օրուան ձամբորդութիւն ընել զանոնք հաշտեցընելու համար: Այս վերջին յաղթութիւնն ալ վաստրկեցաւ. բայց ձամբորդութեան նեղութիւններն ու ամառուան տաքութիւնը զինքը գերեզմանին դուռը հասուցին: Մահուան առջի գիշերը քովիններուն դառնալով՝ «Տեսէ՛ք, ըսաւ, զսուրբ Աոյսն ճերմակ զգեստներով, որ կու գայ աւետելու ինձի իմ երջանակութիւնս»:

Յուլիսի ծին վախճանեցաւ : Իր մահու շուրճէն երեք
 հարիւր տարի ետքը, Աւրբանոս Ը քահանայա-
 պետը մեծ հանդիսով զինքը սրբոց կարգը ան-
 ցուց, և գեղեցիկ երգ մը յօրինեց ի սպառիւ նո-
 րա : Այսպէս երկու անգամ Եղիսաբեթի գե-
 ղեցիկ անուճը նուիրական եղաւ յերկինս և
 յերկրի . այն անուճը՝ զոր մենք ալ այնչափ ան-
 գամ յիշեցինք, և զոր քաղցը է մեզ նորէն յի-
 շատակելը :

Մարպուրկի եկեղեցւոյն և Եղիսաբեթի նշխարացն
անարգուելուն վրայ .

Լահն գետին քովերն եղող լեռներուն մէջ
բարձր տեղ մը կայ, որուն ծայրը Եղիսաբեթի
թուր Մարպուրկի հին բերդը կառուցեր է . ա-
նոր շրջակայքը քաղքին դռներն և պարտէզնե-
րը տարածուած է, ու այնչափ շէնքերուն մէջ
աչքի կը զարնէ ի պատիւ սրբոյն Եղիսաբեթի
շինուած եկեղեցին իւր բարձրութեամբը և եր-
կու գեղեցիկ աշտարակներովը : Մարպուրկ հաս-
նող հաւատացեալ ճանապարհորդ մը չմտածեր
տեսնել անոր մէջի ամփոփուած գանձերը, այլ
կը փնտռէ սրբուհւոյն Եղիսաբեթի յիշատակ-
ները, և որոնք ամեն տեղ իր աչքին առջևը
կ'երևն . վասն զի անոր անունը կը լսէ ամենուն
բերնէն, անոր անունն ամեն շէնքերու վրայ :
Ինչուան հիմա ըստ մասին պահուած է այն

վանքն ու հիւանդանոցը զորոնք ինքը կառոյց և ուր ինքը մեռաւ . ու կը ցուցնեն շէնք մը որուն համար աւանդութիւնը կը հաւատարմացնէ թէ հոն վերջի շունչը տուած ըլլայ Ազիսաբէթ : Այս այլ և այլ յիշատակաց մէջ հոչակագոյն է այն եկեղեցին որուն վրայ կ'ուզէնք քիչ մը երկնկեկ խօսիլ :

Ինչպէս որ ըսինք , այս եկեղեցին կառուցուած է Վահն գետին քով գեղեցիկ դիրք ունեցող երկրի մը վրայ . և ասոր համար ժողովրդեան բերանն այլ և այլ աւանդութիւններ կան : Ար զուրցեն թէ առաջ ինքն Ազիսաբէթ մտածած ըլլայ այս եկեղեցին կառուցանելը . բայց իր ընտրած տեղն էր մօտակայ ժայռ մը , որուն վրայ կ'ուզէր շինել եկեղեցին , ու քոյն ալ զանգակատուն մը , որուն զանգակաց ձայնը բոլոր Հունգարիոյ մէջ լուի . բայց այս վախճանիս հասնելու համար իր ըրած ամեն ջանքն ընդունայն եղաւ , նոյն իսկ հիմունքը ձգելն անկարելի . վասն զի բոլոր օրուան մէջ եղած աշխատանքը կը տեսնէին որ գիշերը կը փլէ՛ր : Աերջապէս ձանձրացած օր մը ժայռին վրայ ելաւ ու ձեռքը քար մը առնելով դէպի վար նետեց . և ուր կենալու որ ըլլայ , ըսաւ , այն քարը՝ հոն պիտի կառուցանեմ եկեղեցին . քարը դնաց կեցաւ այն տեղը ուր հիմայ շինուած է :

Գարձեալ կը սրտամեն թէ շինութեանը ժամանակ ստակները բաց սնտուկի մը մէջ դրուած էին , ուսկից ամեն գործաւոր կ'երթար իրեն համար պէտք եղած ստակը կ'ստանար , բայց թէ որ աւելի ստակ , ստակը գարձեալ ինքիւրմէ գիշերաթեն սնտուկը կը դառնար :

1235ին սուրբ Կուսին վերափոխման նախընթաց օրը, սրբուհւոյն՝ սրբոց կարգը անցնելէն քանի մը տարի ետքը այս եկեղեցւոյն հիմը դրուեցաւ, ու ամբողջ 20 տարի տեւեց հիմունքը ձգելը, ու քսան տարի ալ ինչուան վրան գոցելը. իսկ ներսի կողմի շինութիւնը չորեքտասաներորդ դարուն մէջ գլխաւորեցաւ: Եկեղեցւոյն երկայնութիւնը 230 ոտք է, իսկ լայնութիւնը 83. հիմունքը 43 ոտք խորութիւն ունի. բարձրութիւնը 70 ոտք. իսկ քովի երկու աշտարակներուն բարձրութիւնը 303 ոտք: Եւ թէպէտ հարիւր յիսուն տարիէն աւելի տեւեր է այս եկեղեցւոյն շինութիւնը, բայց անանկ միակերպութիւն ունի՝ որ կարծես թէ քիչ ժամանակի քանի մը մարդու աշխատանք է: Եկեղեցւոյն հիւսիսային կողմը մատուռ մը կայ, յորում կը հանգչի սրբուհւոյն Աղիսաբէթի ոսկերքը, և որ զարդարուած է գեղեցիկ պատկերներով ու արձաններով. հոն հանգչեցաւ սուրբը մինչև նորաղանգից ժամանակ:

1535ին, կիրակի օր մը, Հեսի Փիլիպպոս իշխանն որ Աղիսաբէթի ազգական էր, անոր ընծայուած եկեղեցւոյն մէջ առաջին անգամ, իրեն աղանդին պաշտօնը մատուցանել տուաւ: Հետը կային այլ և այլ իշխանազուն և գիտնական անձինք: Պաշտամանը լմննալէն ետքը, իրեն կանչել տուաւ Տեառնեան կարգին գլխաւոր հրամանատարը, ու անոր հետ մէկտեղ եկեղեցւոյն աւանդատունը մտաւ, ուր կը պահուէր Աղիսաբէթի մարմինն ամփոփող սնտուկը: Անութիւ բազմութիւն ժողովրդեան իրեն ետեւէն ներս մտան, երբ իշխանն ու իրեն բարեկամներն

աւանդատուն մտան, ասպետաց հրամանատարը դռները գոցել տուաւ, որպէս զի ժողովուրդը չկարենայ ներս մտնել: Երկրթէ վանդակը՝ ուրուն մէջ դրուած էր սնտուկը՝ կղպուած էր, և հրամանատարը չուզեց բանալ, ու բանալին հեռու տեղ մը նետեց. աւանդապահն ալ անկարելի կը ցուցնէր ներս մտնելը: Ան ատենն իշխանը բռնութեամբ բանալ տուաւ դուռը, ու գտնելով սրբուհոյն Եղիսաբէթի ոսկրները, քովը կեցող հազարապետին տուաւ որ իր բերդը տանի: Ետքը անոր մարմինն ամփոփող սրնտուկէն կտոր մը կտտրեց, կարծելով թէ ոսկի է. բայց երբ ոսկերիչը անոր պղինձ ըլլալն իմացուց, «Տէս, ըսաւ իշխանն, թէ ինչպէս քահանայք զժողովուրդը կը խաբեն. պղնձէ շինել տուեր են այդ սնտուկը, ու բոլոր ոսկին իրենց պահեր են»: Տեսնելով որ սրբուհոյն գլուխը պակաս է, իշխանը ստիպեց զհրամանատարը որ աւանդատան մէջի ծածուկ դարանը բանալ տայ. բացաւ ու հոն գտաւ Եղիսաբէթի գլուխը, անոր պսակը և այն ոսկի սկիհը զոր սուրբ մարմնոյն փոխադրութեան օրն իրեն ընծայեր էր Փրեդերիկոս կայսրը: Փիլիպպոս այս ամեն ծանրագին նիւթերը իր բերդը տանել տուաւ, ու անկէ ետքը ոչ ոք տեսաւ զանոնք: Ահաւասիկ այսպիսի մարդ մը՝ համարձակեցան նորազանգք Փիլիպպոս Մեծանձն կոչելու:

Նոյն 1539 տարւոյն մէջ Փիլիպպոս հրաման ընդունեցաւ Լուտերէնն ու Վիդդէնպէրկի մէջ ժողովուած ուրիշ եօթը նորազանգ վարդապետներէն՝ նորէն կարգուելու, թէպէտե դեռ կենդանի էր իր առջի կինն, ուսկից շատ զաւկրներ ալ ունեցեր էր:

Արքուհւոյն ոսկերքը իր եկեղեցւոյն մէջ անպաճոյճ՝ քարի մը տակ դրուեցան, անծանօթ տեղ մը, որոնց ուր ըլլալը միայն Փիլիպպոս իշխանն ու իր երկու հաւատարիմ բարեկամները գիտէին: 1646ին սրտաճառելով թէ սրտերագմաց ատենը կրնայ գողցուիլ անոր սրտուական մատուկը, տէրութեան բերդ մը փոխադրել տրւաւ. ինչուան որ Աարոլոս Ե կայսեր հրամանովը ստիպուեցաւ դարձեալ արքուհւոյն եկեղեցին դարձնել անոր ոսկերքը: Անկէց իւր պատուական մատուկը ցրուեցան. գլխոյն գանկը Գաղղիա տարուեցաւ, ու մէկ մասը ինչուան հարաւային Ամերիկայի Պոկոդա քաղաքը: Բազկին մէկը Հունդարիա ղրկուեցաւ. իսկ մէկալ մատուկն գեռ ասդին անդին այլ և այլ քաղաքաց մէջ կը տեսնուին. ինչպէս Հանովը, Վիեննա, Գոլոնիա և մանաւանդ ի Պրեզլաւ. հոն է նաև այն սև գաւազանը զոր գործածեց Վարդապուրկէն վաճառուած ժամանակը: Առաջ յիշատակեցինք թէ Լըֆուրդին մէջ էր իր գաւաթը, հարսանեաց զգեստը յԱնտէլոս, ի Պրատենֆելը իւր հարսնախօսութեան մատանին, ժամագիրքը, սեղանատախտակը ու յարգեաց աթոռը. Գոնկեոն քաղաքին մէջ ալ կը ցուցնեն իր քողը, ու Գոպլէնց՝ արիւնազանգ շապիկը:

Իսկ ի Մարպուրկ իրեն նշխարներէն մաս մ'այլ մնացած չէ, միայն մեծ կապերտ մը կը ցուցնեն, որուն համար կ'աւանդեն թէ ինքը բանած ըլլայ, և որուն վրայ նկարուած է անառակ որդւոյն պատմութիւնը: Իսկ իր սնտուկն որ 300 տարիէ ի վեր պարսպ մնացեր է, 1814ին

Մարպուրկ տարուեցաւ ու եկեղեցւոյն աւանդատանը մէջ դրուեցաւ. և այն փառաւոր եկեղեցին որ իր յիշատակին նուիրուած էր, 1539էն ի վեր այնպիսեաց ձեռքը խնայով որոնք սրբոց բարեխօսութիւնը կուսպաշտութիւն կը սեպեն, ալ անկէ ետքը հասարակաց մեծարանաց նշան մը չընդունեցաւ:

Այսպէս ուրեմն անիկայ որ այնչափ սիրելի էր երկնից և երկրի, չունեցաւ ուրիշ սրբոց բազմութիւն, որոնց մարմինն ինչուան մեր օրերը հաւատացեալ ժողովրդոց մէջ մնացին ասպաղայ սերնդոց մեծարանօքը և սիրով այն խորաններուն հովանւոյն տակ՝ ուր ամեն օր սուրբ պատարագին անարատ զոհը կը մատուցուի: Այլ ընդ հաւատակն այն աշխարհը՝ ուր կը բնակէր հրեշտակաց քոյրը Աղիսաբէթ, մասնեց իր հաւատքը, ու այն ժողովուրդը զոր այնչափ սիրեց մըխութարեց և սիրփեց, չճանչցաւ և ուրացաւ իր զօրաւոր պաշտպանութիւնը: Գուրխնիկա ուր ասրեցաւ իբրև օրիորդ մը և հարս մը, Հես ուր իր այրիութեան տարիներն անցուց, երկուքն ալ ուրացան ուղղափառութիւնը: Լուտերի ազանդը աւրեց ու ասպականեց բոլոր Վարդպուրկի բերդին մէջի Աղիսաբէթի սուրբ յիշատակները, անոր բարեպաշտ մանկութեան ու պատանեկութեան հասակին տեղուանքը. և այն ամուսնական սիրոյն՝ յորում անհամեմատ փայլեցաւ իր գործովը և սրբութեամբը: Այն ընդարձակ աշխարհին մէջ, որ հանդիսարան մ'եղաւ իր անխոնջ սիրոյն, ճանապարհորդը փուճ տեղը կը փնտռէ եկեղեցի մը կամ ուղղափառի տնակ մը: Աոյն իսկ Այգէնախի մէջ՝ ուր Աղի-

սարեթ այնչափ սքանչելի կերպով Քրիստոսի սիրոյն և չարչարանաց յիշատակը նորոգեց, չկայ ուղղափառ մը որ իր բարեխօսութիւնը խնդրէ, չկայ խորան մը և ոչ սուրբ քար մը, որուն վրայ կարենայ ծնկան վրայ դալ բարեպաշտ ուխտաւոր մը մեծարելու իրեն քաղցր անունը և օրհնութիւնը հայցելու: Վերջապէս այն քաղաքը ուր մեռաւ և ուր բիւրաւոր մարդիկ դիմեցին երկրպագելու անոր ոսկերացը, և ուր մաշած քարերն անոնց հաւատքը կը ցուցնեն, հոն ալ իր վարքը իբրև պարզ պատմութիւն մը կ'աւանդուի. և գտնուող սակաւածիւ ուղղափառները և ոչ թիւ պատարագ մը ունին անոր տօնախմբութեան օրը: Իրեն գերեզմանն ալ մեծարուած չէ, և մինչև իր ազգականներուն մէջ գտնուեցաւ մէկը որ նախատելով հանեց իր սկորները:

Ուղղափառ մը չկրնար զինքը ուրիշ կերպով մեծարել բայց եթէ իր անունը փառաւորելով և իր սիրոյն և յարգանացը նշանակը անոր մատուցանելով: Անուշտ այսպէս կը հասկընար այն խոնարհ կրօնաւորը զոր ցաւօք վերջին անգամ մ'ալ կը յիշենք, երբոր եօթնևտասներորդ դարուն մէջ կը զուրցէր. «Երբոր սրբուհոյն Աղիսարեթի գեղեցիկ եկեղեցին և իր հարուստ շիրիմը կը տեսնեմ, սիրտս տակն ու վրայ կ'ըլլայ, երբ կը նկատեմ զանոնք լուսերականաց ձեռք ինկած, և իրենց նախկին պայծառութենէն մերկացած: Այս բանիս վրայ շատ անգամ գանգատեր եմ աստուծոյ, և ձեռքէս եկածին չափ Աղիսարեթէն խնդրած որ զայս կարգի մը դնէ: Բայց ո՞վ փառաւորեալ

սրբուհիդ աստուծոյ, մանաւանդ անոր համար որ ուղղափառ չեղողները զքեզ չեն մեծարեր, պէտք է որ մենք ուղղափառքս կրկնապատկենք մեր յարգանքը, ու աւելի եռանդեամբ քու բարեխօսութեանդ դիմենք. և ուրախանանք յիշելով թէ աստուած քու մանկութեանդ հասակէն հեռացուց զքեզ ի Հունգարիոյ, որպէս զի պարգևէ Գերմանիոյ իբրև ընտիր և պատուական ակունք» :

Սակայն նոյն իսկ այն երկիրները՝ որոնք մոռցան կամ ուրացան Եղիսաբէթի փառքը, քաղցր և սիրելազոյն յիշատակ մը կայ. այն կողմերը պղտի ծաղիկ մը կը բուսնի, իրեն պէս խոնարհ և պարկեշտ, և կը կոչուի ճաղիկ Եղիսաբէթի. ամեն անգամ որ արևը կը մտնէ՝ այս ծաղիկը կը գոցուի, ինչպէս որ Եղիսաբէթի սիրան ալ գոց էր այն ամեն բաներուն որոնց մէջ լուսոյ և շնորհաց ձառագայթը կը պակսէր :

Երանի մեզի եթէ հաճոյական ըլլայ իրեն մեր ջանքը, ինչպէս որ հաճոյ էր ուղղափառ գիւղականաց բարեպաշտ սերն ու մեծարանքը, երբ որ իրենց սիրական ծաղկին իրեն սիրելի անունը կու տային :

Թոյլ տուր ուրեմն մեզի, ո՛վ երջանիկ սրբուհիդ, որ մեր խօսքերը չմնացուցած վերջին անգամ մ'այլ դարձնենք մեր ձայնն և սիրան առքեզ. որ այնչափ քեզի բարեպաշտ սրտերու հետ կը համարձակինք կոչել զքեզ մեր սիրելի Եղիսաբէթը : Ո՛վ սիրեցեալդ ի Քրիստոսէ, եզեր բարեկամ մեր հողւոյն, և շնորհէ մեզի որ կարենանք քու բարեկամիդ բարեկամ ըլլալ : Գար

ձուր երկնքէն աչքդ մեր վրայ, այն դժած աչուրներդ որովք յերկրի կը բժշկէիր ամենէն աւելի դժնդակ մարդկային հիւանդութիւնները: Եկած ենք մենք ալ խաւարեալ ու ցուրտ դարու մը մէջ լուսաւորուելու քու սուրբ լուսովդ և ջերմանալու սիրոյդ կրակովը, և դու զմեզ ընդունեցար, և յօժարութեամբ չնորհեցիր մեր սրտին քու խաղաղութիւնդ: Օրհնեալ ըլլաս այն պատուական արտասուացը համար զոր թափեցինք պատմելով քու քաջած նեղութիւններդ ու համբերութիւնդ, քու սէրդ և հրեշտակային պարզութիւնդ. օրհնեալ ըլլաս երբ մեր աշխատանացը մէջ զմեզ կը պաշտպանէիր և երբ մեր տխուր օրերուն մէջ քու սուրբ դէմքովդ և յիշատակաւդ զմեզ կը սփոփէիր: Օրհնեալ ըլլայ յաւիտեան քու սուրբ անունդ, և օրհնէ զիս ալ որ քու վարուցդ հրաշալի պատմութիւնը շարագրեցի:

Պատասխանի ետ Բխտու և սակ. Գոնանաւ գրեկ, Հայր, Տէր երկնի և երկրի. զի ծածկեցիր զայս յիմաստնոց և ի գիտնոց, և յայտնեցիր տղայոց:

18 յուլի 1836.



Յ Ա Ն Կ Գ Լ Խ Ո Յ

ՅԱՌԱՋԱՐԱՆ	5
Ա. Ծնունդ սրբուհւոյն Եղիսաբեթի	9
Բ. Մանուկ Եղիսաբեթի սէրն առ Աստուած	19
Գ. Վիշաք սրբուհւոյն Եղիսաբեթի	27
Դ. Եղիսաբեթ՝ հարսն կ'ընծայուի Լուղովիկոսի	35
Ե. Գուքսն Լուղովիկոս	43
Զ. Լուղովիկոս և Եղիսաբեթ՝ սուրբ ամուսինք	53
Է. Ճգնութիւնք սրբուհւոյն Եղիսաբեթի	59
Ը. Աղքատսիրութիւն սրբուհւոյն Եղիսաբեթի	69
Թ. Սրբուհւոյն Եղիսաբեթի կարգէ դուրս ջերմե- ռանդութիւնը և խոնարհութիւնը	83
Ժ. Ինչպէս սրբուհին Եղիսաբեթ ճանչցուեցաւ և սիրուեցաւ երևելի սուրբ Փրանկիսկոսէն, և ինչպէս ունեցաւ իբրև տեսուչ զԳոնդրատոս Մարպուրիցի	93
ԺԱ. Ինչպէս աստուած յայանեց իւր շնորհքները սրբ- բուհւոյն Եղիսաբեթի	111
ԺԲ. Ինչպէս բարետիրոս Լուղովիկոս դուքսը կը պաշտ- պանէր իւր աղքատ Ժողովուրդը	123
ԺԳ. Գուրինկիոյ սուկալի սովը, և սրբուհի Եղիսաբե- թին մեծ ողորմածութիւնը	131
ԺԴ. Լուղովիկոս դքսին իւր կնոջը քով դատնալը	143
ԺԵ. Լուղովիկոս դքսին խաչակրութեան երթալը, և	

- մեծ ցաւով բաժնուիր իւր բարեկամներէն ,
ընտանիքէն և մանաւանդ սրբուհւոյն Եղի-
սաբեթէն 153
- ԺԶ. Ինչպէս յուզովիկոս զուքսը սուրբ երկիր երթա-
լու Քամանակ ճամբան վախճանեցաւ . . . 175
- ԺԷ. Ինչպէս սրբուհին Եղիսաբեթ մեծ արամութիւն
և ցաւով իւր ամուսնոյն մահը խնայաւ . . . 183
- ԺԸ. Ինչպէս սրբուհին Եղիսաբեթ իւր փոքրիկ աղո-
ցը հետ կ'աքսորուի իր բերդէն , և վերջի աս-
տիճանի հիգութեան մէջ կ'իյնայ . և փոխա-
նակ բարեաց՝ ապերախտութիւն ու չարու-
թիւն կ'ընդունի իր սաշտանակալներէն . . . 189
- ԺԹ. Ինչպէս բարերարն Յիսուս մտիթարեց զսրբու-
հին Եղիսաբեթ իւր հիգութեանը և ամենէն
երեսէ ձգուած ատենը . և ինչպէս ամենատի-
րելի կոյսն Մարիամ եկաւ զօրացնելու զԵ-
ղիսաբեթ 203
- Ի. Ինչպէս սրբուհին Եղիսաբեթ չուզեց կրկին ան-
գամ ամուսնանալ , և ինչպէս իւր հարսա-
նեաց զգեստը Քրիստոսի իր նոր փեսային
նուիրեց 223
- ԻԱ. Ինչպէս սրբուհին Եղիսաբեթ իւր սիրելի ամուս-
նոյն օսկերքն ընդունեցաւ , և ինչպէս թաղե-
ցին ի Բենհարցարիւն 233
- ԻԲ. Ինչպէս զուրինկիացի ասպեաները յանգիմանե-
ցին հենրիկոս դքսին չարութիւնը , և ինչ կեր-
պով հատուցումն ըրին Եղիսաբեթ իշխանու-
հւոյն 243
- ԻԳ. Ինչպէս սրբուհին Եղիսաբեթ ընդունայն աշ-
խարհէս հրաժարելով՝ առանձնացաւ ի Վարդ-
պուրի , և սրբոյն Փրանկիսկոսի աստիզացւոյն
կրօնքին զգեստը հագաւ 251
- ԻԴ. Եղիսաբեթին աղքատ կեանքը , և իրեն ցուցած
խոնարհութիւնն ու գթութիւնն առ ամենայն
մարդիկ 265

- ԻԵ. Ի՞նչպէս սրբուհին Եղիսարեթ չուղեց նորէն իւր
 հօրն արբուսնիքը գաւնալ, որպէս զի աւելի
 ապահով կերպով կարենայ մանկէլ յերկինս. 285
- ԻԶ. Ի՞նչպէս սրբուհին Եղիսարեթ աղքատաց բաժնեց
 իւր ամենայն օժիտը 291
- ԻԷ. Ի՞նչպէս սրբուհին Եղիսարեթ կը սորվէր Գանրատ
 վարդապետէն ամեն բանի մէջ խորտակել
 իւր կամքը 299
- ԻԸ. Ի՞նչպէս աստուած յայտնեց իր մեծ կարողու-
 թիւնն ու ողորմութիւնը սրբուհւոյն Եղիսա-
 րեթի միջնորդութեամբը, և անոր աղօթիցը
 հրաշալի զօրութեամբը 315
- ԻԹ. Սրբուհւոյն Եղիսարեթի մահը 339
1. Սրբուհւոյն Եղիսարեթի թաղումը 349
- 1Ա. Սրբուհւոյն Եղիսարեթի գործած հրաշները, և
 Գանրատ դքսին զինքը սրբացնելու համար ը-
 բած ջանքը 357
- 1Բ. Սրբուհւոյն Եղիսարեթի սրբացուցումը, և իրեն
 նուիրական նշխարաց Գերմանիոյ մէջ տարա-
 ծուիլը 377
- 1Գ. Սրբուհւոյն Եղիսարեթի որդւոցը, ծնողացն ու
 իր ցեղէն եւրոս սրբոցը վրայ մեկ երկու խօսք. 401
- 1Դ. Մարգուրիի եկեղեցւոյն և Եղիսարեթի նշխարացն
 անարդուելուն վրայ 429



